







Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.16









Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.16





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.16





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di  
Firenze.  
Ald.3.2.16


Ab. 3/2



*Ex Libris Joannis Nencini*  
*1874*



X 85





M. T. C. DE NATVRA DEORVM

AD MARCVM BRVTVM

LIBER PRIMVS.

¶ Vm multæ res in philosophia nequa-  
quam satis adhuc explicatæ sunt: tum  
perdifficilis Brute, quod tu minime  
ignoras, & perobscura quæstio est de  
natura deorum: quæ & ad agnitio-  
nem animi pulcherrima est: & ad  
moderandam religionem necessaria. de qua tam ua-  
riæ sunt doctissimorum hominum, tamq; discrepan-  
tes sententiæ: ut magno argumento esse debeat, cau-  
sam, idest principium philosophiæ, esse scientiam:  
prudenterq; Academicos a rebus incertis assensionem  
cohibuisse. quid est enim temeritate fortius? aut quid  
tam temerarium? tamq; indignum sapientis graui-  
tate, atq; constantia? q̃ aut falsum sentire? aut quod  
non satis explorate perceptum sit, & cognitum: sine  
ulla dubitatione defendere? uelut in hac quæstione,  
pleriq; quod maxime uerisimile est: & quo omnes  
duce natura uehimur: deos esse dixerunt. dubitare se  
Protagoras: nullos esse omnino Diagoras Melius, &  
Theodorus Cyrenaicus putauerunt. qui uero deos esse  
dixerunt, tanta sunt in uarietate, ac dissensione con-  
stituti: ut eorum molestum sit annumerare sententias.  
nam & de figuris deorum, & de locis, atq; sedibus,  
& actione uitæ multa dicuntur: deq; his summa phi-  
losophorum dissensione certatur. quod uero maxime  
rem, causamq; continet, est: utrum nihil agant: nihil

a ii





## DE NATURA DEORVM

moliantur : an ab omni curatione , & administra-  
 tione rerum uacent : an contra ab his , & à prin-  
 cipio omnia facta , & constituta sint : & ad infini-  
 tum tempus regantur : atque moveantur . imprimisq;  
 magna dissensio est : eaq; nisi diiudicatur , in summo  
 errore necesse est homines , atq; in maximarum re-  
 rum ignoratione uersari . Sunt enim philosophi , &  
 fuerunt : qui omnino nullam habere censerent hu-  
 manarum rerum procurationem deos . quorum si ue-  
 ra sententia est : quæ potest esse pietas ? quæ sanctitas ?  
 quæ religio ? hæc enim omnia pure , ac caste tribuen-  
 da deorum numini ita sunt : si animaduertuntur ab  
 his : & si est aliquid à dijs immortalibus hominum  
 generi tributum . sin autem dij neq; possunt nos iun-  
 gere : nec uolunt : nec curant omnino : nec quid aga-  
 mus animaduertunt : nec est quod ab his ad homi-  
 num uitam permanare possit : quid est , quod ullos  
 dijs immortalibus cultus , honores , preces adhibea-  
 mus ? in specie autem fictæ simulationis , sicut reliquæ  
 uirtutes , ita pietas inesse non potest : cum qua simul &  
 sanctitatem , & religionem tolli necesse est . quibus  
 sublati , perturbatio uitæ sequitur , & magna confu-  
 sio . atq; haud scio an pietate aduersus deos sublata ,  
 fides etiam , & societas humani generis , & una ex-  
 cellentissima uirtus iustitia tollatur . Sunt autem alij  
 philosophi : & hi quidem magni , atq; nobiles : qui  
 deorum mente , atq; ratione omnem mundum admi-  
 nistrari & regi censeant . neq; uero id solum , sed  
 etiam ab ijsdem uitæ hominum consuli , & proui-  
 deri . nam & fruges , & reliqua , quæ terra pa-  
 riat , & tempestates , ac temporum uarietates , cæ-  
 liq;



liq; mutationes, quibus omnia quæ terra gignat, maturata pubescant, à dijs immortalibus tribui generi humano putant: multaq; quæ dicuntur in his libris, colligunt: quæ talia sunt: ut ea ipsa dij immortales ad usum hominum fabricati penè uideantur. contra quos Carneades ita multa disseruit: ut excitaret homines non secordes ad ueri inuestigandi cupiditatem. res enim nulla est: de qua tantopere non solum docti, sed etiam indocti dissentiant. quorum opinionones cum tam uariæ sint, tamq; inter se dissidentes: alterum fieri profecto potest: ut earum nulla: alterum certe non potest: ut plus una uera sit. Qua quidem in causa & beniuolos obiurgatores placare, & inuidos uituperatores confutare possumus: ut alteros reprehendisse poeniteat: alteri se didicisse gaudeant. nam qui admonent, amice docendi sunt: qui inimice insectantur, repellendi. Multum autem fluxisse uideo de libris nostris, quos complures breui tempore edidimus: uariumq; sermonem, partim admirantium, unde hoc philosophandi nobis subito studium extitisset: partim quid quaq; de re certi haberemus scire cupientium. multis etiam sensi mirabile uideri, eam nobis potissimum probatam esse philosophiam: quæ lucem eriperet: & quasi noctem quandam rebus offunderet: desertæq; disciplinæ, & iampridem relictae patrocinium nec opinatum à nobis esse susceptum. Nos autem nec subito cepimus philosophari: nec mediocrem à primo tempore ætatis in eo studio operam, curamq; consumpsimus: & cum minime uidebamur: tum maxime philosophabamur. quod & orationes declarant refertæ philosophorum



#### 4 DE NATURA DEORVM

sententijs : & doctissimorum hominum familiaritates : quibus semper domus nostra floruit : & principes illi Diodorus, Philo, Antiochus, Possidonius : a quibus instituti sumus . Et si omnia philosophiae praecepta referuntur ad uitam : arbitramur nos , & publicis , & priuatis in rebus ea praestitisse : quae ratio & doctrina praescripserit . sin autem quis requirit quae causa nos impulerit , ut haec tam sero litteris mandarem : nihil est quod expedire tam facile possumus . nam cum otio langueremus : & is esset reipstatus : ut eam unius consilio , atq; cura gubernari necesse esset : primum ipsius reip. causa philosophiam nostris hominibus explicandam putavi : magni existimans interesse ad decus & laudem ciuitatis res tam graues tamq; praeclaras latinis etiam litteris contineri . eoq; me minus instituti mei poenitet : quod facile sentio , quam multorum non modo discendi , sed etiam scribendi studia commouerim . complures enim graecis institutionibus eruditi , ea quae didicerant , cum ciuibus suis communicare non poterant : q; illa , quae a graecis accepissent , latine dici posse diffiderent . quo in genere tantum profecisse uidemur : ut a graecis ne uerborum quidem copia uinceremur . Hortata est etiam ut me ad haec conferrem animi aegritudo fortunae magna , & graui commota iniuria . cui si maiorem aliquam leuationem reperire potuissem : non ad hanc potissimum confugissem . ea uero ipsa nulla ratione melius frui potui : q; si me non modo ad legendos libros , sed etiam ad totam philosophiam pertractandam dedissem . omnes autem eius partes , atq; omnia membra tum facillime noscuntur : cum totae quaestiones

nes



## LIBER PRIMVS.

5

nes scribendo explicantur. est enim admirabilis quædam continuatio, seriesq; rerum: ut alia ex alia nexa, & omnes inter se aptæ, colligatæq; uideantur. Qui autem requirunt qd quaq; de re ipsi sentiamus, curiosius id faciunt, quam necesse est. non enim tam authores in disputando, q̃ rationis momenta quærenda sunt. quin etiam obest plerunq; ijs, qui discere uolunt, authoritas eorum, qui se docere profitentur. desinunt enim suum iudicium adhibere: id habent ratum, quod ab eo, quem probant, iudicatum uident. nec uero probare soleo id, quod de Pythagoricis accepimus: quos ferunt, si quid affirmarent in disputando: cum ex his quæreretur, quare ita esset: respondere solitos: ipse dixit. ipse autem erat Pythagoras. tantum opinio præiudicata poterat: ut etiam sine ratione ualeret authoritas. Qui autem mirantur nos hanc potissimum disciplinam secutos: his quatuor academicis libris satis responsum uidetur. nec uero desertarum, relictarumq; rerum patrocinium suscepimus: non enim hominum interitu scientiæ quoq; occidunt: sed lucem authoris fortasse desiderant: ut hæc in philosophia ratio contra omnia differendi, nullamq; rem aperte iudicandi, profecta a Socrate, repetita ab Arcesila, confirmata a Carneade, usq; ad nostram uiguit ætatem: quam nunc propemodum orbam esse in ipsa græcia intelligo. quod non academæ uitio, sed tarditate hominum arbitror contigisse. nam si singulas disciplinas percipere magnum est: quanto magis omnes? quod facere ijs necesse est: quibus propositum est, ueri reperiendi causa, & contra omnes philosophos, & pro omnibus dicere. cuius rei tantæ, tamq; difficilis

• iiii



facultatem consecutum esse me non profiteor: secutum esse præ me fero. Nec tamen fieri potest: ut qui hac ratione philosophentur: hi nihil habeant quod sequantur. dictum est hac de re alio loco diligentius: sed quia nimis indociles quidam, tardiq; sunt: admonendi videntur sæpius. non enim sumus ij, quibus nihil verum esse uideatur: sed ij, qui omnibus ueris falsa quedam adiuncta esse dicamus, tanta similitudine: ut in ijs nulla insit certa iudicandi, & assentiendi nota. ex quo existit & illud, multa esse probabilia: quæ quanquam non perciperentur: tamen quia uisum haberent quendam insignem, & illustrem: his sapientis uita regeretur. Sed iam, ut omni me inuidia liberem, ponam in medio sententias philosophorum de natura deorum. quo quidem loco conuocandi omnes videntur: qui, quæ sit earum uera, iudicent. tum demum mihi prociæ Academia uidebitur: si aut consenserint omnes: aut erit inuentus aliquis: qui quid uerum sit inuenerit. Itaq; mihi libet exclamare, ut Statius in synephebis:

- » Pro deum, popularium omnium adolescentium
- » Clamo, postulo, obsecro, oro, ploro, atq; imploro fidem. non leuissima de re, ut queritur ille, fieri in ciuitate facinora capitalia.
- » Ab amico amante argentū accipere meretrix nō uult. sed ut adsint: cognoscant: animaduertant, quid de religione, pietate, sanctitate, cerimonijs, fide, iure iurando, quid de templis, delubris, sacrificijsq; solennibus, quid de ipsis auspicijs, quibus nos præsumus, existimandū sit. hæc enim omnia ad hanc de dijs immortalibus quæstionem referenda sunt. Profecto eos ipsos



## LIBER PRIMVS.

ipsos qui se aliquid certi habere arbitrantur: addu-  
 bitare coget doctissimorum hominum de maxima re  
 tanta dissensio. Quod cum sæpe aliàs, tum maxime  
 animaduerti, cum apud C. Cottam familiarem meum  
 accurate sanè, & diligenter de dijs immortalibus di-  
 sputatum sit. Nam cum ferijs latinis ad eum  
 ipsius rogatu, acersituq; uenissim: offendi eum seden-  
 tem in exedra: & cum C. Velleio senatore dispu-  
 tan-  
 tem: ad quem tum Epicuri primas ex nostris homi-  
 nibus deferebant. aderat etiam Q. Lucilius Bal-  
 bus: qui tantos progressus habebat in Stoicis: ut cum  
 excellentibus in eo genere græcis cõpararetur. tum ut  
 me Cotta uidit: peropportune inquit uenis. oritur enim  
 mihi magna de re altercatio cum Velleio: cui pro tuo  
 studio non est alienum te interesse. Atqui mihi  
 quoq; uideor inquam uenisse, ut dicis, opportune: tres  
 enim trium disciplinarũ principes conuenisus. M. enim  
 Piso si adesset: nullius philosophiæ, earum quidem,  
 quæ in honore sunt, uacaret locus. Tum Cotta, si  
 inquit liber Antiochi nostri, qui ab eo nuper ad Bal-  
 bum missus est, uera loquitur: nihil est q̃ Pisonem  
 familiarem tuum desideres. Antiocho enim stoici cum  
 peripateticis re consentire uidentur: uerbis discrepa-  
 re. quo de libro uelim scire Balbe quid sentias. Ego  
 ne? inquit ille. miror Antiochum hominem imprimis  
 acutum non uidisse: intere se plurimum inter Stoicos,  
 qui honesta a commodis non nomine, sed genere to-  
 to distingerent: & peripateticos, qui honesta commi-  
 sserent commodis: ut ea inter se magnitudine, & quasi  
 gradibus, non genere differrent. hæc enim est non  
 uerborum parua, sed rerum permagna dissensio. ue-



## 8 DE NATURA DEORVM

tum hæc aliàs . nunc quod cæpimus , si uidetur .

Mihi uero inquit Cotta uidetur . sed ut hic , qui in-  
teruenit , me intuens , ne ignoret quæ res agatur , de  
natura agebamus deorum . quæ cum mihi uideretur  
perobscura : ut semper uideri solet : Epicuri ex Velleio  
sciscitabar sententiam . quamobrem inquit Vellei ,  
nisi molestum est : repete quæ cæperas . Repetam  
uero : quanquam non mihi sed tibi hic uenit adiutor :  
ambo enim inquit arridens , ab eodem Philone nihil  
scire didicistis . Tum ego , quid didicerimus , Cotta  
uiderit : tu autem nolo existimes me adiutorem huic  
uenisse , sed auditorem , & quidem æquum , libero  
iudicio , nulla eiusmodi astrictum necessitate , ut mihi  
uelim , nolim , sit certa quædam tuenda sententia .

Tum Velleius fidenter sane , ut solent isti , nihil  
tam uerens , quàm ne dubitare aliqua de re uideretur :  
tandem modo ex deorum concilio , & ex Epicuri  
intermundijs descendisset : audite inquit non commentitias ,  
fuitilesq; sententias , non opificem , ædificatoremq;  
mundi Platonis de timæo deum , nec animum fatidicam  
stoicorum *πρωόν* , quam latine licet prouidentiam dicere ,  
neq; uero mundum ipsum animo & sensibus præditum ,  
rotundum , ardentem , uolubilem deum , portenta &  
miracula non differentium philosophorum , sed somniantium .  
quibus enim oculis intueri potuit uester Plato fabricam  
illam tanti operis ? qua consrui a deo , atq; ædificari  
mundum facit . quæ molitio ? quæ ferramenta ? qui uestes ?  
quæ machinæ ? qui ministri tanti muneris fuerunt ?  
quemadmodum autem obedire , & parere uoluntati  
architecti , ær , ignis , aqua , terra potuerunt ? unde uero



## LIBER PRIMVS.

ortæ illæ quinq; formæ? ex quibus reliquæ forman-  
 tur, apte cadentes ad animum efficiendum, parien-  
 dosq; sensus? longum est iter ad omnia. quæ talia sunt:  
 ut optata magis, quàm inuenta uideantur. sed illa  
 palmaris quidem: quod qui non modo natum mun-  
 dum introduxerit: sed etiam manu pene factum: is  
 eum dixerit fore sempiternum. hunc censes primis,  
 ut dicitur, labris gustasse physiologiam, idest naturæ  
 rationem? qui quicquam, quod ortum sit, putet æter-  
 num esse posse. quæ est enim coagmentatio non disso-  
 lubilis? aut quid est, cuius principium aliquod sit:  
 nihil sit extremum? Pronoë uero si uestra est Lucili  
 eadem: requiro quæ pauloante: ministros, machinas,  
 omnem totius orbis designationem, atq; apparatus:  
 sin alia est: cur mortalem fecerit mundum, non  
 quemadmodum platonius deus, sempiternum? ab  
 utroq; autem sciscitor: cur mundi ædificatores repen-  
 te extiterint? innumerabilia ante secula dormuerint?  
 non enim si mundus nullus erat: secula non erant.  
 secula nunc dico, non ea, quæ dierum noctiumq;  
 numero annuis cursibus conficiuntur: nam fateor ea  
 sine mundi conuersione effici non potuisse. sed fuit  
 quædam ab infinito tempore æternitas: quam nulla  
 temporū circumscripctio metiebatur: spatio tamen qua-  
 lis ea fuerit intelligi non potest: quod ne in cogita-  
 tionem quidem cadit: ut fuerit tempus aliquod: nul-  
 lum cum tempus esset. isto igitur tam immenso spa-  
 tio quæro Balbe cur Pronoë uestra cessauerit? labo-  
 rem ne fugiebat? at iste nec attingit deum: nec erat  
 ullus: cum omnes naturæ numini diuino, cælum, ignes,  
 terræ, maria parerent. quid autem erat, quod con-



cupisceret deus mundum signis, & luminibus, tanquam ædilis ornare? si ut deus ipse melius habitaret: antea uidelicet tempore infinito in tenebris tanquam in gurgustio habitauerit: post autem \* uarietate ne eum delectari putamus: qua cælum & terras exornatas uidemus? quæ ista potest esse oblectatio deo? quæ si esset: non ea tandiu carere potuisset. An hæc ut ferè dicitis, hominum causa à deo constituta sunt? sapientum ne? propter paucos ergo tanta est facta rerum molitio. an stultorum? at primum causa non fuit, cur de improbis bene mereretur. deinde quid est affectus: cum omnes stulti sint sine dubio miserissimi: maximo quod stulti sunt: miseriorum enim stultitia quid possumus dicere? deinde quod ita multa sunt incommoda in uita: ut ea sapientes commodorum compensatione leniant: stulti nec uitare uenientia possint: nec ferre præsentia. Qui uero mundum ipsum animantem, sapientemque esse dixerunt, nullo modo uiderunt animi naturam, intelligentes in quam figuram cadere posset: de quo dicam paulopost. nunc autem hæcenus admirabor eorum tarditatem: qui animantem, immortalem, & eundem beatum, & rotundum esse uelint: quod ea forma ullam neget esse pulchriorem Plato. At mihi uel chylindri, uel quadrati, uel coni, uel pyramidis uidetur esse formosior. Quæ uero uita attribuitur isti rotundo deo? nempe ut ea celeritate contorqueatur: cui par nulla, ne cogitari quidem possit. in qua non uideo ubi nam mens constans, & uita beata possit insistere: quodque in nostro corpore si minima ex parte significetur, molestum sit: cur hoc idem non habeatur molestum in deo. terra



enim profecto quoniam pars mundi est, pars est etiam dei. atqui terræ maximas regiones inhabitabiles, atque incultas uidemus: quod pars earum appulsu solis exarsit: pars obriguerit niue, pruinaque, longinquo solis abscessu. quæ, si mundus est deus: quoniam partes mundi sunt: dei membra partim ardentia, partim refrigerata dicenda sunt. Atque hæc quidem uestra Lucii. qualia uero sint, ab ultimo repetam, superiorum. Thales milesius, qui primus de talibus rebus quæsiuit: aquam dixit esse initium rerum. deum autem eam mentem: quæ ex aqua cuncta fingeret. Si dii possunt esse sine sensu et mente: cur aquæ adiunxit? si ipsa mens constare potest uacans corpore: \* Anaximandri autem opinio est natiuos esse deos: longis intervallis orientes, occidentesque: eosque innumera- biles esse mundos. sed nos nisi deum sempiternum intelligere qui possumus? Post Anaximenes aëra deum statuit: eumque gigni: esseque immensum, et infinitum, et semper in motu: quasi aut aër sine ulla forma deus esse possit: cum præsertim deum non modo aliqua, sed pulcherrima specie esse deceat: aut non omne, quod ortum sit, mortalitas consequatur. inde Anaxagoras, qui accepit ab Anaximene disciplinam: primus omnium rerum descriptionem, et modum mentis infinitæ ui ac ratione designari, et confici uoluit: in quo non uidit: neque motum sensui coniunctum et continentem in infinito ullum esse posse: neque sensum omnino, quo non ipsa natura pulsa sentiret. Deinde si mentem istam quasi animal aliquod esse uoluit: erit aliquid interius: ex quo illud animal nominetur. quid autem interius mente? cingitur igitur corpore externo.



12 DE NATURA DEORVM

quod quoniam non placet: aperta simplexq; mens  
 nulla re adiuncta, quæ sentire possit, fugere intel-  
 ligentiæ nostræ vim & notionem uidetur. Croto-  
 nates autem Alcmeo, qui soli, & lunæ, reliquisq;  
 syderibus, animoq; præterea, diuinitatem dedit: non  
 sensit sese mortalibus rebus immortalitatem dare.  
 Nam Pythagoras, qui censuit animum esse per natu-  
 ram rerum omnem intentum & commicantem: ex quo  
 nostri animi carperentur: non uidit distractione hu-  
 manorum animorum discerpi, & dilacerari deum:  
 & cum miseri animi essent: quod plerisq; continge-  
 ret: tum dei partem esse miseram: quod fieri non po-  
 test. cur autem quicquam ignoraret animus hominis:  
 si esset deus? quomodo porro deus iste, si nihil esset  
 nisi animus: aut infixus, aut infusus esset in mun-  
 do? Tum Xenophanes, qui mente adiuncta omne præ-  
 terea quod esset infinitum, deū uoluit esse: de ipsa men-  
 te ita reprehenditur, ut cæteri: de infinitate autem  
 uehementius: in qua nihil neq; sentiens, neq; coniun-  
 ctum esse potest. Nam Parmenides commentitiū quid-  
 dam coronæ similitudine efficit: Stephanem appel-  
 lat: continentem ardore lucis orbem, qui cingit cæ-  
 lum: quem appellat deum. in quo neq; figuram  
 diuinam, neq; sensum quisquam suspicari potest. mul-  
 ta eiusdem monstra: quippe qui bellum, qui discor-  
 diam, qui cupiditatem, cæteraq; generis eiusdem ad  
 deum reuocat: quæ uel morbo, uel somno, uel obli-  
 uione, uel uetustate delentur. eademq; de syderibus.  
 quæ reprehensa iam in alio in hoc omittantur. Em-  
 pedocles autem multa alia peccans in deorum opinio-  
 ne turpissime labitur. Quatuor enim naturas, ex



quibus omnia constare uult, diuinas esse censet: quas  
et nasci, et extinguere perspicuum est: et sensu omni  
carere. Nec uero Protagoras, qui sese negat omnino  
de dijs habere quod liqueat, sint, non sint, qualesue  
sint: quicquam uidetur de natura deorum suspicari.  
Quid Democritus: qui tum imagines, earumque cir-  
cuitus in deorum numero refert: tum illam naturam  
que imagines fundat, ac mittat: tum scientiam, in-  
telligentiamque nostram: nonne in maximo errore  
uersatur? cum idem omnino quia nihil semper suo sta-  
tu maneat, neget esse quicquam sempiternum: non-  
ne deum ita tollit omnino: ut nullam opinionem eius  
reliquam faciat. Quid aer? quo Diogenes apollo-  
niates utitur deo: quem sensum habere potest? aut  
quam formam dei? Iam de Platonis inconstantia lon-  
gum est dicere: qui in timæo, patrem huius mundi  
nominari neget posse. in legum autem libris quid sit  
omnino deus inquiri oportere non censet. quod uero  
sine corpore ullo deum uult esse, ut græci dicunt,  
ἀσώματος, id quale esse possit intelligi non potest. ca-  
reat enim sensu necesse est: careat prudentia: careat  
uoluptate: quæ omnia una cum deorum notione com-  
prehendimus. Idem et in timæo dicit, et in legibus,  
et mundum deum esse, et cælum, et astra, et ter-  
ram, et animos, et eos quos maiorum institutis ac-  
cepimus: quæ et per se sunt falsa perspicue, et in-  
ter sese uehementer repugnantia. Atque etiam Xeno-  
phon paucioribus uerbis eadem fere peccat. facit enim  
in ijs, quæ à Socrate dicta rettulit, Socratem dispu-  
tantem formam dei quæri non oportere: eundemque et  
solem, et animum, deum dicere: et modo unum,



14 DE NATURA DEORVM  
tum autem plures deos. quæ sunt iisdem in erratis  
ferè: quibus ea quæ de Platone dicimus. Atq; Anti-  
sthenes in eo libro, qui phisicus inscribitur: popula-  
res deos multos, naturalem unum esse dicens, tollit  
uim & naturam deorum. nec multo secus Spensippus  
Platonum auunculum subsequens, & uim quandam  
dicens, qua omnia regantur, eamq; animalem, euel-  
lere ex animis conatur cognitionem deorum. Aristote-  
les quoq; in tertio de philosophia libro multa turbat,  
a magistro Platone uno dissentiens. modo enim menti  
tribuit omnem diuinitatem: modo mundum ipsum deum  
dicit esse: modo quendam alium præficit mundo: eiq;  
cas partes tribuit: ut replicatione mundi quadam mo-  
tum regat, atque tueatur: tum cæli ardorem deum  
dicit esse: non intelligens cælum mundi esse partem:  
quam alio loco ipse designarit deum. quomodo autem  
cæli diuinus ille sensus in celeritate tanta conseruari  
potest? ubi deinde illi tot dii: si numeramus etiam cæ-  
lum deum? cum autem sine corpore idem uult esse  
deum: omni illum sensu priuat, & prudentia. quo  
porro modo mundus moueri potest carens corpore?  
aut quomodo semper se mouens esse quietus & bea-  
tus potest? Nec uero eius condiscipulus Xenocrates in  
hoc genere prudentior: in cuius libris qui sunt de na-  
tura deorum, nulla species diuina describitur. deos  
enim octo esset dicit: quinque eos qui in stellis uagis no-  
minantur: unum qui ex omnibus syderibus quæ in-  
fixa cælo sunt ex dispersis quasimembris simplex sit  
putandus deus: septimum solem adiungit, octauamq;  
lunam: qui quo sensu beati esse possint, intelligi non  
potest. Ex eadem Platonis schola Ponticus Heraclides  
puerilibus

puer  
dum  
stellis  
forma  
terran  
phra  
nium  
signis  
audite  
uim  
gna  
omni  
Balt  
eam  
tem  
man  
man  
ath  
deu  
ne  
ne  
dis  
bui  
Cui  
vnt  
gog  
re  
d  
i  
s



puerilibus fabulis referat. Libros: et tamen modo mun-  
dum, tum mentem diuinam esse putat: errantibus etiā  
stellis diuinitatem tribuit: sensuq; deum priuat: et eius  
formam mutabilem esse uult. eodemq; libro rursus  
terram, & cælum refert in deos. Nec uero Theo-  
phrasti inconstantia ferenda est. modo enim menti di-  
uinum tribuit principatum: modo cælo: tum autem  
signis, syderibusq; cælestibus. Nec audiendus eius  
auditor Strato, is qui physicus appellatur: qui omnem  
uim diuinam in natura sitam esse censeat: quæ causas  
gignendi, augendi, minuendiue habeat: sed careat  
omni sensu & figura. Zeno autem (ut iam ad uestros  
Balbe ueniam) naturalem legem diuinam esse censeat:  
eamq; uim obtinere recta imperantem, prohiben-  
temq; contraria. quam legem quomodo efficiat ani-  
mantem intelligere non possumus. deum autem ani-  
mantem certe uolumus esse. atque hic idem alio loco  
æthera deum dicat esse. si intelligi potest nihil sentiens  
deus: qui nunquam nobis occurrit neq; in precibus,  
neq; in optatis, neq; in uotis. alijs autem libris ratio-  
nem quandam per omnem pertinentem naturam, ut  
diuina sit, effectum putat. idem astris hoc idem tri-  
buit: tum annis, mensibus, annorumq; mutationibus.  
Cum uero Hesiodi theogoniam id est originem deo-  
rum interpretatur: tollit omnino usitatas, perceptasq;  
cognitiones deorum. neq; enim Iouem, neq; Iunonem,  
neq; Vestam, neq; quenguam, qui ita appelletur in  
deorum habet numero: sed rebus inanimatis, atque  
mutis per quandam significationem hæc docet tribu-  
ta nomina. Cuius discipuli Aristonis non minus ma-  
gno in errore sententia est: qui neq; formam dei in-



16 DE NATURA DEORVM

telligi posse censeat: neq; in dijs sensum esse dicat: dubitq; omnino deus animans nec ne sit. Cleantes autem, qui Zenonem audiuit una cum eo, quem proxime nominavi: tum ipsum mundum deum dicit esse: tum totius naturae menti, atq; animo hoc nomen tribuit: tum ultimum, & altissimum, atq; undiq; circumfusum, & extremum, omnia cingentem, atque complexum ardorem, qui aether nominetur: certissimum deum indicat. idem quasi delirans in his libris, quos scripsit contra uoluptatem: tum fingit formam quandam, & speciem deorum: tum diuinitatem omnem tribuit astris: tum nihil ratione censet esse diuinius. ita fit ut deus ille, quem mente noscimus: atq; in animi notione tanquam in uestigio uolumus reponere: nusquam prorsus appareat. At per seus eiusdem Zenonis auditor eos dicit esse habitos deos: a quibus magna utilitas ad uitae cultum esset inuenta: ipsasq; res utiles, & salutare deorum esse uocabulis nuncupatas: ut ne hoc quidem diceret, illa inuenta esse deorum: sed ipsa diuina. quo quid absurdius? quam aut res sordidas, atq; deformes deorum honore afficere? aut homines iam morte deletos reponere in deos? quorum omnis cultus esset futurus in luctu? Iam uero Chrysippus qui stoicorum somniorum uafferimus habetur interpret: magnam turbam congregat ignotorum deorum, atq; ita ignotorum, ut eos ne coniectura quidem informare possimus: cum mens nostra quiduis uideatur cogitatione posse depingere. ait enim uim diuinam in ratione esse positam, & uniuersae naturae animo, atq; mente: ipsumq; mundum deum dicit esse, & eius animi fusionem uniuersam:



uersam: tum eius ipsius principatum, qui in mente  
 & ratione uersetur: communemq; rerum naturam  
 uniuersa, atq; omnia continentem, tum fatalem um-  
 bram, & necessitatem rerum futurarum. ignem præ-  
 terea, & eum, quem antea dixi, æthera: tum ea  
 quæ natura fluere, atq; manere, ut aquam, &  
 terram, & aëra, solem, lunam, sydera, uniuersa-  
 titatemq; rerum, qua omnia continerentur, atq; ho-  
 mines etiam eos, qui immortalitatem essent consecuti.  
 idemq; disputat æthera esse eum, quem homines Iouem  
 appellarent: quiq; aër per maria maneret, eum esse  
 Neptunum: terramq; eam, quæ Ceres diceretur. si-  
 miliq; ratione persequitur uocabula reliquorum deo-  
 rum. idemq; etiam legis perpetuæ, & æternæ uim,  
 quæ quasi dux uitæ, et magistra officiorum sit, Iouem  
 dicit esse: eandemq; fatalem necessitatem appellat,  
 sempiternam rerum futurarum ueritatem: quorum  
 nihil tale est: ut in eo uis diuina inesse uideatur. &  
 hæc quidem in primo libro de natura deorum. in  
 secundo autem uult Orphei, Musæi, Hesiodi, Homeriq;  
 fabellas accommodare ad ea, quæ ipse primo libro  
 de dijs immortalibus dixerit: ut etiam ueterim  
 poëtæ, qui hæc ne suspicati quidem sint, stoici fuisse  
 uideantur. Quem Diogenes Babilonius consequens in  
 eo libro, qui inscribitur de Minerva, partum Iouis,  
 ortumq; uirginis ad physiologiam traducens, disiungit  
 à fabula. Exposui fere non philosophorum iudi-  
 cia, sed delirantium somnia. nec enim multo absur-  
 diora sunt ea, quæ poëtarum uocibus fusa, ipsa sua-  
 uitate nocuerunt: qui & ira inflammatos, & libi-  
 dine furentes induxerunt deos: feceruntq; ut eorum



bella, pugnas, praelia, vulnera uideremus: odia præ-  
 terea, dissidia, discordias, ortus, interitus, querelas,  
 lamentationes, effusas in omni intemperantia libidi-  
 nes, adulteria, uincula, cum humano genere con-  
 cubitus, <sup>im</sup>mortalesq; ex immortali procreatos. Cum  
 poëtarum autem errore coniungere licet portenta ma-  
 gorum: egyptiorumq; in eodem genere dementiam:  
 tum etiam uulgi opiniones: quæ in maxima incon-  
 stantia, ueritatis ignoratione uersantur. Ea qui consi-  
 deret q̄ inconsulte ac temere dicantur, uenerari Epi-  
 curum, & in eorum ipsorum numero, de quibus  
 hæc quæstio est, habere debeat. solus enim uidit  
 primum esse deos: q̄ in omnium animis eorum no-  
 tionem impressisset ipsa natura. quæ est enim gens?  
 aut quod genus hominum? quod non habeat sine do-  
 ctrina anticipationem quandam deorum? quam ap-  
 pellat προληψις Epicurus: idest anteceptam animo  
 rei quandam informationem: sine qua nec intelligi  
 quicquam, nec quæri, nec disputari possit. cuius ra-  
 tionis uim atq; utilitatem ex illo cælesti Epicuri de  
 regula, & iudicio uolumine accepimus. quod igitur  
 fundamentum huius quæstionis est, id præclare ia-  
 ctum uidetis. cum enim non instituto aliquo, aut mo-  
 re, aut lege, sit opinio constituta: maneatq; ad unum  
 omnium firma consensus: intelligi necesse est, esse deos:  
 quoniam insitas eorum, uel potius innatas cognitiones  
 haberemus. de quo autem omnium natura consentit:  
 id uerum esse necesse est. esse igitur deos confitendum  
 est. quod quoniam fere constat inter omnes, non phi-  
 losophos solum, sed etiam indoctos: fateamur con-  
 stare illud etiam, hanc nos habere, siue anticipatio-  
 nem, ut



nem, ut ante dixi, siue prænotionem deorum. sunt enim rebus nouis noua ponenda nomina: ut Epicurus ipse, ὁ δὲ θεῶν appellauit: quam antea nemo eo uerbo nominarat. hanc igitur habemus: ut deos beatos, & immortales putemus. quæ enim nobis natura informationem deorum ipsorum dedit: eadem insculpsit in mentibus: ut eos æternos & beatos haberemus. quod si ita est, uere exposita illa sententia est ab Epicuro: quod æternum beatumq; sit, id nec habere ipsum negocij quicquam: nec exhibere alteri: itaq; neq; ira, neq; gratia teneri: quod quæ talia essent: imbecilla essent omnia. si nihil aliud quæreremus: nisi ut deos pie coleremus: & ut superstitione liberaremur: satis erat dictum. nam & præstans deorum natura hominū pietate coleretur: cum & æterna esset, & beatissima. habet enim uenerationem iustam quicquid excellit. & metus omnis, à ui atq; ira deorum pulsus esset. intelligitur enim à beata immortalisq; natura & iram & gratiam segregari. quibus remotis nullos à superis impendere metus. Sed ad hanc confirmandam opinionem inquirat animus & formam & uitam, & actionem mentis, atq; agitationem in deo. Ac de forma quidem partim natura nos admonet: partim nos ratio docet. nam à natura habemus omnes omnium gentium, speciem nullam aliam, nisi humanam, deorum. quæ enim alia forma occurrit unquam aut uigilanti cuiquam? aut dormienti? Sed ne omnia reuocentur ad primas notiones: ratio hoc idem ipsa declarat. nam cum præstantissimam naturam uel quia beata est: uel quia sempiterna: conuenire uideatur eandem esse pulchra



## 20. DE NATURA DEORVM

rimam: quæ compositio membrorum, quæ conforma-  
tio lineamentorum, quæ figura, quæ species, huma-  
na potest esse pulchrior. uos quidē Lucili soletis, nam  
Cotta meus modo hoc, modo illud: cum artificium  
effingitis, fabricamq; diuinam: quam sine omnia in  
hominis figura non modo ad usum, uerum etiam ad  
ueneritatem apta, describere. quod si omnium animantium  
formam uincit hominum figura: deus autem animans  
est: ea figura profecto est: quæ pulcherrima sit omnium.  
Quoniamq; deos beatissimos esse constat: beatus autē  
esse sine uirtute nemo potest: nec uirtus sine ratione  
constare: nec ratio usquam inesse, nisi in hominis fi-  
gura: hominis esse specie deos confitendum est. Nec  
tamen ea species corpus est: sed quasi corpus: nec ha-  
bet sanguinem: sed quasi sanguinem. hæc quanquam  
et inuenta sunt acutius, et dicta subtilius ab Epi-  
curo: quàm ut quibus ea possit agnoscere: tamen fre-  
tus intelligentia uestra, dissero breuius, quàm causa  
desiderat. Epicurus autem qui res occultas, et peni-  
tus abditas, non modo uiderat animo: sed etiam sic  
tractat: ut doceat nos manu: eam esse uim et na-  
turam deorum: ut primum non sensu, sed mente cer-  
natur: nec soliditate quadam, nec ad numerum, ut  
ea, quæ ille propter firmitatem Steremia appellat:  
sed imaginibus similitudine, et transitione perceptis:  
cum infinita simillimarum imaginum species ex in-  
numerabilibus indiuiduis existat: et ad deos effluat:  
cum maximis uoluptatibus in eas imagines mentem  
intentam, infixamq; nostram intelligentiam, capere  
quæ sit et beata natura et æterna. Summa uero uis  
infinitatis, et magna, ac diligenti contemplatione  
dignissima



dignissima est: in qua intelligi necesse est, eam esse naturam: ut omnia, omnibus paribus paria respondeant: hanc *ἰσορρομία* appellat Epicurus, idest æquabilem tributionem. ex hac igitur illud efficitur: si mortaliū tanta multitudo sit, esse immortalium non minorem: & si quæ interimant innumerabilia sunt: etiam ea quæ conseruent infinita esse debere. Et quæ rere à nobis Balbe soletis, quæ uita deorum sit: quæq; ab ijs degatur ætas. ea uidelicet, qua nihil beatius, nihil omnino bonis omnibus affluentius excogitari potest. nihil enim agit: nullis occupationibus est implicatus: nulla opera molitur: sua sapientia, & uirtute gaudet: habet exploratum fore se semper tum in maximis, tum in æternis uoluptatibus. Hunc deum rite beatum dixerimus. uestrum uero laboriosissimum. siue enim ipse mundus deus est: quid potest esse minus quietum? quàm nullo puncto temporis intermisso uersari circum axem cæli, admirabili celeritate? nisi quietum autem nihil beatum est. siue in ipso mundo deus inest aliquis, qui regat: qui gubernet: qui cursus astrorum, mutationes temporum, rerum uicissitudines, ordinesq; conseruet: terras & maria contemplanis hominum commoda, uitasq; tueatur: ne ille est implicatus molestis negocijs, & operosis. nos autem beatam uitam in animi securitate, & in omnium uacatione munerum ponimus. docuit enim nos idem qui cætera: natura effectum esse mundum: nihil opus fuisse fabrica: eamq; rem esse facilem: quam uos negatis effici sine diuina posse solertia: ut innumerabiles natura mundos effectura sit: efficiat: effecerit. quod quia quemadmodum natura efficere sine aliqua



## DE NATURA DEORVM

mente possit non uidetis : ut tragica poëta, cum expli-  
care argumenti exitum non potestis : confugitis ad  
deum . cuius operam profecto non desideraretis : si  
immensam , & interminatam in omnis partes ma-  
gnitudinem regionum uideretis : in quam se iniiciens  
animus , & intendens, ita late , longeque peregrinatur :  
ut nullam tamen oram ultimam uideat : in qua possit  
insistere . in hac igitur immensitate latitudinum , lon-  
gitudinum , altitudinum , infinita uis innumerabi-  
lium uolitat atomorum : quæ interiecto inani cohæ-  
rescunt tamen inter se : & aliæ alias apprehenden-  
tes continuantur : ex quo efficiuntur hæ rerum for-  
mæ , atque figuræ : quas uos effici posse sine foliis ,  
& incidibus non putatis . itaque imposuistis in cerui-  
cibus nostris sempiternum dominum : quem dies , &  
noctes timeremus . quis enim non timeat omnia pro-  
uidentem , & cogitantem , & animaduertentem , &  
omnia ad se pertinere putantem , curiosum , & ple-  
num negocij deum ? Hinc uobis extitit primum illa  
fatalis necessitas : quam expressum dicatis : ut quic-  
quid accidat , id ex æterna ueritate , causarumque con-  
tinuatione fluxisse dicatis . quanti autem hæc philoso-  
phia æstimanda est ? cui tanquam aniculis , & his qui-  
dem indoctis , fæto fieri omnia uideantur ? sequitur  
martini uestra : quæ latine diuinitas dicitur : qua tan-  
ta imbueremur superstitione , si uos audire uellemus :  
ut aruspices , augures , arioli , uates , & coniectores  
nobis essent colendi . His terroribus ab Epicuro so-  
luti , & in libertatem uendicati , nec metumus eos :  
quos intelligimus nec sibi fingere ullam molestiam , nec  
alteri quærere : & pie sancteque colimus naturam  
excellentem ,



excellentem, atq; præstantem. Sed elatus studio uereor  
ne longior fuerim. erat autem difficile rem tantam,  
tamq; præclaram, inchoatam relinquere. quanquam  
non tam dicendi mihi ratio habenda fuit: q̄ audiendi.

Tum Cotta comiter, ut solebat, atq; inquit Vellei  
nisi tu aliquid dixisses: nihil sanè ex me quidem au-  
dire potuisses. mihi enim non tam facile in mentem  
uenire solet, quare uerum sit aliquid: quàm quare  
falsum. idq; cum sæpe, tum cum te audirem paulo-  
ante contigit. roges me qualem deorum naturam esse  
ducam: nihil fortasse respondeam. quæras putem ne-  
talem esse, qualis modo à te sit exposita? nihil dicam  
mihi uideri minus. Sed antequam aggrediar ad ea  
quæ à te disputata sunt, de te ipso dicam quid sentiam.  
sæpe enim de L. Crasso familiari tuo illo, uideor au-  
disse: cum te togatis omnibus sine dubio anteferet: &  
paucos tecum epicureos è græcia compararet. sed q̄  
ab eo te mirifice diligere intelligebam: arbitrabar illum  
propter benignitatem id uberius dicere. ego autem,  
& si uereor laudare præsentem: indico tamen de re  
obscura, atq; difficili, à te dictum esse dilucide: neq;  
sententijs solum copiose, sed uerbis etiam ornatis, q̄  
solent uestri. Zenonem, quem Philo noster corypheum  
appellare epicureorum solebat: cum athenis essem,  
audiebam frequenter: & quidem ipso authore Phi-  
lone: credo ut facilius indicarem quam illa bene re-  
fellerentur: cum à principe epicureorum accepissem  
quemadmodum dicerentur. non igitur ille, ut pleriq;  
sed isto modo, ut tu, distincte, grauitè, ornate. sed  
quod in illo mihi usu sæpe uenit: idem modo, cum te  
audirem, acciderat: ut moleste ferrem tantum inge-



24. DE NATURA DEORVM

nium (bona uenia me audies) in tam leues, ne dicam  
in tam ineptas sententias inadiisse. nec ego nunc ipse  
aliquid afferam melius. ut enim modo dixi, omnibus  
ferè in rebus, & maxime in physicis, quid non sit  
citius, q̄ quid sit dixerim. roges me quid, aut qualis sit  
deus: authore utar Simonide: de quo cū quæsiuisset hoc  
idem tyrannus Hiero: deliberandi causa sibi unum  
diem postulauit. cum idem ex eo postridie quæreret:  
biduum petiuit. cum sæpius duplicaret numerum die-  
rum: admiransq; Hiero quæreret cur ita faceret: quia  
quanto inquit diutius considero: tanto mihi res uide-  
tur obscurior. sed Simonidem arbitror, non enim  
poëta solum suauis, uerum etiam cætera quoq; do-  
ctus sapiensq; traditur: quia multa uenirent in men-  
tem acuta, & subtilia: dubitantem quid eorum esset  
uerissimum, desperasse omnem ueritatem. Epicurus  
uero tuus (nam cum illo malo differere q̄ tecum) quid  
dicit, quod non modo philosophia dignum esset: sed  
etiam mediocri prudentia? Quæritur primum in ea  
quæstione, quæ est de natura deorum sine ne dii, nec  
ne sint. difficile est negare. credo, si in concione quæ-  
ratur: sed in huiusmodi sermone, & confesso, facil-  
limum. Itaque ego ipse Pontifex, qui cerimonias, re-  
ligionesq; publicas sanctissime tuendas arbitror: is hoc,  
quod primum est, esse deos, persuaderi mihi non  
opinionem solum, sed etiam ad ueritatem plane uelim.  
multa enim occurrunt: quæ conturbent: ut interdum  
nulli esse uideantur. sed uide quam tecum agam libe-  
raliter. quæ communia sunt uobis cum cæteris philo-  
sophis, non attingam: ut hoc ipsum. placet enim omni-  
bus ferè, mihiq; ipsi in primis, deos esse. itaque non



pugno: rationem tamen eam, quæ à te affertur, non satis firmam puto. Quod enim omnium gentium, generumq; hominibus ita uideretur, id satis magnum esse argumentum dixisti: cur esse deos confiteremur. quod cum leue per se, tum etiam falsum est. primum enim unde notæ tibi sunt opiniones nationum? equidem arbitror: multas esse gentes sic immanitate efferratas: ut apud eas nulla suspitio deorum sit. quid? Dyagoras, Atheos qui dictus est: posteaq; Theodorus; non ne aperte deorum naturam sustulerunt? nam Abderites quidem Prothagoras cuius à te modo mentio facta est, sophistes temporibus illis uel maximus, cum in principio libri sui sic posuisset: de dijs neq; ut sint, neq; ut non sint, habeo dicere: Atheniensium iussu urbe atq; agro est exterminatus: libriq; eius in concione cõbusti. ex quo eadem existimo tardiores ad hanc sententiam profitendam multos esse factos. quippe cum poenâ ~~ne~~ dubitatio quidem effugere potuisset. qd de sacrilegis? quid de impijs, periurjsq; dicemus?

30 = Tubulus si lucius unquam:

30 Si Lupus, aut Carbo, aut Neptuni filius:-

ut ait Lucilius putasset esse deos: tam periurus, aut tam impius fuisset? non est igitur tam explorata ista ratio, ad id quod multis confirmandum, quàm uidetur. sed quia commune est hoc argumentum aliorum etiam philosophorum: omittam hoc tempore: ad uestra propria uenire malo. concedo esse deos: doce me igitur unde sint: ubi sint: quales sint corpore, animo, uita. hæc enim scire desidero. Abuteris ad omnia atomorum regno & licentia. hinc quodcunq; in solum uenit, ut dicatur, effingis: atq; efficis. quæ pri-



26 DE NATURA DEORVM

num nullæ sunt: nihil est enim quod uacet corpore  
 corporibus autem omnis obsidetur locus. ita nullum  
 inane, nihil esse indiuiduum potest. hæc ego nunc  
 physicorum oracula fundo: uera an falsa, nescio: sed  
 ueri tamen similia, quàm uestra. ista enim flagitia  
 Democriti, siue etiam ante Leucippi, esse corpuscula,  
 quædam leuia: alia aspera: rotunda alia: partim  
 angulata: curuata quædam, & quasi adunca. ex his  
 effectum esse cælum, atq; terras, nulla cogente na-  
 tura, sed concursu quodam fortuito. hanc tu opinio-  
 nem C. Vellei usq; ad hanc ætatem perduxisti. priusq;  
 te quis de omni uitæ statu, q̄ de ista authoritate deie-  
 cerit. ante enim iudicasti Epicureum te esse oportere:  
 q̄ ista cognouisti. ita necesse fuit aut hæc flagitia ani-  
 mo concipere: aut susceptæ philosophiæ nomen amit-  
 tere. quid enim mereas ut Epicurus esse desinas? nihil  
 equidem inquis: ut rationem uitæ beatæ, uerita-  
 temq; deferam. ista igitur est ueritas? nam de uitæ  
 beatæ nihil repugno: quam tu ne in deo quidem esse  
 censes: nisi plane ocio langueat. sed ubi est ueritas? in  
 mundis credo innumerabilibus, omnibus minimis tem-  
 porum punctis, alijs nascentibus, alijs cadentibus?  
 an in indiuiduis corpusculis, tam præclara opera,  
 nulla moderante natura, nulla ratione, fingentibus?  
 sed oblitus liberalitatis meæ, qua tecum pauloante uti  
 cœperam: plura complector. Concedam igitur ex in-  
 diuiduis constare omnia. quid ad rem? Deorum enim  
 natura queritur. Sine sane ex atomis. non igitur æter-  
 ni. quod enim ex atomis sit, id natum aliquando sit:  
 si natum: nulli dii ante q̄ nati. & si ortus est deorum:  
 interitus sit necesse est: ut tu pauloante de Platonis



mundo disputabas. ubi igitur illud uestrum beatum;  
 & eternum? quibus duobus uerbis significatis deū?  
 quod cum efficere uultis: indumenta tamen corripit-  
 tis. ita enim dicebas, non corpus esse in deo: sed quasi  
 corpus: nec sanguinem: sed quasi sanguinem. hoc  
 persepe facitis: ut cum aliquid non uerisimile dict-  
 tis: & effugere reprehensionem uelitis: afferatis ali-  
 quid: quod omnino ne fieri quidem possit: ut satius  
 fuerit id ipsum, de quo ambigebatur, concedere: quā  
 tam impudenter resistere. uelut Epicurus, cum ui-  
 deret si atomi ferrentur in locum inferiorem suo pte  
 pondere: nihil fore in nostra potestate: q̄ esset ea-  
 rum motus certus, & necessarius: inuenit quo mo-  
 do necessitatem effugeret: quod uidelicet Democritum  
 fugerat. ait atomum cum pondere & grauitate di-  
 recto deorsum feratur: declinare paululum. hoc di-  
 cere turpius est: quā illud, quod uult, non posse  
 defendere. idem facit contra dialecticos: a quibus  
 cum traditum sit, in omnibus disunctionibus, in qui-  
 bus aut est, aut non poneretur: alterutrum uerum  
 esse: pertimuit, ne si concessum esset huius aliquid, aut  
 uiuet cras, aut non uiuet epicurus: alterutrum fieret  
 necessarium. totum hoc, aut est, aut non, negauit esse  
 necessarium. quo quid dici potest obtusius? urgebat  
 Arcefilas Zenonem: cum ipse omnia falsa diceret, quæ  
 sensibus uiderentur: Zeno autem non nulla uisa esse  
 falsa: non omnia. timuit Epicurus: ne, si unum ui-  
 sum esset falsum: nullum esset uerum. omnes sensus  
 ueri nuncios dixit esse. nihil horum nisi ualde grauior-  
 em enim plagam accipiebat: ut leuiorem repelleret.  
 Idem facit in natura deorum. dum indiuiduorum



## 28 DE NATURA DEORVM

corporum concretionem fugit: ne interitus & dissipatio consequatur: negat esse corpus deorum: sed tanquam corpus: nec sanguinem: sed tanquam sanguinem. mirabile uidetur, qd non rideat aruspex, cum aruspicem uiderit. hoc mirabilius: qd uos inter uos risum tenere possitis. Non est corpus: sed quasi corpus: hoc intelligerem quale esset: si id in cereis fingeretur, aut fictilibus figuris. in deo quid sit quasi corpus, aut quasi sanguis, intelligere non possum. ne tu quidem uellei. sed non uis fateri. ista enim à uobis quasi dictata redduntur: quæ Epicurus oscitans allucinatus est. cum quidem gloriaretur, ut uidemus in scriptis, se magistrum habuisse nullum. quod & non prædicanti tam facile quidem credam: sicut mali edificiij domino glorianti se architectum non habuisse. nihil enim floret ex academia: nihil ex liceo: nihil ne è puerilibus quidem disciplinis. Xenocratem audire potuit: quem uirum dij immortales: & sunt qui putant audiuisse: ipse non uult: credo plus nemini. Pamphilum quendam platonis auditorem ait à se sam auditum. ibi enim adolescens habitabat cum patre & fratribus: qd in eam pater eius Neocles agripeta uenerat. sed cum agellus eum non satis aleret: ut opinor, ludi magister fuit. sed hunc Platonicum mirifice contemnit Epicurus. ita metuit, ne quid unquam didicisse uideatur. in Nausiphane democriteo tenetur: quem cum à se neget auditum: uexat tamen omnibus contumelijs. atqui si hæc democritea non audisset: quid audierat? quid est in physicis Epicuri non à Democrito? nam & si quædam commutauit: ut quod paulo ante de inclinatione atomorum dixi: tamen pleraq;



didit eadem: atomos, inane, imagines, infinitatem locorum, innumerabilitatemque mundorum, eorum ortus, & interitus, omnia fere, quibus naturae ratio continetur. nunc istuc quasi corpus, & quasi sanguinem, quid sit, intelligis? ego enim scire te ista melius quam me, non fateor solum: sed etiam facile patior. cum quidem semel dicta sunt: quid est quod Velleius intelligere possit? Cotta non possit? itaque corpus quid sit, sanguis quid sit, intelligo: quasi corpus quid sit, et quasi sanguis quid sit, nullo prorsus modo intelligo. Nec tamen celas: ut Pythagoras solebat alienos: nec consulto dicis occulte: tanquam Heraclitus: sed quod inter nos liqueat ne tu quidem intelligis. illud uideo pugnare te: species ut quaedam sit deorum: quae nihil concreti habeat: nihil solidi: nihil expressi: nihil eminentis: sitque pura, levis, perlucida. dicemus ergo idem, quod in uenere coa: corpus non est: sed simile corpori: nec ille fusus, & candore mixtus rubor sanguis est: sed quaedam sanguinis similitudo: sic in Epicureo deo non res, sed similitudines rerum esse. fac id, quod ne intelligi quidem potest, mihi esse persuasum: cedo mihi istorum adumbratorum deorum lineamenta, atque formas. non deest hoc loco copia rationum: quibus docere uelitis humanas esse formas deorum. primum quod ita sit informatum, anticipatumque mentibus nostris: ut homini cum de deo cogitet, forma occurrat humana. deinde ut quoniam rebus omnibus excellat natura diuina: forma quoque esse pulcherrima debeat: nec esse humana ullam pulchriorem. tertiam rationem affertis: possit quod nulla alia figura domicalium mentis esse. Primum igitur



### 30 DE NATURA DEORVM

tur omnium quicquam consideras quale sit? arripe-  
 re enim mihi uidentur quasi uestro iure rem nul-  
 lo modo probabilem. quis tam cæcus in contemplan-  
 dis rebus unquam fuit? ut non uideret species istas  
 hominum collatas in deos, aut consilio quodam sa-  
 pientum: quo facilius animos imperitorum ad deo-  
 rum cultum à uitæ prauitate conuerterent? aut su-  
 perstitione: ut essent simulacra, quæ uenerantes, deos  
 ipsos se adire crederent? auxerunt autem hæc ea-  
 dem poëtæ, pictores, opifices. erat autem non faci-  
 le agentis aliquid & molientis deos in aliarum for-  
 marum imitatione seruare. accessit etiam ista opi-  
 nio fortasse: quod homini homine nihil pulchrius uidea-  
 tur. sed tu hoc physice non uides: quàm blanda con-  
 ciliatrix, & quasi sui sit lena natura. an putas ullam  
 esse terræ mariq; beluam? quæ non sui generis belua  
 maxime delectetur? quod nî ita esset: cur non ge-  
 staret taurus equæ contrectatione? equus uaccæ? an-  
 te aquilam, aut leonem, aut delphinum, ullam ante-  
 ferre censes figuram suæ? quid igitur mirum? si  
 hoc eodem modo homini natura præscripsit: ut ni-  
 hil pulchrius q̃ hominem putaret: eam esse causam;  
 cur deos hominum similes putaremus? quid censes si  
 ratio esset in beluis: non suo quasq; generi pluri-  
 mum tributuras fuisse? at mehercle ego (dicam enim  
 ut sentio) quamuis amem ipse me: tamen non audeo  
 dicere pulchriorem esse me: quàm ille fuit taurus,  
 qui uexit Europam. non enim hoc loco de inge-  
 nijs, aut de orationibus nostris, sed de specie, figu-  
 raq; quæritur. quod si fingere nobis, & iungere  
 formas uelinus: qualis ille maritimus Triton pin-  
 gatur,



gitur, natantibus inuehens beluis, adiunctis humano corpori, nolis esse. difficili in loco uersor. est enim uis tanta naturæ: ut homo nemo uelit nisi hominū similis esse. Et quidem formica formicæ. sed tamen cuius hominis? quotus enim quisque formosus est? Athenis cum essem: ex gregibus epheborum uix singuli reperiabantur. uideo quid arriseris: sed tamen ita res se habet. deinde nobis, qui concedentibus philosophis antiquis, adulescentulis delectamur: etiam uitia sæpe iocunda sunt. neuus in articulo pueri delectat Alcæum. at est corporis macula neuus. illi tamen hoc lumen uidebatur. Quintus Catulus huius collegæ et familiaris nostri pater, dilexit municipem tuum Roscium: in quem etiam illud est eius.

» Consteram exorientem auroram forte salutans:

» Cum subito a læua Roscius exoritur.

» Pace mihi liceat cœlestes dicere uestra:

» Mortalis uisus pulchrior esse deo.

huic pulchrior deo aderat, sicut hodie est, peruersissimis oculis. quid refert? si hoc ipsum falsum et uenustum illi uidebatur. redeo ad deos: ecquos si non tam strabones, at petulos esse arbitramur? ecquos neuum habere? ecquos filios, flacos, frontones, capitones? quæ sunt in nobis. an omnia emendata in illis? detur id uobis? num etiam est una omnium facies? nam si plures: aliam esse alia pulchriorem necesse est. igitur aliquis non pulcherrimus deus. si una omnium facies est: florere in cælo academiā necesse est. si enim nihil inter deum. et deū differt: nulla est apud deos cognitio: nulla perceptio. quid si etiam Vellei falsum illud omnino est? nullam aliam nobis de deo cogi-



tantibus speciem nisi hominis occurrere? tamen ne ista  
 tam absurda defendes? nobis fortasse si occurrit ut  
 dicis: Iouem, Iunonem, Minervam, Neptunum, Vulca-  
 num, Apollinem, reliquos deos, ea facie nouimus: qua  
 pictores, fictoresq; uoluerunt: neq; solum facie: sed  
 etiam ornatu, ætate, atq; uestitu. at non Aegyptij,  
 nec Syri, nec fere cuncta barbaries. firmiores enim  
 uideas apud eos opiniones esse de bestijs quibusdam: q̃  
 apud nos de sanctissimis templis, & simulacris deo-  
 rum. etenim fana multa expoliata, & simulacra  
 deorum de locis sanctissimis ablata uidemus a no-  
 stris. at uero ne fando quidem auditum est, Croco-  
 dilum, aut ibim, aut felleu uiolatum ab ægypto. quid  
 igitur censes? Apim illum sanctum ægyptiorum bo-  
 uem, nonne deum uideri ægyptijs? tam hercle, q̃  
 tibi illam nostram sospitam: quam tu nunquam, ne  
 in somnis quidem uides, nisi cum pelle caprina, cum  
 hasta, cum scutulo, cum calceolis repandis. At non est  
 talis argua, nec romana Iuno. ergo alia species  
 Iunonis arguis: alia Latinis. & quidem alia no-  
 bis Capitolini, alia affris Ammonis Iouis. Non pudet  
 igitur physicum, idest speculatorem, uenatoremq; na-  
 turæ, ab animis consuetudine imbutis petere testimo-  
 nium ueritatis? Isto enim modo dicere licebit Iouem  
 semper barbatus: Apollinem semper imberbem: ce-  
 sios oculos Mineruæ: ceruleos esse Neptuni. & quidem  
 Athenis laudamus Vulcanum eum: quem fecit Alca-  
 menes: in quo stante, atq; uestito apparet claudicatio  
 non deformis. claudum igitur habebimus deum: quo-  
 niam de Vulcano sic accepimus. Age & his uocabu-  
 lis deos esse facimus: quibus a nobis nominantur. At  
 primum



primum quot hominum lingue, tot nomina deorum. non enim ut tu Velleius quocunq; ueneris: sic idem in Italia Vulcanus: idem in Africa: idem in Hispania. deinde nominum non magnus numerus ne in Pontificijs quidem nostris. deorum autem innumerabilis. an sine nominibus sunt? istud quidem ita uobis dicere necesse est. quid enim attinet, cum una facies sit: plura esse nomina? quàm bellum erat Vellei, confiteri potius nescire quod nescires: quàm ista effutientem nauscare: atq; ipsum sibi displicere. an tu mei similem putas esse, aut tui deum? profecto non putas. quid ergo? solem dicam, aut lunam, aut cœlum deum? ergo etiam beatum. quibus fruente[m] uoluptatibus? & sapientem. qui potest esse in eiusmodi trunco sapientia? hæc uestra sunt. si igitur nec humano uisu, quod docui: nec tali aliquo, quod tibi persuasum est: quid dubitas negare deos esse? non audes. sapienter id quidem. & si hoc loco non populum metuis: sed ipsos deos. noui ego epicureos omnia sigilla numerantes: quanquam uideo nonnullis uideri epicurum, ne in offensionem Atheniensium caderet, uerbis reliquisse deos: re sustulisse. Itaq; in illis selectis eius breuibusq; sententijs, quas appellatis *νυπίας* *δὸς* *εὐδαιμονίας*: hæc ut opinor prior sententia est. Quod beatum & immortale est: id nec habet, nec exhibet cuiquam negotium. In hac ita exposita sententia, sunt qui existiment, quod ille inscitia plane loquendi fecerit: fecisse consulto. de homine minime uastro male existimant. dubium est enim utrum aliquid dicat iste beatum & immortale: aut si quod sit: id esse immortale. Non animaduertunt, hic eum ambigue lo-



## 34 DE NATURA DEORVM

cutum esse: sed multis alijs locis, & illum, & Metrodorum tam aperte, q̄ pauloante te. ille uero deos esse putat: nec quenquam uidi, qui magis ea, quæ timenda esse negaret, timeret: mortem dico & deos. quibus mediocres homines non ita ualde mouentur: his ille clamat omnium mortalium mentes esse perterritas. tot milia latrocinantur morte proposita. alijs omnia quæ possunt, sana, compilant. credo aut illos mortis timor terret: aut hos religionis. sed quoniam non audes (iam enim cum ipso Epicuro loquar) negare esse deos: quid est quod te impediat aut solem, aut lunam, aut mundum, aut mentem aliquam sempiternam in deorum natura ponere? nunquam uidi inquit animam rationis consilijq; participem in ulla alia, nisi humana figura. quid? solis nunquid nam aut lunæ, aut quinque errantium syderum simile uidisti? Sol duabus unius orbis ultimis partibus definiens motum, cursus annuos conficit. huius hanc illustrationem eiusdem incensam radijs mensiuo spatio luna complet. quinque autem stellæ eundem orbem tenentes, aliæ propius a' terris, aliæ remotius, ab iisdem principijs, disparibus temporibus eadem spatia conficiunt. nunquid tale Epicure uidisti? ne sit igitur sol: ne luna: ne stellæ. quoniam nihil esse potest, nisi quod attigimus, aut uidimus. quid? deum ipsum num ne uidisti? cur igitur credis esse? tollamus ergo omnia: quæ aut historia nobis, aut noua ratio affert. ita sit ut mediterranei mare esse non credant. quæ sunt tantæ animi angustiae? ut si Seryphi natus esses: nec unquam egressus ex insula: in qua lepusculos, uulpeculasq; sæpe uidisses: non crederes leones, & panthe-

ras



ras esse: cum tibi quales essent, diceretur. si uero de  
elephanto quis diceret: etiam irrideri te putares. Et tu  
quidem Vellei non uestro more, sed dialecticorum,  
quæ funditus gens uestra non nouit: argumenti senten-  
tiam conclusisti: beatos esse deos sumpsisti. concedimus.  
beatum autem sine uirtute neminem esse posse. id quoq;  
damus: & libenter quidem. uirtutem autem sine ra-  
tione constare non posse. conueniat id quoq; necesse est.  
adiungis nec rationem esse nisi in hominis figura. quæ  
tibi hoc daturum putas? si enim ita esset: quid opus  
erat te gradatim istuc peruenire? quid autem est istuc  
gradatim? sumpsisses tuo iure. nam a' beatis ad uir-  
tutem, a' uirtute ad rationem, uideo te uenisse gradi-  
bus. a' ratione ad humanam figuram quo modo ac-  
cedis? præcipitare istuc quidem est: non descendere.  
Nec uero intelligo: cur maluerit Epicurus deos homi-  
num similes dicere: quam homines deorum. quæres  
quid intersit. si enim hoc illi simile sit: esse illud huic  
uideo. sed hoc dico: non ab hominibus formæ figu-  
ram peruenisse ad deos: dii enim semper fuerunt: &  
nati nunquam sunt: si quidem æterni sunt futuri. at  
homines nati. ante igitur humana forma q̄ homines:  
eāq; erant forma dii immortales. non ergo illorum  
humana forma, sed nostra diuina dicenda est. Verum  
hoc quidem ut uoletis. illud quæro: quæ fuerit tanta  
fortuna: nihil enim in rerum natura ratione factum  
esse uultis. sed tamen quis iste tantus casus? unde tam  
felix concursus atomorum? ut repente homines deo-  
rum forma nascerentur? semina deorum cecidisse de  
caelo in terras putamus? & sic homines patrum simi-  
les extitisse? uellem diceretis. deorum cognationem



### 36 DE NATURA DEORVM

agnoscerem non inuitus. nihil tale dicatis. sed casu esse factum, ut deorum similes essemus. Et nunc argumenta quaerenda sunt: quibus hoc refellatur. utinam tam facile uera inuenire possem: quam falsa conuincere. Et enim enumerasti memoriter, & copiose, ut mihi quidem admirari liberet in homine esse romano tantam scientiam: usq; a Thalete milesio de natura deorum philosophorum sententias. omnes ne tibi illi delirare uisi sunt? qui sine manibus & pedibus constare deum posse decreuerunt? nec hoc quidem uos mouet considerantes quæ sit utilitas, quæq; opportunitas in homine membrorum: ut iudicetis membris humanis deos non egere. quid enim pedibus opus est, sine ingressu? quid manibus si nihil comprehendatur? quid reliqua descriptione omnium corporis partium? in qua nihil inane, nihil sine causa, nihil superuacaneum est. itaq; nulla ars imitari solertiam naturæ potest. habebit igitur linguam deus: & non loquetur: dentes, palatum, fauces nullum ad usum. quæq; procreationis causa natura corpori affixit, ea frustra habebit deus. nec externa magis q̃ interiora. cor, pulmones, iecur, cæteraq; detracta utilitate quid habent uenustatis? quandoquidem hæc esse in deo propter pulchritudinem uultus. Isthis ne fidentes somnijs non modo Epicurus, & Metrodorus, & Hermachus, contra Pythagoram, Platonem, Empedoclemq; dixerunt? sed meretricula etiam leontium contra Theophrastum scribere ausa est. scito quidem illa sermone & attico. sed cum tantum Epicuri hortus habuerit licentiæ: etiam soletis queri: Zeno quidem etiam litigabat: quid dicam Albutium? nam phedro nihil elegantius,



gantius, nihil humanius. sed stomachabatur senex, si-  
quid asperius dixeram: cum Epicurus contumeliosis-  
sime Aristotelem uexarit: Phedoni Socratico turpissima  
maledixerit: Metrodori sodalis sui fratrem Timocra-  
tem, quia nescio quid in philosophia dissentiret: totis uo-  
luminibus conderit: in Democritum ipsum, quem se-  
cutus est, fuerit ingratus: Nausiphanem magistrū suū  
a quo nihil didicerat, tam male acceperit: Zeno quidē  
non eos solum, qui tum erant, Apollodorum, Syllum,  
ceterosq; figebat maledictis: sed Socratem ipsum, pa-  
rentem philosophiæ, latino uerbo utens, scurrā at-  
ticum fuisse dicebat: Chrysippum nunquam nisi Ce-  
sippum uocabat. tu ipse paulo ante, cum tanquam se-  
natum philosophorum citares: summos uiros desipere,  
delirare, dementes esse, dicebas. quorum si nemo ue-  
rum uidit de natura deorum: uerendum est ne nul-  
la sit omnino. nam ista quæ uos dicitis sunt tota com-  
mentitia, uix digna lucubratione anicularum. non  
enim sentatis q̄ multa uobis suscipienda sint: si impe-  
traueritis, ut concedamus eandem esse hominum &  
deorum figuram. omnis cultus, & curatio corporis  
erit eadem adhibenda deo, quæ adhibetur homini:  
ingressus, cursus, acubatio, inclinatio, sessio, compre-  
hensio, ad extremum etiam sermo, et oratio. nam quod  
& mares deos, & feminas esse dicitis, quid sequatur  
uidetis. Equidem mirari satis non possum unde ad  
istas opiniones uester ille princeps uenerit. sed clama-  
re non desinitis retinendum hoc esse, deus ut beatus  
immortalisq; sit. quid autem obstat quo minus sit bea-  
tus: si non sit bipes? At ista siue beatitas, siue beati-  
tudo dicenda sunt (utrunq; omnino durum: sed usu



## 38 DE NATURA DEORVM

mollienda nobis uerba sunt) uerum ea, quaecunq; est: cur aut in solem illum, aut in hunc mundum, aut in aliquam mentem eternam, figura membrisq; corporis uacuam, cadere non potest? nihil aliud dicis: nisi nunquam uidi solem, aut mundum beatum. quid? mundum præter hunc unquam ne uidisti? negabis. cur igitur non sexcenta millia esse mundorum, sed innumerabilia ausus es dicere? ratio docuit. Ergo hoc te ratio non docebit? cum præstantissima natura quærat, eaq; beata, & æterna: quæ sola in diuina natura sunt: ut immortalitate uiuamus ab ea natura: sic animi præstantia uinci: atque ut animi, item corporis. cur igitur, cum cæteris rebus inferiores simus: forma pares sumus? ad similitudinem enim deo propius accedebat humana uirtus, quàm figura. an quicquam tam puerile dici potest (ut eundem locum diutius urgeam) quàm si ea genera beluarum, quæ in rubro mari india ue gignantur: nulla esse dicamus? atqui ne curiosissimi quidem homines exquirendo audire tam multa possunt: quàm sunt multa, quæ terra, mari, paludibus, fluminibus existunt. quæ negemus esse: quia nunquam uidimus. Ipsa uero, quàm nihil ad rem pertinet, quæ uos delectat maxime, similitudo. qd? canis non ne similis lupo? atq; ut Ennius,

Simia quam similis turpissima bestia nobis:  
at mores in utroque dispares. Elephanto beluarum nulla prudentior. at figura quæ uastior? de bestiis loquor. quid? inter ipsos homines non ne & simillimis formis dispares mores? & moribus figura dissimilis? etenim, si semel uellei suscipimus genus hoc argumenti: attende quo serpat. tu enim sumebas nisi in hominis



hominis figura rationem inesse non posse. sumet alius  
 nisi in terrestri : nisi in eo qui natus sit : nisi in eo qui  
 adoluerit : nisi in eo qui didicerit : nisi in eo qui ex ani-  
 mo constet, & corpore caduco, & infirmo : postremo  
 nisi in homine, atque mortali. quod si in omnibus his  
 rebus obsistis : quid est, quod te una forma conturbet?  
 his enim omnibus quæ proposui adiunctis, in homi-  
 ne rationem esse, & mentem uidebas. quibus detra-  
 ctis deum tamen nosse te dicis : modo liniamenta ma-  
 neant. hoc est non considerare, sed quasi sortiri quid  
 loquere. nisi forte ne hoc quidem attendis : non mo-  
 do in homine, sed etiam in arbore quicquid super-  
 uacaneum sit, aut usum non habeat, obstare. quam mo-  
 lestum est uno digito plus habere? quid ita? quia nec  
 speciem nec usum alium quinq; desiderant. tuus au-  
 tem deus non digito uno redundat : sed capite, collo,  
 cervicibus, lateribus, aluo, tergo, poplitibus, manibus,  
 pedibus, feminibus, cruribus. si ut immortalis sit:  
 quid hæc ad uitam membra pertinent? quid ipsa fa-  
 cies? magis illa, cerebrum, cor, pulmones, iecur. hæc  
 enim sunt domicilia uitæ. oris quidem habitus ad uitæ  
 firmitatem nihil pertinet. At eos uituperabas, qui  
 ex operibus magnificis, atque præclaris, cum ipsum  
 mundum, cum eius membra, cælum, terras, maria,  
 cunq; horum insignia solem, lunam, stellasq; uidissent:  
 cumq; temporū mutationes, maturitates, uicissitudinesq;  
 cognouissent : suspicati essent aliquam excellentem esse,  
 præstantemq; naturam : quæ hæc fecisset: moueret: re-  
 geret: gubernaret. qui, etiam si aberrant à coniectu-  
 ra: uideo tamen quid sequantur. tu quod opus tandem  
 magnum, & egregium habes? quod effectum diuina



## 40. DE NATURA DEORVM

mente uideatur? ex quo esse deos suspicere? habeo in-  
 quis in animo insitam informationem quandam dei.  
 Et barbati quidem Iouis, galeatae Mineruae. num  
 igitur tales putas? quanto melius haec uulgus impe-  
 ritorum: qui non membra solum hominis deo tribu-  
 unt: sed usum etiam membrorum. dant enim ar-  
 cum, sagittas, hastam, clypeum, fuscina, fulmen.  
 Et si actiones quae sint deorum non uident: nihil  
 agentem tamen deum, non queunt cogitare. ipsi, qui  
 irridentur, aegyptij, nullam beluam, nisi ob ali-  
 quam utilitatem, quam ex ea caperent, consecrauerunt.  
 Ibes maximam uim serpentium conficiunt: cum sine  
 aues excelsae, cruribus rigidis, corneo proceroque ro-  
 stro: auertunt pestem ab aegypto: cum uolucres angues  
 ex uastitate libyae uento affrici inuectas, interfici-  
 unt, atque consumunt. ex quo fit: ut illae nec morfu  
 uiuae noceant, nec odore mortuae. possum de ichneu-  
 monum utilitate, de crocodillorum, de felium dicere:  
 sed nolo esse longus. ita concludam tamen, beluas &  
 barbaris propter beneficium consecratas: uestrorum  
 deorum non modo beneficium nullum extare: sed ne  
 factum quidem omnino. Nihil habet inquit negotij.  
 profecto Epicurus, quasi pueri delicati, nihil cessatione  
 melius existimat. at ipsi tamen pueri, etiam cum ces-  
 sant, exercitatione aliqua ludicra delectantur. deum  
 sic feriatum uolumus cessatione torpere: ut, si se com-  
 mouerit, uereamur, ne beatus esse non possit. haec ora-  
 tio non modo deos spoliat motu, et actione diuina: sed  
 etiam homines inertes efficit: si quidem agens aliquid,  
 ne deus quidem esse beatus potest. Verum sit sane, ut  
 uultis, deus effigies hominis, et imago. quod eius est



domicilium? quæ sedes? qui locus? quæ deinde actio  
 uitæ? quibus rebus, id quod uultis, beatus est? utatur  
 enim suis bonis oportet, & fruatur: qui beatus fu-  
 turus est. nam locus quidem, his etiam naturis, quæ  
 sine animis sunt, suus est cuique proprius: ut terra in-  
 firmum teneat: hanc inundet aqua: superior aer:  
 ignibus altissima ora reddatur. bestiarum autem ter-  
 renæ sunt aliæ: partim aquatiles: aliæ quasi an-  
 pites, in utraq; sede uiuentes: sunt quædam etiam,  
 quæ igne nasci putentur: appareantq; in ardentibus  
 fornacibus sæpe uolitantes. quæro igitur, uester deus  
 primum ubi habitat. deinde quæ causa eum loco mo-  
 ueat: si modo mouetur aliquando. postremo, cum hoc  
 proprium sit animantium: ut aliquid appetant, quod  
 sit naturæ accommodatum: deus quid appetat: ad quam  
 deniq; rem motu mentis, ac rationis utatur. postremo  
 quomodo beatus sit: quomodo æternus. quicquid enim  
 horum attigerit, ulcus est. ita male instituta ratio exi-  
 tum reperire non potest. sic enim dicebas speciem dei  
 percipi cogitatione, non sensu: nec esse in ea ullam  
 soliditatem: neq; eandem ad numerum permanere:  
 eamq; esse eius uisionem: ut similitudine & transitione  
 cernatur: neq; deficiat unquam ex infinitis corpori-  
 bus similibus accessio: ex eoq; fieri: ut in hæc inten-  
 ta mens nostra beatam illam naturam, & sempiter-  
 nam putet. hoc, per ipsos deos, de quibus loquimur,  
 quale tandem est? nam si tantummodo ad cogitatio-  
 nem ualene: nec ullam habent soliditatem, nec emi-  
 nentiam: quid interest utrum de hypocentauro, an de  
 deo cogitemus? omnem enim talem confirmationem  
 animi ceteri philosophi motum inanem uocant. uos



## 42 DE NATURA DEORVM

autem aduentum in animos, & introitum imaginum dicitis. ut igitur Tiberium Gracchum cum uideor concionantem in capitolio uidere de M. Octauio deferentem sitellatū eum motū animi dico esse inanem: tu autem & Gracchi & Octauij imagines remanere: quæ in capitolium cum peruenerint: tum ad animum meum referantur. hoc idem fieri in deo: cuius crebra facie pellantur animi: ex quo esse beati atque æterni intelligantur. fac imagines esse quibus pulsentur animi: species duntaxat obijciatur quædam. num etiam cur beata sit, cur æterna? quæ autem istæ imagines uestre? aut unde? à Democrito omnino hæc licentia. sed & ille reprehensus à multis est: nec uos exitum reperitis: totaq; res uacillat, & claudicat. nam quid est quod minus probari possit: quàm omnium in me incidere imagines? Homeri, Archilochi, Romuli, Numæ, Pythagoræ, Platonis: nec ea forma, qua illi fuerunt? quomodo ergo illi? & quorum imagines? Orpheum poetam docet Aristoteles nunquam fuisse: & hoc orphicum carmen Pythagorici ferunt cuiusdam fuisse cædonis. At Orpheus, idest imago eius, ut uos uultis, in animum meum sæpe incurrit. quid? quod eiusdem hominis in meum aliæ? aliæ in tuum? quid? quod earum rerum, quæ nunquam omnino fuerunt: neq; esse potuerunt? ut Scyllæ, ut chimæræ? quid? quod hominum, locorum, urbium earum, quas nunquam uidimus? quid? quod simulac mihi collibitum est, præsto est imago? quid? quod etiam ad dormientem ueniunt inuocatæ? tota res Vellei nugatoria est. uos autem non modo oculis imagines, sed etiam animis inculcatis: tanta est impunitas garriendi. At quam li-

Cecro-  
pis



center fluentium frequenter transitio fit uisionum : ut  
 e multis una uideatur . puderet me dicere non inteli-  
 ligere : si uos ipsi intelligeretis , qui ista defenditis . quo  
 modo enim probas continenter imagines ferri ? aut se  
 continenter : quo modo aeternae ? Innumerabilitas in-  
 quit suppeditat Athomorum . num eadem ergo ista fa-  
 cient : ut sint omnia sempiterna . Confugis ad aequi-  
 libralitatem : sic enim ἰσορρομία , si placet , appelle-  
 mus : Et ais quoniam sit natura mortalis : immor-  
 talem etiam esse oporteret . isto modo , quoniam homi-  
 nes mortales sunt : sint aliqui immortales : Et quo-  
 niam nascuntur in terra : nascantur in aqua . Et quia  
 sunt quae interimant : sint quae conseruent . sint sane :  
 sed ea conseruent quae sunt . deos istos esse non sentio .  
 omnis tamen ista rerum effigies ex indiuiduis quomo-  
 do corporibus oritur ? quae etiam si essent , quae nulla  
 sunt : pellere se ipsa Et agitari inter se concursu for-  
 tasse possent : formare , figurare , colorare , animare non  
 possent . nullo igitur modo immortalem deum effi-  
 citis . Videamus nunc de beato . sine uirtute certe nul-  
 lo modo . uirtus autem actiuosa : Et deus uester nihil  
 agens . expers uirtutis igitur . ita ne beatus quidem .  
 quae ergo uita ? suppeditatio inquis bonorum nullo  
 malorum interuentu . quorum tandem bonorum ? uo-  
 luptatum . credo . nempe ad corpus pertinentium . nul-  
 lam enim nouistis nisi profectam a corpore , Et re-  
 deuntem ad corpus animi uoluptatem . non arbitror  
 te Vellei similem esse epicureorum reliquorum : quos  
 pudeat earum Epicuri uocum : quibus ille testatur , se  
 ne intelligere quidem ullum bonum : quod sit seiun-  
 ctum a delicatis , Et obscenis uoluptatibus : quas qui-



## 44 DE NATURA DEORVM

dem non erubescens persequitur omnes nominatim:  
 quem cibum igitur, aut quas potiones, aut quas uocum  
 & florum uarietates, aut quos tactus, quos odores ad-  
 hibebis ad deos? ut eos perfundas uoluptatibus? At  
 poetæ quidem nectar, ambrosiam, epulas comparant:  
 & aut Iuuentutem, aut Ganymedem pocula mini-  
 strantem. tu autem Epicure quid facies? neque enim un-  
 de habeat ista deus tuus uideo: nec quomodo utatur.  
 locupletior igitur hominum natura ad beate uiuen-  
 dum est, quam deorum: quod pluribus generibus frui-  
 tur uoluptatum. At has leuiiores ducis uoluptates: qui-  
 bus quasi titillatio (Epicuri enim hoc uerbum) sensibus  
 adhibetur. quousque ludis? nam Philo noster ferre non  
 poterat aspernari Epicureos, molles, & delicatas uolu-  
 ptates. summa enim memoria pronuntiabat plurimas  
 Epicuri sententias, his ipsis uerbis, quibus erant scri-  
 ptæ: Metrodori uero, qui est epicuri collega sapientiæ:  
 multa impudentiora recitabat. accusat. n. Timocratem  
 fratrem suum Metrodorus: quod dubitet omnia, quæ  
 ad beatam uitam pertineant: uentre metiri: neque id  
 semel dicit: sed sæpius. Annuere te uideo: nota enim  
 tibi sunt. proferrem libros: si negares. neque nunc re-  
 prehendo: quod ad uoluptatem omnia referantur. alia est  
 ea quæstio. sed doceo deos uestros esse uoluptatis exper-  
 tes. ita uestro iudicio ne beatos quidem. at dolore uac-  
 cant. sat enim est id ad illam abundantem bonis, uitam  
 beatissimam? cogitant inquit assidue beatos esse se.  
 habent enim nihil aliud quod agitent in mente. com-  
 prehende igitur animo, & propone ante oculos,  
 deum nihil aliud in omni æternitate, nisi mihi pulchre  
 est, & ego beatus sum, cogitantem. nec tamen uideo



quo modo uideatur iste deus beatus: cum sine ulla intermissione pulsetur, agiteturq; incursione atomorum sempiterna: cumq; ex ipso imagines semper affluant. ita nec beatus est uester deus: nec aternus. At etiam de sanctitate, de pietate aduersus deos, libros scripsit Epicurus. at quo modo in his loquitur? ut Corrum-  
 canum, aut Scævolam pontifices maximos te audire di-  
 cas: non eum qui sustulerit omnem funditus religio-  
 nem: nec manibus, ut Xerxes, sed rationibus, deorum  
 immortalium templa et aras enerverit. quid est enim  
 cur deos ab hominibus colendos dicas? cum dii non  
 modo homines non colant: sed omnino nihil curent:  
 nihil agant. At est eorum eximia quædam præstansq;  
 natura: ut ea debeat ipsa per se ad se colendam eli-  
 cere sapientem. an quicquam eximium potest esse in  
 ea natura? quæ sua uoluptate letans, nihil nec actu-  
 ra sit unquam: neq; agat: neq; egerit? quæ porro  
 pietas ei debetur? a quo nihil acceperis? aut quid  
 omnino, cuius nullum meritum sit, ei deberi potest?  
 Est enim pietas iustitia aduersum deos: cum qbus quid *pietas*  
 potest nobis esse iuris? cum homini nulla cum deo sit  
 communitas. Sanctitas autem, est scientia colendorum *Sanctitas*  
 deorum: qui quamobrem colendi sint non intelligo,  
 nullo nec accepto ab ijs, nec sperato bono. quid est  
 autem, qd eos ueneremur propter admirationem eius  
 naturæ? in qua egregium nihil uidemus? Nam super-  
 stitione, quod gloriari soletis: facile est liberare: cum  
 sustuleris omnem uim deorum. Nisi forte Diagoram,  
 aut Theodorum, qui omnino deos esse negabant: censes  
 supersticiosos esse potuisse. ego ne Prothagoram quidem:  
 cui neutrum liquerit, nec esse deos, nec non esse. ho-



46 DE NATURA DEORVM

rum enim sententia omnium non modo superstitionem tollunt: in qua inest timor inanis deorum: sed etiam religionem: quæ deorum cultu pio continetur. quid? hi, qui dixerunt totam de dijs immortalibus opinionem fictam esse ab hominibus sapientibus reip. causa: ut quos ratio non posset, eos ad officium religio duceret: nonne omnem religionem funditus sustulerunt? quid Prodicus chius? qui ea quæ prodesse Cius. hominum uitæ, deorum in numero habitæ esse dixit: quam tandem religionem reliquit? quid qui aut fortes, aut claros, aut potentes viros tradunt post mortem ad deos peruenisse? eosq; esse ipsos, quos nos colere, precari, uenerariq; soleamus? nonne expertes sunt religionum omnium? quæ ratio maxime tractata ab Euhemero est: quem noster & interpretatus & secutus est præter cæteros Ennius. ab Euhemero autem, & mortes, & sepulturæ demonstrantur deorum. utrum igitur hic confirmasse religionem uidetur? an penitus totam sustulisse? omitto Eleusinam sanctam illam & augustam:

» Vbi inciantur gentes orarum ultimæ.

Præterea samothraciam: eaq; quæ lemni nocturno aditu occulta coluntur siluestribus sepibus densa. quibus explicatis, ad rationemq; reuocatis, rerum magis natura cognoscitur, quàm deorum. Mihi quidem etiam Democritus uir magnus imprimis, cuius fontibus Epicurus hortulos suos irrigauit: mutare uidetur in natura deorum. tum enim censet imagines diuinitate præditas inesse uniuersitati rerum: tum principia, mentesq; quæ sunt in eodem uniuerso deos esse dicit: tum animantes imagines, quæ uel prodesse nobis solent:



bis solent: uel nocere: tum ingentes quasdam imagi-  
 nes, tantasq; , ut uniuersum mundum complectantur  
 extrinsecus. quæ quidem omnia sunt patria Demo-  
 criti, q̄ Democrito digniora. quis enim istas imagines  
 comprehendere animo potest? quis admirari? quis  
 aut cultu, aut religione dignas iudicare? Epicurus ue-  
 ro ex animis hominum extraxit radiatus religio-  
 nem: cum dijs immortalibus & opem, & gratiam  
 sustulit. cum enim optimam & præstantissimam na-  
 turam dei dicat esse: negat idem esse in deo gratiam.  
 tollit id quod maxime proprium est optimæ præstan-  
 tissimæq; naturæ. quid enim est melius, aut quid præ-  
 stantius, bonitate, & beneficentia? qua cum carere  
 deum uultis: neminem deo nec deum, nec hominem  
 carum, neminem ab eo amari, neminem diligere uul-  
 tis. Ita fit ut non modo homines à dijs, sed ipsi dij  
 inter se ab alijs alij negligantur. Quanto stoici me-  
 lius: qui à uobis reprehenduntur. censent autem sa-  
 pientes sapientibus etiam ignotis esse amicos. nihil est  
enim uirtute amabilius. quam qui adeptus erit, ubi-  
 cunq; erit gentium, à nobis diligetur. uos autem quid  
 mali datis? cum imbecillitatem, gratificationem, &  
 beniuolentiam ponitis. ut enim omittam uim & na-  
 turam deorum: ne homines quidem censetis, nisi im-  
 becilli essent: futuros beneficos, & benignos fuisse.  
nulla est charitas naturalis inter bonos. charum  
 ipsum uerbum est amoris: ex quo amicitiae nomen  
 est ductum: quam si ad fructum nostrum referemus,  
 non ad illius commoda, quem diligimus: non erit ista  
 amicitia, sed mercatura quædam utilitatum suarum.  
 prata, & arua, & pecudum greges diliguntur isto



48 DE NATURA DEORVM

modo: q̄ fructus ex eis capiuntur. hominum chari-  
tas, & amicitia, gratuita est. quanto igitur magis  
deorum? qui nulla re egentes & inter se diligunt: &  
hominibus consulunt. quod ni ita sit: quid uenera-  
mur, quid precamur deos? cur sacris Pontifices, cur  
auspicijs augures præsunt? quid optamus a dijs im-  
mortalibus? quid nouemus? At etiam Epicuri liber  
est de sanctitate. ludimur ab homine non tam faceto,  
quàm ad scribendi licentiam libero. quæ enim potest  
esse sanctitas? si dij humana non curant? quæ autem  
animans natura, nihil curans? uerius est igitur illud  
nimium: quod familiaris omnium nostrum Possido-  
nius disseruit in libro quinto de natura deorum: nul-  
los esse deos Epicuro uideri: quæq; is de dijs immor-  
talibus dixerit, inuidiæ detestandæ gratia dixisse.  
neq; enim tam desipiens fuisset: ut homunculis similem  
deum fingeret, liniamenti duntaxat extremis, non  
habitu solido: membris hominis præditum omnibus,  
usu membrorum ne minimo quidem: exilem quen-  
dam, atq; perlucidum, nihil cuiquam tribuentem,  
nihil gratificantem, omnino nihil curantem, nihil  
agentem. quæ natura primum nulla esse potest: idq;  
uidens Epicurus, re tollit, oratione reliquit deos. de-  
inde si maxime talis est deus: ut nulla gratia, nulla  
hominum charitate teneatur: ualeat: quid enim di-  
cam propitius sit? esse enim propitius potest nemini:  
quoniam ut dictis omnis in imbecillitate est & gra-  
tia, & charitas.

M. T. C.



49  
M. TVLLII CICERONIS  
DE NATVRA DEORVM  
LIBER SECVNDVS.

q Væ cum Cotta dixisset: tum Velleius,  
ne ego inquit incautus: qui cum acca-  
demico, & eodem rhetore congregi  
conatus sum. nam neq; indisertum acca-  
demicum pertinuissim: nec sine ista  
philosophia, rhetorem quamuis elo-  
quentem. neq; enim flumine conturbor manium uer-  
borum: nec subtilitate sententiarum, si orationis est  
siccitas. tu autem Cotta utraq; re ualuisi: corona tibi,  
& indices defuerunt. sed ad ista alijs. nunc Lucilium  
si ipsi commodum est: audiamus. Tum Balbus eun-  
dem inquit malle audire Cottam: dum qua eloquen-  
tia falsos deos sustulit: eadem ueros inducat. est enim  
& philosophi, & pontificis, & Cottæ: de dijs im-  
mortalibus habere non errantem, & uagam, ut acca-  
demici, sed ut nostri stabilem, certamq; sententiam.  
nam contra Epicurum satis superq; dictum est. sed  
aueo audire tu ipse Cotta quid sentias. An inquit  
oblitus es, quod initio dixerim, facilius me, talibus  
præsertim de rebus, quid non sentirem, quàm quid  
sentirem posse dicere? quod si haberem aliquid, quod  
liqueret: tamen te audire uicissim uellem: cum ipse  
tam multa dixissem. Tum Balbus geram tibi mo-  
rem: & agam quam breuissime potero. & enim con-  
uictis epicuri erroribus, longa de mea disputatione  
detracta oratio est. Omnino diuidunt nostri totam

d ii



50. DE NATURA DEORVM

istam de dijs immortalibus quæstionem in partes quattuor. Primum docere esse deos. Deinde quales sint. Tum mundum ad his administrari. Postremo consulere eos rebus humanis. Nos autem hoc sermone, quæ priora duo sunt, sumamus: tertium, & quartum, quia maiora sunt, puto in aliud esse tempus differenda. Minime uero inquit Cotta: nam & ociosus sumus: & ijs de rebus agimus, quæ sunt etiam negotijs anteponendæ. Tum Lucilius ne egere quidem uidetur inquit oratione prima pars. quid enim potest esse tam apertum, tamq; perspicuum? cum cælum suspeximus: cælestiaq; contemplati sumus: quàm esse aliquod numen præstantissimæ mentis: quo hæc regantur? quod ni ita esset: qui potuisset assensu omnium dicere Ennius,

» Aspice hoc sublime candelæ: quem inuocant omnes Iouē. Illum uero & Iouem, & dominatorem rerum, & omnia nutu regentem, & ut idem Ennius,

» -patrem, diuūmq; hominumq;

Et præsentem, ac præpotentem deū. quod qui dubitat, haud sane intelligo, cur non idem, sol sit, an nullus sit dubitare possit. quid enim est hoc illo euidentius? quod nisi cognitum cōprehensumq; animis haberemus: non tam stabilis opinio pmaneret: nec confirmaretur diuturnitate tēporis: nec unā cū sæculis, ætatibusq; hominum inueterare potuisset. etenim uidemus cæteras opiniones fictas, atq; uanas diuturnitate extabuisse. quis. nō hyppocentaurum fuisse, aut chimera putat? quæ uenæ tam ex cōrs inueniri potest? quæ illa, quæ quondā credebantur, apud inferos portenta extimescat? opinio- num enim commenta delet dies: naturæ iudicia confirmat.





## LIBER SECVNDVS. 51

firmat. itaq; & in nostro populo, & in cæteris, deorum cultus religionumq; sanctitates existunt in dies maiores, atq; meliores. Idq; euenit non temere, nec casu: sed q; præsentiam sæpe diui suam declarant: ut & apud regillum bello latinorum: cum A. Posthumus dictator cum Octauio Mamilio tusculano prælio dimicaret: in nostra acie Castor, & Pollux ex equis pugnare uisi sunt: & recentiore memoria iðem tyn-  
 daridæ Persem uictum nunciauerunt. P. enim Vaci-  
 nus, auus huius adolescentis, cum e' præfectura reat-  
 ina romam uenienti noctu duo iuuenes cum equis  
 albis dixissent, regem Persem illo die captum: senatus  
 nunciauit: & primo quasi temere de rep. locutus esset,  
 in carcerem coniectus est: post à Paulo litteris allatis  
 cum idem dies constisset: & agro à senatu, & ua-  
 catione donatus est. Atq; etiam cum ad flumini sa-  
 gram crotoniatis locri maximo prælio deuicissent: eo  
 ipso die auditam esse eam pugnam ludis olympiæ me-  
 moriæ proditum est. Sæpe faunorum uoces exaudite,  
 sæpe uisæ formæ deorum, quemuis aut non hebetem,  
 aut impium, deos præsentem esse confiteri coegerunt.  
 Prædictiones uero, & præensiones rerum futurarum  
 quid aliud declarant? nisi hominibus ea, quæ sint,  
 ostendi, monstrari, portendi, prædici? ex quo illa  
 ostenta, monstra, portenta, prodigia dicuntur. Quod  
 si ea ficta credimus licentia fabularum, Mopsus, Ti-  
 resiam, Amphiaræum, Calchantem, Helenum: quos  
 tamen augures ne ipsæ quidem fabulæ ascripserunt: si  
 res omnino repudiarent: ne domesticis quidem exem-  
 plis docti, numen deorum comprobauimus? nihil nos  
 P. Claudij bello punico primo temeritas mouebit? qui

d iii



## DE NATURA DEORVM

etiam per iocum deos irridens, cum cauea liberati  
 pulli non pascerentur: mergi eos in aquam iussit: ut  
 biberent, quoniam esse nollent. qui risus classe deuicta  
 multas ipsi lachrymas, magnam populo romano cla-  
 dem attulit. quid? collega eius Iunius, eodem bello,  
 nonne tempestate classem amisit? cum auspicijs non  
 paruisset? itaq; P. Claudius a populo condemnatus est.  
 Iunius necem sibi ipse conscivit. C. Flaminium Ce-  
 lius religione neglecta cecidisse apud Thrasimenū scri-  
 bit, cum magno reip. vulnere. quorum exitio intelli-  
 gi potest: eorum imperijs remp. amplificatam, qui  
 religionibus paruissent. Et si conferre uolumus nostra  
 cum externis: ceteris rebus aut pares, aut etiam in-  
 feriores reperiemur: religione, idest cultu deorum,  
 multo superiores. An Actij Nauij lituus ille, quo ad  
 inuestigandum suam regiones uinea terminauit, con-  
 temnendus est? crederem: nisi eius augurio rex Ho-  
 stilius maxima bella gessisset: sed negligentia nobili-  
 tatis augurum disciplina omissa, ueritas auspiorum  
 sprete est: species tantum retenta. Itaq; maxime Reip.  
 partes, in his bella, quibus Reip. salus continetur:  
nullis auspicijs administrantur: nulla perennia ser-  
uantur: nulla ex acuminibus: nulli uiri uocantur: ex  
 quo in procinctu testamenta perierunt. tum enim bel-  
 la gerere nostri duces incipiunt: cum auspicia posue-  
 runt. at uero apud maiores tanta religionis uis fuit:  
 ut quidam imperatores etiam seipsos dijs immorta-  
 libus capite uelato uerbis certis pro rep. deuouerent.  
 Multa ex sibyllinis uaticinationibus, multa ex aru-  
 spicum responsis commemorare possum: quibus ea con-  
 firmantur: quae dubia nemini debent esse. Atqui et  
 nostrorum



## LIBER SECVNDVS. 253

nostrorum augurum, & hetruscorum, & aruspicum  
 disciplinam, P. Scipione, C. Figulo consulibus res ipsa  
 probauit. quos cum Tibe. Gracchus consul iterum  
 crearet, primus rogatorum, ut eos rettulit, ibidem  
 est repente mortuus. Gracchus cum comitia nihilo  
 minus peregisset: remque illam in religionem populo  
 uenisse sentiret: ad senatum rettulit: senatus quos ad  
 soleret, referendum censuit. aruspices introducti, re-  
 sponderunt, non fuisse iustum comitiorum rogato-  
 rem. tum Gracchus, ut e' patre audiebam, incensus  
 ira, ita ne uero? ego non iustus? qui & consul roga-  
 ui, & augur, & auspicator? an uos thusci ac barbari  
 auspiciorum populi ro. ius tenetis? & interpretes esse  
 comitiorum potestis? itaque tum illos exire iussit. post  
 autem ex provincia litteras ad collegium misit: se  
 cum legeret libros, recordatum esse uitio sibi taber-  
 naculum captum fuisse in hortos Scipionis. quod cum  
 pomerium postea intrasset habendi senatus causa: in  
 redeundo, cum idem pomerium transiret, auspicari  
 esset oblitus. itaque uitio creatos esse consules. augures  
 rem ad senatum. senatus ut abdicarent. consules, ab-  
 dicauerunt. quae quærimus exempla maiora? uir sa-  
 pientissimus, atque haud scio an omnium præstantissi-  
 mus, peccatum suum, quod celari possit, confiteri  
 maluit: quod hæere in rep. religionem: Consules sum-  
 mum imperium statim deponere: quod id tenere pun-  
 ctum temporis contra religionem. magna augurum  
 auctoritas. quid aruspicum ars? nonne diuina? hæc  
 innumerabilia ex eodem genere qui uideat, nonne  
 cogatur confiteri deos esse: quorum enim interpretes  
 sunt, eos ipsos esse certe necesse est. deorum autem

d iiii



#### 54. DE NATURA DEORVM

interpretes sunt. deos igitur esse fateamur. At fortasse non omnia eueniunt, quæ prædicta sunt. ne ægri quidem, quia non omnes conualescunt, ideo ars nulla medicina est. Signa ostenduntur à dijs rerum futurarum. in his, si qui errauerunt: non deorum natura, sed hominum coniectura peccauit. itaq; inter omnes omnium gentium sententia constat. omnibus enim innatum est, & in animo quasi insculptum, esse deos. Quales sint uarium est: esse nemo negat. Cleanthes quidem noster quattuor de causis dixit in animis hominum informatas deorum esse notiones. Primam posuit eam, de qua modo dixi: quæ orta esset ex præsentione rerum futurarum. Alteram, quam ceperimus ex magnitudine commodorum: quæ percipiuntur celi temperatione, fecunditate terrarum, aliarumq; commoditatum complurium copia. Tertiam, quæ terreret animos fulminibus, tempestatibus, nimbis, niuib, grandinibus, uasitate, pestilentia, terræmotibus, et sæpe fremitibus, lapideisq; hymbribus, & guttis hymbrium quasi cruentis, tum lapidibus, aut repentinis terrarum hiatibus, tum præter naturam hominum, pecudumq; portentis, tum facibus uisis cælestibus, tum stellis his, quas græci Comētas, nostri crinitas uocant: quæ nuper bello Octauiano magnarum fuerunt calamitatum præuunciæ: tum sole geminato, quod ut è patre audiui, Tuditano, & Aquilio Consulibus euenerat: quo quidem anno, P. africanus sol alter extinctus est. quibus exterriti homines, uim quandam esse cælestem, & diuinam suspicati sunt. Quartam causam esse: eamq; uel maximam, æquabilitatem motus, conuersionem cæli, solis, lunæ,



lunæ, syderumq; omnium distinctionem, utilitatem;  
 pulchritudinem, ordinem: quarum rerum aspectus  
 ipse satis indicaret non esse fortuita. Vt si quis in do-  
 mum aliquam, aut in gymnasium, aut in forum ue-  
 nerit: cum uideat omnium rerum rationem, modum,  
 disciplinam: non possit ea sine causa fieri iudicare: sed  
 esse aliquem intelligat: qui præsit: & cui pareatur.  
 multo magis in tantis motibus, tantisq; uicissitudini-  
 bus, tam multarum rerum, atq; tantarum ordinibus,  
 in quibus nihil unquam immensa, & infinita uetustas  
 mentita sit: statuatur necesse est, ab aliqua mente tantos  
 naturæ motus gubernari. Chrysippus quidem quan-  
 quam est acerrimo ingenio: tamen ea dicit: ut ab ipsa  
 natura didicisse, non ut ipse reperisse uideatur. Si enim  
 inquit est aliquid in rerum natura: quod hominis  
 mens, quod ratio, quod uis, quod potestas humana  
 efficere non possit: est certe id, quod illud efficit, homi-  
 ne melius. atqui res cælestes, omnesq; hæ, quarum est  
 ordo sempiternus, ab homine confici non possunt. est  
 igitur id, quo illa conficiuntur, homine melius. id autem  
 quid potius dixerim, q̄ deum? etenim si dū non sunt:  
 quid esse potest in rerum natura homine melius? in eo  
 enim solo ratio est: qua nihil potest esse præstantius.  
 esse autem hominem, qui nihil in omni mundo me-  
 lius esse, q̄ se putet, desipientis arrogantia est. ergo  
 est aliquid melius. est igitur profecto deus. An uero  
 si domum magnam, pulchramq; uideris, non possis  
 adduci, ut, etiam si dominum non uideas, muribus  
 illam, & mustellis edificatam putes? tantum uero  
 ornatum mundi, tantam uarietatem, pulchritudinemq;  
 rerum cælestium, tantam uim, & magnitudinem



## 56 DE NATURA DEORVM

maris, atq; terrarum, si tuum, ac non deorum im-  
 mortalium domicilium putes: nonne plane desipere  
 uideare? An ne hoc quidem intelligimus? omnia su-  
 pera esse meliora: terram autem esse infimam: quam  
 crassissimus circumfundat aër: ut ob eam ipsam cau-  
 sam, quod etiam quibusdam regionibus, atq; urbi-  
 bus contingere uidemus: hebetiora ut sint hominum  
 ingenia, propter cæli plenioram naturam: hoc idem  
 generi humano euenerit: q̃ in terra, hoc est in cras-  
 sissima regione mundi collocati sint. Et tamen ex ipsa  
 hominum solertia, esse aliquam mentem, Et eam qui-  
 dem acriorem, Et diuinam existimare debemus. unde  
 enim hanc homo arripuit? ut apud Xenophontem  
 Socrates. quin Et humorem, Et calorem, qui est  
 fusus in corpore, Et terrenam ipsam uiscerum soli-  
 ditatem, animum deniq; illum spirabilem, si quis  
 quærat unde habemus: apparet q̃ aliud à terra  
 sumpsimus: aliud ab humore: aliud ab igne: aliud  
 ab aëre eo, quem spiritu ducimus. illud autem, quod  
 uincat hæc omnia, rationem dico, Et si placet plu-  
 ribus uerbis, mentem, consilium, cogitationem, pru-  
 dentiam, ubi inuenimus? unde suscipimus? an cætera  
 mundus habebit omnia? hoc unum, quod plurimum  
 est, non habebit? Atqui certe nihil omnium rerum  
 melius est mundo: nihil præstabilius: nihil pulchrius:  
 nec solum nihil est: sed ne cogitari quidem quicquam  
 melius potest. Et si ratione Et sapientia nihil est me-  
 lius: necesse est hæc inesse in eo, quod optimum esse  
 concedimus. Quid uero tanta rerum consentiens, con-  
 spirans, continuata cognatio? quem non coget ea quæ  
 à me dicuntur comprobare? posset ne uno tempore



florere, deinde uicissim horrere terra? aut tot rebus  
 ipsis se immutantibus, solis accessus, discessusq; solsti-  
 tijs, brumisque cognosci? aut aestus maritimi, freto-  
 rumq; angustiae ortu, aut obitu lunae commoueri? aut  
 una totius caeli conuersione cursus astrorum dispares  
 conseruari? haec ita fieri omnibus inter se concinenti-  
 bus mundi partibus profecto non possent: nisi ea uno  
 diuino, & continuato spiritu continerentur. Atq; haec  
 cum uberius disputantur, & fusius: ut mihi est in  
 animo facere: facilius effugiunt Academicorum ca-  
 lumniam. cum autem, ut Zeno solebat, breuius, an-  
 gustiusq; concluduntur: tum apertiora sunt ad repre-  
 hendendum. nam ut profluens amnis, aut uix, aut  
 nullo modo: conclusa autem aqua facile corrumpitur:  
 sic orationis flumine reprehensoris uicia diluuntur:  
 angustia autem conclusae orationis non facile se ipsa tu-  
 tatur. haec enim quae dilatantur a nobis, Zeno sic  
 premebat. Quod ratione utitur, id melius est, quam  
 id quod ratione non utitur. nihil autem mundo me-  
 lius. ratione igitur mundus utitur. similiter effici po-  
 test sapientem esse mundum: similiter beatum: similiter  
 aeternum. omnia enim haec meliora sunt, q̄ ea, quae  
 sunt his carentia: nec mundo quicquam melius: ex  
 quo efficitur esse mundum deum. Idemq; hoc modo,  
 nullius sensu carentis, pars aliqua potest esse sentiens:  
 mundi autem partes sentientes sunt: non igitur caret  
 sensu mundus. pergit idem, & urget angustius. nihil  
 inquit quod animi, quodq; rationis est expers: id gene-  
 rare ex se potest animantem, compotemq; rationis: mun-  
 dus autem generat animantes, compotesq; rationis.  
 animans est igitur mundus, composq; rationis. Idemq;



58. DE NATURA DEORVM

similitudine, ut sæpe solet, rationem conclusit hoc modo. si ex olina modulate canentes tibiæ nascerentur: non dubitares, quin esset in olina tibianus quædam scientia. quid si platani fidiculas ferrent numeroſe ſonantes? idem ſcilicet cenſeres: in platanis inſeſſe muſicam. cur igitur mundus non animans, ſapiensq; iudicetur? cum ex ſe procreet animantes, atq; ſapientes? ſed quoniam capî ſecus agere, atq; initio dixeram. negaram enim hanc primam partem egere oratione: quod eſſet omnibus perſpicuum, deos eſſe: tamen id ipſum rationibus phyſicis confirmari uolo. ſic enim res ſe habet: ut omnia, quæ alantur, & creſcant, contineant in ſe uim caloris: ſine qua neq; ali poſſent, neq; creſcere. nam omne quod eſt calidum, & igneum: cietur, & agitur motu ſuo: quod autem alitur, & creſcit, motu quodam utitur certo, & æquabili: qui quâdiu remanet in nobis: tãdiu ſenſus, & uita remanet. refrigerato autem, & extincto calore, occidimus ipſi, & extinguimur. quod quidem Cleanthes his etiam argumentis docet, quanta uis inſit caloris in omni corpore. negat enim ullum eſſe cibum tam grauem: quin is die, & nocte concoquatur: cuius etiam in reliquijs inest calor his, quas natura reſpuerit. Iam uero uenæ, & arteriæ nutrire non deſinunt, quaſi quodam igneo motu: animaduertumq; ſæpe eſt, cum cor animantis alicuius euulſum, ita mobiliter palpigaret: ut mutaretur igneam celeritatem. Omne igitur quod uiuit, ſiue animal, ſiue terra editum, id uiuit propter incluſum in eo calorem, ex quo intelligi debet eam caloris naturam uim in ſe habere uitalem per omnem mundum pertinentem. Atq;



id facilius cernemus toto genere hoc igneo, quod tra-  
nat omnia, subtilius explicato. Omnes igitur partes  
mundi tangam: quæ maximo calore fultæ sustinen-  
tur. quod primum in terrena natura perspicui potest.  
nam & lapidum conflictu, atq; tritu elici ignem ui-  
demus: & recenti fossione

» terram fumare calentem:

atq; etiam ex puteis iugibus aquam calidam trahi:  
& id maxime hibernis fieri temporibus: q̃ magna  
uis terræ cauernis contineatur caloris: eaq; hyeme sit  
densior: ob eamq; causam calorem insitum in terris  
contineat arctius. Longa est oratio, multæq; rationes:  
quibus doceri possit, omnia, quæ terra concipiat se-  
mina: quæq; ipsa ex se generata stirpibus infixæ con-  
tineat: ea temperatione caloris & oriri, & augescere.  
Atq; aquæ etiam admixtum esse calorem, primum  
ipse liquor, tum aquæ declarat effusio: quæ neq; con-  
glaciaret frigoribus: neq; niue pruinaq; concreveret:  
nisi eadem se admixto calore liquefacta, & dilapsa  
diffunderet. itaq; & aquilonibus, reliquisq; frigori-  
bus adiectis durescit humor: & idem uicissim molli-  
tur tepefactus, & tabescit calore. atq; etiam maria  
agitata uentis ita tepefunt: ut intelligi facile possit in  
tantis illis humoribus inclusum esse calorem. nec enim  
ille externus, & aduentitius habendus est tepor: sed  
ex intimis maris partibus agitatione excitatus: quod  
nostris quoq; corporibus contingit, cum motu atque  
exercitatione recalescunt. Ipse uero aër, qui natura  
est maxime frigidus: minime est expers caloris. ille  
uero & multo quidem calore admixtus est. ipse enim  
oritur ex respiratione aquarum. earum enim quasi



## 60 DE NATURA DEORVM

vapor quidam aer habendus est. is autem existit mo-  
 tu eius caloris, qui aquis continetur. quam similitudi-  
 nem cernere possumus in his aquis, quae effervescent  
 subditis ignibus. Iam uero reliqua quarta pars mun-  
 di, ea et ipsa tota natura feruida est: et ceteris na-  
 turis omnibus salutarem impertit, et uitalem calo-  
 rem. ex quo concluditur, cum omnes mundi partes  
 sustineantur calore: mundum etiam ipsum simili, pa-  
 riq; natura in tanta diuturnitate seruari: eoq; magis,  
 quod intelligi debet calidum illud, atq; igneum ita in  
 omni fufum esse natura: ut in eo insit procreandi uis,  
 et causa gignendi: a quo et animantia omnia, et  
 ea quorum stirpes terra continentur, et nasci sit ne-  
 cesse, et augescere. natura est igitur quae contineat  
 mundum omnem: eumq; tueatur: et ea quidem, non  
 sine sensu, atq; ratione. omnem enim naturam necesse  
 est, quae non solitaria sit, neq; simplex, sed cum alio  
 coniuncta, atq; connexa: habere aliquem in se prin-  
 cipatum: ut in homine mentem: in bellua quiddam  
 simile mentis: unde oriantur rerum appetitus. In ar-  
 borum autem, et earum rerum quae gignuntur e ter-  
 ra, radicibus inesse principatus putatur. Principatum  
 autem id dico: quod graeci *ἡγεμονία* uocant: quo ni-  
 hil in quoq; genere nec potest, nec debet esse praestan-  
 tius. itaq; necesse est illud etiam, in quo sit totius na-  
 turae principatus: esse omnium optimum, omniumq; re-  
 rum potestate dominatuq; dignissimum. uidemus au-  
 tem in partibus mundi (nihil est enim in omni mundo:  
 quod non pars uniuersi sit) inesse sensum et rationem.  
 in ea parte igitur, in qua mundi est principatus, haec  
 inesse necesse est: et acriora quidem, atq; maiora. quo



circa sapientem esse mundum necesse est: naturamq;  
 eam, quæ res omnes complexa teneat, perfectione  
 rationis excellere: eoq; deum esse mundum: omnemq;  
 um mundi diuina natura contineri. Atq; mundi fer-  
 uor ille purior, perlucidior, mobiliorq; multo, ob easq;  
 causas aptior ad sensus commouendos: quam hic no-  
 ster calor: quo hæc quæ nota nobis sunt, retinentur,  
 & uigent. absurdum est igitur dicere, cum homines,  
 bestiaq; hoc calore teneantur: & propterea mouean-  
 tur, & sentiant: mundum esse sine sensu: qui inte-  
 gro, & puro, & libero, eodemq; acerrimo, & mobi-  
 lissimo ardore teneatur: præsertim cum is ardor, qui  
 est mundi, non agitur ab alio, neq; externo pulsu,  
 sed per se ipse, ac sua sponte moueatur. nam quid po-  
 test esse mundo ualentius? quod pellat, atq; moueat  
 calorem eum, quo ille teneatur? audiamus enim Pla-  
 tonem quasi quendam deum philosophorum: cui duos  
 placet esse motus: unum suum, alterum externum: esse  
 autem diuinius, quod ipsum ex se sua sponte mouea-  
 tur: quàm quod pulsu agitur alieno. hunc autem  
 motum in solis animis esse ponit: ab hisq; principium  
 motus esse ductum putat. Quapropter quoniam ex  
 mundi ardore motus omnis oritur: is autem ardor  
 non alieno impulsu, sed sua sponte mouetur: animus  
 sit necesse est. ex quo efficitur animantem esse mundum.  
 Atq; ex hoc quoq; intelligi poterit, in eo inesse intel-  
 ligentiam: quod certe est mundus melior q̃ ulla na-  
 tura. ut enim nulla pars corporis nostri est: quæ non  
 sit minor, quàm nosmetipsi sumus: sic mundum uni-  
 uersum pluris esse necesse est, quàm partem aliquam  
 uniuersi. quod si ita est: sapiens sit mundus necesse est.



## 62 DE NATURA DEORVM

nam nō ita esset, hominem, qui est mundi pars, quoniam rationis est particeps: pluris esse quā mundum omnem oporteret. Atq; etiam si à primis inchoatisq; naturis ad ultimas perfectasq; uolumus procedere: ad deorum naturam perueniamus necesse est. primo enim animaduertimus à natura sustineri ea, quæ gignuntur è terra: quibus natura nihil tribuit amplius: quā ut ea alendo, atq; augendo tueretur. bestijs autem sensum & motum dedit, & cum quodam appetitu accessum ad res salutare, à pestiferis recessum. homini hoc amplius: q̃ addidit rationem, qua regerentur animi appetitus: qui tum remitterentur: tum continerentur. quartus autem gradus, & altissimus, eorum, qui natura boni, sapientesq; gignuntur: quibus à principio innascitur ratio recta, constansq;: quæ supra hominem putanda est, deoq; tribuenda, idest mundo: in quo necesse est perfectam illam, atq; absolutam inesse rationem. neq; enim dici potest in ulla rerum institutione non esse aliquid extremum, atq; perfectum. ut enim in uite ut in pecude (nisi quæ uis obstitit) uidemus naturam suo quodam itinere ad ultimum peruenire: atq; ut pictura, & fabrica, ceteraq; artes habent quendam absoluti operis effectum: sic in omni natura, ac multo etiam magis, necesse est absolui aliquid ac perfici. etenim cæteris naturis multa externa, quo minus perficiantur, possunt obsistere: uniuersam autem naturam nulla res potest impedire: propterea quod omnes naturas ipsa cohibet, & continet. quo circa necesse est esse illum quartum, & altissimum gradum: quo nulla uis possit accedere. is autem gradus est: in quo rerum omnium natura ponitur: quæ  
quoniam



quoniam talis est, ut præsit omnibus: & eam nulla res possit impedire: necesse est intelligentem esse mundum, & quidem etiam sapientem. Quid autem est inscius? quàm eam naturam, quæ omnis res sit complexa, non optimam dici? aut cum sit optima: non primum animantem esse? deinde rationis, & consilij compotem? postremo sapientem? qui enim aliter potest esse optima? neq; enim si stirpium similis sit, aut etiam bestiarum, optima putanda sit potius, quàm deterrima: nec uero si rationis particeps sit: nec sit tamen à principio sapiens: non sit deterior mundi potius, quàm humana conditio. homo enim sapiens fieri potest: mundus autem, si in æterno præteriti temporis spatio fuit insipiens: nunquam profecto sapientiam consequetur. ita erit homine deterior. quod quoniam absurdum est: & sapiens à principio mundus, & deus habendus est. neq; enim est quicquam aliud præter mundum: cui nihil absit: quodq; undiq; aptum, atq; perfectum, expletumq; sit omnibus suis numeris, & partibus. Scite enim Chrysippus, ut clypei causa inuolucrum, uaginam autem gladij, sic præter mundum cætera omnia aliorum causa esse generata. ut eas fruges, atq; fructus, quos terra gignit, animantium causa, animantes autem hominum, ut equum uehendi causa, arandi bouem, uenandi, & custodiendi canem, ipse autem homo ortus est ad mundum contemplandum, & mirandum, nullo modo perfectus, sed quedam particula perfecti: sic mundus, quoniam omnia complexus est: nec est quicquam quod non insit in eo: perfectus undiq; est. quid igitur potest ei deesse, quod est optimum? nihil autem est mente &



## 64 DE NATURA DEORVM

ratione melius. ergo hæc mundo deesse non possunt.  
 Bene igitur idem Chrysippus: qui similitudines adiun-  
 gens omnia in perfectis, & maturis docet esse melio-  
 ra: ut in equo, quàm in equulo, in cane, quàm in  
 catulo, in uiro, quàm in puero. item quod in omni  
 mundo optimum sit, id in perfecto aliquo, atq; abso-  
 luto esse debere. est autem mundo nihil perfectius: nihil  
 uirtute melius: igitur mundi est propria uirtus. nec ue-  
 ro hominis natura perfecta est: & efficitur tamen in  
 homine uirtus. quanto igitur in mundo facilius? est ergo  
 in eo uirtus. sapiens igitur est: & propterea deus.  
 Atq; hac mundi diuinitate perspecta, tribuenda est  
 syderibus eadem diuinitas: quæ ex mobilissima, pu-  
 rissimaq; ætheris parte gignuntur: neq; ulla præterea  
 sunt admixta natura: totaq; sunt calida, atq; perlu-  
 cida: ut ea quoq; rectissime & animantia esse, & sen-  
 tire, atq; intelligere dicantur. Atq; ea quidem tota esse  
 ignea duorum sensuum testimonio confirmari Clean-  
 tes putat, tactus, & oculorum. nam solis candor il-  
 lustrior quàm ullus ignis: quippe qui immenso mun-  
 do tam longe, lateq; colluceat: & is eius tactus est:  
 non ut tepesciat solum: sed etiam sæpe comburat.  
 quorum neutrum faceret, nisi esset igneus. ergo inquit,  
 cum sol igneus sit: oceaniq; alatur humoribus: quia  
 nullus ignis sine pastu aliquo possit permanere: ne-  
 cesse est aut ei similis sit igni, quem habemus ad usum,  
 atq; ad uictum: aut ei, qui corporibus animantium  
 continetur. atq; hic noster ignis, quem usus uitæ re-  
 quirat, confector est, & consumptor omnium: idemq;  
 quocunq; inuasit, cuncta disturbat, ac dissipat. contra  
 ille corporeus, uitalis, & salutaris omnia conseruat,  
 alit, auget,



## LIBER SECVNDVS. 665.

alit, auget, sustinet, sensuq; afficit. negat ergo esse dubium, horum ignium sol utri similis sit: cum is quoq; efficiat, ut omnia floreat: & in suo quaq; genere pubescant. quare cum solis ignis similis eorum ignium sit: qui sunt in corporibus animantium: solem quoq; animantem esse oportet. & quidem reliqua astra: quæ oriuntur in ardore cælesti: qui æther, uel cælum nominatur. cum igitur aliorum animantium ortus in terra sit: aliorum in aqua: in aëre aliorum: absurdum esse Aristoteli uidetur, in ea parte, quæ sit ad gignenda animalia aptissima, animal gigni nullum putare. Sydera autem æthereum locum obtinent: qui quoniam tenuissimus est: & semper agitur, & uiget: necesse est, quod animal in eo gignatur, idem quoq; sensu acerrimo, & mobilitate celerissima esse. quare cum in æthere astra gignantur: consentaneum est, in his sensum inesse, & intelligentiam. ex quo efficitur. in deorum numero astra esse ducenda. etenim licet uidere acutiora ingenia, & ad intelligendum aptiora eorum, qui terras incolant eas, in quibus aer sit purus, ac tenuis: quàm illorum, qui utantur crasso cælo, atq; concreto. Quin etiam cibo quo utare, interesse aliquid ad mentis aciem putant. probabile est igitur præstantem intelligentiam in syderibus esse: quæ & ætheream mundi partem incolant: & marinis, terrenisq; humoribus longo intervallo extenuatis alantur. Sensum autem astrorum, atq; intelligentiam maxime declarat ordo eorum, atq; constantia. nihil est enim quod ratione, & numero moueri possit, sine consilio: in quo nihil est temerarium: nihil uarium: nihil fortuitum. ordo autem syderum, & in



# 66 DE NATVRA DEORVM

omni æternitate constantia, neq; naturam significat: est enim plena rationis: neq; fortunam: quæ amica uarietati constantiam respuit. sequitur ergo, ut ipsa sua sponte, suo sensu, ac diuinitate moueantur. Nec uero Aristoteles non laudandus in eo: quod omnia, quæ mouentur, aut natura moueri censuit, aut ui, aut uoluntate. moueri autem solem, & lunam, & sydera omnia. quæ autem natura mouerentur: hæc aut pondere deorsum, aut leuitate in sublime ferri: quorum neutrum astris contingeret: propterea q̄ eorum motus in orbem circumferretur. nec uero dici potest ui quadam maiore fieri: ut contra naturam astra moueantur. quæ enim potest maior esse? restat igitur ut motus astrorum sit uoluntarius. quæ qui uideat: non indocte solum, uerum etiam impie faciat: si deos esse neget. Nec sane multum interest, utrum id neget, an eos omni procuratione, atq; actione priuet. mihi enim qui nihil agit, esse omnino non uidetur. Esse igitur deos ita perspicuum est: ut id qui neget, uix cum sanæ mentis existimem.

Sane restat, ut qualis eorum natura sit, consideremus: in quo nihil est difficilius, quàm a consuetudine oculorum aciem mentis abducere: ea difficultas induxit & uulgo imperitos, & similes philosophos imperitorum: ut nisi figuris hominum constitutis, nihil possent de dijs immortalibus cogitare. cuius opinionis leuitas confutata à Cotta non desiderat orationem meam. sed cum talem esse deum certa notione animi præsentiamus: primum ut sit animans: deinde ut in omni natura nihil eo sit præstantius: ad hanc præensionem, notionemq; nostram, nihil uideo quod potius accommodem: quàm ut pri-

num



num hunc ipsum mundum, quo nihil fieri excellens potest: animantem esse, & deum iudicem. Hic quod uolet Epicurus iocetur, homo non aptissimus ad iocandum: minimeque respiciens patriam: & dicat se non posse intelligere, qualis sit volubilis, & rotundus deus: tamen ex hoc, quod ipse etiam probat: nunquam me mouebit. placet enim illi esse deos: quia necesse sit praestantem aliquam esse naturam: qua nihil sit melius. mundo autem certe nihil est melius. nec dubium quin quod animans sit, habeatque sensum, & rationem, & mentem: id sit melius, quam id, quod his careat. ita efficitur animantem, sensus, mentis, rationis mundum esse compotem. qua ratione deum esse mundum concluditur. sed haec paulopost facilius cognoscentur ex his rebus ipsis: quas mundus efficit. interea vellei noli quaeso praeterferre uos plane expertes esse doctrinae. conum tibi ais, & chilindrum, & pyramidem pulchriorem quam sphaeram uideri. nouum etiam oculorum iudicium habetis. sed sine ista pulchriora, duntaxat aspectu: quod mihi tamen ipsum non uidetur. quid enim pulchrius ea figura? quae sola omnes alias figuras complexa continet: quaeque nihil asperitatis habere, nihil offensionis potest: nihil incisum angulis, nihil anfractibus, nihil emnens, nihil lacunosum. cumque duae formae praestantes sint, ex solidis globus (sic enim οσφαιρον interpretari placet) ex planis autem circulus, aut orbis: qui οὐκλος graece dicitur: his duabus formis continetur solis, ut omnes earum partes sint inter se similes: a medioque tantum absit extremum, quantum idem a summo. quo nihil fieri potest aptius. sed si



## 68. DE NATURA DEORVM

hæc non uidetis: quia nunquam eruditum illum pul-  
uerem attigistis: an ne hoc physici quidem intelligere  
potuistis? hanc æqualitatem motus, constantiamq; or-  
dinum, in alia figura non potuisse seruari: itaq; ni-  
hil potest esse indoctius: quàm quod a uobis affirma-  
ri solet. nec enim hunc ipsum mundum pro certo ro-  
tundum esse dicatis. nam posse fieri ut sit alia figura:  
innumerabilesq; mundos, alios aliarum esse forma-  
rum. quæ, si bis bina quid essent didicisset Epicurus,  
certe non diceret. sed dum palato quid sit optimum  
iudicat: cæli palatum (ut ait Ennius) non suspexit.  
nam cum duo sint genera syderum: quorum alterum  
spacijs immutabilibus ab ortu ad occasum commeans,  
nullum unquam cursus sui uestigium inflectat: alte-  
rum autem continuas conuersiones duas hisdem spa-  
cijs cursibusq; conficiat: ex utraq; re & mundi uolu-  
bilitas, quæ nisi in globosa forma esse non posset, &  
stellarum rotundi ambitus cognoscantur: primusq; sol  
qui astrorum obtinet principatum, ita mouetur: ut  
cum terras larga luce compleuerit: easdem modo his,  
modo illis partibus opacet. ipsa enim umbra terræ  
soli officiens, noctem efficit. Nocturnorum autem spa-  
tiorum eadem est æqualitas, quæ diurnorum. eiusdemq;  
solis tum accessus modici, tum recessus, & frigoris, &  
caloris modum temperant. Circuitus enim solis or-  
bium V defectibus & LX & CCC, quarta fere  
diei parte addita, conuersionem conficiunt annuam. in-  
flectens autem sol cursum tum ad septentriones, tum  
ad meridiem, æstates, & hyemes efficit: & ea duo  
tempora: quorum alterum hyemi senescenti adiun-  
ctum est: alterum æstati. ita ex quattuor temporum  
mutationibus



mutationibus omnium, quæ terra, mariq; gignuntur,  
initia, causæq; ducuntur. Iam solis annuos cursus spa-  
cijs menstruis luna consequitur: cuius tenuissimum lu-  
men facit proximus accessus ad solem: digressus autem  
longissimus quisq;, plenissimum. neq; solum eius spe-  
cies ac forma mutatur tum crescendo, tum defectioni-  
bus in initia recurrendo: sed etiam regio: quæ tum  
est aquilonalis: tum australis. In lunæ quoq; cursu  
est & brumæ quædam, & solstitij similitudo: mul-  
taq; ab ea manant, & fluunt: quibus & animan-  
tes alantur, augescantq; & pubescant, maturitatemq;  
assequantur, quæ oriuntur e terra. Maxime uero ad-  
mirabiles sunt motus earum quinque stellarum: quæ  
falso uocantur errantes. nihil enim errat: quod in  
omni æternitate conseruat progressus, & regressus,  
reliquoq; motus, constantes, & ratos. quod eo est  
admirabilius in his stellis, quas dicimus: quia tum  
occulantur: tum rursus aperiantur: tum abeunt: tum  
recedunt: tum antecedunt: tum subsequuntur: tum  
celerius moventur: tum tardius: tum omnino ne mo-  
uentur quidem: sed ad quoddam tempus insistant.  
quarum ex disparibus motionibus magnum annum  
mathematici nominauerunt: qui tum efficitur: cum  
solis, & lunæ, & quinque errantium ad eandem in-  
ter se comparisonem confectis omnium spatijs est fa-  
cta conuersio. quæ q̄ longa sit, magna quæstio est: esse  
uero certam, & definitam necesse est. nam ea quæ  
Saturni stella dicitur: phænonq; à græcis nomina-  
tur: quæ à terra abest plurimum: XXX fere annis  
cursum suum confiat. in quo cursu multa mirabiliter  
efficiens tum antecedendo, tum retardando, tum ue-



70. DE NATURA DEORVM

spertinis temporibus delitescendo, tum matutinis rursum se aperiendo, nihil immutat sempiternis seculorum ætatibus: quin eadem hisdem temporibus efficiat. Infra autem hanc proprius à terra Iouis stella fertur quæ Phaeton dicitur: eaq; eundem XII signorum orbem annis XII conficit: easdemq; quas Saturni stella, efficit in cursu varietates. huic autem proximum inferiorem orbem tenet Pyrois: quæ stella Martis appellatur: eaq; IIII & XX mensibus VI ut opinor, diebus minus, eundem lustrat orbem, quem duæ superiores. Infra hanc autem stella Mercurij est: ea stilbon appellatur à græcis: quæ anno fere uertente signiferum lustrat orbem: neq; à sole longius unquam unius signi intervallo discedit, tum anteuertens, tum subsequens. Infima est quinque errantium, terræq; proxima stella Veneris: quæ phosphoros græce, lucifer latine dicitur, cum antegreditur solem: cum subsequitur autem, hesperos. Ea cursum anno conficit, & latitudinem lustrans signiferi orbis, & longitudinem: quod idem faciunt stellæ superiores: neq; unquam ab sole duorum signorum intervallo longius discedit tum antecedens, tum subsequens. Hanc igitur in stellis constantiam, hanc tantam, tam varijs cursibus in omni æternitate convenientiam temporum, non possum intelligere sine mente, ratione, consilio. quæ cum in syderibus inesse uideamus: non possumus ea ipsa non in deorum numero reponere. Nec uero stellæ hæ, quæ inerrantes uocantur: non significant eandem mentem, atq; prudentiam: quarum est quotidiana conueniens, constansq; conuersio. nec habent æthereos cursus, neq; calo inherentes, ut pleriq; dicunt physica rationis ignari.



ignari. non est enim ætheris ea natura: ut ui sua stel-  
 las complexa contorqueat. nam tenuis, ac perlucens,  
 & æquabili calore suffusus æther, non satis ad stel-  
 las continendas uidetur. habent igitur suam spheram  
 stellæ inerrantes ab æthereâ coniunctione secretam,  
 & liberam. Earum autem perennes cursus, atq; per-  
 petui, cum admirabili, incredibiliq; constantia, decla-  
 rant in his uim, & mentem esse diuinam: ut hæc ipsa  
 qui non sentiat deorum uim habere, is nihil omnino  
 sensurus esse uideatur. nulla igitur in cælo nec for-  
 tuna, nec temeritas, nec erratio, nec uanitas inest.  
 contraq; omnis ordo, ueritas, ratio, constantia. quæq;  
 his uacant, ea mentita, & falsa, plenaq; erroris eune  
 circum terras, infra lunam: quæ omnium ultima est,  
 in terrisq; uersatur. Cælestem ergo admirabilem or-  
 dinem, incredibilemq; constantiam, ex qua conserua-  
 tio, & salus omnium omnis oritur: qui uacare mente  
 putat: is ipse mentis expers habendus est. Haud ergo,  
 ut opinor, errauero: si à principe inuestigandæ ueri-  
 tatis huius disputationis principium duxero. Zeno igi-  
 tur ita naturam diffinit: ut eam dicat ignem esse ar-  
 tificiosum ad gignendum progredientem uia. censet  
 enim artis maxime proprium esse, creare, & gignere:  
 quodq; in operibus nostrarum artium manus efficiat:  
 id multo artificiosius naturam efficere: idest ut dixi  
 ignem artificiosum, magistrum artium reliquarum.  
 Atq; hac quidem ratione omnis natura artificiosa est:  
 quod habet quasi uiam quandam, & sectam, quam  
 sequatur. ipsius uero mundi, qui omnia complexu suo  
 coercet, & continet, natura, non artificiosa solum,  
 sed plane artifex, ab eodem Zenone dicitur consul-



## 72 DE NATURA DEORVM

trix, & provida utilitatum, oportunitatumq; omnium.  
 Atq; ut ceteræ naturæ suis seminibus quæq; gignun-  
 tur: augescunt: continentur: sic natura mundi omnes  
 motus habet voluntarios: conatusq;, & appetitiones;  
 quas ὁρμῆς græci vocant, & his consentaneas actio-  
 nes, sic adhibet: ut nosmetipsi: qui animis mouemur  
 & sensibus. Talis igitur mens mundi cum sit: ob eamq;  
 causam providentia appellari recte possit: græce enim  
 πρὸν dicitur: hæc potissimum providet: & in his *πρὸν*  
 maxime est occupata: primum, ut mundus q̄ aptissi-  
 mus sit ad permanendum. deinde, ut nulla re egeat.  
 maxime autem, ut in eo eximia pulchritudo sit, atq;  
 omnis ornatus. Dictum est de uniuerso mundo: di-  
 ctum est etiam de syderibus: ut iam propemodum  
 appareat multitudo nec cessantium deorum: nec ea  
 quæ agant molientium cum labore operoso, ac mo-  
 lesto. Non enim uenis, & nervis, & ossibus con-  
 tinentur: nec his escis aut potionibus uescuntur: ut aut  
 nimis acres, aut nimis concretos humores colligant.  
 nec his corporibus sunt: ut aut casus, aut ictus exti-  
 mescant: aut morbos metuant ex defatigatione mem-  
 brorum. Quæ uerens Epicurus monogrammos deos  
 & nihil agentes commentus est. illi autem pulcher-  
 rima forma præditi, purissimaq; in regione cæli col-  
 locati, ita feruntur, moderanturq; cursus: ut ad  
 omnia conseruanda, & tuenda consensisse uideantur.  
 Multæ autem aliæ naturæ deorum ex magnis benefi-  
 cijs eorum non sine causa & a græcæ sapientibus, &  
 a maioribus nostris constitutæ, nominatæq; sunt. quic-  
 quid enim magnam utilitatem generi afferret huma-  
 no: id non sine diuina bonitate erga homines fieri ar-



bitrabantur. itaq; tum illud, quod erat à deo natum,  
nomine ipsius dei nuncupabant: ut cum fruges cere=  
rem appellamus: uinum autem liberum: ex quo illud  
Terentijs,

» sine cerere, & libero friget uenus:

tum autem res ipsa, in qua uis inest maior aliqua, sic  
appellatur: ut ea ipsa uis nominetur deus: ut fides,  
ut mens: quas in capitolio dedicatas uidemus proxime  
à M. Aemilio Scauro: ante autem ab Attilio Cala=  
tino erat fides consecrata. uides uirtutis templum: ui=  
des honoris à M. Marcello renouatum: quod multis  
ante annis erat bello ligustico à Quinto Maximo de=  
dicatum. quid Opis? quid salutis? quid Concordiæ?  
Libertatis? Victoriæ? quarum omnium rerum quia  
uis erat tanta: ut sine deo regi non posset: ipsa res deo=  
rum nomen obtinuit. Quo ex genere Cupidinis, &  
Voluptatis, & Libitinæ Veneris uocabula consecrata  
sunt: uitiosarum rerum, neque naturalium: quan=  
quam Velleius aliter existimat: sed tamen ea ipsa ui=  
tia naturam uehementius sæpe pulsant. utilitatum igr=  
tur magnitudine constituti sunt hi dij, qui utilitates  
quasque gignebant. Atq; his quidem nominibus quæ  
pauloante dicta sunt à me, quæ uis sit in quoq; de=  
claratur deo. suscepit autem uita hominum, consuetu=  
doq; communis: ut beneficijs excellentes uiros, in cæ=  
lum fama, ac uoluntate tollerent. hinc Hercules: hinc  
Castor, & Pollux: hinc Aesculapius: hinc Liber  
etiam: hunc dico liberum semele natum: non eum,  
quem nostri maiores auguste, sancteq; liberum, cum  
Cerere, & libera consecrauerunt: quod quale sit ex  
mysterijs intelligi potest. sed q̄ ex nobis natos liberos



## 74 . DE NATURA DEORVM

appellamus : ideo cerere nati nominati sunt liberi,  
 & libera: quod in libero seruant, in libera non item.  
 hinc etiam Romulus, quem quidam eundem esse Qui-  
 rinum putant : quorum cum remanerent animi , atq;  
 æternitate fruerentur: dii rite sunt habiti : cum &  
 optimi essent , & æterni . Alia quoq; ex ratione, &  
 quidem physica , magna fluxit multitudo deorum: qui  
 induti specie humana fabulas poëtis suppeditauerunt:  
 hominum autem uitã superstitione omni referferunt.  
 Atq; hic locus à Zenone tractatus, post à Cleante, &  
 Chrysippo pluribus uerbis explicatus est . Nam uetus  
 hæc opinio græciam oppleuit : exectum Cælum à fi-  
 lio Saturno : uinctum autem Saturnum ipsum à fi-  
 lio Ioue . physica ratio non inelegans , inclusa est in  
 impias fabulas . cælestem enim altissimam , æthere-  
 amq; naturam, idest igneam, quæ per sese omnia gr-  
 gneret: uacare uoluerunt ea parte corporis: quæ con-  
 iunctione alterius egeret ad procreandum . Saturnum  
 autem eum esse uoluerunt : qui cursum , & conuer-  
 sionem spaciorum , ac temporum contineret : qui deus  
 græce id ipsum nomen habet : Κρόνος enim dicitur:  
 qui est idem temporis spatium . Saturnus autem est  
 appellatus , q̃ saturetur annis . ex se enim natos co-  
 mēsse fingitur solitus : quia consumit ætas temporum  
 spacia : annisq; præteritis insaturabiliter expletur .  
 uinctus est autem à Ioue , ne immoderatos cursus  
 haberet : atq; ut eum syderum uinculis alligaret . sed  
 ipse Iuppiter , idest iuuans pater, quem conuersis casti-  
 bus appellamus à iuuando Iouem , à poëtis pater  
 diuumq; hominumq; dicitur: à maioribus autem no-  
 stris optimus, maximus : & quidem ante optimus, idest



beneficentissimus, quàm maximus: quia maius est, cer-  
teq; gratius prodesse omnibus: quàm opes magnas ha-  
bere. Hunc igitur Ennius, ut supra dixi, nuncupat  
ita dicens,

- » Aspicce hoc sublime candens, quem invocant omnes Iouē.  
Planiusq; alio loco idem.
- » Cui quod in me est, execrabor hoc, quo lucet qcqd est.  
Hunc etiam augures nostri cum dicunt Iouem fulgen-  
tem, tonantem: dicunt enim in caelo fulgentem, & to-  
nantem. Euripides autem, ut multa præclare, sic hoc  
breuiter,
- » Vides sublime fusum, immoderatum aethera:
- » Qui tenero terram circumuictu amplectitur:
- » Hunc summum habeto diuum: hunc perhibeto Iouem.  
Aer autem, ut stoici disputant, interiectus inter mare  
& caelum Iunonis nomine consecratur: quæ est so-  
ror, & coniux Iouis, q̄ & similitudo est æthe-  
ris: & cum eo summa coniunctio. effeminarunt au-  
tem eum, Iunoniq; tribuerunt: q̄ nihil est eo mollius.  
sed Iunonem à iuuando credo nominatam. Aqua re-  
stabat & terra: ut essent ex fabulis tria regna di-  
uisa. datum est igitur Neptuno altero Iouis, ut uolunt,  
fratri maritimum omne regnum: nomenq; produ-  
ctum, ut Protonus à portu, sic Neptunus à nando,  
paulum primis litteris immutatis. Terrena autem uis  
omnis, atq; natura diti patri dedicata est: qui Dis,  
ut apud græcos πλούτων, quia & recidant omnia  
in terras: & oriantur e' terris. Cui Proserpinam,  
\* quod græcorum nomen est: ea enim est, quæ προσειρόν  
græce nominatur: quam frugum semen esse uolunt:  
absconditamq; quæri à matre fingunt. mater autem



76. DE NATURA DEORVM

est, a' gerendis frugibus Ceres, tanquam gerēs: cuiusq; prima littera itidem immutata, ut a' græcis: nam ab illis quoq; Δημήτηρ, quasi ἡμήτηρ nominata est. Iam qui magna uerteret Mauors: Minerva autem quæ uel minueret, uel minaretur. cumq; in omnibus rebus uim haberent maximam prima, & extrema: principem in sacrificando Ianum esse uoluerunt: quod ab eundo nomen est ductum: ex quo transitiones per uia, Iani: foresq; in liminibus profanarum ædium, ianue nominantur. nam Vestæ nomen a' græcis: ea est enim quæ ab illis αἵστρα dicitur. uis autem eius ad aras, & focos pertinet. itaq; in ea dea, quæ est rerum custos intimarum: omnis & precatio, & sacrificatio extrema est. nec longe absunt ab hac ui dii penates, siue a' penu ducto nomine: est enim omne quo uescuntur homines penus: siue ab eo, q' penitus insident: ex quo etiam penetrales a' poetis uocantur. Iam Apollinis nomen est græcum: quem solem esse uolunt: dianam autem, & lunam eandem esse putant: cum sol dictus sit, uel quia solus ex omnibus syderibus est tantus: uel quia cum est exortus obscuratis omnibus solus apparet: Luna a' lucendo nominata sit. eadem est enim lucina. itaq; ut apud græcos Dianam, eamq; luciferam, sic apud nostros Iunonem lucinam in pariendo inuocant: quæ eadem Diana omniuaga dicitur: non a' uenando, sed q' in septem numeratur tanquam uagantibus. Diana dicta quia noctu quasi diem efficeret. adhibetur autem ad partus: quod ij maturescunt aut septem nonnunquam, aut plerunq; nouem lunæ cursibus: qui q' a mensa spacia conficiunt, menses nominantur. conanneq; ut multa



Timæus : qui cum in historia dixisset , quā nocte na-  
 tus Alexander esset : eadem Dianæ ephesiæ templum  
 deflagrauisse : adiunxit minime id esse mirandum : q̃  
 Diana cum in partu olympiadis adesse uoluisset : ab-  
 fuisset domo . Quæ autem dea ad res omnes ueniret ,  
 Venerem nostri nominauerunt : atq; ex ea potius ue-  
 nustas , quàm uenus ex uenustate . Videtis ne igitur ut  
 a' physicis rebus bene , atq; utiliter inuentis tracta  
 ratio sit ad commentitios , & fictos deos : quæ res ge-  
 nuit falsas opiniones , erroresq; turbulentos , & su-  
 perstitiones penè aniles . & formæ enim nobis deo-  
 rum , & ætates , & uestitus , ornatusq; noti sunt . ge-  
 nera præterea , coniugia , cognationes , omniaq; tradu-  
 cta ad similitudinem imbecillitatis humanæ . nam &  
 perturbatis animis inducuntur . accipimus enim deo-  
 rum cupiditates , ægritudines , iracundias : nec uero ,  
 ut fabulæ ferunt , dii bellis , prælijsq; caruerunt : nec  
 solum , ut apud Homerum , cum duos exercitus con-  
 trarios alij dii ex alia parte defenderent : sed etiam  
 cum Titanis , cum gigantibus propria bella gesserunt .  
 Hæc & dicuntur , & creduntur stultissime : & ple-  
 na sunt futilitatis , summæq; leuitatis . Sed tamen his  
 fabulis spretis , ac repudiatis , deus pertinens per na-  
 turam cuiusq; rei , per terras Ceres , per maria Ne-  
 ptunus , alij per alia , poterunt intelligi qui , qualesq;  
 sunt , quoq; eos nomine consuetudo nuncupauerit , quos  
 deos & uenerari , & colere debemus . cultus autem  
 deorum est optimus : idemq; castissimus , atq; sanctissi-  
 mus , plenissimusq; pietatis : ut eos semper pura , in-  
 tegra , incorrupta , & mente , & uoce ueneremur .  
 non enim philosophi solum , uerumetiam maiores no-



## 78. DE NATURA DEORVM

stri superstitionem, à religione separauerunt. nam qui totos dies precabantur, & immolabant, ut sui liberi sibi superstites essent: superstiosi sunt appellati: quod nomen postea latius patuit. qui autem omnia, quæ ad cultum deorum pertinerent, diligenter pertractarent: & tanquam relegerent: sunt dicti religiosi, ex relegendo: ut elegantes, ex eligendo, tanquam à deligendo diligentes, ex intelligendo intelligentes. his enim in uerbis omnibus, inest uis legendi eadem, quæ in religioso. ita factum est in superstioso, & religioso, alterum uitij nomen, alterum laudis. Ac mihi uideor satis & esse deos, & quales essent ostendisse. Proximum est ut doceam deorum providentia mundum administrari. Magnus sane locus est: & à uestris Cotta uexatus: ac nimirum uobiscum omne certamen est. nam uobis Vellei minus notum est, quemadmodum quicq; dicitur. uestra enim solum legitis: uestra amatis: ceteros causa incognita condemnatis. uelut à te ipso hesterno die dictum est, anum fatidicam *πρωοὶν* à stoicis induci, idest *πρωοὶν* *providentiam*. quod eo errore dixisti: quia existimas ab his providentiam fingi quasi quandam deam singularem: quæ mundum omnem gubernet, & regat. sed id præcise dicitur: ut si quis dicat Atheniensium Rempublicam consilio regi: desit illud, Ariopagi. sic cum dicimus providentia mundum administrari: deesse arbitrator, deorum. plene autem & perfecte sic dici existimato: providentia deorum mundum administrari: ita salem istum, quo caret uestra natio, in irridendis nobis nolitote consumere. & me hercle, si me audiat: ne experiamini quidem. non decet: non datum est: non potestis.



non potestis. Nec uero hoc in te uno conuenit moribus domesticis, ac nostrorum hominum urbanitate limato: sed cum in reliquos uestros: tum in eum maxime, qui ista peperit, hominem sine arte, sine litteris, insultantem in omnes, sine acumine ullo, sine auctoritate, sine lepore. Dico igitur providentia deorum mundum, & omnes mundi partes, et initio constitutas esse: & omni tempore administrari: eamq; disputationem tres in partes nostri fere diuidunt: quarum pars prima est: quæ ducitur ab ea ratione, quæ docet esse deos: quo concesso, confitendum est eorum consilio mundum administrari. Secunda est autem, quæ docet omnes res subiectas esse naturæ sentienti: ab eaq; omnia pulcherrime geri. quo constituto, sequitur ab animantibus principiis eam esse generatam. Tertius locus est: qui ducitur ex admiratione rerum caelestium, atq; terrestrium. Primum igitur aut negandum est deos esse: quod & Democritus simulacra, & Epicurus imagines inducens quodam pacto negat: aut qui deos esse concedant: his fatendum est, eos aliquid agere: idq; præclarum. nihil est autem præclarius mundi administratione: deorum igitur consilio administratur. quod si aliter est: aliquid profecto sit necesse est melius, & maiore ui præditum, q̄ deos: quale id cunq; est, siue inanima natura, siue necessitas ui magna incitata: hæc pulcherrima opera efficiens, quæ uidemus. non est igitur natura deorum præpotens, neq; excellens: siquidem ea subiecta est ei uel necessitati, uel naturæ: quæ cælum, maria, terræq; regantur. nihil autem est præstantius deo: ab eo igitur necesse est mundum regi. nulli igitur est naturæ obediens, aut subiectus deus.

f



80 DE NATVRA DEORVM

omnem ergo regit ipse naturam. etenim si concedimus  
intelligentes esse deos: concedimus etiam providentes.  
Et rerum quidem maximarum. ergo utrum igno-  
rant, quæ res maximæ sint: quoq; hæ modo tra-  
ctandæ, Et tuendæ? an vim non habent? qua tan-  
tas res sustineant Et gerant? at Et ignoratio rerum  
aliena naturæ deorum est: Et sustinendi muneris pro-  
pter imbecillitatem difficultas, minime cadit in ma-  
iestatem deorum. ex quo efficitur id, quod uolumus:  
deorum providentia mundum administrari. Atqui  
neesse est cum sint dii: si modo sint: ut profecto sunt:  
animantes esse: nec solum animantes: sed etiam ra-  
tionis compotes, inter seq; quasi civili conciliatione Et  
societate coniunctos, unum mundum, ut communem  
Remp. atq; urbem aliquam regentes. sequitur ut ea-  
dem sit in his, quæ in genere humano, ratio: eadem  
ueritas utrobq; sit: eademq; lex: quæ est recti præ-  
ceptio, prauiq; depulsio. ex quo intelligitur pruden-  
tiam quoq; Et mentem à dijs ad homines peruenisse:  
ob eamq; causam maiorum institutis mens, fides, uir-  
tus, concordia, consecratæ, Et publice dedicatæ sunt.  
quæ qui conuenit penes deos esse negare? cum eorum  
augusta, Et sancta simulacra ueneremur? quod si inest  
in hominum genere mens, fides, uirtus, concordia:  
unde hæc in terras, nisi à superis, defluere potue-  
runt? cumq; sit in nobis consilium, ratio, pruden-  
tia: neesse est deos hæc ipsa habere maiora: nec ha-  
bere solum: sed etiam his uti in maximis, Et optimis  
rebus. nihil autem est nec maius, nec melius mundo.  
neesse est ergo eum deorum consilio, Et providentia  
administrari. Postremo cum satis docuerimus hos esse  
deos,



deos, quorum insignem uim, & illustrem faciem uideremus: solem dico, & lunam, & uagas stellas, & inerrantes, & caelum, & mundum ipsum, & earum rerum uim, quæ inessent in omni mundo cum magno usu, & commoditate generis humani: efficitur omnia regi diuina mente atq; providentia. Ac de prima quidem parte satis dictum est. sequitur ut doceam omnia subiecta esse naturæ: eaq; ab ea pulcherrime regi. sed quid sit ipsa natura explicandum est ante breuiter: quo facilius id, quod docere uolumus, intelligi possit. Namq; alij naturam censens esse uim quandam, siue rationem, cientem motus in corporibus necessarios. alij autem uim participem rationis, atq; ordinis, tanquam uia progredientem, declarantemq; quid cuiusq; rei causa efficiat: quid sequatur. cuius solertiam nulla ars, nulla manus, nemo opifex consequi possit imitando. seminis enim uim esse tantam: ut id, quanquam sit perexiguum, tamen si incidit in concipientem, comprehendentemq; naturam: nactumq; sit materiam, qua ali, augeriq; possit: ita fingat, & efficiat in suo quicq; genere: partim ut tantum modo per stirpes alantur suas: partim ut moueri etiam, & sentire, & appetere possint: & ex sese similia sui gignere. sunt autem qui omnia naturæ nomine appellent: ut Epicurus: qui ita diuidit: omnium quæ sint, naturam esse, corpora, & inane, quæq; his accidant. sed nos cum dicimus natura constare, administrariq; mundum: non ita dicimus ut glebam, aut fragmentum lapidis, aut aliquid eiusmodi nulla coherendi natura: sed ut arborem, ut animal: in quibus nulla temeritas, sed ordo apparet, & artis quæ-



## 82 DE NATURA DEORVM

dam similitudo. quod si ea, quæ à terra stirpibus continentur, arte naturæ uiuunt, & uigent: profecto ipsa terra eadem ui continetur & arte naturæ: quippe quæ grauidata seminibus omnia pariat, et fundat ex sese: stirpes amplexa alat, & augeat: ipsaq; alatur uicissim à superis, externisq; naturis. eiusdemq; expirationibus aër alitur, & æther, & omnia sydera: ita si terra natura tenetur, & uiget: eadem ratio in reliquo mundo est. stirpes enim terræ inhaerent: animantes autem à spiratione aëris sustinentur: ipseq; aër nobiscum uidet: nobiscum audit: nobiscum sonat. nihil enim eorum sine eo fieri potest. quin etiam mouetur nobiscum. quacunq; enim imus, quacunq; mouemur, uidetur quasi locum dare, & cedere. quæq; in medium locum mundi, qui est infimus, & quæ à medio in superum, quæq; conuersione rotunda circum medium feruntur, ea continentem mundi efficiunt, unamq; naturam. & cum quattuor sint genera corporum: uicissitudine eorum mundi continuata natura est. nam ex terra aqua, ex aqua oritur aër, ex aëre æther: deinde retrorsum uicissim ex æthere aër, ex aëre aqua, ex aqua terra infima. sic naturis his, ex quibus omnia constant, sursum, deorsum, ultro, citroq; commeantibus, mundi partium coniectio continetur: quæ aut sempiterna sit necesse est, hoc eodem ornatu, quem uidemus: aut certe per diuturna, permanens ad longinquum, & immensum pene tempus. quorum utrumuis ut sit: sequitur natura mundum administrari. quæ enim classium nauigatio, aut quæ instructio exercitus, aut rursus (ut ea quæ natura efficit conferamus) quæ procreatio uitis, aut arboris, quæ porro



porro animantis figura conformatioq; membroru, tan-  
 tam naturæ solertiam significat. quantam ipse mun-  
 dus: aut igitur nihil est quod sentiente natura regatur:  
 aut mundum regi confitendum est. etenim qui reliquas  
 naturas omnes, earumq; semina contineat: qui potest  
 ipse non natura administrari? ut si quis dentes, &  
 pubertatem natura dicat existere: ipsum autem ho-  
 minem, cui ea existant, non constare natura: non  
 intelligat ea, quæ efferant aliquid ex se, perfectiorem  
 habere naturam, quàm ea quæ ex his efferantur.  
 omnium autem rerum quæ natura administrantur se-  
 minator, & sator, & parens, ut ita dicam, atq; edu-  
 cator, & altor est mundus: omniaq; sicut membra, &  
 partes suas, nutritur, & continet. quod si mundi  
 partes natura administrantur: necesse est mundum  
 ipsum natura administrari: cuius quidem admini-  
 stratio nihil habet in se, quod reprehendi possit. ex  
 ijs enim naturis, quæ erant, quod effici potuit opti-  
 mum, effectum est. doceat ergo aliquis potuisse me-  
 lius. sed nemo unquam docebit. & si quis corrigere  
 aliquid uolet: aut deterius faciet: aut id quod fieri  
 non potuit, desiderabit. quod si omnes mundi partes  
 ita constitutæ sunt: ut neq; ad usum meliores potue-  
 rint esse: neq; ad speciem pulchriores: uideamus utrū  
 ea fortuita sint: an eo statu, quo coherere nullo mo-  
 do potuerint, nisi sensu moderante, diuināq; proui-  
 dentia. Si ergo meliora sunt ea, quæ natura, quàm  
 illa, quæ arte profecta sunt: nec ars efficit quicquam  
 sine ratione: ne natura quidem rationis expers est ha-  
 benda. qui igitur conuenit signum, aut tabulam pi-  
 ctam cum aspexeris: scire adhibitam esse artem: cūq;



84 DE NATURA DEORVM

procul cursum nauigij uideris : non dubitare quin id  
ratione atq; arte moueatur ? aut cum solarium uel  
descriptum , aut ex aqua contemplare : intelligere de-  
clarari horas arte , non casu ? mundum autem , qui  
et has ipsas artes , et earum artifices , et cuncta  
complectatur : consilij , et rationis esse expertem pu-  
tare ? quod si in scythiam , aut in Britanniam , sphe-  
ram aliquis tulerit hanc , quam nuper familiaris no-  
ster efficit Possidonius : cuius singula conuersiones idem  
efficiunt in sole , et in luna , et in quinque stellis er-  
rantibus , quod efficitur in caelo singulis diebus , et  
noctibus : quis in illa barbarie dubitet , quin ea  
sphaera sit perfecta ratione ? hi autem dubitant de mundo ,  
ex quo oriuntur , et sunt omnia : casu ne ipse sit effe-  
ctus , an necessitate aliqua , an ratione , an mente diuina .  
et Archimedem arbitrantur plus ualuisse in imitandis  
sphaerae conuersionibus : quam naturam in efficiendis :  
praesertim cum multis partibus sine illa perfecta , quam  
haec simulata solertius . Atq; ille apud Actium pastor ,  
qui nauem nunquam ante uidisset : ut procul diuinum ,  
et nouum uehiculum argonautarum e monte conspexit :  
primo admirans , et perterritus hoc modo loquitur :

- » - tanta moles labitur
- » Fremebunda ex alto ingenti sonitu et spiritu.
- » Prae se undas uoluit : uertices uis suscitatur :
- » Ruit prolapsa : pelagus respergit : reflatur :
- » Ita dum interruptum credas nimbum uoluerit :
- » Dum quod sublime uentis expulsum rapi
- » Saxum , aut procellis : uel globosos turbines
- » Existere ictos undis concursantibus .
- » Nisi quas terrestres pontus strages conciet :

Aut forte



- » Aut forte triton fuscina euertens specus,  
 » Subter radices penitus undanti in freto  
 » Molem ex profundo saxeam ad cælum uomit.  
 Dubitat primo quæ sit ea natura, quam cernit igno-  
 tam: idemq; iuuenibus uisis, auditoq; nautico cantu,  
 » Sicut inæti atq; alacres rostris per fremune  
 » Delphini- item alia multa.

» -syluani melo

» Consimilem ad aures cantum, & auditum refert.  
 Ergo ut hic primo aspectu inanimum quiddam sen-  
 suq; uacuum se putat cernere: post autem signis certio-  
 ribus, quale sit id, de quo dubitauerat, incipit suspi-  
 cari: sic philosophi debuerunt, si forte eos primus  
 aspectus mundi conturbauerat: postea cum uidissent  
 motus eius finitos, & æquabiles, omniaq; ratis ordi-  
 nibus moderata, immutabiliq; constantia: intelligere  
 inesse aliquem non solum habitatorem in hac cælesti  
 ac diuina domo, sed etiam rectorem, & moderato-  
 rem, & tanquam architectum tanti operis, tantiq;  
 muneris. nunc autem mihi uidentur ne suspirari qui-  
 dem, quanta sit admirabilitas cælestium rerum, atq;  
 terrestrium. Principio enim terra sita in media parte  
 mundi arcumfusa undiq; est hac animabili, spirabiliq;  
 natura: cui nomen est aër: græcum illud quidem sed  
 receptum iam tamen usu à nostris: tritum est enim  
 pro latino. hunc rursus amplectitur immensus æther:  
 qui constat ex altissimis ignibus. mutuemur hoc quoq;  
 uerbum: diciturq; tam æther latine, quàm dicitur  
 aër: & si interpretatur Pacuius

- » Hoc, quod memoro, nostri cælū, graiū phibene æthera.  
 quasi uero non graius hoc dicat. at latine loquitur. si-

f. iiii



● 26. DE NATURA DEORVM

quidem nos non quasi græce loquentem audiamus,  
docet idem alio loco

» Graingena de isto aperit ipsa oratio .

sed ad maiora redeamus . Ex æthere igitur innume-  
rabiles flammæ syderum existunt : quorum est prin-  
ceps sol, omnia clarissima luce collustrans, multis par-  
tibus maior atq; amplior, quàm terra uniuersa: de-  
inde reliqua sydera magnitudinibus immensis. Atq; hi  
tanti ignes, tamq; multi, non modo nihil nocent ter-  
ris, rebusq; terrestribus : sed ita profunt ut, si mota  
loco sint : conflagrare terras necesse sit a' tantis ardo-  
ribus, moderatione & temperatione sublata. Hic ego  
non mirer esse quenquam? qui sibi persuadeat corpo-  
ra quædam solida, atq; indiuidua, ui & gravitate  
ferri: mundumq; effici ornatissimum, & pulcherri-  
mum ex eorum corporum concursione fortuita? hoc qui  
existimat fieri potuisse : non intelligo cur non idem  
putet, si innumerabiles unius, & uiginti formæ lit-  
terarum uel aureæ, uel quales libet, aliquod coniunc-  
tur : posse ex his in terram excussis, annales Ennij,  
ut deinceps legi possint, effici : quod nescio an ne  
in uno quidem uersu possit tantum ualere fortuna. isti  
autem, quemadmodum asseuerant ex corpusculis non  
colore, non qualitate aliqua, quam ποικιλία græci  
uocant, non sensu præditi, sed concurrentibus teme-  
re, atq; casu, mundum esse perfectum? uel innume-  
rabiles potius in omni puncto temporis, alios nasci,  
alios interire? quod si mundum efficere potest concur-  
sus atomorum : cur porticum, cur templum, cur do-  
mum, cur urbem non potest? quæ sunt minus opero-  
sa: & multo quidem faciliora. certe ita temere de mun-  
do effutunt:



do effutiunt : ut mihi quidem nunquam hunc admira-  
 abilem cæli ornatum , qui locus est proximus : su-  
 spexisse uideantur. Præclare ergo Aristoteles , si essent  
 inquit , qui sub terra semper habitauissent bonis , &  
 illustribus domicilijs : quæ essent ornata signis , atq;  
 picturis , instructaq; rebus his omnibus , quibus abun-  
 dant hi , qui beati putantur : nec tamen exissent un-  
 quam supra terram : accepissent autem fama , & au-  
 ditione , esse quoddam numen , & uim deorum : deinde  
 aliquo tempore patefactis terræ faucibus , ex illis ab-  
 ditis sedibus euadere in hæc loca , quæ nos incolimus ,  
 atq; exire potuissent : cum repente terram , & maria ,  
 cælumq; uidissent : nubium magnitudinem , uento-  
 rumq; uim cognouissent : aspexissentq; solem : eiusq;  
 tum magnitudinem , pulchritudinemq; , tum etiam ef-  
 ficientiam cognouissent : q̄ is diem efficeret , toto cælo  
 luce diffusa : cum autem terras nox opacasset : tum  
 cælum totum cernerent astris distinctum , & ornatum :  
 lunæq; luminum uarietatem tum crescentis , tum se-  
 nescentis , eorumq; omnium ortus , & occasus , atque  
 in omni æternitate ratos , immutabilesq; cursus : quæ  
 cum uiderent : profecto & esse deos , & hæc tanta  
 opera deorum esse arbitrarentur . Atq; hæc quidem  
 ille . Nos autem tenebras cogitemus tantas : quantæ  
 quondam eruptione ethneorum ignium finitimas re-  
 giones obscurauisse dicuntur : ut per biduum nemo  
 hominem homo agnosceret : cum autem tertio die sol  
 illuxisset : tum ut reuixisse sibi uiderentur . quod si  
 hoc idem ex æternis tenebris contingeret : ut subito  
 lucem aspiceremus : quænam species cæli uideretur ?  
 sed assiduitate quotidiana , & consuetudine oculorum ,



28 DE NATURA DEORVM

assuescunt animi : neq; admirantur : neq; requirunt rationes earum rerum , quas semper uident : perinde quasi nouitas nos magis , quam magnitudo rerum debeat ad exquirendas causas excitare . quis enim hunc hominem dixerit ? qui cum tam certos celi motus , tam ratos astrorum ordines , tamq; omnia inter se connexa , & apta uiderit : neget in his ullam inesse rationem : eaq; casu fieri dicat : quae quanto consilio gerantur : nullo consilio assequi possumus . An cum machinatione quadam moueri aliquid uidemus : ut sphaeram , ut horas , ut alia permulta : non dubitamus quin illa opera sint rationis ? cum autem impetum celi admirabili cum celeritate moueri , uertiq; uideamus , constantissime conficientem uicissitudines anniuersarias , cum summa salute , & conseruatione rerum omnium : dubitamus quin ea non solum ratione fiant ? sed etiam excellenti quadam diuinaq; ratione ? Licet enim iam remota subtilitate disputandi oculis quodammodo contemplari pulchritudinem rerum earum , quas diuina providentia dicimus constitutas . Ac principio terra uersa cernatur locata in media mundi sede , solida , & globosa , & undiq; ipsa in sese nutibus suis conglobata , uestita floribus , herbis , arboribus , frugibus . quorum omnium incredibilis multitudo insatiabili uarietate distinguitur . adde huc fontium gelidas perennitates , liquores perlucidos amnium , riparum uestitus uiridissimos , speluncarum concauas altitudines , saxorum asperitates , impendentium montium altitudines , immensitatesq; camporum . adde etiam reconditas auri , argentiq; uenas , infinitamq; uim marmoris . quae uero , & quam uaria genera bestiarum , uel acutum ,



uel ferarum? qui uolucrum lapsus, atq; cantus? qui pec-  
 cudum pastus? quæ uita siluestrium? quid iam de ho-  
 minum genere dicam? qui quasi cultores terræ consti-  
 tuti, non patiuntur eam nec immanitate beluarum ef-  
 ferari: nec stirpium asperitate uastari: quorumq; ope-  
 ribus agri, insulæ, littoraq; collucens, distincta tectis, &  
 urbibus. quæ, si ut animis, sic oculis uidere posse-  
 mus: nemo cunctam intuens terram, de diuina ratione  
 dubitaret. At uero quanta maris est pulchritudo?  
 quæ species uniuersi? quæ multitudo, & uarietas insu-  
 larum? quæ amenitates orarum, & littorum? quot  
 genera quamq; disparia partim submersarum partim  
 fluitantium, & innatantium beluarum? partim ad  
 saxa natiuis testis inhærentium? ipsum autem mare  
 sic terram appetens littoribus cludit: ut una ex dua-  
 bus naturis conflata uideatur. Exinde mari finitimus  
 aer, die, & nocte distinguitur. isq; tum fusus & exte-  
 nuatus in sublime fertur: tum autem concretus in nu-  
 bes cogitur: humoremq; colligens terram auget imbri-  
 bus: tum effluens huc & illuc uentos efficit. idem an-  
 nuas frigorum, & calorum facit uarietates: idemq; &  
 uolatus alitum sustinet: & spiritu ductus alit, & su-  
 stentat animantes. Restat ultimus & à domicilijs no-  
 stris altissimus omnia cingens & coercens cali com-  
 plexus: qui idem æther uocatur: extrema ora, &  
 determinatio mundi: in quo cum admirabilitate ma-  
 xima igneæ formæ cursus ordinatos definiunt. ex qui-  
 bus sol, cuius magnitudine multis partibus terra su-  
 peratur: circum eam ipsam uoluitur: isq; oriens, &  
 occidens, diem, noctemq; conficit: & modo accedens,  
 tum autem recedens, binas in singulis annis reuersiones



90 DE NATURA DEORVM

ab extremo contrarias facit: quarum intervallo tum  
 quasi tristitia quadam contrahit terram: tum uicissim  
 letificat: ut cum cælo hilarata uideatur. Luna au-  
 tem, quæ est, ut ostendunt mathematici, maior quàm  
 dimidia pars terræ: hisdem spacijs uagatur, quibus  
 sol. sed tum congregiendi cum sole, tum digrediendi,  
 & eam lucem, quam à sole accipit, mittit in terras:  
 & uarias ipsa mutationes lucis habet. atq; etiam, tum  
 subiecta, atq; opposita soli, radios eius, & lumen ob-  
 scurat: tum ipsa incidens in umbram terræ, cum est  
 e regione solis, interposita, interiecta; terræ repente  
 deficit. hisdemq; spacijs hæ stellæ, quas uagas dicimus,  
 circum terram feruntur: eodemq; modo oriuntur, &  
 occidunt. quarum motus tum incitantur: tum retardan-  
 tur: sæpe etiam insistent. quo spectaculo nihil potest  
 admirabilius esse: nihil pulchrius. Sequitur stellarum  
 inerrantium maxima multitudo: quarum ita descri-  
 pta distinctio est: ut ex notarum figurarum similitu-  
 dine nomina inuenerint. Atq; hoc loco me intuens,  
 utar inquit carminibus Arati eis, quæ à te admodum  
 adolescentulo conuersa, ita me delectant, quia latina  
 sunt: ut multa ex ijs memoria teneam. Ergo ut oculis  
 assidue uidemus sine ulla mutatione, aut uarietate:

- » Cætera labuntur celeri cælestia motu:
- » Cum cæloq; simul noctesq; diesq; feruntur.

Quorum contemplatione nullius expleri potest ani-  
 mus naturæ constantiam uidere cupientis.

- » Extremusq; adeo duplici de cardine uertex
- » Dicitur esse polus. =

hunc circum arctus duæ feruntur, nunq; occidentes.

- » Ex his altera apud græcos cynosura uocatur:

» A  
 » Q  
 » Pa  
 » Hac  
 » Sed  
 » Et la  
 » Hac  
 » Nan  
 Et q  
 » Ha  
 » Tor  
 » Sese  
 Eius  
 ciend  
 » Huc  
 » Veru  
 » È tr  
 » Atq  
 » Ob  
 » Ob  
 Et re  
 armin  
 » Hoc  
 » Ortu  
 Id  
 » Atti  
 nett  
 » Eng  
 » Hic



- » Altera dicitur esse helice.  
cuius qdem clarissimas stellas totis noctibus cernimus.
- » Quas nostri septem soliti uocitare triones.  
Paribusq; stellis similiter distinctis eundem cæli uerticem lustrat parua cynosura.
- » Hac fidunt duce nocturna phœnices in alto.  
» Sed prior illa magis stellis distincta refulget:  
» Et late prima confesum a nocte uidetur.  
» Hæc uero parua est. sed nautis usus in hac est.  
» Nam cursu interiore breui conuertitur orbe.  
Et quo sit earum stellarum admirabilior aspectus.
- » Has inter ueluti rapido cum gurgite flumen:  
» Torui draco serpit subter, supraq; reuoluens  
» Sese, conficiensq; sinus e corpore flexos.  
Eius cum totius est præclara species: imprimis suspi-  
cienda est figura capitis, atq; ardor oculorum.
- » Huic non una modo caput ornans stella relucet:  
» Verum tempora sunt duplici fulgore notata:  
» E truibusq; oculis duo feruida lumina flammant:  
» Atq; uno mentum radianti sydere lucet:  
» Obstipum caput ex tereti ceruice reflexum  
» Obtutum in cauda maioris figere dicis.  
Et reliquum quidem corpus draconis totis noctibus cernimus.
- » Hoc caput hic paulum sese subitoq; recondit:  
» Ortus ubi atq; obitus parte admiscetur in una.  
Id autem caput,  
» Attingens defessa uelut merentis imago  
uertitur. — quam quidem græci  
» Engonasin uocitant: genibus quia nixa feratur.  
» Hic illa eximio posita est fulgore corona.



92. DE NATVRA DEORVM

Atq; hæc quidem à tergo: propter caput autem anguitenens:

- » Quem claro perhibent Ophiucum nomine graiij.
- » Hic pressu duplici palmarum continet anguem:
- » Atq; ei ipse manet reliquatus corpore toto.
- » Nanq; uirum medium serpens sub pectora cingit.
- » Ille tamen nitens grauitè uestigia ponit:
- » Atq; oculos urget pedibus: pectusq; Nepai.
- Septentriones autem sequitur
- » Arctophylax uulgo qui dicitur esse bootès:
- » Quod quasi themone adiunctam præ se quatit arctus!
- Dein quæ sequuntur. hinc enim
- » Bæoti subter præcordia fixa uidetur
- » Stella micans radijs arcturus nomine claro:
- Cui subiecta fertur:
- » Spicum illustre tenens splendenti corpore uirgo.
- Atq; ita demetata signa sunt: ut in tantis descriptionibus diuina solertia appareat.
- » Et natos geminos inuises sub caput arcti.
- » Subiectus media est cancer: pedibusq; tenetur
- » Magni leo tremulam quatiens è corpore flammam.
- Auriga
- » Sub leua geminorum obductus parte feretur.
- » Aduersum caput huic helice truculenta tuetur.
- » At capra leuum humerum claro obtinet. =
- tum quæ sequuntur.
- » Verum hæc est magno atq; illustri prædita signo.
- » Contra hædi exiguum iaciunt mortalibus ignem.
- cuius sub pedibus.
- » Corniger est ualido connexus corpore taurus.
- Eius caput stellis conspersum est frequentibus:



» Has græci stellas hyadas uocitare suerunt  
 à pluendo, <sup>id est</sup> enim est plueret. nostri imperite sic-  
 culas, quasi à suis essent, non ab imbris nomi-  
 natae. minorem autem septentrionem Cepheus passis  
 palmis terga subsequitur.

» Namq; ipsum ad tergum cynosurae uertitur arcti.  
 Hunc antecedit:

» Obscura specie stellarum casiopea.

» Hanc autem illustri uersatur corpore propter

» Andromeda, aufugiens aspectum moesta parentis.

» Huic equus ille iubam quatiens fulgore micanti

» Summum contingit caput aluo: stellaq; iungens

» Vna, tenet duplices communi lumine formas,

» Aeternum ex astris cupiens connectere nodum.

» Exin contortis aries cum cornibus hæret.

Quem propter

» Pisces, quorum alter paulum prælabitur ante.

» Et magis horrifera aquilonis tangitur alis.

Ad pedes andromedæ Perseus describitur.

» Quem summa ab regione aquilonis flamina pulsant.

Cuius propter leuissimum genu

» uergilias tenui cum luce uidebis.

» Inde fides leuiter posita & connexa uidetur.

» Inde est ales aus lato sub tegmine cæli.

Capiti autem equi proximat aquarij dextra: totusq;  
 deinceps aquarius.

» Tum gelidum ualido de pectore frigus anhelans,

» Corpore semifero magno capricornus in orbe.

» Quem cum perpetuo uisuit lumine titan:

» Brumali flectens contorquet tempore curru.

hinc autem aspicitur



24 DE NATVRA DEORVM

- » Vt sese emergens ostendat scorpius alte  
 » Posteriore trahens flexum ui corporis aram.  
 » Quem propter nitens pennis conuoluitur ales.  
 » At propter se aquilam ardenti cum corpore portat.  
 Deinde delphinus.  
 » Exinde orion obliquo corpore nitens:  
 quem subsequens,  
 » Feruidus ille canis stellarum luce refulget.  
 Post lepus subsequitur,  
 » Curriculum nunquam defesso corpore sedans.  
 » At canis ad caudam serpens prolabitur argo.  
 » Hanc aries tegit, & squamoso corpore pisces,  
 » Fluminis illustri tangentem corpore ripas.  
 Quem longe serpentem & manantem  
 » - aspicias: procerasq; uincla uidebis:  
 » Quæ retinent pisces caudarum a parte locata.  
 » Inde Nepæ cernes propter fulgentis acumen  
 » Aram: quam flatu permulcet spiritus austri:  
 propter quæ centaurus:  
 » Cedit equi partis properans subiungere cetis.  
 » Hinc dextram porgens, quadrupes qua uasta tenetur:  
 » Tendit: & illustrem truculentus cedit ad aram.  
 » Hic sese infernus e' partibus erigit hydra:  
 Cuius longe corpus est fuscum:  
 » In medioq; sinu fulgens cratera relucet.  
 » Extremam nitens plumato corpore coruus  
 » Rostro tundit: & hic geminis est ille sub ipsis  
 » Antecanem graio procyon qui nomine fertur.  
 Hæc omnis descriptio syderum, atq; hic tantus cæli  
 ornatus, ex corporibus huc, & illuc casu, & temere  
 concursantibus potuisse effici, cuiquam sano uideri  
 potest?



LIBER SECVNDVS. 95

potest: aut uero alia quæ natura mentis & rationis  
expers hæc efficere potuit: quæ non modo ut fierent,  
ratione egerunt: sed intelligi qualia sine, sine sum=  
ma ratione non possunt: Nec uero hæc solum admi=  
rabilia: sed nihil maius: q̃ q̃ ita stabilis est mundus:  
atq; ita coheret ad permanendum: ut nihil ne exco=  
gitari quidem possit aptius omnes enim partes eius  
undiq; medium locum capeffentes, nituntur æqualiter:  
maxime autem corpora inter se iuncta permanent:  
cum quodam quasi uinculo circumdata colligantur:  
quod facit ea natura: quæ per omnem mundū omnia  
mente, & ratione conficiens funditur: & ad medium  
rapit: & conuertit extrema. quo circa si mundus glo=  
bosus est: ob eamq; causam omnes eius partes undiq;  
æquales ipsæ per se atq; inter se continentur: contin=  
gere idem terræ necesse est: ut omnibus eius partibus  
in medium uergentibus (id autem medium infimum  
in sphaera est) nihil interrumpat: quo labefactari  
possit tanta contentio grauitatis, & ponderū. eademq;  
ratione mare cum supra terrā sit: mediū tamen terræ  
locū expetens: conglobatur undiq; æqualiter: neq; re=  
dundat unquam: neq; effunditur. huic autem continēs  
aër fertur ille quidem leuitate sublimi: sed tamen in  
omnes partes se ipse fundit: itaq; et mari continuatus,  
et iunctus est: et natura fertur ad cælum: cuius terui=  
tate, & calore temperatus, uitalem, & salutarem  
spiritum præbet animantibus. quem complexa sum=  
ma pars cæli quæ æther dicitur: & summ retinet ar=  
dorem tenuem, & nulla admistione concretum: &  
cum aëris extremitate coniungitur. In æthere autem  
astra uoluuntur: quæ se & nixū suo conglobata con=



96 DE NATURA DEORVM

tinent: & forma ipsa figurâq; , sua momenta susten-  
 tant: sunt enim rotunda: quibus formis , ut ante di-  
 xisse uideor, minime noceri potest. sunt autem stellæ  
 natura flammæ: quo circa, terræ, maris , aquarum  
 uaporibus aluntur his , qui à sole ex agris tepefa-  
 ctis, & ex aquis excitantur: quibus altæ, renouatæq;  
 stellæ, atq; omnis æther, refundunt eadem: & rur-  
 sum trahunt in idem: nihil ut fere intereat: aut ad-  
 modum paululum: quod astrorum ignis, & ætheris  
 flamma consumat. ex quo euenturum nostri putant  
 id, de quo Panetium addubitare dicebant: ut ad ex-  
 tremum omnis mundus ignesceret: cum humore con-  
 sumpto, neq; terra ali posset: neq; remearet aër: cuius  
 ortus, aqua omni exhausta esse non posset. ita relinqui  
 nihil præter ignem. à quo rursum animante, ac deo  
 renouatio mundi fieret: atq; idem ornatus oriretur.  
 Nolo in stellarum ratione multus uobis uideri maxi-  
 meq; earum, quæ errare dicuntur: quarum tantus est  
 concentus ex dissimillimis motibus: ut cum summa  
 Saturni refrigeret: media Martis incendat: his inte-  
 riecta Iouis illustret, & temperet: infraq; Martem  
 duæ soli obediunt: ipse sol mundum omnem sua luce  
 compleat: ab eoq; luna illuminata grauiditates, &  
 partus afferat, maturitatesq; gignendi. quæ copula-  
 tio rerum, & quasi consentiens ad mundi incolumi-  
 tatem, coagmentatio naturæ, quem non commouet:  
 hunc horum nihil unquam reputauisse certo scio.  
 Age ut à cælestibus rebus, ad terrestres ueniamus:  
 quid est in his: in quo non naturæ ratio intelligentis  
 appareat? principio eorum quæ gignuntur è terra,  
 stirpes & stabilitatem dant ijs, quæ sustinent: &  
 ex terra



ex terra suam trahunt: quo alantur ea, quæ radi-  
 cibus continentur: obducunturq; libro aut cortice trun-  
 ci: quo sint à frigoribus, & à caloribus tutiores. Iam  
 uero uites sic clauiculis adminicula, tanquam mani-  
 bus apprehendunt: atq; ita se erigunt: ut animan-  
 tes. quin etiam à caulibus, brassicisq; si propè sat-  
 sint, ut à pestiferis, & nocentibus refugere dicun-  
 tur: nec eos ulla ex parte contingere. Animantium  
 uero quanta uarietas est? quanta ad eam rem uis?  
 ut in suo quæq; genere permaneant? quarum aliæ  
 corijs tectæ sunt: aliæ uillis uestitæ: aliæ spinis hirsu-  
 tæ: pluma alias: alias squama uidemus obductas:  
 alias esse cornibus armatas: alias habere effugia pē-  
 narum. pastum autem animantibus large & copiose  
 natura eum, qui cuiq; aptus erat, comparauit. Enu-  
 merare possum ad eum pastum capeßendum, confi-  
 ciendumq; quæ sit in figuris animantium, & quam  
 solers subtilisq; descriptio partium: quamq; admi-  
 rabilis fabrica membrorum. omnia enim, quæ qui-  
 dem intus inclusa sunt: ita nata, atq; ita locata sunt:  
 ut nihil eorum superuacaneum sit: nihil ad uitam  
 retinendam non necessarium. dedit autem eadem  
 natura beluis & sensum, & appetitum: ut altero  
 conatum haberent ad naturales pastus capeßendos:  
 altero secernerent pestifera à salutaribus. Iam uero  
 alia animalia gradiendo, alia serpendo ad pastum  
 accedunt: alia uolando, alia nando: cibumq; partim  
 oris hiatu, & dentibus ipsis capeßunt partim ungui-  
 um tenacitate arripiunt: partim aduncitate rostrorū:  
 alia sugunt: alia carpunt: alia uorant: alia man-  
 dunt. atq; etiam alia humiliata: ut cibum terrestrem



98 DE NATURA DEORVM

strem rostris facile contingant. quæ autem altiora sunt, ut anseres, ut cygni, ut grues, ut cameli: adiuvantur proceritate collorum. manus etiam data elephantis: quia propter magnitudinem corporis difficiles aditus habebant ad pastum. at quibus bestiis erat is cibus: ut aliis generis bestiis uescerentur: aut vires natura dedit: aut celeritas data est: quibusdam etiam machinatio quædam atq; solertia: ut in araneolis, aliæ quasi rete texunt: ut si quid inhæserit conficiant: aliæ autem ex inopinato observant: & si quid incidit, arripiunt: idq; consumunt. Pinna uero (sic enim græce dicitur) duabus grandibus patula conchis cum parua squilla quasi societatem coit comparandi cibi. itaq; cum pisciculi parui in concham hiantem innatauerint: tum admonita à squilla pinna morsu cõprimit conchas. sic dissimillimis bestiolis communiter cibus quæritur. in quo admirandum est, congressu ne aliquo inter se, an iam inde ab ortu naturæ congregatæ sint. Est etiam admiratio nonnulla in bestiis aquatilibus his, quæ gignuntur in terra: uelut crocodilli, fluminalesq; testudines, quædamq; serpentes ortæ extra aquam, simul ac primum niti possunt: aquam persequuntur. quin etiam anatum oua gallinis sæpe supponimus: ex quibus pulli orti primum aluntur ab ijs, ut à matribus: deinde eas relinquunt, à quibus exclusi, fotiq; sunt: et effugiunt: cum primum aquam quasi naturalem domum uidere potuerunt. tantam ingenuit in animantibus conseruandi sui natura custodiam. Legi etiam scriptum esse auctem quandam: quæ platalea nominaretur: eam sibi cibum quærere aduolantem ad eas aues, quæ se  
in mari



in mari mergerent: quæ cum emerissent: piscemq; cœ-  
 pissent: usq; eo premere earum capita mordicus: dum  
 illæ captum amitterent. id quod ipsa inuaderet. ea-  
 demq; hæc auis scribitur conchis se solere complere:  
 easq; cum stomachi calore concoxerit, euomere: atq;  
 ita eligere ex ijs, quæ sunt esculenta. Ranae autem  
 marinæ dicuntur obruere sese arena solere: & ma-  
 ueri prope aquam: ad quas quasi ad escam pisces  
 cum accesserint, confici à ranis atq; consumi. Miluo est  
 quoddam bellum naturale cum coruo. ergo alter al-  
 terius ubicunq; nactus est, oua frangit. Illud uero ab  
 Aristotele animaduersum, à quo pleraq; quis potest  
 non mirari? Grues cum loca calidiora petentes, ma-  
 ria transmittunt: trianguli formam efficere: eius  
 autem summo angulo aer ab ijs aduersus pellitur:  
 deinde sensim ab utroq; latere tanquam remis, ita  
 pennis cursus auium leuatur. basis autem trianguli,  
 quam grues efficiunt: ea tanquam à puppi uentis  
 adiunatur: hæq; in tergo præuolantium colla, & ca-  
 pita reponunt. quod quia ipse dux facere non potest:  
 quia non habet ubi nitatur: reuolat: ut ipse quoq;  
 quiescat. in eius locum succedit ex ijs quæ acquie-  
 uerunt: eaq; uicissitudo in omni cursu conseruatur.  
 Multa eiusmodi proferre possum: sed genus ipsum  
 uidetis. Iam uero illa etiam notiora quanto se opere  
 custodiant bestię: ut in pastu circumspectent: ut in ci-  
 bilibus delitescant. Atq; illa mirabilia. quid ea, quæ  
 nuper, idest paucis ante sæculis medicorum ingenijs  
 reperta sunt? uomitione canis purgare aluos ibes  
 ægyptiæ curant. auditum est pantheras, quæ in bar-  
 baria uenenata carne caperentur: remedium quod-



dam habere: quo cum essent usæ, non morerentur. capras autem in Creta feras, cum essent confixæ uenentatis sagittis: herbam quærere, quæ dictamus uocaretur: quam cum gustauissent, sagittas excidere dicunt ex corpore. Ceruæq; pauloante partum perpurgant se quadam herbula: quæ se felis dicitur. Iam illa cernimus: ut contra metum, & uim suis se armis quæq; defendat. cornibus tauri, apri dentibus, morsu leones, aliæ fuga se, aliæ occultatione tutantur. atramenti effusione sepia, torpore torpedines. multæ etiam insectantes odoris intolerabili foeditate depellunt. Vt uero perpetuus mundi esset ornatus: magna adhibita cura est à prouidentia deorum, ut semper essent, & bestiarum genera, & arborum, omniumq; rerum, quæ altæ aut radicibus à terra, aut stirpibus continerentur. quæ quidem omnia eam uim seminis habent in se: ut ex uno plura generentur: idq; semen inclusum est in intima parte earum baccharum, quæ ex quaq; stirpe funduntur: iisdemq; seminibus, & homines assatim uescuntur: & terræ eiusdem generis stirpium renouatione complentur. quid loquar quantæ ratio in bestiis ad perpetuam conseruationem earum generis appareat? nam primum aliæ mares, aliæ foeminae sunt: quod perpetuitatis causa machinata natura est. deinde partes corporis, & ad procreandum, et ad concipiendum aptissimæ: & in mari, & in foemina commiscendorum corporum miræ libidines. cum autem in locis semen insedit: rapit omnem fere cibum ad sese: eoq; septum fingit animal. quod cum ex utero elapsum excidit: in iis animalibus, quæ lacte aluntur: omnis fere cibus matris lactescere



lactescere incipit: eaq̃s, quæ paulo ante nata sunt, sine magistro, duce natura, mammas appetunt: earumq̃s ubertate saturantur. Atq̃ ut intelligamus nihil horum esse fortuitum: & hæc omnia esse providæ, solertisq̃ naturæ: quæ multiplices foetus procreant, ut sues, ut canes: his mammarum data est multitudo: quas easdē paucas habent hæc bestię, quæ paucas gignunt. quid dicam quantus amor bestiarum sit in educandis custodiendisq̃ ijs: quæ procreauerint, usq̃ ad eum finē: dum possint se ipsa defendere. & si pisces, ut aiunt, ova cum genuerunt, relinquunt. facile enim illa aqua & sustentur: et foetum fundunt. Testudines autem & crocodillos dicunt, cum in terra partū ediderint: obruere ova: deinde discedere. ita & nascuntur, & educantur ipsa p̃ sese. Iam gallinæ auesq̃ reliquæ & quietum requirunt ad pariendum locum: & cubilia sibi, nidosq̃ construunt: eosq̃ q̃ possunt mollissime substernunt: ut q̃ facillime ova seruentur: ex quibus pullos cum excluserint: ita tuentur: ut & pennis foueant: ne frigore lædantur: & si est calor: a sole se opponant. cum autem pulli pinnulis uti possunt: tum uolatus eorum matres prosequuntur: reliqua cura liberantur. Accedit etiam ad nonnullorum animantium, & earum rerum, quas terra gignit, conseruationem, & salutem, hominum etiam solertia, & diligentia. nam multæ & pecudes, & stirpes sunt: quæ sine procuratione hominum saluæ esse non possunt. magnæ etiam opportunitates ad cultum hominum, atq̃ abundantiam aliæ alijs in locis reperiuntur. egyptum nilus irrigat: & cum tota æstate obrutam, oppletamq̃ tenuerit: tum recedit: nullitisq̃ &



102 DE NATURA DEORVM

oblimatos agros ad serendum relinquit. Mesopotamiam fertilem efficit Eufrates: in quam quotannos quasi novos agros inuehit. Indus uero, qui est omnium fluminum maximus: non aqua solum agros laetificat, & mitigat: sed eos etiam conserit. magnam enim ui seminum secum frumenti dicitur deportare. multaq; alia in alijs locis commemorabilia proferre possum: multos fertiles agros alios aliorum fructuū. sed illa quanta benignitas naturæ? quod tam multa ad uestendum, tam uaria, tamq; iocunda gignit? neq; ea uno tempore anni: ut semper & nouitate delectemur, & copia. quam tempestuos autem dedit, quam salutare, non modo hominum, sed etiam pecudum generi, his deniq; omnibus, quæ oriuntur e terra, uentos etestas? quorum flatu nimij temperantur calores. ab iisdem etiam maritimi cursus celeres, & certi diriguntur. Multa prætereunda sunt: & tamen multa dicuntur. enumerari enim non possunt fluminum opportunitates, æstus maritimi multum accedentes, & recedentes, montes uestiti, atq; syluestres, salinæ ab ora maritima remotissimæ, medicamentorum salutarium plenissimæ terræ, artes deniq; innumerabiles ad uictum, & ad uitam necessariæ. Iam diei noctisq; uicissitudo conseruat animantes, tribuens aliud agendi tempus, aliud quiescendi. Sic undiq; omni ratione concluditur: mente, consilioq; diuino omnia in hoc mundo ad salutem omnium, conseruationemq; admirabiliter administrari. Sin quæret quispiam: cuiusnam causa tantarum rerum molitio facta sit? arborū ne & herbarum? quæ quanquam sine sensu sunt: tamen a natura sustentantur? at id quidem



quidem absurdum est. an bestiarum? nihilo probabilius, deos mutarum, & nihil intelligentium causa tantum laborasse. quorum igitur causa quis dixerit effectum esse mundum? eorum scilicet animantium: quæ ratione utuntur. hi sunt dii & homines: quibus profecto nihil est melius. ratio est enim quæ præstat omnibus. itaq; fit credibile, deorum & hominum causa factum esse mundum, quæq; in eo sint omnia. faciliusq; intelligitur à dijs immortalibus hominibus esse prouisum: si erit tota hominis fabricatio perspecta, omnisq; humanæ naturæ figura, atq; perfectio. Nam cum tribus rebus animantium uita teneatur: cibo, potione, spiritu: ad hæc omnia percipienda os est aptissimum: quod adiunctis naribus spiritu augetur. dentibus autem in ore constructis manditur, atq; ab his extenuatur, et mollitur cibus. eorum aduersi acuti morfu diuidunt escas: intimi autem conficiunt: qui genuini uocantur: quæ confectio etiam à lingua adiunari uidetur. linguâ autem ad radices eius hærens excipit stomachus: quo primum illabuntur ea, quæ accepta sunt ore. is utraq; ex parte tonsillas attingens palato extremo, atq; intimo terminatur. atq; is agitatione & motibus linguæ cum depulsum, & quasi detrusum cibum accepit: depellit. ipsius autem partes eæ, quæ sunt infra quam id, quod deuoratur, dilatantur: quæ autem supra, contrahuntur. sed cum aspera arteria (sic enim à medicis appellatur) hostium habeat adiunctum linguæ radicibus, paulo supra, quam ad linguam stomachus annectitur: eaq; ad pulmones usq; pertineat: excipiatq; animam eam, quæ ducta sit spiritu: eandemq; a pulmonibus respiret, et red=



dat: tegitur quasi quodam operculo. quod ob eam  
causam datum est: ne si quid in eam cibi forte inci-  
disset, spiritus impediretur. sed cum alui natura su-  
biecta stomacho, cibi, & potionis sit receptaculum:  
pulmones autem, & cor extrinsecus spiritum addu-  
cant: in alio multa sunt mirabiliter effecta: quæ con-  
stant fere ex nervis. est autem multiplex, & tortuosa:  
arctatq; & continet siue illud aridum est, siue humi-  
dum, quod recipit: ut id mutari, & concoqui facile  
possit: eaq; tum astringitur: tum relaxatur: atq; omne  
quod accepit cogit, & confundit: ut facile & calore,  
quem multum habet, & terendo cibo, & præterea  
spiritu omnia coacta, atq; confecta in reliquum corpus  
diuidantur. In pulmonibus autem inest raritas quæ-  
dam, & assimilis spongijs mollitudo, ad hauriendum  
spiritum aptissima: qui tum se conerant aspiran-  
tes: tum spiritu dilatant: ut frequenter ducatur cibus  
animalis: quo maxime aluntur animantes. ex intesti-  
nis autē & alio secretus à reliquo cibo suavis is, quo  
alimur, permanat ad iecur per quasdam à medio  
intestino, usq; ad portas iecoris (sic enim appellant)  
ductas, & directas vias: quæ pertinent ad iecur: eiq;  
adherent. atq; inde aliæ pertinentes sunt: per quas  
cadit cibus à iecore dilapsus. ab eo cibo cum est se-  
creta bilis, hq; humores, qui ex renibus profundun-  
tur: reliqua se in sanguinem uertunt: ad easdem por-  
tas iecoris conflunt: ad quas omnes eius viæ perti-  
nent: per quas lapsus cibus in hoc ipso loco in eam  
uenam, quæ caua appellatur, confunditur: perq; eam  
ad cor confectus iam coactusq; perlabitur à corde  
autem in totum corpus distribuitur per uenas admo-



dum multas, in omnes partes corporis pertinentes. quemadmodum autem reliquiae cibi depellantur tum astringentibus se intestinis, tum relaxantibus: haud sane difficile dictu est: sed tamen praetereundum est: ne quid habeat iniucunditatis oratio. illa potius explicetur incredibilis fabrica naturae. nam quae spiritu in pulmones anima ducitur: ea calescit primum ab ipso spiritu: deinde coagitatione pulmonum: ex eaq; pars redditur respirando: pars concipitur cordis parte quadam, quam ventriculum cordis appellant: cui similis alter adiunctus est: in quem sanguis à iecore per uenam illā cauiam influit. eoq; modo ex his partibus & sanguis per uenas in omne corpus diffunditur: & spiritus per arterias. utraeq; autem crebrae, multaeq; toto corpore intextae, uim quandam incredibilem artificiosi operis, diuiniq; testantur. quid dicam de ossibus? quae subiecta corpori mirabiles commissuras habent, & ad stabilitatem aptas, & ad artus finiendos accommodatas, & ad motum, & ad omnem corporis actionem. huc adde nervos: à quibus artus continentur: eorumq; implicationem toto corpore pertinentem: qui, sicut uenae, & arteriae, à corde tractae, & profectae, in corpus omne ducuntur. Ad hanc providentiā naturae tam diligentem, tamq; solertem adiungi multa possunt: è quibus intelligatur, quanta res hominibus à deo, quamq; eximia tributa sint: qui primum eos humo excitatos celsos, et erectos constituit: ut deorum cognitionem, caelum intuentes, capere possent. sunt enim è terra homines non ut incolae, atq; habitatores, sed quasi spectatores superiorum rerum, atq; caelestium: quarum spectaculum ad



## 106 DE NATURA DEORVM

nullum aliud genus animantium pertinet. sensus autem  
 interpretes ac nuncij rerum in capite tanquam in arce  
 mirifice ad usus necessarios, et facti, et collocati sunt.  
 nam oculi, tanquam speculatores, altissimum locum  
 obtinent: ex quo plurima conspicientes, fungantur suo  
 munere. et aures cum sonum recipere debeant: qui  
 natura in sublime fertur: recte in altis corporum  
 partibus collocatae sunt. itemque nares, eo quod omnis odor  
 ad superiora fertur, recte sursum sunt: et quod ab  
 potionis iudicium magnum earum est, non sine causa  
 uicinitatem oris. secuta sunt. iam gustatus, qui sentire  
 eorum, quibus uescimur, genera debet: habitat in  
 ea parte oris: qua esculentis, et poculentis iter natu-  
 ra patefecit. tactus autem toto corpore aequabiliter fu-  
 sus est: ut omnes ictus, omnesque nimios et frigoris, et  
 caloris appulsus sentire possimus. Atque ut in aedificijs  
 architecti auertunt ab oculis et naribus dominorum  
 ea, quae profluentia necessario tetri essent aliquid ha-  
 bitura: sic natura res similes procul amandauit a  
 sensibus. quis uero opifex, praeter naturam, qua ni-  
 hil potest esse calidius: tantam solertiam persequi po-  
 tuisset in sensibus? quae primum oculos membranis  
 tenuissimis uestiuit, et sepsit: quas primum perluci-  
 das fecit: ut per eas cerni posset: firmas autem, ut con-  
 tinerentur. sed lubricos oculos fecit, et mobiles: ut et  
 declinarent, siquid noceret: et aspectum quo uellene  
 facile conuerterent. acieque ipsa, qua cernimus: quae pu-  
 pillae uocatur: ita parua est: ut ea quae nocere possint,  
 facile uitet. palpebraeque, quae sunt tegumenta oculorum,  
 mollissimae tactu, ne laederent aciem, aptissime factae  
 et ad claudendas pupillas, ne quid incideret: et ad



aperiendas: idq; providit ut identidem fieri posset  
cum maxima celeritate. munitaq; sunt palpebrae tan-  
quam uallo pilorum: quibus & apertis oculis si quid  
incideret, repelleretur: & somno conuiuentibus, cum  
oculis ad cernendum non egeremus: ut qui tanquam  
inuoluti quiescerent. latens praeterea utiliter: & ex-  
celsis undiq; partibus sepiuntur. primum enim supe-  
riora supercilijs obducta sudorem a capite, & fron-  
te defluentem repellunt. genae deinde ab inferiore  
parte tutantur subiectae, leuiterq; eminentes. nasus ita  
locatus est: ut quasi murus oculis interiectus esse ui-  
deatur. auditus autem semper patet: eius enim sensu  
etiam dormientes egemus. a quo cum sonus est acce-  
ptus: etiam e somno excitamur. flexuosum iter habet:  
ne quid intrare possit: si simplex & directum pa-  
teret. prouisum etiam, ut siqua minima bestiola cona-  
retur irrumpere: in sordibus aurium, tanquam in  
uisco inhaeresceret. extra autem eminent, quae appel-  
lantur aures: & tegendi causa factae, tutandiq; sensus:  
et ne adiectae uoces laberentur, atq; errarent: priusq;  
sensus ab his pulsus esset. sed duros, & quasi corneo-  
los habent introitus, multisq; cum flexibus: quod his  
naturis relatus amplificatur sonus. quo circa & in  
fidibus testudine resonatur, aut cornu: & ex tortuosis  
locis, & inclusis referuntur ampliores. Similiter na-  
res, quae semper propter necessarias utilitates patent:  
contractiores habent introitus: ne quid in eas, quod  
noceat, possit peruadere: humoremq; semper habent  
ad puluerem, multaq; alia repellenda non inutile.  
Gustatus praclare sepius est: ore enim continetur, &  
ad usum apte, & ad incolumitatis custodiam. omnisq;



108 DE NATURA DEORVM

sensus hominum multo antecellit sensibus bestiarum. primum enim oculi in his artibus, quarum iudicium est oculorum, in pictis, fictis, celatisq; formis, in corporum etiam motione, atq; gestu, multa cernunt subtilius: colorum etiam, & figurarum, tum uenustatem, atq; ordinem, & ut ita dicam decentiam oculi iudicant. atq; etiam alia maiora: nam & uirtutes, & uitia cognoscunt: iratum, propitium, letantem, dolentem, fortem, ignauium, audacem, timidumq; cognoscunt. Aurium item est admirabile quoddam, artificiosumq; iudicium: quo iudicatur & in uocis, & in tiliarum, neruorumq; cantibus, uarietas sonorum, interualla, distinctio, & uocis genera permulta: canorum, fuscum, lene, asperum, graue, acutum, flexibile, durum: quae hominum solum auribus iudicantur. Nariumq; item, & gustandi, & aperte tangendi magna iudicia sunt. ad quos sensus capiendos, & perfruendos plures etiam quam uellem artes repertae sunt. perspicuum est enim quo compositiones unguentorum, quo ciborum conditiones, quo corporum lenocinia processerint. Iam uero animum ipsum, mentemq; hominis, rationem, consilium, prudentiam, qui non diuina cura perfecta esse perspicat: is his ipsis rebus mihi uidetur carere. de quo dum disputarem: tuam mihi dari uelim Cotta eloquentiam. quo enim tu illa modo diceret? quanta primum intelligentia, deinde consequentium rerum cum primis coniunctio, & comprehensio esset in nobis: ex quo uidelicet quid ex quibusq; rebus efficiatur, idq; ratione, concludimus: singulasq; res diffinimus: circumscripseque complectimur: ex quo sci-



entia intelligitur quam vim habeat : qualis sit : quāne in deo quidem est res ulla præstantior . quanta uero illa sunt ? quæ uos academici infirmatis , & tollitis : quod & sensibus , & animo , ea quæ extra sunt percipimus : atq; comprehendimus . ex quibus collatis inter se , & comparatis artes quoq; efficimus , partim ad usum uitæ , partim ad oblectationem necessarias . Iam uero domina rerum ( ut uos soletis dicere ) eloquendi uis , quā est præclara ? quāq; diuina ? quæ primum efficit ut ea , quæ ignoramus , discere , & ea , quæ scimus , alios docere possimus . deinde hac cohortamur : hac persuademus : hac consolamur afflictos : hac deducimus perterritos à timore : hac gestientes comprimimus : hac cupiditates , iracundiasq; restringimus : hac nos iuris , legum , urbium societate deuinxit : hac à uita immani , & fera segregauit . ad usum autem orationis incredibile est , nisi diligenter attenderis : quanta opera machinata natura sit . primum enim à pulmonibus arteria usq; ad os intimum pertinet : per quam uox principium à mente ducens , percipitur , & funditur . deinde in ore sita lingua est finita dentibus . ea uocem immoderate profusam , fingit , & terminat : quæ sonos uocis distinctos & pressos efficit , cum & ad dentes , & ad alias partes pellit oris . itaq; plectri similem linguam nostri solent dicere : cordarum dentes : nares cornibus his , qui ad neruos resonant in cantibus . Quam uero aptas quāq; multarum artium ministras manus natura homini dedit ? digitorum enim contractio facilis , facilisq; porrectio , propter molles commissuras , & artus , nullo in motu laborat . itaq;



ad pingendum, ad fingendū, ad sculpendū, ad ner-  
uorum eliciendos sonos, ac tiliarum, apta manus est  
ad motione digitorum. Atq; hæc oblectationis illa ne-  
cessitatis. cultus dico agrorum, extructionesq; tecto-  
rum, tegumenta corporum uel texta, uel suta, om-  
nemq; fabricam æris, & ferri: ex quo intelligitur  
adinuenta animo, percepta sensibus, adhibitis opi-  
ficum manibus omnia nos consecutos: ut tecti, ut uestiti,  
ut salui esse possimus: urbes, muros, domicilia, delu-  
bra, haberemus. Iam uero operibus hominum, idest  
manibus, cibi etiam uarietas inuenitur. & copia.  
nam & agri multa ferunt manu quæsitæ: quæ uel  
statim consumantur: uel mandentur condita uetustati.  
& præterea uescimur bestiis & terrenis, & aquati-  
libus, & uolatilibus, partim capiendo, partim alen-  
do. efficiamus etiam domitu nostro quadrupedum ue-  
ctones: quorum celeritas, atq; uis, nobis ipsis af-  
fert uim, & celeritatem. nos onera quibusdam be-  
stiis, nos iuga imponimus: nos elephantrum acu-  
tissimis sensibus, nos sagacitate canum ad utilitatem  
nostram abutimur: nos e terræ cauernis ferrum eli-  
cimus, rem ad colendos agros necessariam: nos æris,  
argenti, auri uenas penitus abditas inuenimus, &  
ad usum aptas, & ad ornatum decoras: arborum  
autem confectione, omniq; materia, & culta, & sil-  
uestri, partim ad calefaciendum corpus igni adhi-  
bita, & ad mitigandum cibum utimur: partim ad  
ædificandum: ut tectis septi frigora, caloresq; pella-  
mus. magnos uero usus affert ad nauigia facienda.  
quorum cursibus suppeditantur omnes undiq; ad ui-  
tam copię: quasq; res uiolentissimas natura genuit,  
earum



## LIBER SECVNDVS. III

earum moderationem nos soli habemus: maris, atq;  
 uentorum, propter nauticarum rerum scientiam: plu-  
 rimisq; maritimis rebus fruimur, atq; utimur. ter-  
 renorum item commodorum omnis est in homine do-  
 minatus. nos campis, nos montibus fruimur: no-  
 stri sunt amnes: nostri lacus: nos fruges serimus:  
 nos arbores: nos aquarum inductionibus terris fec-  
 unditatem damus: nos flumina arcemus: dirigimus:  
 aduertimus: nostris deniq; manibus in rerum natu-  
 ra quasi alteram naturam efficere conamur. quid ue-  
 ro? hominum ratio non in caelum usq; penetrauit?  
 soli enim ex animantibus nos astrorum ortus, obitus,  
 cursusq; cognouimus: ab hominum genere finitus est  
 dies, mensis, annus: defectiones solis & lunae co-  
 gnitae: praedictaeq; in omne posterum tempus, quae,  
 quantae, quando futurae sint. quae contuens animus,  
 accipit ab his cognitionem deorum: ex qua oritur pie-  
 tas: cui coniuncta iustitia est, reliquaeq; uirtutes: ex  
 quibus uita beata existit par, & similis deorum,  
 nulla re, nisi immortalitate, quae nihil ad beneuiuen-  
 dum pertinet, cedens caelestibus. Quibus rebus expo-  
 sitis, satis docuisse uideor, hominis natura quanto  
 omnes anteciret animantes. ex quo debet intelligi nec  
 figuram, situmq; membrorum, nec ingenij mentisq;  
 uim talem, effici potuisse fortuna. Restat ut doceam,  
 atq; aliquando perorem, omnia, quae sint in hoc mun-  
 do, quibus utantur homines, hominum causa facta  
 esse, & parata. Principio ipse mundus deorum ho-  
 minumq; causa factus est: quaeq; in eo sunt omnia,  
 ea parata ad fructum hominum, & inuenta sunt.  
 Est enim mundus quasi communis deorum atq; homi-  
 num.



num domus, aut urbs utrorumq; soli. n. ratione utentes iure, ac lege uiuunt. ut igitur Athenas, et Lacedæmonē, Atheniensium, Lacedæmoniorumq; causa putandum est conditas esse: omniaq; quæ sint in his urbibus, eorum populorum recte esse dicuntur: sic quæcunq; sunt in omni mundo, deorum, atq; hominum putanda sunt. Iam uero circuitus solis, & lunæ, reliquorumq; syderum, quam etiam ad mundi coherentiam pertinent: tamen & spectaculum hominibus præbent. nulla est enim insatiabilior species: nulla pulchrior: & ad rationem solertiamq; præstantior. eorum enim cursus demetiti, maturitates temporum, et uarietates, mutationesq; cognouimus. quæ si hominibus solis nota sunt: hominum causa facta esse iudicanda sunt. Terra uero foeta frugibus, & uario leguminum genere, quæ maxima largitate fundit, ea ferarum ne, an hominum causa gignere uidetur? quid de uitis oliuetisq; dicam? quarum uberrimi latissimiq; fructus, nihil omnino ad bestias pertinent. neq; enim ferendi, neq; colendi, nec tempestiue demetendi, percipiendiq; fructus, neq; condendi, ac reponendi ulla pecudum scientia est: earumq; omnium rerum hominum est & usus, & cura. ut fides igitur, & tibiis, eorum causa factas dicendum est: qui illis uti possunt: sic ea, quæ diximus, soli his confitendum est esse parata, qui utuntur. nec si quæ bestiae furantur aliquid ex his, aut rapiunt: illarum quoq; causa ea nata esse dicemus. neq; enim homines nurrium, aut formicarum causa frumentum condunt: sed coniugum, & liberorum, & familiarum suarum. itaq; bestiae furtim, ut dixi, fruuntur: domini palam, & libere. hominum igitur causa eas rerum



rerum copias comparatas satendum est. nisi forte tanta ubertas, & uarietas pomorum, eorumq; iucundus non gustatus solum, sed odoratus etiam, & aspectus, dubitationem affert: quin hominibus solis ea natura donauerit. tantumq; abest, ut hæc bestiarum etiam causa parata sine: ut ipsas bestias hominum gratia generatas esse uideamus. quid enim oues aliud afferunt? nisi ut earum uillis consecris, atq; contextis, homines uestiantur? quæ quidem neq; ali, neq; sustentari, neq; ullum fructum edere ex se, sine cultu hominum, & curatione potuissent. canum uero tam fida custodia, tamq; amans dominorū adulatio, tantumq; odium in externos, & tam incredibilis ad inuestigandum sagacitas narium, tanta alacritas in uenando, quid significat aliud? nisi se ad hominum commoditates esse generatos? quid de bobus loquar? quorum ipsa terga declarant non esse ad onus accipiendum figurata: ceruices autem natæ ad iugum: tum uires humerorum, & latitudines ad aratra extrahenda. quibus, cum terræ subigerentur fissione glebarum, ab illo aureo genere, ut poëtæ loquuntur, uis nunquam ulla afferebatur.

30 Ferrea tum uero proles exorta repente est.

30 Ausq; funestum prima est fabricarier ensem:

30 Et gustare manu uictum, domitumq; iuuenum.

Tanta putabatur utilitas percipi ex bobus: ut eorum uisceribus uesci scelus haberetur. longum est mulorum persequi utilitates, & asinorum: quæ certe ad hominum usum paratæ sunt. sus uero quid habet præter escam? cui quidem, ne putresceret, animam ipsam pro sale datam dicit esse Chrysippus. qua pe-



## 114 DE NATURA DEORVM

eude, q̄ erat ad uescendum hominibus apta: nihil genuit natura fecundius. quid multitudinem, suauitatemq; piscium dicam? quid auium? ex quibus tanta percipitur uoluptas: ut interdum pronoe nostra Epicurea fuisse uideatur. atq; hæ ne caperentur quidem, nisi hominum ratione, atq; solertia: quanquam aues quasdam & alites, & oscines, ut nostri augures appellant, rerum augurandarū causa esse natas putes. Iam uero immanes & feras belluas nanciscimur uenando: ut & uescamur his: & exerceamur in uenando ad similitudinem bellicæ disciplinæ: & utamur domitis, & condocfactis: ut elephantis: multa q̄ ex earum corporibus remedia, morbis, & uulneribus eligamus: sicut ex quibusdam stirpibus, & herbis: quarum utilitates longinqui temporis usu, & periclitatione percepimus. Totam licet animis tanquam oculis lustrare terram: maria q̄ omnia cernere: & spacia frugifera, atq; immensa camporum, uestitusq; densissimos montium, pecudū pastus: tum incredibili cursus maritimos celeritate. nec uero supra terram: sed etiam in intimis eius tenebris plurimarum rerū lateat utilitas: quæ ad usum hominum orta, ob hominibus solis inuenitur. Illud uero, quod uterq; uestrum fortasse arripiet ad reprehendendum: Cotta, quia Carneades libenter in stoicos inuehebatur: Velleius, quia nihil tam irridet Epicurus, q̄ prædictionem rerum futurarum mihi uidetur uel maxime confirmare deorum providentia consuli rebus humanis. est enim profecto diuinitas: quæ multis locis, rebus, temporibus apparet: tum in priuatis, tum maxime publicis. multa cernunt aruspices: multa augures præuident: multa



dent: multa oraculis declarantur: multa uaticinationibus: multa somnijs: multa portentis: quibus cognitae multae saepe res hominum sententia atq; utilitate partae, multa etiam pericula depulsa sunt. haec igitur siue uis, siue ars, siue natura, ad scientiam reru futuraru homini profecto est, nec ab alio aliquo, q̄ a dijs immortalibus data. quae si singula uos forte non mouent: uniuersa certe inter se connexa, atq; coniuncta mouere debebunt. Nec uero uniuerso generi hominum solum, sed etiam singulis a dijs immortalibus consuli, & prouideri solet. licet enim contrahere uniuersitatem generis humani: eamq; gradatim ad pauciores, postremo deducere ad singulos. nam si omnibus hominibus, qui ubiq; sunt, quacunq; in ora, ac parte terrarum, ab huiusce terrae, quam nos incolimus continuatione distantium, deos consulere censemus ob has causas, quas ante diximus: his quoq; hominibus consulunt: qui has nobiscum terras ab oriente ad occidentem colunt. Sin autem his consulunt: qui quasi magnam quandam insulam incolunt: quam nos orbem terrae uocamus: etiam illis consulunt, qui partes eius insulae tenent, Europam, Asiam, Africam. ergo & earum partes diligunt: ut Romam, Athenas, Spartam, Rhodum: & earum urbium separatim ab uniuersis, singulos diligunt: ut Pyrrhi bello Curium, Fabricium, Coruncanum: primo punico Calatinum, Duillium, Metellum, Lutatium: secundo Maximum, Marcellum, Africanum: post hos Paulum, Gracum, Catonem: patrum uel memoria Scipionem, Laelium: multosq; praeterea, & nostra ciuitas, & graecia tulit singulares uiros: quorum neminem nisi iuuante deo ta-



116 DE NATURA DEORVM

lem fuisse credendum est. quæ ratio poetæ, maximeq[ue]  
Homerum impulit: ut principibus Heroum, Vly-  
xi, Diomedæ, Agamemnoni, Achilli, certos deos disci-  
minum, & periculorum comites adiungeret. Præte-  
rea ipsorum deorum sæpe præsentia, quales supra  
commemoravi: declarant ab his, & ciuitatibus, &  
singulis hominibus consuli. quod quidem intelligitur  
etiam significationibus rerum futurarum: quæ tum  
dormientibus, tum uigilantibus portenduntur. multa  
præterea ostentis, multa extis admonemur, multisq[ue]  
rebus alijs: quas diuturnus usus ita notauit: ut artem  
diuinationis efficeret. nemo igitur uir magnus sine  
aliquo afflatu diuino unq[ue] fuit. Nec uero ita resellen-  
dum est: ut si segetibus aut uinetis cuiuspiam tempestas  
nocuerit: aut siquid e[st] uitæ cōmodis casus abstulerit:  
eum, cui quid horum acciderit: aut iniusum deo, aut  
neglectum à deo iudicemus. magna dij curant: parua  
negligunt. magnis autem uiris prospere eueniunt sem-  
per omnes res. si quidem satis à nostris, & à prin-  
cipe philosophorum Socrate dictum est, de ubertati-  
bus uirtutis, & copijs. Hæc mihi fere in mentem ue-  
niebant, quæ dicenda putarem de natura deorum.  
tu autem Cotta, si me audias, eandem causam agas:  
teq[ue] & principem ciuem putes: & pontificem esse co-  
gites: & quoniam in utranq[ue] partem uobis licet di-  
sputare: hanc potius sumas: eamq[ue] facultatem dis-  
serendi, quam tibi à rhetoricis exercitationibus ac-  
ceptam amplificauit Academia: huc potius conferas.  
mala enim, & impia consuetudo est, contra deos di-  
sputandi: siue ex animo id fit, siue simulate.



M. TVLLII CICERONIS

DE NATVRA DEORVM

LIBER TERTIVS.

¶ Væ cum Balbus dixisset: tum arri-  
dens Cotta, sero inquit mihi Balbe  
præcipis quid defendam. ego enim te  
disputante, quid contradicerem me-  
cum ipse meditabar: neq; tam refel-  
lendi tui causa: quàm ea, quæ minus intelligebam,  
requirendi. cum autem suo cuiq; iudicio sit utendum:  
difficile factu est, me id sentire, quod tu uelis. Hic  
Velleius, nescis inquit quanta cum expectatione  
Cotta sim te auditurus. iucundus enim Balbo nostro  
sermo tuus contra Epicurum fuit. præbebo igitur me  
tibi uicissim attentum contra stoicos auditorem. spero  
enim te, ut soles, bene paratum uenire. Tum Cotta  
si mehercule Vellei inquit: neq; enim mihi par ra-  
tio cum Lucilio est, ac tecum fuit. Qui tandem in-  
quit ille? Quia mihi uidetur epicurus uester de  
dijs immortalibus non magnopere pugnare. tan-  
tummodo negare deos esse non audet: ne quid inuidiæ  
subeat, aut criminis. cum uero deos nihil agere, nihil  
curare confirmat: membrisq; humanis esse præditos:  
sed eorum membrorum usum nullum habere: lu-  
dere uidetur: satisq; putare, si dixerit, esse quandam  
beatam naturã, & æternam. a Balbo autem animad-  
uertisti credo quàm multa dicta sine: quàmq; etiam  
si minus uera, tamen apta inter se, & coherentia.  
itaq; cogito, ut dixi, non tam refellere eius oratio-

b iiii



# 118 DE NATURA DEORVM

nem: quā in ea, quæ minus intellexi requirere. quare Balbe tibi permitto, respondere ne mihi malis de singulis rebus querenti ex te ea, quæ parum accepi: an uniuersam audire orationē meā. Tum Balbus, ego uero si quid explanari tibi uoles, respondere malo. sin me interrogare, non tam intelligendi causa, q̄ refellendi: utrum uoles faciam: uel ad singula, quæ requires, statim respondebo: uel, cum peroraris, ad omnia. Tum Cotta, optime inquit. quamobrem sic agamus: ut nos ipsa ducit oratio. Sed antequam de re: pauca de me. non enim mediocriter moueor authoritate tua Balbe, orationēq; ea, quæ me in perorando cohortabatur: ut meminisse me, et Cottam esse, & pontificem. quod eo credo ualebat: ut opiniones, quas à maioribus accepi de dijs immortalibus, sacra, ceremonias, religionesq; defenderem. ego uero eas defendam: semperq; defendi: nec me ex ea opinione, quam à maioribus accepi de cultu deorum immortalium, ullius unquam oratio aut docti, aut indocti mouebit. Sed cum de religione agitur: T. Coruncanum, P. Scipionē, P. Scaeuolam pontifices maximos, non Zenonem, aut Cleantem, aut Chrysippum sequor: habeoq; C. Lelium augurem, eundemq; sapientem: quem potius audiam de religione dicentem in illa oratione nobili: q̄ quenquam principem stoicorum. cumq; omnis Populi Romani religio in sacra & in auspicia diuisa sit: tertiu adiunctum sit, si quid prædictionis causa ex portentis, & monstris, Sibyllæ interpretes, aruspices uel monuerunt: harum ego religionum nullam unquam contemnendam putari: mihiq; ita persuasi, Romulum auspicijs, Numam sacris constitutis,



## LIBER TERTIVS. 119

stitutis, fundamenta iecisse nostrae civitatis: quae nunquam profecto sine summa placatione deorum immortalium tanta esse potuisset. habes Balbe quid Cotta, quid pontifex sentiat. fac nunc ergo intelligam tu quid sentias. a te enim philosopho rationem accipere debeo religionis: maioribus autem nostris, etiam nulla ratione reddita, credere. Tum Balbus, quam igitur a me rationem inquit Cotta, desideras? Et ille quadripartita inquit fuit divisio tua. primum ut velles docere deos esse. deinde quales essent. tum ab his mundum regi. postremo consulere eos rebus humanis. haec, si recte memini, partitiō fuit. Rectissime inquit Balbus. sed expecto quid requiras. Tum Cotta, primum quicquid videamus inquit: Et si id est primum quod inter omnes, nisi admodum impios, convenit: mihi quidem ex animo exuri non potest, esse deos. id tamen, quod mihi persuasum est, esse deos autoritate maiorum, cur ita sit nihil tu me doces. Quid est inquit Balbus, si tibi persuasum est, cur a me velis discere?

Tum Cotta, quia sic aggredior inquit ad hanc disputationem: quasi nihil unquam audierim de diis immortalibus: nihil cogitauerim. rudem me discipulum Et integrum accipe: Et ea, quae requiro, doce.

Dic igitur, inquit, quid requiras. Ego ne? primum illud. cur quod perspicuum in istam partem, ne egere quidem oratione dixisses: quod esset conspicuum, et inter omnes constaret: de eo ipso tam multa dixeris?

Quia te quoque inquit animaduerti Cotta saepe, cum in foro diceres, quod plurimis posses argumentis onerare iudicem: si modo eam facultatem tibi daret causa. atque hoc idem et philosophi faciunt: Et ego, ut potui,



120 DE NATURA DEORVM

fecit tu autem, qui id quaeris, similiter facis, ac si meroges, cur te duobus contuear oculis, & non altero tantum: cum idem uno assequi possim. Tum Cotta, q̄ simile istud sit inquit, tu uideris. nam ego neq; in causis, siquid est euident, de quo inter omnes conueniat, argumentari soleo. perspicuitas enim argumentatione leuatur. nec si id facerem in causis forensibus: idem facerem in hac subtilitate sermonis. cur contuereris autem altero oculo, causa non esset: cum idem obtutus esset amborum: & cum rerum natura, quam tu sapientem esse uis, duo lumina ab animo ad oculos perforata nos habere uoluisset. sed quia non confidebas tam esse id perspicuum, q̄ tu uelis: propterea multis argumentis deos esse docere uoluisti. mihi enim unum satis erat: ita nobis maiores nostros tradidisse. sed tu auctoritates omnes contemnis: ratione pugnas. patere igitur rationem meam cum tua ratione contendere. Afferis haec omnia argumenta cur dij sint: remq; mea sententia minime dubiam, argumentando dubiam facis. mandauit enim memoriae non numerum solum, sed etiam ordinem argumentorum tuorum. Primum fuit, cum caelum suspexissemus: statim nos intelligere esse aliquod numen, quo haec regantur. ex hoc illud etiam,

Aspice hoc sublimē cāndēs: quē inuocant omnes Iouē: quasi uero quisquam nostrum, istum potius, q̄ capitolinum, Iouem appellet: aut hoc perspicuum sit: constatq; inter omnes: eos esse deos: quos tibi Velleius, multiq; praeterea, ne animantes quidem esse concedāt. Graue etiam argumentum tibi uidebatur: q̄ opinio de dijs immortalibus, & omnium esset, & quotidie cre-



LIBER TERTIVS. 121

fecerit. placet igitur tantas res opinione stultorum iudicari? nobis praesertim, qui illos insanos esse dicatis? At enim praesentis uidemus deos: ut apud Regillum Posthumius: in Salaria Vacienus: nescio quid etiam de locrorum apud sagram praelio. Quos igitur tu Tyndaridas appellabas, idest homines, homine natos: et quos Homerus, qui recens ab illorum aetate fuit, sepultos esse dicit lacedaemone: eos tu canterijs albis, nullis calonibus, obuiam Vacieno uenisse existimas: et uictoriam populi ro. Vacieno potius homini rustico, quam M. Catoni, qui tum erat princeps, nunciauisse? ergo et illud in silice, quod hodie apparet apud regillum, tanquam uestigium ungulae, Castoris equi credis esse? nonne magis illud credere, quod probari potest, animos praecclarorum hominum, quales isti tyndaridae fuerunt, diuinos esse, et aeternos? quam eos, qui semel cremati essent, equitare, et in acie pugnare potuisse? aut si hoc fieri potuisse dicis: doceas oportet quo modo nec fabellas aniles proferas. Tum Lucilius an tibi inquit fabellae uidentur? nonne ab Aulo posthumio aedem Castori et Polluci in foro dedicatam? nonne senatus consultum de Vacieno uides? nam de sagra graecorum etiam est uulgare proverbium. qui quae affirmant certiora esse dicunt, quam illa, quae apud sagram. his igitur authoribus nonne debes moueri?

Tum Cotta Rumoribus inquit mecum pugnas Balbe. ego autem a te rationes requiro. Sequuntur quae futura sunt. effugere enim nemo id potest, quod futurum est. saepe autem ne utile est quidem scire, quid futurum sit. miserum est enim nihil proficientem angere: nec habere ne spei quidem extremum, et tamen



## 122 DE NATURA DEORVM

commune solatiū. præsertim cum uos iſdem fato fieri  
dicatis omnia. quod autem ſemper ex omni æternita-  
te uerum fuerit, id eſſe fatum. quid igitur inuat? aut  
quid affert ad cauendū? ſcire aliqd futurū: cū id certe  
futurum ſit? unde porro iſta diuination? quis inuenit  
fiſſum, iecoris? quis cornicis cantum notauit? q̄s ſortes?  
q̄bus ego credo: nec poſſum Actij Nauij, quem cōme-  
morabas, lituū contemnere. ſed qui iſta intellecta ſunt  
a philoſophis debeo diſcere: præſertim cum iſti plu-  
rimis de rebus diuinis mentiantur. at medici quoq̄,  
ita enim dicebas, ſæpe falluntur. quid ſimile medi-  
cina, cuius ego rationem uideo, & diuination? quæ  
unde oriatur non intelligo. tu autem etiam Decio-  
rum deuotionibus placatos deos eſſe cenſes. quæ fuit  
eorum tanta iniquitas? ut placari populo ro. non  
poſſent: niſi uiri tales occidiſſent? conſilium illud im-  
peratorum fuit: quod græci *σπαρτίμω* appellant:  
ſed eorum imperatorum: qui patriæ conſulerent:  
uitæ non parcerent. rebantur enim fore: ut exer-  
citus imperatorem equo incitato ſe in hoſtis immit-  
tentem, perſequeretur: id quod euenit. nam faunū  
uocem equidem nunquam audiui. tibi, ſi audiuiſſe te  
dicis, credam. et ſi faunus omnino quid ſcit neſcio. non  
igitur adhuc, quantum quidem in te Balbe eſt, intel-  
ligo deos eſſe. quos equidem credo eſſe: ſed nihil do-  
cene ſtoici. Nam Cleanthes ut dicebas quattuor modis  
formatas in animis hominum putat deorum eſſe no-  
tiones. unus iſ modus eſt de quo ſatis dixi: qui eſt ſu-  
ſcriptus ex præſenſione rerum futurarum. alter ex  
perturbationibus tempeſtatum, & reliquis motibus.  
tertius ex commoditate rerum, quas percipimus, &



copia . quartus ex astrorum ordine , cæliq; constan-  
 tia . de præsentione diximus . de perturbationibus  
 celestibus , & maritimis , & terrenis , non pos-  
 sumus dicere , cum ea fiant , non esse multos , qui  
 ea metuant : & à dijs immortalibus fieri existi-  
 ment . sed non id quæritur : sint ne aliqui qui deos  
 esse putent : dij utrum sint , nec ne , quæritur . Nam  
 relique causæ , quas Cleanthes affert : quarum una  
 est de commodorum , quæ capimus , copia : altera de  
 temporum ordine , cæliq; constantia : tum tractabun-  
 tur à nobis : cum de providentia deorum disputabi-  
 mus : de qua plurima à te Balbe dicta sunt : eo-  
 demq; illa etiam differemus , quod Chrysippum dice-  
 re aiebas , quoniam esset aliquid in rerum natura ,  
 quod ab homine effici non posset : esse homine aliquid  
 melius : quæq; in domo pulchra cum pulchritudine  
 mundi comparabas : & cum totius mundi convenien-  
 tiam consensumq; afferebas : Zenonisq; breues , &  
 acutulas conclusiones in eam partem sermonis , quam  
 modo dixi , differemus . eodemq; tempore illa omnia ,  
 quæ à te physice dicta sunt de vi ignea , deq; eo  
 calore , ex quo omnia generari dicebas , loco suo  
 quærentur : omniaq; , quæ à te nudius tertius dicta  
 sunt : cum docere uelles deos esse : quare & mundus  
 uniuersus , & sol , & luna , & stellæ sensum ac men-  
 tem haberent : in idem tempus reseruabo . à te au-  
 tem illud etiam atq; etiam quæram : quibus ratio-  
 nibus tibi psuadeas deos esse . Tum Balbus equidẽ  
 attulisse rationes mihi uideor : sed eas tu ita refellis :  
 ut cum me interrogaturus esse uideare : & ego me ad  
 respondendum compararim : repente auertas oratio-



## 124 DE NATURA DEORVM

nem: nec des respondendi locum. itaq; maxime res  
 tacitæ præterierunt, de diuinatione, de fato: quibus  
 de quæstionibus tu quidem strictim, nostri autem  
 multa solene dicere. sed ab hac ea quæstione, quæ  
 nunc in manibus est, separantur. quare si uidetur,  
 noli agere confuse: ut hoc explicemus hac disputa-  
 tione, quod quæritur. Optime inq; Cotta. itaq; quo-  
 niam quatuor in partes totam quæstionem diuisisti: de  
 prima quidem diximus: consideremus secundam. quæ  
 mihi talis uidetur fuisse: ut cum ostendere uelles, quæ-  
 les dii essent: ostenderes nullos esse. ad consuetudine  
 oculorum animum adducere difficillimum dicebas: sed  
 cum deo nihil præstantius esset: non dubitabas quin  
 mundus esset deus: quod nihil in rerum natura me-  
 lius esset: modo possemus eum animantem cogitare:  
 uel potius ut cætera oculis, sic animo hoc cernere. sed  
 cum mundo negas quicquam esse melius: quid dicis  
 melius? si pulchrius: assentior. si aptius ad utilita-  
 tes nostras: id quoq; assentior. si autem id dicis, ni-  
 hil esse mundo sapientius: nullo modo prorsus assen-  
 tior. non q; difficile sit mentem ab oculis seuocare. sed  
 quo magis seuoco: eo minus id, quod tu uis, possum  
 mente comprehendere. nihil est mundo melius in re-  
 rum natura. ne in terris quidem urbe nostra. num  
 igitur icaire in urbe esse rationem, cogitationem,  
 mentem putas? aut quoniam non sit: num icaire  
 co existimas formicam anteponendam esse huic pul-  
 cherrimæ urbi? q; in urbe sensus sit nullus: in for-  
 mica non modo sensus, sed etiam mens, ratio, me-  
 moria? uidere oportet Balbe, quid tibi concedatur:  
 non te ipsum quod uelis sumere. istum enim locum



totum illa uetus Zenonis brevis, & ut tibi uideba-  
 tur, acuta conclusio dilatauit. Zeno enim ita conclu-  
 dit. quod ratione utitur, melius est, quam id, quod  
 ratione non utitur. nihil autem mundo melius. ra-  
 tione igitur mundus utitur. hoc si placet: iam effi-  
 cies ut mundus optime librum legere uideatur. Ze-  
 nonis enim uestigijs hoc modo rationem poteris con-  
 cludere. quod litteratum est, id est melius, quam  
 quod non est litteratum. nihil autem mundo melius.  
 litteratus igitur est mundus. isto modo etiam diser-  
 tus: & quidem mathematicus, musicus, omni deniq;  
 doctrina eruditus, postremo philosophus erit mundus.  
 Sæpe dixi nihil fieri sine deo: nec ullam uim esse  
 naturæ: ut sui dissimilia posset effingere. concedam  
 non modo animantem, & sapientem esse mundum:  
 sed fidicinem etiam, & tibicinem: quoniam earum  
 quoq; artium homines, ex eo procreantur. nihil igitur  
 affert pater iste stouorum: quare mundum ratio-  
 ne uti putemus: nec cur animantem quidem esse. non  
 est igitur mundus deus. & tamen nihil est eo melius:  
 nihil est eo pulchrius: nihil nobis salutaris: nihil  
 ornatius aspectu, motuq; constantius. quod si mun-  
 dus uniuersus non est deus: ne stellæ quidem: quas  
 tu innumeraliles in deorum numero reponebas. qua-  
 rum te cursus æquabiles, æterniq; delectabant. nec  
 me hercule iniuria. sunt enim admirabili, incre-  
 dibiliq; constantia. sed non omnia Balbe, quæ cursus  
 certos, & constantes habent, uel seruant: ea deo po-  
 tius, quam naturæ tribuenda sunt. quid Calcydico  
 Euripo in motu identidem reciprocando putas fieri  
 posse constantius? quid freto Siciliensi? quid oceani



feruore illis in locis

» Europam Libyamq; rapax ubi diuidit unda.  
 quid æstus maritimi, uel hispanienses, uel britanici?  
 eorumq; certis temporibus uel accessus, uel recessus?  
 sine deo fieri non ne possunt? uide quæso, si omnis  
 motus, omniq; quæ certis temporibus ordinem suum  
 conseruant, diuina dicimus: ne tertianas quidem fe=  
 bres, & quartanas diuinas esse dicendum sit. qua=  
 rum reuersione, & motu, quid potest esse constan=  
 tius? sed omnium talium rerum ratio reddenda est.  
 quod uos cum facere non potestis: tanquam in aram,  
 confugitis ad deum. Et Chrysippus tibi acute dicere  
 uidebatur, homo sine dubio uersutus, & callidus.  
 uersutos eos appello, quorum celeriter mens uersatur.  
 callidos autem, quorum tanquam manus opere, sic  
 animus usu concalluit. is igitur, si aliquid est in=  
 quit quod homo efficere non possit: qui id efficit, me=  
 lior est homine. homo autem hæc, quæ in mundo sunt,  
 efficere non potest. qui potuit igitur, is præstat ho=  
 mini. homini autem præstare quis possit nisi deus?  
 est igitur deus. Hæc omnia in eodem, quo illa Zeno=  
 nis, errore uersantur. quid enim sit melius, quid  
 præstabilius, quid inter naturam, & rationem  
 intersit, non distinguitur. idemq; si dei non sint,  
 negat esse in omni natura. quicquam homine melius:  
 id autem putare quenquam hominem, nihil homi=  
 ne esse melius, summæ arrogantiae censet esse. sit  
 sane arrogantis: pluri se putare quàm mundum.  
 at illud non modo non arrogantis: sed potius pruden=  
 tis: intelligere se habere sensum, & rationem, &  
 orationem: hæc eadem & caniculam non habere.

Et si



Et si domus pulchra sit, intelligamus eam dominus in-  
 quit aedificatam esse, non muribus. sic igitur mundum  
 deorum domum existimare debemus. ita prorsus exi-  
 stimarem: si illum aedificatum, non quemadmodum  
 docebo à natura conformatum putarem. At enim  
 querit apud Xenophontem Socrates, unde animam  
 arripuerimus: si nulla fuerit in mundo. Et ego que-  
 ro: unde orationem, unde numeros, unde cantus. nisi  
 uero loqui solem cum luna putamus, cum propius  
 accesserit: aut ad harmoniam canere mundum: ut Py-  
 thagoras existimat. Naturæ ista sunt Balbe, naturæ  
 non artificiose ambulantis, ut ait Zeno: quod qui-  
 dem quale sit iam uidebimus: sed omnia cientes, et  
 agitantis motibus, et mutationibus suis. Itaque illa mi-  
 hi placebat oratio de convenientia, consensuque natu-  
 ræ: quam quasi cognatione continuatam conspirare  
 dicebas. Illud non probabam, quod negabas id acci-  
 dere potuisse: nisi ea uno diuino spiritu contineretur.  
 illa uero coheret, et permanet naturæ uiribus, non  
 deorum: estque in ea iste quasi consensus, quam σὺν-  
 τὰβιας græci uocant. sed ea, quo sua sponte maior est:  
 eo minus diuina ratione fieri existimanda est. Illa  
 autem quæ Carneades afferebat, quemadmodum  
 dissoluitis? si nullum corpus immortale sit, nullum  
 esse corpus sempiternum. corpus autem immortale  
 nullum esse: ne individuum quidem: nec quod diri-  
 mi, distrahique non possit. cumque omne animal pati-  
 bilem naturam habeat: nullum est eorum, quod effu-  
 gat accipiendi aliquid extrinsecus, idest quasi feren-  
 di et patiendi necessitatem. et si omne animal mor-  
 tale est: nullum est immortale. et si omne animal



## 128 DE NATURA DEORVM

seatri ac diuidi potest: nullum est eorum indiuiduum:  
 nullum æternum. atqui omne animal ad accipien-  
 dam uim externam & ferendam paratum est. mor-  
 tale igitur omne animal, & dissolubile, & diuiduū  
 sit. necesse est. ut enim, si omnis cera commutabilis  
 esset: nihil esset cereū quod commutari non posset. item  
 nihil argenteum: nihil æneum: si commutabilis esset  
 natura argenti & æris. similiter igitur, si omnia quæ  
 sunt ex quibus cuncta constant, mutabilia sunt: nul-  
 lum corpus esse potest non mutabile. mutabilia autem  
 sunt illa, ex quibus omnia constant: ut uobis uidetur:  
 omne igitur corpus mutabile est. at si esset corpus ali-  
 quod immortale: non esset omne mutabile. ita efficitur  
 ut omne corpus mortale sit. etenim omne corpus, aut  
 aqua, aut aer, aut ignis, aut terra est: aut id quod est  
 concretum ex his, aut ex aliqua parte eorum. ho-  
 rum autem nihil est quod non intereat. nam & ter-  
 renum omne diuiditur: & humor ita mollis est: ut  
 facile comprimi, collidiq; possit: ignis uero, & aer,  
 omni impulsu facillime pellitur: naturaq; cedens est  
 maxime & dissipabilis. præterea omnia hæc tum  
 intereunt: tum in naturam aliam conuertuntur: quod  
 fit cum terra in aquam se uertit: & cum ex aqua  
 oritur aer: & cum ex aëre æther: cumq; eadem ui-  
 cissim retro commeant. quod si ea intereunt ex qui-  
 bus constat omne animal: nullū est animal sempiter-  
 num. Et ut hæc omittamus: tamen animal nullum in-  
 ueniri potest: quod neq; natum unquam sit: et semper  
 sit futurum. omne enim animal sensus habet. sentit  
 igitur & calida, & frigida, & dulcia, & amara:  
 nec potest ullo sensu iucunda accipere: & non acci-  
 pere



pere contraria. si igitur uoluptatis sensum capit: doloris etiam capit. quod autem dolorem accipit: id accipiat etiam interitum necesse est. omne igitur animal confitendum est esse mortale. Præterea si quid est, quod nec uoluptatem sentiat, nec dolorem: id animal esse non potest. sin autem quod animal est: id illa necesse est sentiat: Et quod ea sentiat, non potest esse æternum: Et omne animal sentit. nullum igitur animal est æternum. Præterea nullum potest esse animal: in quo non Et appetitio sit, Et declinatio naturalis. appetuntur autem quæ secundum naturam sunt: declinantur contraria: Et omne animal appetit quædam: Et fugit a quibusdam. quod autem refugit id contra naturam est: Et quod est contra naturam id habet vim interimendi. omne ergo animal intereat necesse est. Innumerable sunt ex quibus effici, cogique possit, nihil esse quod sensum habeat, quin id intereat. etenim ea ipsa quæ sentiuntur, ut frigus, ut calor, ut uoluptas, ut dolor, ut cætera, cum amplificata sunt, interimunt. nec ullum animal est sine sensu. nullum igitur animal est æternum. etenim aut simplex est natura animantis. ut uel terrena sit, uel ignea, uel animalis, uel humida: quod quale sit ne intelligi quidem potest. aut concretum ex pluribus naturis: quarum suum quæque locum habeat: quo naturæ uis efferratur: alia infimum, alia summum, alia medium. hæc ad quoddam tempus coherere possunt: semper autem nullo modo possunt. necesse est enim ut suum quæque in locum natura rapiatur. nullum igitur animal est sempiternum. Sed omnia uestri Balbe solent ad igneam vim referre: Heraclitum ut opinor



### 138 DE NATURA DEORVM

sequentes: quem ipsum non omnes interpretantur uno modo. qui quoniam quid diceret intelligi noluit, omittamus. uos autem ita dicitis omnem uim esse ignem: itaq; & animantis cum calor defecerit tum interire: & in omni natura rerum id uiuere, id uigere, quod caleat. Ego autem non intelligo: quo modo calore extincto corpora intereant: non intereant humore, aut spiritu amisso: praesertim cum intereant etiam nimio calore. quamobrem id quidem commune est de calido: ueruntamen uideamus exitum. ita multis opinor: nihil esse animal extrinsecus in natura, atq; mundo, praeter ignem. qui magis q̄ praeter animam? unde animantium quoq; constet animus: ex quo anima dicitur. quo modo autem hoc quasi concedatur sumitis? nihil esse animum nisi ignem? probabilius enim uidetur tale quiddam esse animum: ut sit ex igne, atq; anima temperatum. quod si ignis ex se se ipse animal est, nulla se alia admiscente natura: quoniam is, cum inest in corporibus nostris, efficit ut sentiamus: non potest ipse esse sine sensu. rursus eadem dici possunt. quicquid est enim quod sensum habeat, id necesse est sentiat & uoluptatem, & dolorem: ad quem autem dolor ueniat: ad eundem etiam interitum uenire. ita fit ut ne ignem quidem efficere possitis aeternum. quid enim? non eisdem uobis placet omnem ignem pastu indigere? nec permanere ullo modo posse nisi alatur? alii autem solem, lunam, reliqua astra, aquis alia dulcibus, alia marinis? eamq; causam Cleantes affert, cur se sol referat: nec longius progrediatur solstitiali orbe: itemq; brumali: ne longius discedat a cibo. hoc totum quale sit mox. nunc autem concluda-

tur,



## LIBER TERTIVS

691

tur, illud quod interire possit: id æternum non esse natura: ignem autem interiturum esse, nisi alatur: non esse igitur natura ignem sempiternum. qualem autem dicunt deum, intelligere non possumus, nulla uirtute præditum. quid enim? prudentiam ne deo tribuamus? quæ constat ex scientia rerum bonarum, & malarum, & nec bonarum, nec malarum. cui mali nihil est, nec esse potest: quid huic opus est delectu bonorum, & malorum? quid autem ratione? quid intelligentia? quibus utimur ad eam rem: ut apertis obscura assequamur. at obscurum deo nihil potest esse. nam iustitia, quæ suum cuique distribuit, quid pertinet ad deos? hominum enim societas & communitas, ut uos dicitis, iustitiam procreauit. Temperantia autem constat ex prætermittendis uoluptatibus corporis: cui si locus in cælo est: est etiam uoluptatibus. Nam fortis deus intelligi qui potest? in dolore? an in labore? an in periculo? quorum deum nihil attingit. Nec ratione igitur utentem, nec uirtute ulla præditum deum intelligere qui possumus? Nec uero uulgi atque imperitorum inscitiam despicere possum: cum ea considero quæ dicuntur à stoicis. sunt enim illa imperitorum. pisces syri uenerantur. omne fere genus bestiarum ægyptij consecrauerunt. iam uero in gracia multos habent ex hominibus deos: Alabandij Alabandi: Tenedi Tenem: leucotheam, quæ fuit Ino, & eius Palemonem filium, cuncta gracia: Herculem, Aesculapium, Tyndaridas: Romulum nostri, aliosque complures: quos quasi nouos & ascriptitios ciues in cælum receptos putant. hæc igitur indocti. quid uos philosophi? qui meliora? omitto illa: sunt

i iij



### 134 DE NATURA DEORVM

enim præclara. sit sanè deus ipse mundus. hoc credo  
illud esse

=sublime candens: quem inuocant omnes Iouem.

Quare igitur plures adiungimus deos? quanta au-  
tem est eorum multitudo? mihi quidem sanè multi  
uidètur. singulas enim stellas numeras deos: easq; aut  
beluarum nomine appellas, ut capram, ut lupam, ut  
taurum, ut leonem: aut rerum inanimatarum, ut ar-  
gon, ut arā, ut coronam. sed ut hæc concedantur reli-  
qua qui tandem non modo concedi, sed omnino intel-  
ligi possunt? cum fruges cererem, vinum liberum di-  
cimus: genere nos quidem sermonis utimur usitato. sed  
inter hæc quem tam amentem esse putas? qui illud,  
quo uestatur, deum credat esse? Nam quos ab homi-  
nibus peruenisse dicis ad deos: tu reddes rationem  
quemadmodum idem fieri potuerit: aut cur fieri de-  
fuerit? Ego discam libenter. quomodo nunc quidem  
est: non uideo quo pacto ille, cui in monte Oetheo illa-  
tæ lampades fuerunt: ut ait Actius: in donum æter-  
nam patris ex illo ardore peruenerit. quem tamen  
Homerus conueniri apud inferos facit ab Ulyssæ, st-  
cut cæteros: qui excesserant uita. quanquam quem po-  
tissimum Herculem colamus: scire sanè uelim. Plures  
enim tradunt nobis ij, qui interiores scrutantur et re-  
conditas litteras. antiquissimum Ioue natum: sed an-  
tiguissimo item Ioue. nam Ioues quoq; plures in pris-  
cæ græcorum litteris inuenimus. Ex eo igitur et lisito  
est is Hercules: quem concertauisse cum Apolline de  
tripode accepimus. Alter traditur Nilo natus ægy-  
ptius: quem aiunt phrygias litteras conscripsisse. Ter-  
tius est ex ideis indigenis: cui inferias afferunt. Quar-

tus



tus Iouis est, Asterie Latonæ sororis: quem Tyrii ma-  
 xime colunt: cuius Carthaginem filiam ferunt. Quin-  
 tus in India, qui Belus dicitur. Sextus hic ex Alcume-  
 na: quem Iuppiter genuit: sed tertius Iuppiter: quo-  
 niam ut iam docebo: plures Ioues etiam accepimus.  
 Quando enim me in hunc locum deduxit oratio: doce-  
 bo, meliora me didicisse de colendis dijs immortalibus  
 iure pontificio, et maiorum more capedunculis his:  
 quas Numa nobis reliquit: de quibus in illa aureola  
 orationcula dicit Lælius: quam rationibus stoicorum.  
 Si enim uos sequar: dic quid ei respondeam, qui me sic  
 roget. Si dii sunt: sunt ne etiam nymphae deæ? si nym-  
 phæ: Panisci etiam et Satyri. hi autem non sunt: ne  
 nymphae quidem deæ igitur. at earum templa sunt  
 publice uota, et dedicata. quid igitur? ne ceteri quidē  
 ergo dii: quorum templa sunt dedicata. Age porro, Iouē  
 et Neptunum deū numeras. ergo etiam Orcus frater  
 eorum deus: et illi qui fluere apud inferos dicuntur,  
 Acheron, Cocytus, Stryx, Phlegeton, tum Charon, tum  
 Cerberus dii putandi. at id quidem repudiandum.  
 ne Orchus quidem igitur. quid dicitis ergo hæc de  
 fratribus? Hæc Carneades agebat: non ut deos tolle-  
 ret. quid enim philosopho minus conueniens? sed ut  
 stoicos nihil de dijs explicare conuinceret. itaque inse-  
 quebatur. quid enim, aiebat, si ij fratres sunt in nu-  
 mero deorum: num de patre eorum Saturno negari  
 potest? quem uulgo maxime ad occidentem colunt. qui  
 si est deus: patrem quoque eius cælum esse deum confi-  
 tendum est. quod si ita est: cæli quoque parentes dii ha-  
 bendi sunt, æther, et dies, eorumque fratres, et sorores:  
 qui à genealogijs antiquis sic nominantur: Amor, dolus,



## 134 DE NATURA DEORVM

metus, labor, inuidencia, fatum, senectus, mors, tenebrae, miseria, querela, gratia, fraus, pertinacia, parca, hesperides, somnia: quos omnis Erebo & nocte natos ferunt. Aut igitur haec monstra probanda sunt: aut prima illa tollenda. quid? Apollinem, Vulcanum, Mercurium, ceteros deos esse dices? de Hercule, Aesculapio, Libero, Castore, Polluce, dubitabis? at hi quidem coluntur aequae atque illi: apud quosdam etiam multo magis. Ergo hi dii sunt habendi mortalibus nati matribus. quid Aristaeus? qui oliuae inuentor dicitur Apollinis filius. Theseus? qui Neptuni. reliqui? quorum patres dii, non erunt in deorum numero? quid quorum matres? opinor etiam magis. ut enim in iure civili, qui est de matre libera, liber est: item iure naturae qui de dea matre est, deus sit necesse est. Itaque Achillem astypalea insula sanctissimum colit. qui si deus est: & Orpheus, & Rhesus dii sunt matre morsa nati. nisi forte maritimae nuptiae terrenis anteponuntur. si hi dii non sunt: quia nusquam coluntur: quomodo illi sunt? uide igitur ne uirtutibus hominum isti honores habeantur, non immortalibus: quod tu quoque Balbe uisus es dicere. quo modo autem potes si Latonam deam putes: Hecatem non putare? quae matre Asteria est sorore Latonae? an haec quoque dea est? uindimus enim eius aras delubraque in graecia. si haec dea est: cur non Eumenides? quae si dea sunt: quarum & Athenis fanum est: & apud nos, ut ego interpretor, lucus furinae: furiae deae sunt, speculatrices credo & uindices facinorum, & sceleris. quod si tales dii sunt, ut rebus humanis intersint: Natio quoque dea putanda est: cui cum fana circumimus in agro ardeant.

rem



rem diuinam facere solemus. quæ quia partus ma-  
tronarum tueatur à nascentibus Natio nominata est.  
ea si dea est: dii omnes illi, qui cōmemorabantur à te,  
honor, fides, mens, concordia. ergo etiam spes, moneta,  
omniaq; quæ cogitatione nobismet ipsis possumus fin-  
gere. quod si uerisimile non est: ne illud quidem est:  
hæc unde fluxerunt. quid autem dicis? si dii sunt illi,  
quos colimus, & accipimus: cur non eodem in genere  
Serapim, Isimq; numeremus? quod si facimus: cur  
Barbarorum deos repudiemus? Boves igitur, &  
equos, ibes, accipitres, aspidas, crocodillos, pisces, canes,  
lupos, feles, multas præterea belluas in deorum nu-  
mero reponemus. quæ si reijciamus: illa quoq; unde  
hæc nata sunt, reijciemus. qd deinde? Ino dea dicitur  
quæ leucothea à græcis, à nobis matuta dicitur: cum  
sit Cadmi filia? Circe autem, et pasiphae è perseide  
Oceani filia nata, patre sole, in deorum numero non  
habebuntur? quanquam Circe quoq; coloni nostri  
circeienses religiose colunt. ergo hanc deam dicis. quid  
Medeæ respondebis? quæ duobus auis sole, & ocea-  
no, Aeeta patre, matre idya procreata est. quid hu-  
ius Absirtheo fratri? qui est apud Pacum Egealeus?  
sed illud nomen ueterum litteris usitatus. qui si dii  
non sunt: uereor quid agat Ino: hæc enim omnia ex  
eodem fonte fluxerunt. an Amphiaræus deus erit, et  
Trophonius? nostri quidem publicani, cum essent agri  
in Bæotia deorum immortalium excepti lege censo-  
ria: negabant immortales esse ullos, qui aliquando  
homines fuissent. Sed si sunt hi dii: est certe Erichtheus:  
cuius Athenis, & delubrum uidimus, & sacerdotem.  
quem si deum facimus: quid aut de Codro dubitare



## 136 DE NATURA DEORVM

possumus? aut de cæteris: qui pugnantes pro patriæ libertate ceciderunt? quod si probabile non est: ne illa quidem superiora, unde hæc manant, probanda sunt. atq; in plerisq; ciuitatibus intelligi potest, augendæ virtutis gratia, quo libentius reip. causa periculū adiret optimus quisq;: uirorum fortium memoriam honore deorum immortalium consecratam. ob eam enim ipsam causam Erichtheus athenis, filiæq; eius in numero deorū sunt. Itemq; leonaticum est delubrum athenis, quod leocorion nominatur. Alabandenses quidem sanctius Alabandum colunt, à quo est urbs illa condita, quàm quenquam nobilium deorū: apud quos non inurbane Stratonicus, ut multa, cum quidam ei molestus Alabandum deum esse confirmaret: Hercules negaret: ergo inquit mihi Alabandus, tibi Hercules sit iratus. Illa autem Balbe, quæ tu à cælo, astrisq; ducebas, quàm longe serpant non uides: solem deum esse, lunamq;: quorum alterum Apollinem græci, alteram Dianam putant. quod si luna dea est: ergo etiam lucifer, cæteræq; errantes numerum deorum obtinebunt: igitur etiam inerrantes. cur autem arcus species non in deorum numero reponatur? est enim pulcher: Et ob eam causam, quia speciem habeat admirabilem, Thaumante dicitur esse nata. cuius si diuina natura est: quid facies nubibus? arcus enim ipse ex nubibus, efficitur quodam modo coloratus. quarum una etiam Centauros peperisse dicitur. quod si nubes rettuleris in deos: referendæ certe erunt tempestates: quæ populi roritibus, consecratæ sunt. ergo hymbres, nūmbi, procellæ, turbines sunt dī putandi. Nostri quidem du-



ces mare ingredientibus immolare hostiam fluctibus  
 consueverunt. Tum si est Ceres à gerendo, ita enim di-  
 cebas: terra ipsa dea est: Et ita habetur: quæ est enim  
 alia Tellus? sin terra: mare etiam: quem Neptu-  
 num esse dicebas. ergo Et flumina, Et fontes. itaq;  
 Et fontis delubrum Marso ex arista dedicavit:  
 Et in augurum precatone Tyberinum, spinonem,  
 anemonem, nodinum, alia propinquorum flumi-  
 num nomina uidemus. ergo hoc aut in immensum  
 serpet: aut nihil horum recipiemus: nec illa infinita  
 ratio superstitionis probabitur. Nihil ergo horum pro-  
 bandum est. Dicamus igitur Balbe oportet contra il-  
 los etiam: qui hos deos ex hominum genere in cæ-  
 lum translatos non re, sed opinione esse dicunt: quos  
 auguste omnes sancteq; ueneramur. Principio Ioues  
 tres numerantur, qui theologi nominantur: ex qui-  
 bus primum Et secundum natos in Arcadia, alte-  
 rum patre æthere, ex quo etiam proserpinam na-  
 tam ferunt, Et liberum: alterum patre Cælo, qui  
 genuisse Minervam dicitur: quam principem Et in-  
 uentricem belli ferunt. Tertium cretensem Saturni  
 filium: cuius in illa insula sepulchrum ostenditur.  
 dioscuri etiam apud graecos multis modis nominan-  
 tur primi tres, qui appellantur anactes athenis, ex  
 Ioue rege antiquissimo, Et proserpina nati, Trico-  
 patrens, Eubuleus, Dionysius. Secundi Ioue tertio  
 nati ex leda, Castor Et Pollux. Tertij dicuntur à  
 nonnullis Aleo, Et Melampus, Emolus, Atrei filij,  
 qui Pelope natus fuit. iam musæ primæ quattuor, na-  
 tæ Ioue altero thelxiope, mneme, acede melete. Secun-  
 dæ Ioue tertio, Et Mnemosine procreata nouem.



### 138 DE NATURA DEORVM

Tertiae Ioue tertio pieriae natae & Antiopa: quas Pieridas, & Pierias solent poetae appellare, iisdem nominibus, eodem numero quo proximae superiores. Cumq; tu solem quia solus esset, appellatum esse dicat: soles ipsi quam multi à theologis proferuntur. Unus eorum Ioue natus, nepos ætheris: alter Hyperione: tertius Vulcano, Nili filio: cuius urbem Aegyptij uolunt esse eam: quæ Heliopolis appellatur. Quartus is, quem Heroicis temporibus Achanto Rhodi peperisse dicitur, auum Ialysi, Camiri, et Lindi: quintus qui colchis fertur Aetam & Circem procreauisse. Vulcani item complures, primus Cælo natus, ex quo Minerva Apollinem eum, cuius in tutela Athenas antiqui historici esse uoluerunt. Secundus Nilo natus Opas, ut Aegyptij appellant: quem custodem esse Aegypti uolunt. Tertius ex tertio Ioue, & Iunone: qui lemni fabricæ traditur præfuisse. Quartus Menalio natus: qui tenuit insulas propter Siciliam: quæ Vulcaniæ nominabantur. Mercurius unus Cælo patre, die matre natus: cuius obscenitas excitata natura traditur: q̃ aspectu Proserpinæ commotus sit: alter ualentis & Phoronidis filius, is qui sub terris habetur. idem Trophonius. tertius Ioue tertio natus & Maia: ex quo & Penelope Panam ferunt. quartus Nilo patre: quem Aegyptij nefas habere nominare. quintus quem colunt phœneatæ: qui argum dicitur interemisse: ob eamq; causam ægypto præfuisse: atq; ægyptijs leges & litteras tradidisse. hunc ægyptij thoyth appellant. eodemq; nomine anni primus mensis apud eos uocatur. Aesculapiorum primus apollinis, quem Arcades colunt:



qui speculum inuenisse, primusq; vulnus obligauisse  
 dicitur. Secundus secundi Mercurij frater. is fulmine  
 percussus, dicitur humatus esse cinosuris. tertius arsip=  
 pi, & arsinox: qui primus purgationem alui, dentisq;  
 euulsionem, ut ferunt, inuenit: cuius in arcadia non  
 longe a lufio flumine sepulchrum et locus ostenditur.  
 Apollinum antiquissimus is: quem pauloante ex uul=  
 cano natum esse dixi custodem athenarum. Alter Co=  
 ribantis filius, natus in creta: cuius de illa insula  
 cum Ioue ipso certamen fuisse traditur. Tertius Ioue  
 tertio natus & latona: quem ex hyperboreis del=  
 phos ferunt aduenisse. quartus in arcadia, quem ar=  
 cades Nomionem appellat: q; ab eo se leges ferunt  
 accepisse. Dianæ item plures: prima Iouis, & Pro=  
 serpinæ: quæ pinnatum Cupidinem genuisse dicitur.  
 Secunda notior: quam Ioue tertio & latona natam  
 accepimus. Tertiae pater Vpis traditur: Glaucæ ma=  
 ter. eam græci sæpe Vpim paterno nomine appel=  
 lant. Dionysios multos habemus: primum e Ioue,  
 & Proserpina natum. Secundum nilo: qui nysam  
 dicitur interemisse. Tertium Caprio patre: eumq; re=  
 gem astæ præfuisse dicunt: cuius abarea sunt insti=  
 tuta. Quartum Ioue & luna, cui sacra orphica pu=  
 tantur confici. Quintum Niso natum, & Thione: a  
 quo trieterides constitutæ putantur. Venus prima cæ=  
 lo & die nata: cuius elide delubrum uidemus: al=  
 tera spuma procreata: ex qua & Mercurio cupidi=  
 nem secundum natum accepimus. Tertia Ioue nata,  
 & Dione: quæ nupsit Vulcano. sed ex ea & Marte  
 natus Anteros dicitur. quarta Syria, Tyroq; conce=  
 pta: quæ astarete uocatur: quam adonidi nupsisse



146 DE NATURA DEORVM

traditum est. Minerva, prima, quam apollinis matrem supra diximus. Secunda orta nilo, quam aegyptij Saitem colunt. Tertia illa quam Ioue generatam supra diximus. quarta Ioue nata & Coriphe oceani <sup>Polyph</sup> filia: quam arcades Coriam nominant: & quadrigarum inuentricem ferunt. Quinta Pallantis: quae <sup>Hippi</sup> patrem dicitur interemisse uirginitatem suam uiolare conantem: cui pinnarum talaria affigunt. Cupido primus Mercurio & Diana prima natus dicitur. Secundus Mercurio & Venere secunda. Tertius quidem est anteros Marte & Venere tertia. atq; haec quidem, atq; eiusmodi, ex uetere graeciae fama collecta sunt. quibus intelligis resistendum esse, ne perturbentur religiones. uestri autem non modo haec non refellunt: uerum etiam confirmant, interpretando quorsum quicq; pertineat. Sed eo iam, unde huc digressi sumus, reuertamur. Num censes igitur subtiliore ratione opus esse ad haec refellenda? nam mentem, fidem, spem, uirtutem, honorem, uictoriam, salutem, concordiam, ceteraq; eiusmodi, rerum uim habere uidemus, non deorum. aut enim in nobismet insunt ipsis: ut mens, ut fides, ut uirtus, ut concordia: aut optandae nobis sunt: ut honos, ut salus, ut uictoria. quarum rerum utilitate uideo etiam consecrata simulacra. quare autem in his uis deorum insit: tum intelligam cum cognouero. quo in genere uel maxime est fortuna numeranda: quam nemo ab inconstantia & temeritate seiunget: quae digna certe non sunt deo. Iam uero quid uos illa delectat explicatio fabularum? & enodatio nominum? exectum a filio Caelum: uinctum itidem a filio Saturnum. haec



Et alia generis eiusdem ita defenditis : ut ij qui ista  
finxerunt non modo non insani , sed etiam fuisse  
sapientes uideantur . In enodandis autem nominibus ,  
quod mirandum sit , laboratis . Saturnus quia  
se saturat annis : Maiors quia magna uertit : Minerva  
quia miruit , aut quia minatur : Venus quia uenit  
ad omnia : Ceres a gerendo . quam periculosa  
consuetudo ? in multis enim nominibus hærebitis : quid  
Veionii facies ? quid Vulcano ? quanquam , quoniam  
Neptunum a nando appellatum putas , nullum erit  
nomen , quod non possis una littera explicare unde  
ductum sit . in quo quidem magis tu mihi natare uisus  
es , quam ipse neptunus . Magnam molestiam suscepit ,  
et minime necessariam primus Zeno , post Cleantes ,  
deinde Chrysippus : commentitiarum fabularum  
reddere rationem : uocabulorum , cur quique  
ita appellati sint , causas explicare . quod cum facitis ,  
illud profecto confitemini , longe aliter rem se habere ,  
atque hominum opinio sit . eos enim , qui dii appellantur ,  
rerum naturas esse , non figuras deorum . qui tantus  
error fuit : ut perniciosus etiam rebus non modo  
nomen deorum tribueretur : sed etiam sacra constituerentur .  
Febris enim farum in palatio , et ædem Larum , et aram  
male fortune exquilis consecratam uidemus . Omnis igitur  
talis a philosophia pellatur error : ut cum de diis  
immortalibus disputemus : dicili usu loquamur ignaris  
mortalibus . de quibus habeo ipse quod sentiam : non habeo  
autem quid tibi assentiar . Neptunum esse dicis animum  
cum intelligentia , per mare pergentem : idem de cerere . istam  
autem intelligentiam aut maris , aut terre non modo



# 142. DE NATURA DEORVM

comprehendere animo, sed ne suspitione quidem pos-  
sum attingere. Itaq; aliunde mihi quærendum est: ut  
et esse deos, et quales sint discere possim: quàm  
qualis tu eos esse uelis. Videamus ea quæ sequun-  
tur. Primum deorum ne providentia mundus regatur  
deinde consulant ne rebus humanis. hæc enim mihi  
ex tua partitione restant duo. de quibus, si uobis wi-  
detur accuratius differendum puto. Mihi uero in-  
quit Velleius ualde uidetur: nam et maiora expe-  
cto: et his quæ dicta sunt, uehementer assentior.  
Tum Balbus interpellare te inquit Cotta nolo: sed  
sumemus tempus aliud: efficiam profecto ut fateare  
sed

multa desunt

- » Nequaquam istuc istuc ibit: magna inest certatio.
  - » Nam ut ego illis supplicare tanta blandiloquentia?
- an niobe



LIBER TERTIUS. 143

an niobe parum ne ratiocinari uidetur: & sibi ipsa  
ne fariam pestem machinari? Illud uero quàm calli-  
da ratione,

- » Qui uult quod uult, ita dat se res ut operā dabit:  
qui est uersus omnium seminator malorum:
- » Ille tamen uersa mente mihi tradidit repagula
- » Quibus ego iram omnem recludam: atq; illi per-  
niciem dabo:
- » Mihi mœrores, illi luctum, exitium illi, exilium mihi:  
hanc uidelicet rationem quam uos diuino beneficio  
homini solum tributam dicitis: bestiae non habent.  
uides ne igitur quanto munere deorum simus affecti?  
atq; eadem Medea patrem, patriamq; fugiens:
- » Postquam pater appropinquat: iamq; pene ut com-  
prehendatur parat:
- » Puerum interea obtruncat: membraq; articulati di-  
uidit:
- » Perq; agros passim dispergit corpus: id ea gratia
- » Vt dum nati dissipatos artus captaret parens:
- » Ipsa interea effugeret illum ut mœror tardaret seq:
- » Sibi salutem ut familiari pareret paricidio.  
huic ut scelus: sic nec ratio quidem defuit. Quid ille  
funestas epulas fratri comparans? non ne uersat huc  
& illuc cogitatione rationem?
- » Maior mihi moles, maius miscendum est malum:
- » Qui illius acerbum cor contundam & comprimam.  
Nec tamen ille ipse est prætereundus qui non sat ha-  
buit coniugem illexisse in stuprum: de quo recte &  
uerissimo loquitur Atreus
- » Quod re in summa summum esse arbitror
- » Periculum, matres coinquinari: regiam

K



- » Contaminari stirpem: admisceri genus.  
 At id ipsum q̄ callide, q̄ regnum adulterio quæreret?  
 » Addo (inquit) huc q̄ mihi portento cælestum pater  
 » Prodigium misit regni stabilimen mei:  
 » Agnum inter pecudes aurea clarum coma  
 » Quondam thiestem clepere ausum esse e' regia:  
 » Quam in re adiutricem coniugem cepit sibi  
 uidetur ne summa improbitate usus non sine summa  
 esse ratione? Nec uero scena solum referta est his sce-  
 leribus: sed multo uita communis pene maioribus. sen-  
 tit domus uniuscuiusq̄: sentit forum: sentit curia: cam-  
 pus, socij, provinciæ: ut quemadmodum ratione res  
 recte fiat: sic ratione peccetur. alterum a' paucis, &  
 raro, alterum & semper, & a' pluribus: ut satius  
 fuerit nullam omnino nobis a' dijs immortalibus da-  
 tam esse rationem: quàm tanta cum pernicie datam. ut  
 uinum ægrotis, quia prodest raro, nocet sepiissime: me-  
 lius est non adhibere omnino: quàm spe dubie salu-  
 tis in apertam perniciem incurrere. sic haud scio, an  
 melius fuerit, humano generi motum istum celerem  
 cogitationis, acumen, solertiam, quam rationem uoca-  
 mus: quoniam pestifera sit multis: admodum paucis sa-  
 lutaris: non dari omnino: quàm tam munifice & tam  
 large dari. Quamobrem si mens uoluntasq̄ diuina  
 iacito consuluit hominibus, q̄ his largita est ratio-  
 nem: his solis consuluit, quos bona ratione donauit:  
 quos uidemus, si modo ulli sunt, esse paucos. non placet  
 autem paucis a' dijs immortalibus esse consultum. se-  
 quitur ergo ut nemini consultum sit. Huic loco sic sole-  
 tis occurrere: non iacito non optime nobis a' dijs esse  
 prouisum: q̄ multi eorum beneficio peruerse uteren-

tity:



tur: etiam patrimonijs multos male uti: nec ob eam causam eos beneficium à patribus nullum habere. Quisquam ne istuc negat? aut quæ est in collatione ista similitudo? nec enim Herculi Deianira nocere uoluit, cum ei tunicam sanguine Centauri tinctam dedit: nec prodesse phereo Iasoni is, qui gladio uomicam eius aperuit: quam sanare medici non poterant. multi enim etiam cum obesse uellent, profuerunt: et cum prodesse, obfuerunt. Ita non fit, ex eo quod datur, ut uoluntas eius, qui dederit, appareat: nec si is qui accepit, bene utitur: itaque is, qui dedit, amice dedit. quæ enim libido, quæ auaritia, quod facinus, aut suscipitur nisi consilio capto? aut sine animi motu et cogitatione idest ratione perficitur? Nam omnis opinio ratio est: et quidem bona ratio, si uera: mala autem, si falsa est opinio. sed à deo tantum rationem habemus: si modo habemus: bonam autem rationem, aut non bonam, à nobis. non enim ut patrimonium relinquitur: sic ratio homini est beneficio deorum data. quid enim potius hominibus dedissent, si ijs nocere uoluissent? In iustitiæ autem, intemperantiæ, timiditatis, quæ semina essent? si his uicijs ratio non subesset? Medea modo et Atreus commemorabantur à nobis, heroicæ personæ, inita, subductaq; ratione, nefaria scelera meditantibus. quid leuitates comicæ? parum ne semper in ratione uersantur? parum ne subtiliter disputat ille in eunucho?

⁊ quid igitur faciam?

⁊ Excluit: reuocat. redeam? non si me obsecret.

Ille uero in synephebis Academicorum more contra communem opinionem non dubitat pugnare ratione:



146. DE NATURA DEORVM

qui in amore summo, summaq; inopia: suaue esse dicit

- » Parentem habere auarum, illepidum, in liberos
- » Difficilem: qui te nec amet, nec studeat tui.  
atq; huic incredibili sententiae ratiunculas suggerit:
- » Aut tu illum fructu fallas: aut per litteras
- » Auertas aliquod nomen: aut per seruum
- » Percutias pauidum. postremo a parco patre
- » Quod sumas, quanto dissipas libentius?  
Idemq; facilem & liberalem patrem incommodum  
esse amanti filio disputat: quem
- » Neq; quo pacto fallam: neq; quid inde auferam:
- » Nec quem dolum ad eum, neq; machinam comoliar;
- » Scio quicquam: ita omnes meos dolos, fallacias,
- » Prestigias, praestrinxit commoditas patris.  
quid ergo isti doli? quid machinae? quid fallaciae?  
prestigiaeq; num sine ratione esse potuerunt? O pre-  
clarum munus deorum: ut phormio possit dicere:
- » Cedo senem: iam instructa mihi sunt in corde con-  
silia omnia.

Sed exeamus e theatro: ueniamus in forum: sessum  
ite precor: quid ut iudicetur? qui tabularium incen-  
derit. quod facinus occultius? at se Q. Sostus splendi-  
dus eques Romanus ex agro Piceno fecisse confessus  
est. qui transcripserit tabulas publicas. id quoque  
L. Alenius fecit: cum chyrographum sex primorum  
imitatus est. quid hoc homine solertius? cognosce alias  
quaestiones: auri Tolosani: coniurationis Iugurtinae. re-  
pete superiora Tubuli de pecunia capta ob rem iudi-  
candam. posteriora de incestu rogatione peduceae. tum  
haec quotidiana sicca, uenena, peculatus, testamentorum  
etiam lege noua quaestiones. inde illa actio: ope consi-  
lioq;



lioq; tuo, furtum factum esse aio: inde tot iudicia de fide mala, tutelæ, mandati, pro socio, fiduciæ, reliqua, quæ ex empto, aut uendito, conducto, aut locato contra fidem fiunt: inde iudicium publicum rei priuatæ lege lictoria: inde euerriculum malitiarum omnium, iudicium de dolo malo: quod C. Aquilius familiaris noster protulit. quem dolum idem Aquilius tum teneri putat: cum aliud sit simulatum: aliud actum. Hanc igitur a dijs immortalibus tantam arbitrantur malorum sementem esse factam? Si enim rationem hominibus dii dederunt: et malitiam dederunt. est enim malitia uersuta, et fallax nocendi ratio. idē autem dii fraudem dederunt: facinusq; cæteraq;, quorum nihil nec suscipi sine ratione, nec effici potest. utinam igitur (ut illa anus optat)

» ne in nemore pelio securibus

» Cæse cecidissent abiegnæ ad terram trabes:

sic istam calliditatem hominibus dii ne dedissent: quæ perpauci bene utuntur: qui tamen ipsi sæpe a male utentibus opprimuntur: innumerabiles autem improbe utuntur: ut donum hoc diuinum rationis, et consilij, ad fraudem hominibus, non ad bonitatem impertitum esse uideatur. Sed urgetis identidem, hominum esse istam culpam, non deorum. ut si medicus grauitatem morbi, gubernator uim tempestatis accuset. et si hi quidem homunculi: sed tamen ridiculi. quis enim te adhibuisset dixerit quispian: si ista non essent? contra deum licet disputare liberius. in hominum uitjs ais esse culpam. eam dedisses hominibus rationem: quæ uitia culpamq; excluderet. ubi igitur locus fuit errori deorum? nam patrimonia spe bene tradendi



relinquimus: qua possumus falli. deus falli qui potuit?  
 an ut sol, in currum cum Phaetontem filium sustulit:  
 aut Neptunus, cum Theseus Hyppolitum perdidit: cum  
 ter optandi à Neptuno patre habuisset potestatem.  
 poëtarum ista sunt: nos autem philosophi esse uolumus  
 rerum authores, non fabularum. Atq; ij tamen ipsi  
 dij poëtici si scissent pñiosa fore illa filijs: peccasse in  
 beneficio putarentur. et si uerū est quod Aristo <sup>chius</sup> cous  
 dicere solebat: nocere audientibus philosophos his, qui  
 benedicta male interpretarentur: posse enim a sotos, ex  
 Aristippi, acerbos è Zenonis schola exire: prorsus si  
 qui audierunt, uitiosi essent discessuri: q̃ peruerse phi-  
 losophorum disputationem interpretarentur: tacere  
 præstare philosophis: q̃ his, qui se audissent, nocere.  
 sic si homines rationem bono consilio à dijs immor-  
 talibus datam, in fraudem malitiāq; conuertunt:  
 non dari illam, quam dari humano generi melius  
 fuit. ut si medicus sciat eum egrotum, qui iussus sit ui-  
 num sumere, meracius sumpturū: statimq; periturū:  
 magna sit in culpa. sic uestra ista providentia re-  
 prehendenda: quæ rationem dederit ijs: quos scierit  
 ea peruerse, Et improbe usuros. nisi forte dicatis eam  
 nesciuisse. utinam quidem. sed non audebitis. non enim  
 ignoro quanti eius nomen putetis. sed hic quidem lo-  
 cus concludi iam potest. nā si stultitia consensu omniū  
 philosophorum maius est malum, q̃ si omnia mala Et  
 fortunæ Et corporis ex altera parte ponantur: sa-  
 pientiam autem nemo assequitur: in summis malis  
 omnes sumus: quibus uos optime consultum à dijs im-  
 mortalibus dicitis. nam ut nihil interest, utrum nemo  
 ualeat: an nemo possit ualere: sic non intelligo, quid  
 intersit:



inter sit: utrum nemo sit sapiens: an nemo esse possit.  
 Ac nos quidem nimis multa de re apertissima. Tela-  
 mon autem uno uersu locum totum conficit: utrum dii  
 homines negligant:

Nā si curent: bene bonis sit: male malis: qđ nunc ab est.  
 debebant illi quidem omnes bonos efficere: si qui-  
 dem hominum generi consulebant. Sin id minus: bo-  
 nis quidem certe consulere debebant. cur igitur duos  
 Scipiones fortissimos, & optimos uiros in Hispania  
 pœnus oppressit? cur Maximus extulit filium consu-  
 larem? cur Marcellum Annibal interemit? cur Pau-  
 lum cannae sustulerunt? cur pœnorum crudelitati  
 Reguli corpus est præbitum? cur Africanum domestici  
 parietes non texerunt? Sed hæc uetera, & alia per-  
 multa propiora uideamus. cur auunculus meus uir in-  
 nocentissimus, idemq; doctissimus, P. Rutilius in exilio  
 est? cur sodalis meus interfectus domi suæ Drusus?  
 cur temperantiæ, prudentiæq; specimen ante simula-  
 crū uestæ pontifex maximus est Q. Scauola trucida-  
 tus? cur etiam ante tot ciuitatis principes a Cynna in-  
 terempti? cur omnium perfidiosissimus C. Marius  
 Q. Catulum præstantissima dignitate uirum mori po-  
 tuit iubere? dies deficiat: si uelim numerare quibus  
 bonis male euenerit: nec mirus, si commemorem, qui-  
 bus improbis optime. cur enim Marius tam feliciter  
 septimum consul domi suæ senex est mortuus? cur  
 omnium crudelissimus tam diu Cynna regnauit? at  
 dedit pœnas. prohiberi melius fuit, impediriq; ne tot  
 summos uiros interficeret: qđ ipsum aliquando pœnas  
 dare. summo cruciatu, supplicioq; Varius homo im-  
 portunissimus perijt: sic, quia Drusum ferro, Metel-



150 DE NATURA DEORVM

lum ueneno substulerat: illos conseruari melius fuit: q̃  
 pœnas sceleris Varium pendere. Duo de XL Diony-  
 sius tyrannus annos fuit opulentissimæ & beatissi-  
 mæ ciuitatis. quam multas ante hunc in ipso græciæ  
 flore Pisistratus, ac Phalaris, ac Appollodorus pœnas  
 substulit, multis quidem ante cruciatis, & necatis. Et  
 prædones multi sæpe pœnas dant: nec tamen possu-  
 mus dicere non plures captiuos acerbe, q̃ prædones  
 necatos. Anaxarchum Democritum a cyprio tyranni-  
 no exatrnificatum accepimus: Zenonem Eleatem in  
 tormentis necatum. quid dicam de Socrate? cuius mortem  
 illachrymari soleo. Platonem legens. uides ne igitur  
 deorum iudicio, si uident res humanas, discrimen esse  
 sublatum. Diogenes quidem Cynicus dicere solebat:  
 Harpalum, qui temporibus illis prædo felix habebatur:  
 contra deos testimonium dicere: q̃ in illa fortuna  
 tandiu uiueret. Dionysius, de quo ante dixi: cum  
 fanum proserpinæ locris expilauisset: nauigabat  
 syracusas: isq; cum secundissime cursum teneret: uide-  
 tis ne inquit amici, quam bona a dijs immortalibus  
 nauigatio sacrilegis detur. Atq; homo acutus, cum bene,  
 planeq; percepisset: in eadem sententia perseue-  
 rabat. qui, cum ad peloponnesum classem appulisset:  
 & in fanum uenisset Iouis olympij: aureum ei detra-  
 xit amiculum grandi pondere: quo Iouem ornat  
 ex manubijs carthagnensium tyrannus Hiero: atq; in  
 eo etiam cauillatus est: æstate graue esse aureum ami-  
 culum: hyeme frigidum: eiq; laneum palium iniecit:  
 cum id esse aptum ad omne anni tempus diceret.  
 idemq; Aesculapij Epidauri barbam auream dem-  
 iussit. neq; enim conuenire, barbatum esse filium: cum  
 in omnibus



LIBER TERTIVS. 131

in omnibus fanis pater imberbis esset. Iam mensas  
argenteas de omnibus delubris iussit auferri: in qui-  
bus, q̄ more ueteris græciæ inscriptum esset bonorum  
deorum: uti se eorum bonitate uelle dicebat. Idem ui-  
ctoriolas aureas, & pateras, coronasq; quæ simula-  
crorum porrectis manibus sustinebantur, sine dubita-  
tione tollebat: eaq; se accipere, non auferre dicebat.  
esse enim stultitiam, à quibus bona precaremur, ab  
ijs porrigentibus, & dantibus nolle sumere. eundemq;  
ferunt hæc, quæ dixi, sublata de fanis in forum pro-  
tulisse: & per præconem uendidisse: exactaq; pecu-  
nia, edixisse, ut quod quisq; à sacris haberet, id  
ante diem certam in suum quodq; fanum referret:  
ita ad impietatem in deos, in homines adiunxit in-  
iuriam. hunc igitur nec olympius Iuppiter fulmine  
percussit: nec Aesculapius misero diuturnoq; mor-  
bo intabescens interemit: atq; in suo lectulo mor-  
tuis, in tympanidis rogiū illatus est: eamq; po-  
testatem, quam ipse per scelus erat nactus, quasi  
iustam, & legitimam, hæreditatis loco filio tra-  
didit. Inuita in hoc loco uersatur oratio. uidetur enim  
authoritatem asserere p̄candi. & recte uideretur:  
nisi & uirtutis, & uitiorum sine ulla diuina ratio-  
ne graue ipsius conscientie pondus esset. qua sublata,  
iacent omnia. Vt enim nec domus, nec resp. ratione  
quadam, & disciplina designata uideatur: si in ea  
nec recte factis præmia extant ulla: nec supplicia pec-  
catis. sic mundi diuina in homines moderatio profe-  
cto nulla est: si in ea discrimen nullum est bonorum,  
& malorum. At enim minora dij negligunt: neq;  
agellos singulorum, nec uiticulas persequuntur: nec si



## 152 DE NATURA DEORVM

uredo, aut grando quippiam nocuit: id Ioui ani-  
 maduertendum fuit. ne in regnis quidem reges omnia  
 minima curant. sic enim dicitis. quasi ego paulo ante  
 de fundo Formiano P. Rutilij sim questus: non de  
 amissa salute. Atq; hoc quidem omnes mortales sic  
 habent: externas commoditates, uineta, segetes, oli-  
 ueta, ubertatem frugum, & fructuum, omnem deniq;  
 commoditatem, prosperitatemq; uitae à dijs se habere.  
 uirtutem autem nemo unquam acceptam deo rettulit.  
 nimirum recte. propter uirtutem enim iure laudamur:  
 & in uirtute recte gloriamur. quod non contingeret:  
 si id donum à deo, non à nobis haberemus. At uero  
 aut honoribus aucti, aut re familiari, aut si aliud  
 quippiam nacti sumus fortuiti boni: aut depulimus  
 mali: tum dijs gratias agimus: tum nihil nostrae laudi  
 assumptum arbitramur. num quis q; bonus uir esset,  
 gratias dijs egi unquam? at q; diues: q; honoratus:  
 q; incolumis. Iouemq; optimum maximum ob eas res  
 appellare: non q; nos iustos, temperatos, sapientes,  
 efficiat: sed quod saluos, incolumes, opulentos, copio-  
 sos. neq; Herculi quisquam decumam uouit unquam:  
 si sapiens factus esset: quanquam Pythagoras cum  
 in Geometria quiddam noui inuenisset: musis bouem  
 immolasse dicitur. sed id quidem non credo: quoniam  
 ille ne Apollini quidem delio hostiam immolare uo-  
 luit: ne aram sanguine aspergeret. ad rem autem  
 ut redeam: iudicium hoc omnium mortalium est: for-  
 tunam à deo petendam: à se ipso sumendam esse sa-  
 pientiam. quamuis menti delubra, & uirtuti, &  
 fidei consecremus: tamen haec in nobis ipsis sita uide-  
 mus: spei, salutis, opis, uictoriae, facultas à dijs expe-



renda est. Improborum igitur prosperitates, secundæq;  
 res, redargunt (ut Diogenes dicebat) uim omnem deo-  
 rum, ac potestatem. at nonnunquam bonos exitus  
 habent boni. eos quidem ascribimus, attribuimusq;  
 sine ulla ratione dijs immortalibus. At Diagoras  
 cum Samothraciam uenisset, atheos ille qui dicitur:  
 atq; ei quidam amicus, tu qui deos putas humana ne-  
 gligere: non ne animaduertis ex tot tabellis pictis, q̃  
 multi uotis uim tēpestatis effugerint? in portumq; sal-  
 uū peruenerint? ita fit inquit. illi enim nusquam  
 picti sunt: qui naufragium fecerunt, in mariq; pe-  
 rierunt. idemq; cum ei naviganti uectores aduersa  
 tempestate timidi, & perterriti dicerent, non iniu-  
 ria sibi illud accidere: qui illum in eandem nauem  
 recepissent: ostendit eis in eodem cursu multas alias  
 laborantes: quæsiuitq; num etiam in ijs nauibus Dia-  
 goram uehi crederent. sic enim sese res habet, ut ad  
 prosperam, aduersamue fortunam qualis sis, aut  
 quemadmodum uixeris, nihil interst. Non animad-  
 uertunt inquit omnia dij: ne reges quidem. quid est  
 simile? reges enim si scientes prætermittunt: magna  
 culpa est. at deo ne excusatio quidem est inscientiæ.  
 quem uos præclare defenditis: cum dicitis eam uim  
 deorum esse: ut etiam si quis morte pœnas sceleris effu-  
 gerit: expectentur hæ pœnæ à liberis, à nepotibus,  
 à posteris. O miram æquitatem deorum. ferret ne  
 ulla ciuitas latorem istiusmodi legis? ut condemnare-  
 tur filius, aut nepos, si pater, aut auus deliquisset?  
 qui nam tantalidarum internitioni modus paretur?  
 aut quenam unquam ob mortem Mirtili pœnis luen-  
 dis dabitur satietas supplicij? utrum poætæ stoicos de



## 154 DE NATURA DEORVM

prauiderint, an stoici poetis dederint auctoritatem, non facile dixerim. portenta enim & flagitia ab utrisq; dicuntur. neq; enim quem hipponactis iambis laferat: aut qui erat Archilochi uersu vulneratus: a deo immissum dolorem, non conceptum a se ipso continebat. nec cum Aegisti libidinem, aut cum paridis uidemus, a deo causam requirimus: cum culpæ pene uocem audiamus. nec ego multorum egrorum salutem non ab Hippocrate potius, quam ab æsculapio datam iudico: nec Lacedæmoniorum disciplinam dicam unquam ab Apolline potius spartæ, quam a lyurgo datam. Crytolaus inquam euerit corinthus: carthaginem Asdrubal. hi duos illos oculos oræ maritimæ effoderunt: non iratus alicui, quem omnino irasci posse negatis deum. At subuenire certe potuit: & conseruare urbes tantas, atq; tales. uos enim ipsi dicere soletis: nihil esse quod deus efficere non possit: & quidem sine labore ullo. ut enim hominum membra nulla contentione, mente ipsa, ac uoluntate moueantur: sic numine deorum omnia fingi, moueri, mutariq; posse. neq; id dicitis superstitiose, atq; aniliter: sed physica, constantiq; ratione. materiam enim rerum, ex qua, & in qua omnia sunt: totam esse flexibilem, & commutabilem: ut nihil sit, quod non ex ea, quamuis subito, fingi, conuertiq; possit. eius autem uniuersæ fictricem, & moderatricem diuinam esse prouidentiam. hanc igitur quocunq; se moueat, efficere posse quicquid uelit. itaq; aut nescit quid possit: aut negligit res humanas: aut quid sit optimum non potest iudicare. non curat singulos homines. non mirum: ne ciuitates quidem. non eas: ne nationes qui-



dem, & gentes. quod si has etiam contemnet: quid mirum est, omne ab ea genus humanum esse contemptum? sed quo modo iſdem dicitis, non omnia deos perſequi? qui iſdem vultis, à dijs immortalibus hominibus diſpartiri, ac diuidi ſomnia? itcirco hæc tecum: quia ueſtra eſt de ſomniorum ueritate ſententia. atq; iſdem etiam uota ſuſcipi dicitis oportere. nempe ſinguli uouent. audit igitur mens diuina etiam de ſingulis. uidetis ergo eam non eſſe tam occupatam, quàm putabatis? Fac eſſe diſtentam: cælum uerſantem: terram tuentem: maria moderantem. cur tam multos deos nihil agere & ceſſare patitur? cur non rebus humanis aliquos ocioſos deos præfecit? qui à te Balbe innumera- biles explicati ſunt. Hæc ferè dicere habui de natura deorum: non ut eam tollerem: ſed ut intelligeretis, quàm eſſet obſcura: & quàm difficiles explicatus haberet. Quæ cum dixiſſet Cotta: finem fecit.

Lucilius autem, uehementius inquit Cotta quidem inuectus es in meram ſtoicorum rationem: quæ de providentia deorum ab illis ſanctiſſime & prouidentiffime conſtituta eſt. ſed quoniam adueſperat: dabis diem nobis aliquem: ut contra iſta dicamus. eſt enim mihi tecum pro aris, & focis certamen, & pro deorum templis, atq; delubris, proq; urbis muris, quos uos pontifices ſanctos eſſe dicitis: diligentiusq; urbem religione, quàm iſſis mœnibus cingitis. quæ deſeri à me, dum quidem ſpirare potero, neſcis iudico. Tum Cotta. Ego uero & opto redargui me Balbe: & ea, quæ diſputaui, diſſerere malui, quàm iudicare: & facile me à te uinci poſſe certo ſcio. Quippe inquit Velleius, qui etiam ſomnia putet ad



## DE NATURA DEORVM

nos mitti ab Ioue. quæ ipsa tamen tam leuia non sunt:  
quàm est stoicorum de natura deorum oratio. Hæc  
cum essent dicta: ita discessimus: ut Velleio Cottæ di-  
sputatio uerior: mihi Balbi, ad ueritatis similitudi-  
nem uideretur esse propensior.



157  
M. TVLLII CICERONIS  
DE DIVINATIONE  
LIBER PRIMVS.

Uetus Opinio est, iam usq; ab heroicis  
ducta temporibus: eaq; & populi  
romani, & omnium gentium fir-  
mata consensu: uersari quandam  
inter homines diuinationem: quam  
græci *μαρτυρίαν* appellant, idest  
præsentationem, & scientiam rerum futurarum. ma-  
gnifica quædam res, & salutaris: si modo est ulla:  
quæq; proxima ad deorum uim natura mortali pos-  
sit accedere. Itaq; ut alia nos melius multa quam græ-  
ci: sic huic præstantissimæ rei nomen nostri à diuis,  
græci, ut Plato interpretatur, à furore duxerunt.  
gentem quidem nullam uideo neq; tam humanam,  
atq; doctam: neq; tam immanem, tamq; barbaram:  
quæ non significari futura, & à quibusdam intel-  
ligi, prædiciq; posse censeat. Principio Assyrii, ut  
ab ultimis auctoritatem repetam, propter planiciem,  
magnitudinemq; regionum, quas incolebant: cum cæ-  
lum ex omni parte patens, atq; apertum intueren-  
tur: traiectiones, motusq; stellarum obseruauerunt:  
quibus notatis, quid cuiq; significaretur memoriæ pro-  
diderunt. Quæ in natione Caldæi non ex artis, sed  
ex gentis uocabulo nominati: diuturna obseruatione  
syderum, scientiam putantur effecisse: ut prædici  
posset quid cuiq; euenturum: & quo quisq; fato natus  
esset. Eandem artem etiam ægyptij longinquitate



temporum innumerabilibus penè seculis consecuti  
 putantur. Cilicum autem, & pisidarum gens, & his  
 finitima Pamphila, quibus nationibus præsumus ipsi,  
 uolatibus auium, cantibusq; ut certissimis signis, de-  
 clarari res futuras putant. quam uero græcia colo-  
 niam misit in ætholiam, ioniam, asiam, siciliam,  
 italiam, sine pythio, aut dodoneo, aut ammonis ora-  
 culo? aut quod bellum susceptum ab ea sine consilio  
 deorum est? Nec unū genus est diuinationis publice,  
 priuatimq; celebratū. nā ut omittam cæteros populos:  
 noster quā multa genera complexus est? Principio  
 huius urbis parens, Romulus, non solum auspicio  
 urbem condidisse, sed ipse etiam optimus augur fuisse  
 se traditur. deinde auguribus & reliqui reges usi: &  
 exactis regibus nihil publice sine auspicijs nec domi,  
 nec militiæ gerebatur. cumq; magna uis uideretur  
 esse & in impetrandis, consulendisq; rebus: & in  
 monstris interpretandis, ac procurandis in aruspici-  
 cum disciplina: omnem hanc ex Etruria scientiam  
 adhibebant: nec genus esset ullum diuinationis: quod  
 neglectum ab ijs uideretur. Et cum duobus modis  
 animi sine ratione, & scientia, motu ipsi suo soluto,  
 & libero incitarentur: uno furente, altero somniantē:  
 furoris diuinationem sibyllinis maxime uersibus con-  
 tineri arbitrati, eorum decem interpretes delectos ex  
 ciuitate esse uoluerunt. ex quo genere sæpe ariolorum  
 etiam, & uatum furibundas prædictiones, ut Octa-  
 uiano bello Cornelij cilleoli, audiendas putauerunt.  
 Nec uero somnia grauiora, si quæ ad rem p. perti-  
 nere uisa sunt: a summo consilio neglecta sunt. quin  
 etiam memoria nostra templum Iunonis Sospitiæ L.

Iulius,



Iulius, qui cum P. Rutilio consul fuit: de senatus sententia refecit ex Cecilia Balearici filiae somnio. Atque hæc ut ego arbitror ueteres rerum magis euentis moniti, quam ratione docti putauerunt: et probauerunt. Philosophorum uero exquisita quædam argumenta, cur esset uera diuination: collecta sunt. ex quibus, ut de antiquissimis loquar, Colophonius Xenophanes unus, qui deos esse diceret: diuinationem funditus sustulit. reliqui uero omnes, præter Epicurum balbutientem de natura deorum, diuinationem probauerunt. sed non uno modo. nam cum Socrates, omnesque Socratici, Zenoque, et ij qui ab eo essent profecti, manerent in antiquorum philosophorum sententia, uetere Academia, et peripateticis consentientibus: cumque huic rei magnam auctoritatem Pythagoras iam ante tribuisset: qui etiam ipse augur uellet esse: plurimisque locis grauis author Democritus præfensionem rerum futurarum comprobaret: Dicearchus peripateticus cætera diuinationis genera sustulit: somniorum, et furoris reliquit: Cratippusque familiaris noster, quem ego parem summis peripateticis iudico: iisdem rebus fidem tribuit: reliqua diuinationis genera reiecit. Sed cum Stoici omnia ferè illa defenderent: quod et Zeno in suis commentarijs quasi semina quædam sparsisset: et ea Cleanthes paulo ueriora fecisset: accessit acerrimo uir ingenio Chrysippus: qui totam de diuinatione duobus libris explicauit sententiam: uno præterea de oraculis: uno de somnijs. quem subsequens unum librum Babilonius Diogenes edidit, eius auditor: duos Antipater: quinque noster Possidonius. Sed à stoicis, uel principibus eius



disciplinæ, Possidonij doctor, discipulus Antipatri degeneravit Panætius: nec tamen ausus est negare uim esse diuinandi: sed dubitare se dixit. Quod illi in aliqua re, inuitissimis stoicis, stoico facere licuit: id nos in reliquis rebus faciamus, a stoicis non concedetur? præsertim cum id, de quo Panætio non liquet: reliquis eiusdem disciplinæ, solis uideatur luce clarius. Sed hæc quidem laus academici, præstantissimi philosophi iudicio, et testimonio comprobata est. etenim nobis metipsis querentibus quid sit de diuinatione iudicandum: quod a Carneade multa acute, et copiose contra stoicos disputata sint: uerentibusque ne temere uel falsæ rei, uel non satis cognitiæ assentiamur: faciendum uidetur, ut diligenter etiam, atque etiam argumenta cum argumentis comparemus: ut fecimus in his tribus libris, quos de natura deorum scripsimus. nam cum omnibus in rebus temeritas in assentiendo, errorque turpis est: tum in eo loco maxime: in quo iudicandum est quantum auspicijs, rebusque diuinis, religionique tribuamus. est enim periculum: ne aut neglectis his, impia fraude: aut susceptis anili superstitione obligemur. Quibus de rebus et alias sæpe, et paulo accuratius nuper, cum essem cum Quinto fratre, in Tusculano disputatum est. Nam cum ambulandi causa in Licium uenissemus (id enim superiori Gymnasio nomen est) perlegi inquit ille tuum paulo ante tertium de natura deorum: in quo disputatio Cottæ, quanquam labefactauit sententiam meam: non funditus tamen sustulit. Optime uero inquit. Et enim ipse Cotta sic disputat: ut stoicorum magis argumenta confutet: quam hominum deleat religionem.

Quintus



Quintus, dicitur quidem istuc inquit a Cotta, & uero  
 sepius: credo ne communi iure migrare uideatur: sed  
 studio contra stoicos differendi deos mihi uidetur fun-  
 ditus tollere. eius orationi non sane desidero quid  
 respondeam: satis enim defensa religio est in secundo  
 libro a Lucilio: cuius disputatio tibi ipsi, ut in extre-  
 mo tertio scribis, ad ueritatem est uisa propensior. sed  
 quod prætermisum est in illis libris: credo quia com-  
 modius arbitratus es separatim id quæri: deq; eo  
 differi: idest de diuinatione, quæ est earum rerum,  
 quæ fortuitæ putantur, prædictio, atq; præsensio: id, si  
 placet, uideamus quam habeat uim: & quale sit. ego  
 enim sic existimo: si sint ea genera diuinandi uera:  
 de quibus accepimus: quæq; colimus: esse deos: uicis-  
 simq; si dii sint: esse qui diuinent. Artem tu quæ  
 stoicorum, inquam Quinte defendis: siquidem ista  
 reciprocantur: ut & si diuinatio sit, dii sint: & si dii  
 sint, sit diuinatio. quorum neutrum tam facile: quam  
 tu arbitraris conceditur. nam & natura significari  
 futura sine deo possunt: & ut sine dii: potest fieri, ut  
 nulla ab ijs diuinatio generi humano tributa sit.

Atq; ille, mihi uero inquit satis est argumenti, et esse  
 deos: & consulere rebus humanis: qd esse clara &  
 perspicua diuinationis genera indico. de quibus quid  
 ipse sentiam si placet exponam: ita tamen si uacis ani-  
 mo: neq; habes aliquid quod huic sermoni præuerten-  
 dum putes. Ego uero inq; philosophiæ Quinte  
 semper uaco. hoc autem tempore, cum sit nihil aliud  
 quod libenter agere possimus: multo magis aueo audire  
 de diuinatione quid sentias. Nihil inquit equidẽ  
 noui, nec quod præter ceteros ipse sentiam: nam cum



antiquissimam sententiam, tum omnium populorum,  
 & gentium consensu comprobata sequor. Duo sunt  
 enim diuinandi genera: quorum alterum artis est: al-  
 terum naturæ. quæ est autem gens? aut quæ ciuitas?  
 quæ non, aut extis pectus, aut monstra, aut fulgu-  
 ra interpretantium, aut augurum, aut astrologorum,  
 aut sortium (ea enim fere artis sunt) aut somniorum,  
 aut uaticinationum (hæc enim duo naturalia putantur)  
 prædictione moueatur? quarum quidem rerum euen-  
 ta magis arbitror, quam causas queri oportere. Est  
 enim uis & natura quædam: quæ tum obseruatis lon-  
 go tempore significationibus, tum aliquo instinctu, in-  
 statuq; diuino futura prænuntiat. quare omittat ur-  
 gere Carneades: quod faciebat etiam Panætius: requi-  
 rens Iupiter ne cornicem à leua, coruum à dextra  
 canere iussisset? obseruata sunt hæc tempore immen-  
 so: & significatione euentus, animaduersa, & notata.  
 nihil est autem, quod non longiquitas temporum, ex-  
 cipientis memoria, prodendisq; monumentis, efficere,  
 atq; assequi possit. mirari licet quæ sint animaduersa,  
 à medicis herbarum genera, quæ radicum, ad mor-  
 bus bestiarum, ad oculorum morbos, ad uulnera. quo-  
 rum uim, atq; naturam ratio nunquam explicauit:  
 utilitate & ars est, & inuentor probatus. Age ea,  
 quæ, quanquam ex alio genere sunt: tamen diuina-  
 tioni sunt similia, uideamus.

- » Atq; etiam uentos præmonstrat sæpe futuros
- » Inflatum mare: cum subito, penitusq; tumescit:
- » Saxa q; cana, salis nix eo spumata liquore,
- » Tristificatis certant neptuno reddere uoces.
- » Aut densus stridor, cum celso è uertice montis

Ortus



» Ortus adaugescit scopulorum sepe repulsu.

Atq; his rerum præsensionibus prognostica tua referta sunt. quis igitur elicere causas præsensionum potest? Et si uideo Boethium stoicum esse conatum. qui hactenus aliquid egit: ut earum rationem rerum explicaret: quæ in mari cælo ne fierent. illa uero cur eueniant, quis probabiliter dixerit?

» Cana fulix itidem fugiens è gurgite ponti,

» Nunciat horribiles clamans instare procellas,

» Haud modicos tremulo fundens è gutture cantus.

» Sæpe etiam pertriste canit de pectore carmen:

» Et matutinis Acredula uocibus instat:

» Vocibus instat: et assiduas iacit ore querelas:

» Cum primum gelidos rores aurora remittit.

» Fuscaq; nonnunquam cursans per littora cornix

» Demersit caput: et fluctum ceruice recepit.

Videmus hæc signa nunquam ferè eumentia. nec tamen cur ita fiat uidemus.

» Vos quoq; signa uidetis aquarum dulcis alumna:

» Cum clamore paratis inanes fundere uoces:

» Absurdoq; sono fontes, et stagna cietis.

Quis est qui ranunculos hoc uidere suspicari possit? sed inest mire et ranunculis quedam natura significans aliquid, per se ipsa satis certa, cognitioni autem hominum obscurior.

» Mollipedesq; boues spectantes lumina cæli

» Naribus humiferum duxere ex aëre suum.

Non quæro cur: quoniam quid eueniat intelligo.

» Iam uero semper uiridis, semperq; grauata

» Lentiscus triplici solita grandescere foetu,

» Ter fruges fundens, tria tempora monstrat arandi.



Ne hoc qd̄ quæro: cur hæc arbor una ter floreat: aut  
 cur arandi maturitatē ad signum floris accommodet.  
 hoc sum contentus: quod, etiam si quomodo quicq; fiat  
 ignorem: qd̄ fiat intelligo. pro omni igitur diuinatione  
 idē quod pro omnibus his rebus, quas commemoravi,  
 respondebo. quid scimoneæ radix ad purgandum, qd̄  
 aristochia ad morsus serpentum possit: quæ nomen ex  
 inuentore repperit: rem ipsam inuentor ex somnio:  
 uideo: quod satis est: cur possit, nescio. sic uentorum, &  
 hymbrium signa, quæ dixi, rationem quam habeant  
 non satis perspicio: uim & euentum agnosco: scio: ap=  
 probō. similiter quid fissum in extis, quid fibra ua=  
 leat, accipio: quæ causa sit, nescio. Atq; horum quidem  
 plena uita est. extis enim omnes fere utuntur. quid de  
 fulgurum ui: dubitare possumus? nonne cum multa  
 alia mirabilia? tum illud in primis? cum Summanus  
 in fastigio Iouis optimi maximi, qui tum erat fictilis,  
 cælo ictus esset: nec usquam eius simulacri caput in=  
 ueniretur: aruspices in tyberim id depulsum esse di=  
 xerunt: idq; inuentum est eo loco: qui est ab aruspici=  
 bus demonstratus. Sed quo potius utar aut auctore,  
 aut teste, q̄ te? cuius edidici etiam uersus, & libenter  
 quidem: quos in secundo consulatu Vrania musa pro=  
 nunciavit.

- » Principio ætherio flammatus Iuppiter igni
- » Vertitur: & totum collustrat lumine mundum:
- » Mentēq; diuina cælum terrasq; petessit:
- » Quæ penitus sensus hominum, uitasq; retentat,
- » Aetheris æterni septa, atq; inclusa cauernis.
- » Et si stellarum motus cursusq; uagantis
- » Nosse uelis: quæ sint signorum in sede locatæ:

Quæ



- » Quæ uerbo, & falsis graiorum uocibus errant:  
 » Re uera, certo lapsu, spacioq; feruntur:  
 » Omnia iam cernes diuina mente notata.  
 » Nam primum astrorum uolucris te consule motus,  
 » Concursumq; grauis stellarum ardore micantis,  
 » Tu quoq; cum tumulos Albano in monte ninales  
 » Lustrasti: & leto mactasti lacte latinas:  
 » Vidisti: & claro tremulos ardore cometas:  
 » Multaq; misceri nocturna strage putasti:  
 » Quod ferme dirum in tempus cecidere latinae:  
 » Cum claram speciem concreto lumine luna  
 » Abdidit: & subito stellanti nocte perempta est.  
 » Quid uero phœbi fax, tristis nuncia belli:  
 » Quæ magnū ad columnen flammato ardore uolabat:  
 » Præcípites cæli partes: obitusq; petisset:  
 » Aut cum terribili percussus fulmine ciuis,  
 » Luce serenanti uitalia lumina liquit:  
 » Aut cum se grauido tremefecit corpore tellus.  
 » Iam uero uariæ nocturno tempore uisæ  
 » Terribiles formæ, bellum, motusq; mouebant.  
 » Multaq; per terras uates, oracula furenti  
 » Pectore fundebant tristes minitantia casus.  
 » Atq; ea, quæ lapsu tandem cecidere uetusto:  
 » Hæc fore, perpetuis signis, clariq; frequentans  
 » Ipse deum genitor cælo, terrisq; canebat.  
 » Nunc ea Torquato quæ quondam, & consule Cottæ  
 » Lydius ediderat tyrrhenæ gentis aruspex:  
 » Omnia fixa tuus glomerans determinat annus.  
 » Nam pater altitonans stellanti nixus olympo  
 » Ipse suos quondam tumulos, ac templa petiuit:  
 » Et capitolinis iniecit sedibus ignes.



- » Tum species ex ære uetus, generatâq; Nattæ  
 » Concidit: elapsæq; uetusto numine leges.  
 » Et diuum simulacra peremit fulminis ardor.  
 » Hic syluestris erat, romani nominis altrix  
 » Martia: quæ paruos mauortis semine natos  
 » Vberibus grauidis, uitali rore rigabat.  
 » Quæ tum cum pueris flammato fulminis ictu  
 » Concidit: atq; auulsa pedum uestigia liquit.  
 » Tum quis non artis scripta, ac monumenta uolutans:  
 » Voces tristificas chartis promebat etruscis?  
 » Omnes civili generosa stirpe profectos,  
 » Vitare ingentem cladem, pestemq; monebant.  
 » Vel legum exitium constanti uoce ferebant.  
 » Tempia deumq; adeo flammis, urbesq; iuebant  
 » Eripere: & stragem horribilem, cademq; uereri.  
 » Atq; hæc fixa graui fato, ac fundata teneri  
 » Ni post. extisum ad columen firmata decore  
 » Sancta Iouis species claros spectaret in ortus.  
 » Tum fore, ut occultos populus, sanctusq; senatus  
 » Cernere conatus posset: si solis ad ortum  
 » Conuersa, inde patrum sedes, populiq; uideret:  
 » Hæc tardata diu species, multumq; morata  
 » Consule te tandem celsa est in sede locata:  
 » Atq; una fixi, ac signata temporis hora,  
 » Iuppiter excelsa clarabat sceptrâ columna:  
 » Ac clades patriæ, flamma, ferroq; parata,  
 » Vocibus allobrogum patribus populoq; patebat.  
 » Rite igitur ueteres: quorum monumenta tenetis:  
 » Qui populos, urbisq; modo, ac uirtute regebant:  
 » Rite etiam uestri, quorum pietasq; fidesq;  
 » Præstitit: & longo uicit sapientia cunctos:

Præcipue



- » Præcipue ingenti coluerunt numine diuos.  
 » Hæc adeo penitus cura uidere sagaci  
 » Ocia qui studijs læti tenuere decoris:  
 » Inq; academia umbrifera, nitidoq; licio  
 » Euderunt claras fecundi pectoris artes.  
 » E quibus ereptum primo iam a flore iuuentæ,  
 » Te patria in media uirtutum mole locauit.  
 » Tu tamen anxiferas curas requiete relaxas:  
 » Quod patriæ uocis studijs, nobisq; sacraſti.

Tu igitur animum poteris inducere contra ea, quæ a me diſputantur, de diuinatione dicere? qui & geſſeris ea, quæ geſſiſti: et ea, quæ pronunciaui, accuratiſſime ſcripſeris? Quid queris Carneade, cur hæc ita fiant? aut qua arte perſpici poſſint? neſcire me fateor: euenire autem te ipſum dico uidere. caſu inquit? ita ne uero? quicquam poteſt eſſe caſu factum: quod omnes habet in ſe numeros ueritatis? quatuor tali eiectione, caſu uenerum efficiunt. num etiam centum ueneres, ſi CCCC talos eieceris, caſu futuros putas? aſperſa temere pigmenta in tabula, oris liniamenta effingere poſſunt. num etiam ueneris gnidiæ, coæq; pulchritudinem effingi poſſe aſperſione fortuita putas? ſus roſtro ſi humi a litteram impreſſerit: num propterea ſuſpicari poteris, andromacham Ennij ab ea poſſe deſcribi? fingeſſet Carneades in chiorum lapidinis ſaxo diſſiſſo, caput extitiſſe panuſci. credo aliquam non diſſimilem figuram: ſed certe non talem: ut eam factam a Scopæ diceret. ſic enim ſe proſpecto res habet: ut nunquam perfecte ueritatem caſus imitetur. At nonnunquam ea, quæ prædicta ſunt, minus eueniunt. quæ tandem id ars non habet? earum dicæ



artium, quæ coniectura continentur: & sunt opinabiles. an medicina ars non putanda est? quam tamen multa fallūt. quid? gubernatores nonne sulluntur? an achinorum exercitus, & tot nauium rectores, non ita profecti sunt ab ilio? ut profectioe læti, piscium læsciniam intuerentur (ut ait Pacuuius) nec tuendi scietas capere posset?

- » Interea prope iam occidente sole, inhorrescit mare:  
 » Tenebræ conduplicantur: noctisq; & nimbium occæcat nigror.

Num igitur tot clarissimorum ducum, regumq; naufragum, sustulit artem gubernandi? an num imperatorum scientia nihil est? quia summus imperator nuper fugit amisso exercitu? aut num propterea nulla est reip. gerendæ ratio, atq; prudentia? quia multa Cn. Pompeium, quædam M. Catonem, non nulla etiam te ipsum fefellerunt? similis est aruspicum responsio, omnisq; opinabilis diuinitio. coniectura enim nititur: ultra quam progredi non potest. ea fallit fortasse non nunquam: sed tamen ad ueritatem sæpissime dirigit. est enim ab omni æternitate repetita. in qua, cum pene innumcrabiles res eodem modo euenirent hisdem signis antegressis: ars est effecta, eadem sæpe animaduertendo, atq; notando. Auspicia uero uestra q̄ constant? quæ q̄dem nunc à Romanis auguribus ignorantur: bona hoc tua uenia dixerim: à Ciliciis, Pamphilijs, pisidis, Lycijs tenentur. iam quid ego hospitem nostrum clarissimum, atq; optimum uirum Deiotarum regem commemorem? qui nihil unquam nisi auspicato gerit: qui cum ex itinere quodam proposito, & iam constituto reuertisset aquile admonitus uolatu: con-



clauē illud, ubi erat mansurus, si ire perrexisset: proxima nocte corruit. itaq; ut ex ipso audiebam, per sepe reuertit ex itinere: cum iam progressus esset multorum dierum uiam. cuius quidem hoc præclarissimum est: quod postea quam à Cæsare tetrarchiæ regno, pecuniâq; mulctatus est: negat se tamen eorum auspiciorum, quæ sibi ad Pompeium proficiscenti secunda euenerint, poenitere. senatus enim auctoritatem, & populi ro-libertatem, atq; imperij dignitatem, suis armis esse defensam: sibiq; eas aues, quibus auctoribus officium, & fidem secutus esset: bene consuluisse. antiquiorem enim sibi fuisse possessionibus suis gloriam. ille igitur mihi uidetur uere augurari. nam nostri quidem magistratus auspicijs utuntur coactis. necesse enim est offa obiecta cadere frustum ex pulli ore, cum pascitur. quod autem scriptum habetis, aut tripudium fieri, si ex ea quid in solidū ceciderit: hoc quoq; quod dixi coactum tripudium solistimum dicatis. itaq; multa auguria, multa auspicia, quod Cato ille sapiens queritur: negligentia collegij amissa plane, & desertæ sunt. Nihil ferè quondam maioris rei, nisi auspicio, ne priuatum quidem, gerebatur: quod etiam nunc nuptiarum auspices declarant: qui re omissa nomen tantum tenent. nam ut nunc extis, quanquam id ipsum aliquanto minus, quam olim: sic tum auibus magnæ res impertiri solebant. itaq; sinistra dum non exquirimus, in dira, et in uitiosa incurrimus. ut P. Claudius Appij Cæci filius, eiusq; collega L. Iunius, classes maximas perdiderunt: cum uitio nauigassent. quod eodem modo euenit Agamemnoni. qui cum achini cæpissent. Inter se strepere, aperteq; artem obterere extispicum:



20 Soluere imperat secundo rumore, auersaq; aui.  
 sed quid uetera? M. Crasso quid acciderit uidemus  
 dirarum obnunciatione neglecta. in quo Appius col-  
 lega tuus bonus augur, ut ex te audire soleo: non satis  
 scienter, uirum bonum, & ciuem egregium censor  
 P. Aetheium notauit: quod ementitum auspicia sub-  
 scripserit. Esto: fuerit hoc censoris: si iudicabat emen-  
 titum. at illud minime auguris: quod ascripsit ob eam  
 causam populum ro. calamitatem maximam cepisse. si  
 enim ea causa calamitatis fuit: non in eo est culpa:  
 qui obnunciavit: sed in eo, qui non paruit. ueram  
 enim fuisse obnunciationem, ut ait idem augur, & cen-  
 sor: exitus approbavit. quæ si falsa fuissent: nullam  
 afferre potuissent causam calamitatis. etenim diræ si-  
 cut cætera auspicia, ut omina, ut signa, non causas af-  
 ferunt cur quid eueniat: sed enunciant euentura, nisi  
 prouideris. Non igitur obnunciatio P. Aetheij causam  
 finxit calamitatis: sed signo obiecto, monuit Crassum  
 quid euenturum esset, nisi cauisset. ita, aut illa obnun-  
 ciatio nihil ualuit: aut si, ut Appius iudicat, ualuit: id  
 ualuit, ut peccatum hæreat non in eo, qui monuerit,  
 sed in eo, qui non obtemperauerit. Quid lituus iste  
 uester, quod clarissimum est insigne auguratus, unde  
 nobis est traditus? nempe eo Romulus regiones dire-  
 xit tum, cum urbem condidit. qui quidem Romuli li-  
 tuus, idest incurium, & leuiter a summo inflexum  
 bacillum, quod ab eius litui, quo canitur, similitudine  
 nomen inuenit: cum situs esset in curia saliorum, quæ  
 est in palatio: eaq; deflagrasset: inuentus est integer.  
 quid multis annis post Romulum, prisco regnante Tar-  
 quinio? quis ueterum scriptorum non loquitur, quæ



fit ab Aacio Nauio per Lituum regionum facta descri-  
ptio: qui cum propter paupertatem sues puer pasce-  
ret: una ex his amissa, uomisse dicitur, si recuperasset:  
unam se deo daturum: quæ maxima esset in uinea.  
itaq; sue inuenta, ad meridiem spectans, in uinea me-  
dia dicitur constitisse: cumq; in quatuor partes uineam  
diuississet: triusq; partes aues abdixissent: quarta parte,  
quæ erat reliqua, in regione distributa, mirabili ma-  
gnitudine unam ut scriptum uidemus, inuenit. qua re  
celebrata, cum uicini omnes ad unum de rebus suis  
referrent: erat in magno nomine, et gloria. ex quo  
factum est: ut eum ad se rex Priscus accerferet. cuius  
cum tentaret scientiam auguratus, dixit ei se cogitare  
quiddam: id posset ne fieri consuluit. ille augurio acto,  
posse respondit. Tarquinius autem dixit se cogitasse  
cotem nouacula posse præcidi. tum Aacium iussisse ex-  
periri. ita cotem in comitium illatam inspectante et  
rege et populo, nouacula esse discissam. ex eo euenit  
ut et Tarquinius augure Aacio Nauio uteretur: et po-  
pulus de suis rebus ad eum referret. cotem autem il-  
lam, et nouaculam defossam in comitio, supraq; im-  
positum puteal accepimus. Negemus omnia: combura-  
mus annales: ficta hæc esse dicamus: quid uis deniq;  
potius, q̃ deos res humanas curare feteamur. quid?  
quod apud te scriptum est de Tyberio Graccho: non  
ne et augurum, et aruspicum comprobat discipli-  
nam? qui, cum tabernaculum uitio cepisset impru-  
dens: quod inauspicato pomerium transgressus esset: co-  
mitia consulibus rogatis habuit. nota res est: et a te-  
ipso mandata monumentis. sed et ipse augur Ti-  
Gracchus auspiciorum auctoritatem confessione errati



## DE DIVINATIONE

sui comprobauit: & aruspicum disciplinæ magna accessit autoritas: qui recentibus comitijs in senatum introducti, negauerunt iustum comicitiorum rogationem fuisse. His igitur assentior: qui duo genera diuinationis esse dixerunt: unum, quod particeps esset artis: alterum, quod arte careret. est enim ars in ijs, qui nouas res coniectura persequuntur: ueteres obseruatione didicerunt. carent autem arte ij: qui non ratione, aut coniectura obseruatis, ac notatis signis, sed concitatione quadam animi, aut soluto, liberoq; motu futura præsentunt. quod & somniantibus sæpe contingit: et nonnunquam uaticinantibus per furorem: ut Bacchis Bœotius, ut Epimenides cres, ut Sibylla erithrea. cuius generis oracula etiam habenda sunt: non ea quæ æquatis sortibus ducuntur: sed illa quæ instinctu diuino, afflatuq; funduntur. & si ipsa sors contemnenda non est: si & autoritatem habet uetustatis: ut hæc sunt sortes, quas ex terra editas accepimus: quæ tamen eductæ, ut in rem apte cadant fieri posse credo diuinitus. quorum omnium interpretes, ut grammaticæ poetarum, proxime ad eorum, quos interpretantur diuinatione uidentur accedere. quæ est igitur ista caliditas? res uetustate robustas, calumniando uelle peruerrere? Non reperio causam. latet fortasse obscuritate inuoluta naturæ. non enim me deus ista scire, sed his, tantummodo uti uoluit. utar igitur: nec abducatur his, ut rear aut in extis totam Etruriam delirare: aut eandem gentem in fulguribus errare: aut fallaciter portenta interpretari: cum terræ sæpe fremitus, sæpe mugitus, sæpe motus, multa nostræ reip. multa cæteris ciuitatibus grauiæ & uera prædixerint. quid, qui irri-



detur, partus hic mulæ, non ne quia foetus extitit in  
 sterilitate naturæ, prædictus est ab aruspibus incre-  
 dibilis partus malorum? quid? Ti. Gracchus Publii  
 filius, qui bis consul & censor fuit: idemq; & sum-  
 mus augur, & uir sapiens, cuiusq; præstans: non ne,  
 ut C. Gracchus filius eius scriptum reliquit, duobus  
 anguib; domi comprehensis, aruspices conuocauit?  
 qui cum respondissent, si marem emisisset: uxori breui  
 tempore esse moriendum: si foeminam: ipse æquius esse  
 censuit, se maturam oppetere mortem: quam P. Afri-  
 cani filiam adolescentem? foeminam emisit. ipse pau-  
 cis post diebus est mortuus. irrideamus aruspices: ua-  
 nos, futes esse dicamus: quorumq; disciplinam, &  
 sapientissimus uir, & euentus, ac res comprobauit, con-  
 temnamus. contemnamus etiam Babylonios, & eos  
 qui ex caucaso cæli signa seruantes, numeris, & mo-  
 tibus, stellarum cursus persequuntur. contemnamus  
 inquam hos aut stultitiæ, aut uanitatis, aut impru-  
 dentia: qui CCCC LXX milia annorum, ut ipse  
 dicunt, monumentis, comprehensa continent: & men-  
 tiri iudicemus: nec seculorum reliquorum iudicium  
 quod de ipsis futurum sit, pertimescere. Age barbari  
 uani, atq; fallaces. num etiam graiorum historia men-  
 titæ est? quæ Cræso Pythius Apollo, ut de naturali  
 diuinatione dicam: quæ Atheniensibus, quæ lacedæ-  
 monijs, quæ Tegeatis, quæ arguis, quæ corinthijs  
 responderit, quis ignorat? collegit innumerabilia  
 oracula Chrysippus: nec ullum sine locuplete autho-  
 ritate, atq; teste. quæ quia nota tibi sunt: relinquo.  
 Defendo unum hoc. nunquam illud oraculum del-  
 phis tam celebre, & tam clarum fuisset: neq; tantis



## DE DIVINATIONE

donis refertum omnium populorum atq; regum: nisi  
 omnis ætas oraculorum illorum ueritatem esset ex=  
 perta. iam diu idem non facit. ut igitur nunc mino=  
 re gloria est: quia minus oraculorum ueritas ex=  
 cellit: sic tum, nisi summa ueritate, in tanta gloria  
 non fuisset. potest autem uis illa terræ, quæ mentem  
 pythiæ diuino afflatu concitabat, euasisse uetustate: ut  
 quosdam exaruisse amnes, aut in alium cursum con=  
 tortos, & deflexos uidemus. sed ut uis acciderit: ma=  
 gna enim quæstio est: modo maneat id, quod negari  
 non potest, nisi omnem historiam peruerterimus: mul=  
 tis seclis uerax fuisse id oraculum. Sed omittamus  
 oracula: ueniamus ad somnia. de quibus disputans  
 Chrysippus, multis, & minutis somnijs colligendis, fa=  
 cit idem quod Antipater: ea conquirens, quæ An=  
 tiphontis interpretatione explicata, declarant illa  
 quidem acumen interpretis: sed exemplis grandio=  
 ribus deuit uti. Dionysij mater eius, qui syracusio=  
 rum tyrannus fuit: ut scriptum apud Philistum est, &  
 doctum hominem, & diligentem, & æqualem tem=  
 porum illorum: cum prægnans hunc ipsum Diony=  
 sium aluo contineret: somniauit se peperisse satyri=  
 scum. huic interpretes portentorum, qui galleotæ tum  
 in scicilia nominabantur: responderunt (ut ait Philis=  
 tus) eum quem illa peperisset, clarissimum græciæ  
 diuurna cum fortuna fore. Num te ad fabulas re=  
 uoco uel nostrorum, uel græcorum poetarum? Nar=  
 rat enim & apud Ennium uestalis illa.

- » Excita cum tremulis anus attulit artubus lumen:
- » Talia commemorat lachrymans exterrita somno
- » Euridicæ prognata, pater quam noster amauit:

Vires



- » Vires vitæq; corpus meum nunc deserit omne.  
 » Nam me insus homo pulcher per amœna salictas  
 » Et ripas raptare, locosq; novos ita sola  
 » Post illa germana soror errare uidebar:  
 » Tardaq; uestigare, & quærere te, neq; posse  
 » Corde capeßere. semita nulla pedem stabilibat.  
 » Exim compellare pater me uoce uidetur  
 » His uerbis, cognata tibi sunt ante gerenda.  
 » Hæc pater effatus: germana repente recessit.  
 » Erumnae post ex flumio fortuna resistet:  
 » Nec sese dedit in conspectum corde cupitus.  
 » Quamquam multa manus ad cæli cærulea templa  
 » Tendebam lachrymans: & blanda uoce uocabam.  
 » Vix ægro tum corde meo me somni relinquit.  
 Hæc etiam si ficta sunt à poeta: non absunt tamen  
 à consuetudine somniorum. Sit sane etiam illud com-  
 mentitium: quo Priamus est conturbatus.  
 » Quia mater grauida parere se ardentem facem  
 » Visa est in somnis Hecuba: quo facto pater  
 » Rex ipse Priamus somnio mentis metu,  
 » Percussus curis sumptis suspirantibus  
 » Exsacrificabat hostijs balantibus.  
 » Tum coniectorem postulat pacem petens,  
 » Vt se edoceret obsecrans Apollinem,  
 » Quo sese uertant tantæ sortes somnium.  
 » Ibi ex oraculo uoce diuina edidit  
 » Apollo, puerum, primus Priamo qui foret  
 » Post illa natustempora: hunc si tolleret:  
 » Eum esse exitium Troiæ, pestem pergamæ.  
 Sint hæc ut dixi, somnia fabularum: hisq; adiunga-  
 tur etiam Aeneæ somnium: quod in numerum Fabij



## DE DIVINATIONE

pictoris græcis annalibus eiusmodi est: ut omnia, quæ ab Aenea gesta sunt, quæq; illi acciderūt, ea fuerint, quæ ei secundum quietem uisa sunt. sed propiora uideamus. cuiusnā modi est superbi Tarquinij somniū de quo in Bruto Acius loquitur.

- » Cum iam quieti corpus nocturno impetu
  - » Dedi, sopore placans artus languidos:
  - » Visus est in somnis pastor ad me appellere:
  - » Duos consanguineos arietes inde eligi:
  - » Pecus lanigerum eximia pulchritudine:
  - » Præclarioremq; alterum immolare me.
  - » Deinde eius germanum cornibus connitier
  - » In me arietare: eoq; ictu me ad casum dari!
  - » Exin prostratum terra grauius saucium
  - » Resupinum, in cœlo contueri maximum
  - » Ac mirificum facinus: dextrorsum orbem flammæum
  - » Radiatum solis liquier cursu nouo.
- Eius igitur somni quæ sit à coniectoris interpretatio facta uideamus.
- » Rex quæ in uita usurpant homines, cogitant, curant, uident:
  - » Quæq; agunt uigilantes, agitantq;: ea si cui in somno accidunt:
  - » Minus mirum est. sed in re tanta haud temere impromisso offerunt.
  - » Proin uide, ne quem tu esse hebetem deputes æque ac pecus:
  - » Is sapientia munitum pectus egregium gerat:
  - » Teq; regno expellat. nam id quod de sole ostensum est tibi:
  - » Populo commutationem rerum portendit fore.

Pef



» Per propinqua hæc bene uerruncant populo . nam  
quod ad dexteram

» Cœpit cursum ab læua signū præpotens: pulcherrima

» Auguratum est, re Romanam publicam summā fore.  
Age nunc ad externa redeamus. Matrem Phalaridis  
scribit Ponticus Heraclides doctus uir, auditor, & di-  
scipulus Platonis, uisam esse uidere in somnis simula-  
era deorum: quæ ipsa phalaridis domi consecrauiisset.  
ex his Mercurium ē patera, quam dextra manu te-  
neret, sanguinem uisum esse fundere. qui, cum terram  
attigisset: referuiscere uideretur sic, ut tota domus san-  
guine redundaret. quod matris somnium immanis fi-  
lij crudelitas comprobauit. Quid ego, quæ magis Cyro  
illi principi interpretati sunt, ex Dionysij persici li-  
bris proferam? nam cum dormienti ei sol ad pedes  
uisus esset: ter eum scribit frustra appetuisse mani-  
bus: cum se conuoluens sol elaberetur: & abiret. eū  
magos dixisse: quod genus sapientum, & doctorum  
habebatur in persis: ex triplici appetitione solis, XXX  
annos Cyrum regnaturum esse portendi. quod ita con-  
tigit. nam ad septuagesimum peruenit: cum XL na-  
tus annos regnare cœpisset. Est profecto quiddam etiā  
in barbaris gentibus præsentens, atq; diuinans. si  
quidem ad mortem proficiscens Calanus Indus cum  
ascenderet in rogam ardentem: o præclarum disces-  
sum inquit ē uita: cum, ut Herculi contigit, mortali  
corpore cremato in lucem animus excesserit. cumq;  
Alexander eum rogaret: si quid uellet, ut diceret:  
optime inquit, propediem te uidebo. quod ita conti-  
git. nam Babylone paucis post diebus Alexander est  
mortuus. Discedo parumper à somnijs: ad quæ mox



## DE DIVINATIONE

reuerſar . qua nocte templum ephēſiæ Dianæ deſta-  
grauit: eadem conſtat ex olympiade natum eſſe Ale-  
xandrum: atq; ubi lucere cœpiſſet: clamitaſſe magos,  
peſtem, ac perniciem Aſiæ proxima nocte natam. Hæc  
de indiſ, & Magis. redeamus ad ſomnia. Annibalem  
Cælius ſcribit cum columnam auream, quæ eſſet in  
fano Iunonis laaniæ, auferre uellet: dubitaretq;  
utrum ea ſolida eſſet, an extrinſecus inaurata: per-  
terebrauiſſe. cumq; ſolidam inueniſſet: ſtatuſſe eam  
tollere. ſecundum quietem uiſam eſſe ei Iunonem præ-  
dicere ne id faceret: minitariq;, ſi id feciſſet, ſe cura-  
turam, ut eum quoq; oculum, quo bene uideret, amit-  
teret: idq; ab homine acuto non eſſe neglectum. itaq;  
ex eo auro, quod exterebratum eſſet, buculam curaſſe  
faciendam: & eam in ſummo columnæ collocauiſſe.  
Hoc idem in Sileni, quem Cælius ſequitur, græci hi-  
ſtoria eſt. is autem diligentiffime res Annibalis per-  
ſecutus eſt. Annibalem cum cepiſſet Saguntum: uiſum  
eſſe in ſomniſ a Ioue in deorum concilium uocari: quo  
cum ueniſſet: Iouem imperaſſe, ut Italiæ bellum in-  
ferret: ducemq; ei unum ex concilio datum. quo illum  
utentem cum exercitu progredi cœpiſſe. tum ei ducem  
illum præcepiſſe ne reſpiceret. illum autem id diutius  
facere non potuiſſe: elatumq; cupiditate reſpexiſſe. tum  
uiſam beluam uaſtam, & immanem, circumplicatam  
ſerpentibus, quacunq; incederet omnia arbuſta, uir-  
gulta, teſta peruertere. & eum admiratum quaſiſſe  
de deo quidnam illud eſſet tale monſtrum: & deum  
reſpondiſſe, uaſtatem eſſe Italiæ: præcepiſſeq; ut per-  
geret protinus: quid retro, atq; a tergo fieret, ne la-  
boraret. Apud Agathoclem ſcriptum in hiſtoria eſt,  
Hamilcarem



**H**amilcarem Carthaginensem, cum oppugnaret Syracusas, visum esse audire vocem, se postridie cenaturum Syracusis. cum autem is dies illuxisset: magnam seditionem in castris eius inter poenos, & siculos milites esse factam. quod cum sensissent Syracusani: improviso eos in castra irrupisse: Hamilcaremque ab his viuum esse sublatum. ita res somnium comprobauit. plena exemplorum est historia: tum referta uita communis. At uero P. Decius ille Q. filius, qui primus e decijs consul fuit: cum esset trib. mil. M. Valerio, & A. Cornelio consulibus: a Samnitibusque premeretur nostrer exercitus: cum pericula praeliorum iniret audacius: monereturque, ut cautior esset: dixit, quod extat in animalibus: sibi in somnis visum esse, cum in medijs hostibus uersaretur, occidere cum maxima gloria. & tum quidem in columnis exercitum obsidione liberauit. post triennium autem, cum consul esset, deuouit se: & in aciem latinorum irrupit armatus. quo eius facto superati sunt, & deleti latini. cuius mors ita gloriosa fuit: ut eandem concupisceret filius. Sed ueniamus nunc si placet ad somnia philosophorum. Est apud Platonem Socrates, cum esset in custodia publica, dicens Critoni suo familiari, sibi post tertium diem esse moriendum: uidisse se in somnis pulchritudine eximia feminam: quae se nomine appellans diceret Homerium quendam eiusmodi uersum:

- » Tertia te phthiae tempestas leta locabit:  
quod ut est dictum: sic scribitur contigisse. Xenophon Socraticus, qui uir, & quantus, in ea militia, qua cum Cyro minore perfunctus est: sua scribit somnia. quorum exitus mirabiles extiterunt. mentiri Xenophon-



## DE DIVINATIONE

tem, an delirare dicemus? quid singulari uir ingenio Aristoteles, & pene diuino, ipse ne errat? an alios uult errare? cum scribit Eudemum cyprium familiarem suum iter in macedoniam facientem pheras uenisse: quæ erat urbs in thessalia tum admodum nobilis: ab Alexandro autem tyranno crudeli dominatione premebatur. in eo igitur oppido ita grauiter egrum Eudemum fuisse: ut omnes medici diffiderent. ei uisum esse in quiete egregia facie iuuenem dicere: fore ut breui conualesceret: paucisq; diebus interituum Alexandrum tyrannum: ipsum autem Eudemum quinquennio post domum esse rediturum. Atq; ita quidem, prima statim scribit Aristoteles consecuta: & conualescuisse Eudemum: & ab uxoris fratribus interfectum tyrannum. quinto autem anno exeunte, cum esset spes ex illo somnio in Cyprum illum ex sicilia esse rediturum: præliantem eum ad Syracusas occidisse. ex quo ita illud somnium esse interpretatum: ut cum animus Eudemum ex corpore excesserit: tum domum reuertisse uideatur. Adiungam philosophis doctissimum hominem, poetam quidem diuinum, Sophoclem: qui cum ex æde Herculis patera aurea grauis surrepta esset: in somnis uidit ipsum deum dicentem quis fecisset. quod semel ille, iterumq; neglexit. ubi idem sæpius: ascendit in ariopagum: detulit rem. Ariopagita comprehendit eum, qui à Sophocle erat nominatus. is quæstione adhibita, confessus est: pateramq; rettulit. quo facto, fanum illud indicis Herculis nominatum est. Sed quid ego græcorum? nescio quo modo magis me nostra delectant. omnes hoc historiæ, Fabij, Gellij, sed proxime Celijs: cum bello latino ludi uotui ma-

xiii



rimū primum fierent: ciuitas ad arma repente est excitata. itaq; ludis intermissis instauratiui constituti sunt. qui antequam fierent: cumq; iam populus consedisset: seruus, qui circum uirgis caderetur, furcam ferens ductus est. exim cuidam rustico Romano dormienti uisus est uenire, qui diceret, præsultorem sibi non placuisse ludis: idq; ab eodem iussum esse eum senatui nunciare. illum non esse ausum. iterum esse idem iussum, et monitum, ne uim suam experiri uellet. ne tum quidem esse ausum. exim filium eius esse mortuum. eandem in somnijs admonitionem fuisse tertiam. tum illum etiam debilem factum, rem ad amicos detulisse. quorum de sententia lectulo in curiam esse delatum. cumq; senatui somnium enarrauisset: pedibus suis saluum reuertisse. itaq; somnio comprobato a senatu, ludos illos iterum instauratos memoriae prodium est. C. uero Gracchus multis dixit: ut scriptum apud eundem Celiū est: sibi in somnis quæsturam petenti, Ti. fratrem uisum esse dicere q̄ uellet cunctaretur: tamen eodem sibi leto, quo ipse interisset, esse pereundum. Hoc antequam Tr. pl. Gracchus factus esset. Et se audisse scribit Celius, Et dixisse multis. quo somnio qd inueniri potest certius? quid? illa duo somnia, quæ creberrime commemorantur a stoicis: quis tandem potest contemnere? unum de Simonide: qui cum ignotum quendam proiectum mortuum uidisset: eumq; humanisset: haberetq; in animo nauem conscendere: moneri uisus est, ne id faceret, ab eo, quem sepultura affecerat. si nauigasset, eum naufragio esse periturum. itaq; Simonidem redisse: perisse ceteros, qui tum nauigassent. Alterum ita traditum clarum ad-

m iiii



## DE DIVINATIONE

modum somnium. cum duo quidam arcades familia-  
res iter una facerent: & Megaram uenissent: alterum  
ad cauponem diuertisse: ad hospitem alterum. qui ut  
cœnati quiescerent: concubia nocte uisum esse in somnis  
ei, qui erat in hospitio, illum alterum, orare ut subue-  
niret: quod sibi à caupone interitus pararetur. eum  
primo perterritum somnio surrexisse: deinde cum se  
collegisset: idq; uisum pro nihilo habendum esse du-  
xisset: recubuisse. tum ei dormienti eundem illum uisum  
esse rogare, ut quoniam sibi uiuo non subuenisset: mor-  
tem suam ne inultam esse pateretur: se interfectum in  
plaustrum à caupone esse coniectum: & supra ster-  
cus iniectum: petere ut mane ad portam adesset, prius-  
quam plaustrum ex oppido exiret. hoc uero somnio  
cum commotum mane bubulco præsto ad portam fuis-  
se: quæsisse ex eo quid esset in plastro: illum perter-  
ritum fugisse: mortuum erutum esse: cauponem re pa-  
tescens poenas dedisse. quid hoc somnio dici diuinius po-  
test? Sed quid aut plura, aut uetera quærimus? sæpe  
tibi meum narraui: sæpe ex te somnium audiui tuum.  
me, cum Asiæ provinciæ præessem, uidisse in quiete:  
cum tu equo aduectus, ad quandam magni fluminis  
ripam, prouectus subito, atq; delapsus in flumen, nus-  
quam apparuisses: me contremuisse timore perterri-  
tum: tum te repente lætum extitisse: eodemq; equo ad-  
uersam ascendisse ripam: nosq; inter nos esse comple-  
xos. facilis coniectura huius somnij: mihiq; à peritis,  
in Asia prædictum est, fore eos euentus rerum: qui  
acciderunt. uenio nunc ad tuum. audiui equidem ex te  
ipso: sed mihi sæpius Salustius noster narrauit: cum  
in illa fuga nobis gloriosa, patriæ calamitosa, in uilla  
quadam



quadam campi atinatis maneres : magnamq; partem  
 noctis uiglasses : ad lucem deniq; arcte , & grauiter  
 dormire coepisse . itaq; quanquam iter instaret : te ta-  
 men silentium fieri iussisse : neq; esse passum te excita-  
 ri . cum autem experrectus esses hora secunda fere , te  
 sibi somnium narrauisse : uisum tibi esse , cum in locis  
 solis mæstus errares : C. Marium cum fascibus lau-  
 reatis quærere ex te , quid tristis esses : cumq; tu te tua  
 patria ui pulsum esse dixisses :prehendisse eum dex-  
 tram tuam : & bono animo te iussisse esse : lictoriq;  
 proximo tradidisse : ut te in monumentum suum dedu-  
 ceret : & dixisse , in eo tibi salutem fore . tum & se  
 exclamasse Salustius narrat , reditum tibi celerem , &  
 gloriosum paratum : & te ipsum uisum somnio dele-  
 ctari . nam illud mihi ipsi celeriter nunciatum est : ut  
 audiuiesses in monumento Marij de tuo reditu magni-  
 ficentissimum illud senatusconsultum esse factum , re-  
 ferente optimo , & clarissimo uiro consule : idq; fre-  
 quentissimo theatro , incredibili clamore , & plausu  
 comprobatum : dixisse te , nihil illo atinato somnio fieri  
 posse diuinius . At multa falsa . immo obscura fortasse  
 nobis . sed sint falsa quædam . contra uera quid dici-  
 mus ? quæ quidem multo plura euenirent : si ad quie-  
 tem integri iremus . nunc onusti cibo , & uino , pertur-  
 bata , & confusa cernimus . Vide quid Socrates in Pla-  
 tonis politia loquatur . dicit enim , cum dormientibus  
 » ea pars animi , quæ mentis & rationis particeps sit ,  
 » sopita langueat : illa autem , in qua feritas quædam sit ,  
 » atq; agrestis immanitas , cum sit immoderato obstu-  
 » pefacta potu , atq; pastu : exultare eam in somno , im-  
 » moderateq; iactari . itaq; huic omnia uisa obijciuntur



## DE DIVINATIONE

» a mente, ac ratione uacua: ut aut cum matre corpus  
 » miscere uideamur: aut cum quouis alio homine, uel  
 » deo, saepe belua: atq; etiam trucidare aliquem: Et  
 » impie cruentari: multaq; facere impure, atq; tetre,  
 » cum temeritate, atq; impudentia. at qui salubri, Et  
 » moderato cultu, atq; uictu, quieti se tradiderit: ea  
 » parte animi, quæ mentis, Et consilij est, agitata, Et  
 » erecta, saturataq; bonarum cogitationum epulis, eaq;  
 » parte animi, quæ uoluptate alitur, nec inopia enecta,  
 » nec facietate affluenti, quorum utrunq; præstringere  
 » aciem mentis solet, siue deest naturæ quippiam, siue  
 » abundat, atq; effluit: illa etiam tertia parte animi, in  
 » qua irarum existit ardor, sedata, atq; restructa, tum  
 » eueniet duabus animi temerarijs partibus compressis,  
 » ut illa tertia pars rationis, Et mentis eluceat: Et se  
 » uegetam ad somniandū, acremq; præbeat: tum ei uisa  
 » quietis occurrent tranquilla atq; ueracia. Hæc uerba  
 » ipsa Platonis expressi. Epicurū igitur audiemus potius?  
 » nam Carneades concertationis studio: modo ait hoc: mo-  
 » do illud. at ille, quid sentit? sentit autem nihil unq; ele-  
 » gans, nihil decorum. hunc ergo antepones Platoni, Et  
 » Socrati? q; ut rationem non redderent: autoritate ta-  
 » men hos minutos philosophos uincerent. Iubet igitur  
 » Plato sic ad somnium proficisci corporibus affectis: ut  
 » nihil sit quod errorem animis, perturbationemq; affe-  
 » rat. ex quo etiam Pythagoricis interdictum putatur  
 » ne faba uescerentur: quod habet inflationem magnam  
 » is cibus tranquillitati mentis quærenti uera contra-  
 » riam. Cum ergo est somno seuocatus animus à socie-  
 » tate, Et contagione corporis: tum meminit præterito-  
 » rum: præsentia cernit: futura prouidet. iacet enim cor-

pus de  
 mus q  
 no ex  
 mulo q  
 moro g  
 his occu  
 nel max  
 xrima  
 minare  
 Possido  
 sex ec  
 qui se  
 modis  
 quod  
 rum a  
 immor  
 te not  
 dormit  
 euenit  
 rentu  
 Et h  
 mort  
 fuerat  
 præsa  
 sagre  
 multa  
 ante  
 tira  
 ext  
 acy  
 stra



pus dormientis ut mortui: uiget autem, & uiuit ani-  
 mus. quod multo magis faciet post mortem: cum omni-  
 no ex corpore excesserit. itaq; appropinquante morte  
 multo est diuinior. nam & id ipsum uident, qui sunt  
 morbo graui et mortifero affecti: instare mortem. itaq;  
 his occurrunt plerunq; imagines mortuorum: tamq;  
 uel maxime laudi student: eosq; qui secus q̄ deuit ui-  
 xerunt, peccatorum suorum tum maxime poenitet. di-  
 uinare autem morientes etiam illo exemplo confirmat  
 Possidonius: quo affert rhodium quendam morientem  
 sex æquales nominasse: & dixisse qui primus eorum,  
 qui secundus, qui deinceps moriturus esset. sed tribus  
 modis censet deorū appulsu homines somniare. uno,  
 quod præuideat animus ipse per sese: quippe qui deo-  
 rum cognatione teneatur. altero, quod plenus aër sit  
 immortalium animorum: in quibus tanquam insigni-  
 tæ notæ ueritatis appareant. tertio, quod ipsi dū cum  
 dormientibus colloquantur: idq; ut modo dixi facilius  
 euenit appropinquante morte: ut animi futura augu-  
 rentur. ex quo & illud est Calani: de quo ante dixi:  
 & homerici Hectoris: q̄ moriens propinquam Achilli  
 mortem denunciat. neq; enim illud uerbum temere con-  
 suetudo approbauisset: si ea res nulla esset omnino.  
 » Præagibat animus frustra me ire: cum exirem domo.  
 sagire enim sentire acute est: ex quo sagæ anus, quia  
 multa scire uolunt, & sagaces dicti canes. is igitur qui  
 ante sagit, q̄ oblata res est, dicitur præsagire: idest fu-  
 tura ante sentire. inest igitur in animis præsagatio  
 extrinsecus iniecta atq; inclusa diuinitus. ea si exarsit  
 acrius: furor appellatur: cum à corpore animus ab-  
 stractus diuino instinctu concitatur.



## DE DIVINATIONE

- » Sed quid oculis rapere visa est derepente ardētibus?  
ubi illa paulo ante sapiens uirginali modestia?
- » Mater optuma: tum multo mulier melior:
- » Missa sum superstitiosis ariolationibus:
- » Neq; me Apollo fatis fandis dementem inuitam aet!
- » Virgines uero æquales patris mei meū factum pudet
- » Optimi uiri: mea mater tui me miseret: mei piget.
- » Optumam progeniem Priamo repperisti: extra me  
hoc dolet.
- » Me obesse: illos prodesse: me obstare: illos obsequi.  
O poëma tenerum, & moratum, atq; molle: sed hoc  
minus ad rem: illud quod uolumus expressum est: ut  
uaticinari furor uera soleat.
- » Adest adest fax obuoluta sanguine, atq; incendio:
- » Multos annos latuit: ciues ferte opem: & restinguite.  
Deus inclusus corpore humano iam, non cassandra  
loquitur.
- » Iamq; mari magno classis cita
- » Texitur: exitium examen rapit:
- » Aduenit, & fera uelivolantibus
- » Nauib; complenit manu' littora.  
Tragœdias loqui uideor, & fabulas. at ex te ipso non  
commentitiam rem, sed factam, eiusdem generis audi-  
ui: C. Coponium ad te uenisse Dyrrachio: cum prætorio  
imperio classi rhodiæ præesset, cum primo hominem  
prudentem, atq; doctum: eumq; dixisset remigem  
quendam ex quinqueremi rhodiorum uaticinatum,  
madesactum iri minus XXX diebus græciam san-  
guine: rapinas Dyrrachij, & consensionem in naues  
cum fuga, fugientibus miserabilem respectum incen-  
diorum fore: sed rhodiorum classi propinquum re-

ditum  
esse con  
qui tam  
terrific  
neq; I  
reliqua  
horreis  
angust  
meu cor  
flagr ar  
sequi r  
desert  
breui  
tere a  
ratio  
minum  
haust  
num  
mi e  
petit  
tam  
tie  
rimur  
ratum  
solet  
non  
sunt  
qui  
hab  
tur  
mas



ditum, ac domum itionem dari. tum neq; te ipsum non  
esse commotum: Marcumq; Varronem, & M. Catonē.  
qui tum ibi erant, doctos homines, uehementer esse per-  
territos. paucis sanē post diebus, ex pharsalica fuga  
uenisse Labienum. q; cū interitū exercitus nunciasset:  
reliqua uaticinationis breui esse confecta. nam & ex  
horreis direptum, effusumq; frumentum uias omnes,  
angustiasq; constrauerat: & naues subito perterriti  
metu conscendistis: & noctu ad oppidum respicientes,  
flagrantes onerarias, quas incenderant milites, quia  
sequi noluerant, uidebatis. postremo a rhodia classe  
deserti, uerum uatem fuisse sensistis. Exposui quam-  
breuissime potui somnij, & furoris oracula: quæ ad-  
tere arte dixeram. quorum amborum generum una  
ratio est: qua Cratippus noster uti solet: animos ho-  
minum quadam ex parte extrinsecus esse tractos, &  
haustos. ex quo intelligitur esse extra diuinum ani-  
mum: humanus unde ducatur: humani autem ani-  
mi eam partem, quæ sensum, quæ motum, quæ ap-  
petitum habeat, non esse ab actione corporis seingra-  
tam: quæ autem pars animi rationis, atq; intelligen-  
tiæ sit particeps: eam tum maxime uigere: cum plu-  
rimum absit a corpore. Itaq; ex ipsis exemplis ue-  
rarum uaticinationum, & somniorum Cratippus  
solet rationem concludere hoc modo. si sine oculis  
non potest extare officium, & munus oculorum: pos-  
sunt autem aliquando oculi non fungi suo munere:  
qui uel semel ita est usus oculis, ut uera cerneret: is  
habet sensum oculorum uera cernentium. Item igr-  
tur, si sine diuinatione non potest & officium & mu-  
nus diuinationis extare: potest autem quis cum diuina



## DE DIVINATIONE

tionem habeat, errare aliquando: nec uera cernere: satis est ad confirmandam diuinationem semel ita esse aliquid diuinatum: ut nihil fortuito cecidisse uideatur. sunt autem eius generis innumerabilia. esse igitur diuinationem confitendum est. Quae uero aut coniectura explicantur: aut euentis animaduersa & notata sunt: ea genera diuinandi, ut supradixi, non naturalia, sed artificiosa dicuntur. in quo aruspices, augures, coniectoresq; numerantur. haec improbantur a peripateticis: a stoicis defenduntur. quorum alia sunt posita in monumentis, & disciplina: quod etruscorum declarant, & aruspici, & fulgurales, & rituales libri, nostri etiam augurales: alia autem subito tempore coniectura explicantur: ut apud Homerum Chalcas: qui ex passerum numero belli troiani annos auguratus est. Et ut in sisennae scriptum historia uidemus: quod te inspectante factum est: ut cum Sylla in agro Nolano immolaret ante praetorium: ab infima ara subito anguis emergeret. cum quidam C. Posthumius aruspex oraret illum: ut in expeditionem exercitum educeret: id cum Sylla fecisset: tum ante oppidum nolam florentissima Samnitum castra cepit. Facta coniectura etiam in Dionysio est paulo antequam regnare cepit: qui cum per agrum Continuum iter faciens, equum ipse dimisisset in flumen: summersus equus uoragibus non extitit: quem cum maxima contentione non potuisset extrahere: discessit, ut ait Philistus, egre ferens. cum autem aliquantulum progressus esset: subito exaudiuit hinnitum: respexitq; & equum alacrem laetus aspexit: cuius iniuba examen apum confederat. quod ostentum habuit



hanc vim: ut Dionysius paucis post diebus regnare  
cœp. rit. Quid? Lacædemonijs paulo ante leuctricam  
calamitatem quæ significatio facta est? cum in hercu-  
lis fano arma sonuerunt: Herculesq; simulacrum mul-  
to sudore manauit. At eodem tempore Thebis, ut ait  
Callisthenes, in templo Herculis ualvæ clausæ repa-  
gulis, subito se ipsæ aperuerunt: armaq; quæ fixa in  
parietibus fuerant, ea humi sunt inuenta. cumq; eo-  
dem tempore apud lebadiam Trophonio res diuina  
fieret: gallos gallinacos in eo loco sic assidue canere  
cœpisse: ut nihil intermitterent. tum augures dixisse  
Bæotios, Thebanorum esse uictoriam: propterea q̃  
auis illa uicta silere soleret, canere, si uicisset. Eademq;  
tēpestate multis signis Lacædemonijs leuctricæ pugnæ  
calamitas denunciabatur. namq; & Lysandri, qui  
Lacædemoniorum clarissimus fuerat: statuæ, quæ  
Delphis stabat, in capite corona subito extitit ex aspe-  
ris herbis, & agrestibus: stellæq; aureæ, quæ Del-  
phis erant à Lacædemonijs positæ post naualem il-  
lam uictoriam Lysandri, qua Athenienses concide-  
runt: qua in pugna quia Castor & Pollux cum La-  
cædemoniorum classe uisi esse dicebantur: eorum in-  
signia deorum, stellæ aureæ, quas dixi, Delphis po-  
sitæ paulo ante leuctricā pugnam deciderunt: neq; re-  
pertæ sunt. Maximum uero illud portentum hisdem  
spartiatis fuit: quod cum oraculum ab Ioue Dodo-  
neo petuissent, de uictoria sciscitantes: legatiq; illud,  
in quo inerant sortes, collocauissent: Simia, quam rex  
Molossorum in delitijs habebat: & sortes ipsas, &  
cætera, quæ erant ad sortem parata, disturbauit:  
& aliud aliud dissipauit. tum ea, quæ præposita erat



## DE DIVINATIONE

oraculo, sacerdos dixisse dicitur, de salute Lacedæ-  
monijs esse, non de uictoria cogitandum. Quid bel-  
lo punico secundo? non ne C. Flaminius consul ite-  
rum, neglexit signa rerum futurarum magna cum  
clade reipublicæ? qui exercitu lustrato, cum Aretium  
uersus castra mouisset: & contra Hannibalem legio-  
nes duceret: & ipse & equus eius ante signum Ioa-  
uis statoris sine causa repente concidit. nec eam rem  
habuit religioni, obiecto signo, ut peritis uidebatur,  
ne committeret prælium. Idem cum tripudio auspici-  
retur: pullarius diem prælij committendi differebat.  
tum Flaminius ex eo quæsiuit, si ne postea quidem  
pulli pascerentur: quid faciendum censeret. cum ille  
quiescendum respondisset: Flaminius præclara uero  
auspiciæ: si esurientibus pullis res geri poterit: saturis  
nihil geretur. itaq; signa conuelli, & sequi iussit. quo  
tempore, cum signifer primi hastati signum non pos-  
set mouere loco: nec quicquam proficeret, plures cum  
accederent: Flaminius re nunciata suo more negle-  
xit. itaq; tribus horis concisus exercitus: atq; ipse in-  
terfectus est. Magnum illud etiam quod addidit Ce-  
lius, eo ipso tempore, cum hoc calamitosum fieret præ-  
lium: tantos terræmotus in liguribus, gallia, com-  
pluribusq; insulis, totaq; in Italia factos esse: ut mul-  
ta oppida corruerint: multis locis labes facta sit: ter-  
ræq; defederint: fluminaq; in contrarias partes fluxe-  
rint: atq; amnes mare influxerint. Fiunt certæ di-  
uinationum coniecturæ a peritis. Midæ illi phrygio,  
cum puer esset, dormienti formicæ in os tritici gra-  
na congesserunt. ditissimum fore prædictum est. quod  
euenit. at Platoni cum in cunis paruulo dormienti

apes in

apes in  
ri illu  
provi  
Rosu  
monte  
in selo  
mine ap  
rum dor  
quo asp  
Rosij  
illo pu  
specer  
sit An  
dum  
uerser  
runt:  
cum te  
implic  
natur  
uari  
dam  
plut  
alie  
nia g  
ex ca  
rum  
uita  
sep  
» Ele  
» Co  
At



apes in labellis confedissent: responsum est singula-  
 ri illum suauitate orationis fore. ita futura eloquentia  
 prouisa in infante est. quid amores, ac delitiae tuae  
 Roscius? num aut ipse, aut pro eo Lanuium totum  
 mentiebatur? qui cum esset in cunabulis: educareturq;  
 in selonio: qui est campus agri Lanuini: noctu lu-  
 mine appposito experfecta nutrix animaduertit pue-  
 rum dormientem circumplicatum serpentis amplexu.  
 quo aspectu exterrita clamorem sustulit. pater autem  
 Roscij ad aruspices rettulit. qui responderunt: nihil  
 illo puero clarius, nihil nobilius fore. atq; hanc  
 speciem praxiteles celauit argento: & noster expres-  
 sit Archias uersibus. quid igitur expectamus? an  
 dum in foro nobiscum diu immortales, dum in uis  
 uersentur? dum domi? qui quidem ipsi se nobis non offe-  
 runt: uim autem suam longe, lateq; diffundunt. quam  
 cum terrae cauernis includunt: tum hominum naturis  
 implicant. nam terrae uis Pythiam Delphis incitabat:  
 naturae Sibyllam. quid enim? non uidemus quam sine  
 uaria terrarum genera? ex quibus et mortifera quae-  
 dam pars est: ut & Ansancti in hirpinis, & in Asia  
 plutonia, quae uidemus. & sunt partes agrorum  
 aliae pestilentes: aliae salubres: aliae quae acuta inge-  
 nia gignant: aliae quae retusa. quae omnia fiunt &  
 ex caeli uarietate: & ex disparili aspiratione terra-  
 rum. fit etiam saepe specie quadam, saepe uocum gra-  
 uitate, & cantibus, ut pellantur animi uehementius:  
 saepe etiam cura, & timore: qualis est illa,

- » Flexa anima tanquam lymphata, ut bacchi sacris
  - » Commota, in tumultis teucrum commemorans suum.
- Atq; etiam illa concitatio declarat uim in animis esse



## DE DIVINATIONE

diuinam . negat enim sine furore Democritus quena-  
quam poetam magnum esse posse . quod idem dicit  
Plato . quem si placet appellet furorem : dum modo is  
furor ita laudetur , ut in phædro Platonis laudatus est .  
quid uestra oratio in causis ? quid ipsa actio ? potest  
esse uehemens , & grauis , & copiosa , nisi est animus  
ipse commotior ? equidem etiam in te sepe uidi , &  
ut ad leuiora ueniamus , in Esopo familiari tuo , tan-  
tum ardorem uultuum , atq; motuum : ut eum uis quæ-  
dam abstraxisse a sensu mentis uideretur . Obijciun-  
tur etiam sepe formæ : quæ re ab se nullæ sunt : spe-  
ciem autem offerunt . quod contigisse Brenno dicitur ,  
eiusq; gallicis copiis : cum fano Apollinis delphici ne-  
farium bellum intulisset . tum enim ferunt ex oraculo  
hæc fatam esse pythiam ,

- » Ego prouidebo rem istam , & albæ uirgines .  
ex quo factum , ut & uiderentur uirgines ferre arma  
contra : & niue galloꝝ obrueretur exercitus . Aristoteli-  
teles quidem , eos etiam , qui ualitudinis uitio furerent ,  
& melancholici dicerentur , censebat habere aliquid  
in animis præfagiens , atq; diuinum . ego autem haud  
scio an nec cardiacis hoc tribuendum sit : nec freneticis .  
animi enim integri , non uitiosi corporis est diuinitas .  
Quam quidem esse re uera hac stoicorum ratione  
concluditur . Si sunt dii : neq; ante declarant hominibus  
quæ futura sunt : aut non diligunt homines : aut quid  
euenturum sit ignorant : aut existimant nihil interesse  
hominum , scire quid futurum sit : aut non censent esse  
sue maiestatis præsignificare hominibus quæ sunt fu-  
tura : aut ea , ne ipsi quidem dii significare possunt . at  
neq; non diligunt nos . sunt enim benefici , generiq; ho-  
minum



minimum amici: neque ignorant ea, quae ab ipsis constitu-  
 ta, et designata sunt: neque nostra nihil interest scire  
 ea, quae euentura sunt: erimus enim cautiores si scie-  
 mus: neque hoc alienum ducunt maiestate sua (nihil est  
 enim beneficentia praestantius) neque non possunt futu-  
 ra praenoscere: non igitur sunt dii: nec significant fu-  
 tura: sunt autem dii: significant ergo. et non si signifi-  
 cant: nullas vias dant nobis ad significationis scien-  
 tiam. frustra enim significarent: nec si dant vias: non  
 est diuinitas: est igitur diuinitas. hac ratione et Chry-  
 sippus, et Diogenes, et Antipater utitur. quid est igitur  
 cur dubitandum sit? quin sint ea, quae disputavi,  
 uerissima? si ratio mecum facit, si euenta, si populi, si  
 nationes, si graeci, si barbari, si maiores etiam nostri:  
 si denique hoc semper ita putatum est: si summi philo-  
 sophi, si poetae, si sapientissimi uiri, qui res publicas  
 constituerunt: qui urbes condiderunt. an dum bestiae  
 loquantur expectamus? hominum consentiente autho-  
 ritate contenti non sumus? nec uero quicquam aliud  
 offertur: cur ea quae dico diuinandi genera nulla sint:  
 nisi quod difficile dictu uidetur, quae cuiusque diuina-  
 tionis ratio, quae causa sit. quid enim habet aruspex?  
 cur pulmo incisus, etiam in bonis extis, dirimat tem-  
 pus: et proferat diem? quid augur? cur a dextra  
 coruus, a sinistra cornix faciat ratum? quid astrolo-  
 gus? cur stella Iouis, aut Veneris coniuncta cum Lu-  
 na ad ortus puerorum salutaris sit? Saturni, Martis ue-  
 contraria? cur autem deus dormientes nos moneat?  
 uigilantes negligat? quid deinde causae sit: cur Cassan-  
 dra furens futura prospiciat? Priamus sapiens hoc  
 idem facere non queat? cur fiat quicque quæris? recte



## DE DIVINATIONE

omnino. sed non nunc id agitur. fiat, nec ne fiat, id  
 queritur. ut si magnetem lapidem esse dicam, qui fer-  
 rum ad se alliciat, et trahat: at rationem cur id fiat,  
 afferre nequeam: fieri omnino neges. quod idem fa-  
 cis in divinatione. quam & cernimus ipsi, & audiui-  
 mus, & legimus, & a patribus accepimus: neq; ante  
 philosophiam patefactam, quæ nuper inuenta est, hac  
 de re communis uita dubitauit: & postea quam phi-  
 losophia processit: nemo aliter philosophus sensit: in  
 quo modo esset autoritas. dixi de Pythagora, de De-  
 mocrito, de Socrate: excepi de antiquis præter Xeno-  
 phanem neminem: adiunxi ueterem Academiam: pe-  
 ripateticos, stoicos. unus dissentit Epicurus. quid uero  
 hoc turpius? q̄ quod idem nullam censet gratuitam  
 esse uirtutem? quis autem est, quem non moueat cla-  
 rissimis monumentis testata, consignataq; antiquitas?  
 Calchantem, augurem scribit Homerus longe opti-  
 mum: eumq; ducem classis fuisse. at illum auspiciorum  
 credo scientia, non locorum. Amphilocus, & Mopsus  
 arguorum reges fuerunt: sed ijdem augures: ijq; ur-  
 bes in ora maritima Ciliciæ græcis condiderunt.  
 atq; etiã ante hos Amphiaræus, et Tyresias non humi-  
 les & obscuri: neq; eorū similes, ut apud Ennium est,  
 » Qui sui quæstus causa fictas suscitant sententias:  
 sed clari, & præstantes uiri: qui auibus, & signis ad-  
 moniti futura dicebant. quorum de altero, etiam apud  
 inferos Homerus ait, solum sapere: ceteros umbra-  
 rum uagari modo. Amphiaræum autem sic honorauit  
 fama græciæ: deus ut haberetur: atq; ut ab eius solo,  
 in quo est humatus, oracula peterentur. quid astæ rex  
 Priamus? non ne & Helenum filium, & Cassan-  
 dram



drum filiam diuinantes habebat? alterum augurijs?  
Alteram mentis incitatione diuina? quo in genere  
Martios quosdam fratres, nobili loco natos, apud ma-  
iores nostros fuisse scriptum uidemus. quid Polybum  
corinthium non ne Homerus & alijs multa, & filio  
ad Troiam proficiscenti mortem prædixisse comme-  
morat? omnino apud ueteres, qui rerum potiebantur,  
iisdem auguria tenebant: ut enim sapere, sic diui-  
nare regale ducebant: ut testis est nostra ciuitas: in qua  
& reges, augures: & postea priuati eodem sacerdotio  
præditi, remp. religionum autoritate rexerunt. Eaqs  
diuinationum ratio ne in barbaris quidem gentibus  
neglecta est: siquidem & in Gallia Druydes sunt:  
e quibus ipse Diuitiacum heduum hospitem tuum,  
laudatoremq; cognoui: qui & naturæ rationem,  
quam physiologiam græci appellant, notam esse sibi  
profitebatur: & partim augurijs, partim coniectura,  
quæ essent futura dicebat. et in persis augurantur, &  
diuinant Magi: qui congregantur in fano commentan-  
di causa, atq; inter se colloquendi. quod etiam idem  
uos quondam facere nonis solebatis. nec quisquam rex  
persarum potest esse: qui non ante magorum discipli-  
nam, scientiamq; perceperit. licet autem uidere & ge-  
nera quædam, & nationes, huic scientiæ deditas.  
Telmessus in caria est: qua in urbe excellit aruspicum  
disciplina. itemq; Elis in peloponneso familias duas  
certas habet, iamidarum, unam, alteram glutidarum,  
aruspiciæ nobilitate præstantes. in syria Caldei co-  
gnitione astrorum, solertiâq; ingeniorum antecellunt.  
Ethruria autē de cælo tacta scientissime animaduertit:  
eademq; interpretatur quid quibusq; ostendatur



## DE DIVINATIONE

monstris, atq; portentis. quo circa bene apud maiores nostros senatus, tum cum florebat imperium, decrevit: ut de principum filijs sex singulis æthruræ populis in disciplinam traderentur: ne ars tanta propter tenuitatem hominum a religionis authoritate, abduceretur ad mercedem, atq; quæstum. Phryges autem: & Pisidæ, & Cilices, et Arabum natio, auum significationibus plurimum obtemperant. quod idem fætitatum in umbria accepimus. Ac mihi quidem videntur ex locis quoq; ipsis, qui a quibusq; incolebantur, diuinationum opportunitates esse ductæ. ut enim ægyptij, ut Babylonij, in camporum patentium æquoribus habitantes, cum ex terra nihil emineret: quod contemplationi cæli officere posset: omnem curam in syderum cognitione posuerunt. Ethrusci autem, quod religione imbuti studiosius, & crebrius hostias immolabant: extorum cognitioni se maxime dediderunt: quodq; propter aeris crassitudinem, de cælo apud eos multa fiebant: & quod ob eandem causam multa inusitata, partim ex cælo, alia ex terra oriebantur: quedam etiam ex hominum, pecudumue conceptu, & satum: portentorum exercitissimè interpretes extiterunt. quorum quidem uim ut tu soles dicere uerba ipsa prudenter a maioribus posita declarant. quia enim ostendunt, portendunt, monstrant, prædicunt: ostenta, portenta, monstra, prodigia dicuntur. Arabes autem, & Phryges, & Cylices, quod pastu pecudum maxime utuntur, campos, & montes hyeme, & æstate, peragrantes: propterea facilius cantus auum, & uolatus notauerunt. eademq; & Pysidiæ causa fuit, & huic nostræ umbriæ. Tum Caria tota, præcipueq; telmesses,



telmesses, quos ante dixi, quod agros uberrimos maxi-  
 meq; fertiles incolunt: in quibus multa propter fecun-  
 ditatem fingi, gigniq; possunt: in ostentis animaduer-  
 tendis diligentes fuerunt. quis uero non uidet in opti-  
 ma quaq; republica plurimum auspicia & reliqua di-  
 uinandi genera ualuisse? quis rex unquam fuit? quis  
 populus? qui non uteretur praedictione diuina? neq;  
 solum in pace, sed in bello multo etiam magis: in quo  
 maius erat certamen, & discrimen salutis. omitto no-  
 stros: qui nihil in bello sine extis agunt: nihil sine au-  
 spicijs domi habent. auspicia externa uideamus. nam  
 & Athenienses omnibus semper publicis consilijs di-  
 uinos quosdam sacerdotes, quos mantes uocant, adhi-  
 buerunt: & Lacedaemonij regibus suis augurem asse-  
 sorem dederunt: itemq; senibus, sic enim consilium  
 publicum appellant: augurem interesse uoluerunt:  
 ijdemq; de rebus maioribus semper aut Delphis ora-  
 culu, aut ab Hamnone, aut a Dodona petebant. Ly-  
 curgus quidem, qui Lacedaemoniorum Remp. tempe-  
 rauit: leges suas authoritate Apollinis delphici confir-  
 mauit: quas cum uellet Lysander commutare: eadem  
 est prohibitus religione. Atq; etiam qui praerant  
 Lacedaemonijs non contenti uigilantibus curis, in  
 Pasitheaefano, quod est in agro propter urbem, som-  
 niandi causa excubabant: quia uera quietis oracula  
 ducebant. Ad nostram iam redeo. quoties senatus decem  
 uiros ad libros ire iussit? nam & cum duo uisi soles  
 essent: & cum tres lunae: & cum faeces: & cum sol no-  
 cte uisus esset: & cum ex caelo fremitus auditus: &  
 cum caelum discessisse uisum est: atq; in eo animaduersi  
 globi. delata etiam ad senatum labes agri priuerna-



tis: cum ad infinitam altitudinem terra defedisset:  
 Apuliaq; maximis terræmotibus cōquassata esset. qui-  
 bus portentis magna populo ro-bella, perniciosæq; se-  
 ditiones denunciabantur. inq; his omnibus responsa  
 aruspicum cum sybillæ uersibus congruebant. quid  
 cum Cumis apollo sudauit? capuæ uictoria? quid or-  
 tus Androgni? non ne fatale quoddam monstrum  
 fuit? quid quod fluius atratus sanguine fluxit? quid  
 cum sæpe lapidum, sanguinis nonnunquam, terræ in-  
 terdum, quondam etiam lactis imber efluxit? quid  
 cum in capitolio ictus centaurus ex cælo est? in Auen-  
 tino portæ? et homines? tusculi ædes Castoris, et pol-  
 lucis? Romæq; pietatis? non ne et aruspices, ea respon-  
 derunt, quæ euenerunt? Et in sybillæ libris eadem  
 repertæ prædictiones sunt? quoties senatus decemui-  
 ros ad libros ire iussit? quantis in rebus, quamq; sæ-  
 pe, responsis aruspicum paruit? cæciliæq; somnio mo-  
 do, marsico bello, templum est à senatu Iunoni sospi-  
 tæ restitutum. quod quidem somnium Sisenna cum  
 disputasset mirifice ad uerbum cum re conuenisse: tum  
 insolenter, credo ab Epicuro aliquo inductus, disputat  
 somnijs credi non oportere. idem contra ostenta nihil  
 disputat: exponitq; initio belli marsici, et deorum st-  
 mulacra sudauisse: et sanguinem fluxisse: et disces-  
 sisse cælum: et ex occulto auditas esse uoces: quæ pe-  
 ricula belli nunciarent: et Lanuii clypeos, q̄ aru-  
 spicibus tristissimum uisum esset, à muribus esse dero-  
 sos. quid quod in annalibus habemus, ueienti bello,  
 cum lacus albanus præter modum creuisset: ueientem  
 quendam ad nos hominem nobilem profugisse: eumq;  
 dixisse, ex fatiis, quæ ueientes scripta haberent, ueios

capit



capi non posse: dum lacus is redundaret: & si lacus  
emissus lapsu, & cursu suo ad mare profuxisset: per-  
niciosum populo romano, sin autē ita esset eductus: ut  
ad mare peruenire non posset: tum salutare nostris  
fore. ex quo illa admirabilis à maioribus Albanae  
aquae facta deductio est. cum autem ueientes bello fes-  
si, legatos ad senatum misissent: tum ex his quidam  
dixisse dicitur: non omnia illum transfugam ausum  
esse senatui dicere: in iisdem enim fatis scriptum ue-  
ientes habere: fore ut breui à gallis Roma caperetur.  
quod quidem sexennio post ueios captos factum esse  
uidemus. Sæpe etiam & in prælijs fauui auditi, &  
in rebus turbidis ueridicae uoces ex occulto missæ esse  
dicuntur. cuius generis duo sunt ex multis exempla,  
sed maxima. nam non multo ante urbem captam, ex-  
audita uox est à ludo uestæ: qui à palatii radice in  
nouam uiam deuexus est: ut muri & portæ refice-  
rentur: futurum esse, nisi prouisum esset, ut Roma ca-  
peretur. quod neglectum, cum caueri poterat, post  
acceptam illam maximam cladem explicatum est. ara  
enim dio loquenti, quam septam uidemus, aduersus  
eum locum consecrata est. atq; etiam scriptum à mul-  
tis est, cum terræmotus factus esset: ut sue plena pro-  
curatio fieret, uocem ab æde Iunonis ex arce exti-  
tisse. quo circa Iunonem illam appellatam monetam.  
Hæc igitur & à dijs significata, & à nostris maiori-  
bus indicata contemnimus? neq; solum deorum uoces  
Pythagorei obseruauerunt: sed etiam hominum: quæ  
uocant omnia. quæ maiores nostri, quia ualere cense-  
bant, itarco omnibus rebus agendis, quod bonum,  
faustum, felix, fortunatumq; esset, præfabantur: re-



## DE DIVINATIONE

busq; diuinis, quæ publice fierent, ut fauerent linguis  
imperabatur: inq; ferijs imperadis, ut litibus, et iur-  
gis se abstinere. itemq; in lustranda colonia, ab eo  
qui eam deduceret, & cum imperator exercitum, cen-  
sor populum lustraret, bonis nominibus qui hostias  
ducerent eligebantur. quod idem in delectu consules  
observant: ut primus miles fiat bono nomine. quæ  
quidem à te scis & consule, & imperatore summa  
religione esse seruata. prærogatiuam etiam maiores  
omnes iustorum comitorum esse uoluerunt. Atq; ego  
exempla omnium nota proferam. L. paulus consul  
iterum, cum ei bellum ut cum rege perse gereret ob-  
tiguisset: ut ea ipsa die domum ad uesperum redijt: fi-  
liolam suam tertiam, quæ tum erat admodum par-  
ua: osculans animaduertit tristiculam: quid est inquit  
mea tertia? quid tristis es? m. pater inquit persa pe-  
rity. tum ille arctius puellam complexus, accipio omen  
inquit mea filia. erat autem mortua catella eo nomine.  
L. Flacum flaminem martialem ego audiui cum di-  
ceret, Cæciam metellam cum uellet sororis suæ fi-  
liam in matrimonium collocare: exisse in quoddam sa-  
cellum ominis capiendi causa: quod fieri more ueterum  
solebat. cum uirgo staret: & Cæcia in sella sede-  
ret: neq; diu ulla uox extitisset: puellam defatiga-  
tam petijisse à matertera, ut sibi concederet paulisper,  
ut in eius sella requiesceret: illam autem dixisse: uere  
mea puella tibi concedo meas sedes. quod omen res  
consecuta est. ipsa enim breui mortua est: uirgo au-  
tem nupsit cui Cæcia nupta fuerat. Hæc posse con-  
temni, uel etiam rideri præclare intelligo. sed ipsum  
est, deos non putare, quæ ab his significantur contem-



nere. quid de auguribus loquar? tuæ partes sunt:  
 tuum inquam auspicioꝝ patrociniũ debet esse: ti-  
 bi P. Claudius augur consul nunciauit, addubitato  
 salutis augurio bellum domesticum triste, ac turbulen-  
 tum fore: quod paucis post mensibus exortum paucio-  
 ribus est à te diebus oppressum. cui quidem augurĩ  
 uehementer assentior. solus enim multorum annorum  
 memoria non decantandi auguriũ, sed diuinandi te-  
 nuit disciplinam. quem irridebant collega tui: eumq;  
 tum p̃sidadam, tum soranum augurem esse dicebant:  
 quibus nulla uidebatur in augurijs, aut auspicijs prae-  
 sensio, aut scientia ueritatis futurae: sapienter aiebant  
 ad opinionem imperitorum esse fictas religiones. quod  
 longe secus est. neq; enim in pastoribus illis, quibus  
 Romulus praesuit: hæc calliditas esse potuit: ut ad  
 errorem multitudinis religionis simulacra fingerent.  
 sed difficultas, laborq; discendi, disertam negligenti-  
 am reddidit. malunt enim differere nihil esse in  
 auspicijs: quam quid sit, ediscere. quid est illo auspi-  
 cio diuinius, quod apud te in Mario est? ut utar po-  
 tissimum te authore?

- » Hic Iouis altisoni subito pennata satelles
- » Arboris è trunco serpentis saucia morſu
- » Subigit ipsa feris transfigens unguibus anquem
- » Semianimum, et uaria grauiſſe ceruice micantem.
- » Quem se torquentem lanians, rostroq; cruentans,
- » Iam ſattata animos, iam duros ulta dolores,
- » Abiicit eſſilantem: et laceratum affligit in unda:
- » Seq; obitu à ſolis, nitidos conuertit ad ortus.
- » Hanc ubi præpetibus pennis, lapſuq; uolantem
- » Conſpexit marinus diuini numinis augur:



## DE DIVINATIONE

- » Fausta q; signa suae laudis, reditus q; notavit:  
 » Partibus intonuit caeli pater ipse sinistris.  
 » Sic aquilae clarum firmavit Iuppiter omen.  
 Atq; ille Romuli auguratus pastoralis, non urbanus  
 fuit: nec fictus ad opiniones imperitorum, sed a cer-  
 tis acceptus, & posteris traditus. Itaq; Romulus au-  
 gur, ut apud Ennium est, cum fratre item augure:  
 » Curantes magna cum cura, tum cupientes  
 » Regni, dant operam simul auspicio, augurio q;  
 » Hinc Remus auspicio se deuouet: atq; secundam  
 » Solus auem seruat: at Romulus pulcher in alto  
 » Querit Auentino, cernens genus aluiolantum:  
 » Certabant urbem Romam remoram ne uocarent.  
 » Omnis cura uiris uter esset induperator.  
 » Expectant, ueluti consul cum mittere signum  
 » Vult: omnes auidi spectant ad arceris oras:  
 » Quam mox emittat pictis ex fauibus currus.  
 » Sic expectabat populus: atq; ora tenebat.  
 » Rebus utri magni uictoria sit data regni.  
 » Interea sol albus recessit in infera noctis.  
 » Exim candida se radijs dedit icta foras lux.  
 » Et simul ex alto longe pulcherrima praepes,  
 » Lena uoluit auis: simul aureus exoritur sol.  
 » Cedunt ter quattuor de caelo corpora sancta  
 » Auium, praepetibus sese pulchrisq; locis dant.  
 » Conspicit inde sibi data Romulus esse priora.  
 » Auspicio regni stabilita sacra solumq;  
 Sed unde huc digressa est, eodem redeat oratio. si ni-  
 hil queam disputare, quamobrem quicq; fiat: & tan-  
 tummodo fieri ea, quae commemoravi, doceam: parum  
 ne Epicuro, Carneadiue respondeam? quid? si etiam

ratio  
autem,  
bus, q;  
notat  
fuit omni  
dilem  
atq; int  
et quid  
sone pe  
ut ante  
renda  
mis,  
libate  
ferta  
tione  
mouer  
uine:  
poris  
qui  
cogn  
fumi  
ne:  
fluxu  
atq;  
de at  
mult  
re,  
no  
tor  
pl  
on



ratio extat artificiosæ præsentionis, facilis? diuinæ autem, paulo obscurior? quæ enim extis, quæ fulguribus, quæ portentis, quæ astris præsentuntur: hæc notata sunt observatione diuturna. affert autem uetustas omnibus in rebus longinqua observatione incredibilem scientiam: quæ potest esse etiam sine motu, atq; impulsu deorum: cum quid ex quoq; eueniat, & quid quamq; rem significet, crebra animaduersione perspectum est. altera diuinatio est naturalis, ut ante dixi: quæ physica disputandi subtilitate referenda est ad naturam deorum: à qua, ut doctissimis, sapientissimisque placuit, haustos animos, & delibatos habemus: cumq; omnia completa sint & re-ferta æterno sensu, & mente diuina: necesse est cognitione diuinorum animorum, animos humanos commoueri. sed uigilantes animi, uitæ necessitatibus seruiunt: distunguntq; se à societate diuina, uinculis corporis impediti. rarum est quoddam genus eorum: qui se à corpore auocent: & ad diuinarum rerum cognitionem cura omni, studioq; rapiantur. Horum sunt auguria, non diuini impetus, sed rationis humanæ. nam & natura futura præsentunt, ut aquarum fluxiones, ut deflagrationem futuram aliquando cæli, atq; terrarum. alij autem in Rep. exercitati, ut de atheniensi Solone accepimus, orientem tyrannidem multo ante prospiciunt: quos prudentes possumus dicere, id est providentes: diuinos nullo modo possumus. non plus quam milesium Thalem: qui, ut obiurgatores suos conuinceret: ostenderetq; etiam philosophum, si ei commodum esset, pecuniam facere posse: omnem oleam, antequam florere cœpisset, in agro



## DE DIVINATIONE

milesio coemisse dicitur. animaduenter at fortasse qua-  
 dam scientia, olearum ubertatem fore. Et quidem  
 idem primus defectionem solis, quæ Astyage regnan-  
 te facta est: prædixisse fertur. multa medici, multa  
 gubernatores, agricolæ etiam multa præsentunt: sed  
 nullam eorū diuinationem uoco. ne illam quidem: qua  
 ab Anaximandro physico moniti Lacædemonij sunt:  
 ut urbem, et tecta linquerent: armatiq; in agro ex-  
 cubarent: q; terræmotus instaret: tum, cum et urbs  
 tota corruit: et ex monte thaygeto, extrema montis  
 quasi puppis, auulsa est. ne Pherecides quidem ille Py-  
 thagoræ magister, potius diuinus habebitur, quàm  
 physicus: qui cum uidisset haustam aquam de iugi pu-  
 teo: terræmotus dixit instare. Nec uero unquam ani-  
 mus hominis naturaliter diuinat: nisi cum ita solutus  
 est, et uacuus: ut ei plane nihil sit cum corpore. quod  
 aut uatibus contingit: aut dormientibus. itaq; ea duo  
 genera à Dicæarcho probantur, et ut dixi, à Cra-  
 tippo nostro. si propterea, quod ea proficiuntur à  
 natura: sine summa sanè: modo ne sola. sin autem ni-  
 hil esse in obseruatione putant: multa tollunt quibus  
 uitæ ratio continetur. sed quoniam dant aliquid, idq;  
 non paruum, uaticinationes cum somnijs: nihil est  
 quod cum his magnopere pugnemus: præsertim cum  
 sint, qui omnino nullam diuinationem probent. Ergo  
 et hi quorum animi spretis corporibus euolant, atq;  
 excurrunt foras ardore aliquo inflammati, atq;  
 incitati: cernunt illa profecto, quæ uaticinantes præ-  
 nunciant: multisq; rebus inflammantur tales animi:  
 qui corporibus non inhaerent: ut hi, qui sono quo-  
 dam uocum, et phrygijs cantibus incitantur: multos

mem-  
 bene:  
 futura  
 -heu u  
 Inter de  
 Mulier  
 Eodem  
 dicta si  
 verisib  
 simile  
 quo e:  
 etiam  
 flatæ  
 natur  
 que  
 tibus:  
 omni  
 corpor  
 cum  
 tira  
 dicit  
 re i  
 gna  
 cosa  
 modo  
 expl  
 rur  
 uir  
 ad  
 at  
 di



memora, syluaq; multos, amnes, aut maria commo-  
uent: quorum furibunda mens uidet ante multo quæ  
futura sunt. quo de genere illa sunt.

» -heu uidete: iudicauit iudicium inclytum

» Inter deas tris aliquis: quo iudicio Lacedæmonia

» Mulier furiarum una adueniet. —

Eodem enim modo multa à uaticinantibus sæpe præ-  
dicta sunt: neq; solum uerbis, sed etiam

» Versibus, quos olim fauni uatesq; canebant.

similiter Martius & Publicius uates cecinisse dicuntur.  
quo ex genere Apollinis operta prolata sunt. credo  
etiam anhelitus quosdam fuisse terrarum: quibus in-  
flata mentes oracula funderent. Atq; hæc quidem  
uatum ratio est: nec dissimilis sane somniorum. nam  
quæ uigilantibus accidunt uatibus: eadē nobis dormien-  
tibus. uiget enim animus in somnis: liberq; sensibus, ab  
omni impeditioe curarum iacente & mortuo pene  
corpore, quia uixit ab omni æternitate: uersatusq; est  
cum innumerabilibus animis: omnia, quæ in na-  
tura rerum sunt, uidet: si modo temperatis escis, mo-  
dicisq; potationibus ita est affectus: ut sopito corpo-  
re ipse uigilet. hæc somniantis est diuinitas. Hic ma-  
gna quedam exoritur, neq; ea naturalis, sed artifi-  
ciosa somniorum Antiphontis interpretatio: eodemq;  
modo, & oraculorum, & uaticinationum: sunt enim  
explanatores, ut grammatici poetarum. nam ut au-  
rum, & argentum, æs, ferrum, frustra natura di-  
uina genuisset: nisi eadem docuisset quemadmodum  
ad eorum uenas perueniretur: nec fruges terræ, bac-  
cas'ue arborum cum utilitate ulla generi humano de-  
disset: nisi earum cultus, & conditiones tradidisset



## DE DIVINATIONE

materia deinde quid iuuaret? nisi confectionis eius fabricam haberemus. sic cum omni utilitate quam dii hominibus dederunt: ars aliqua coniuncta est: per quam illa utilitas percipi possit. item igitur somnijs, uaticinationibus, oraculis, quod erant multa obscura: multa ambigua: explanationes adhibitae sunt interpretum. Quomodo autem aut uates, aut somniantes ea uideant, quae nusquam etiam tunc sunt: magna quaestio est. sed explorata si sint ea: quae ante quaeri debeant: sint haec quae quaerimus facilia. continet enim totam hanc quaestionem ea ratio, quae est de natura deorum: quae a te secundo libro est explicata dilucide. quam si obtinemus: stabit illud quidem quod locum hunc continet, de quo agimus, esse deos: et eorum providentia mundum administrari: eosdemque consulere rebus humanis: nec solum uniuersis, uerum etiam singulis. haec si tenemus: quae mihi quidem non uidentur posse conuelli: profecto hominibus a dijs futura significari necesse est. sed distinguendum uidetur quonam modo. Nam non placet stoicis singulis iecorum fissis, aut auium cantibus interesse deum. neque enim decorum est: nec dijs dignum: nec fieri ullo pacto potest. sed ita a principio inchoatum esse mundum: ut certis rebus certa signa praecurrerent, alia in extis, alia in auibus, alia in fulguribus, alia in ostentis, alia in stellis, alia in somniantium uisis, alia in furentium uocibus. ea quibus bene percepta sunt: hi non saepe falluntur. male coniecta, maleque interpretata, falsa sunt, non rerum uicio, sed interpretum inscientia. hoc autem posito, atque concesso, esse quandam uim diuinam hominum uitam continentem: non difficile est, quae fieri



que fieri certe uidemus, ea qua ratione fiant suspiciari. Nam & ad hostiam deligendam potest dux esse uis quedam sentiens: que est toto confusa mundo. & tum ipsum, cum immolare uelis, extorum fieri mutatio potest: ut aut absit aliquid: aut supersit. paruis enim momentis multa natura aut affingit: aut mutat: aut detrahit. quod ne dubitare possimus, maximo est argumento, quod paulo ante interitum Cesaris contigit: qui cum immolaret illo die quo primum in sella aurea sedit: & cum purpurea ueste processit: in extis bouis opimi cor non fuit. num igitur censes uolum animal, quod sanguinem habet, sine corde esse posse? qua ille rei nouitate percussus, cum Spurinna diceret, timendum esse ne consilium, & uita deficeret: earum enim rerum utrunq; a corde proficisci: postero die caput in iecore non fuit. que quidem illi portendebantur a dijs immortalibus: ut uidet interitum: non ut caueret. cum igitur hæ partes in extis non reperiuntur: sine quibus uictima illa uiuere nequisset: intelligendū est in ipso immolationis tempore eas partes, que absint, interiisse. eademq; efficit in auibus diuina mens: ut tum huc, tum illuc uolent alites: tum in hac, tum in illa parte se occultent: tum a dextra, tum a sinistra parte canant oscines. nam si omne animal, ut uult, ita utitur motu sui corporis: prono, obliquo, supino: membraq; quo uult flectit: contorquet: porrigit: contrahit: eaq; ante efficit, pene, quam cogitat: quanto id deo est facilius? cuius numini parent omnia. idemq; mittit & signa nobis eius generis, qualia permulta historia tradidit. quale scriptum illud uidemus: si luna paulo ante solis ortum



## DE DIVINATIONE

defecisset in signo leonis: fore ut armis Darius, & Persæ ab Alexandro, & Macedonibus prælio uincerentur: Dariusq; moreretur. & si puella nata biceps esset: seditionem in populo fore: corruptelam, & adulterium domi. & si mulier leonem peperisse uisa esset: fore ut ab exteris gentibus uinceretur ea resp. in qua id contigisset. eiusdem autem generis etiam illud est, quod scribit Herodotus: Cræsi filium, cum esset infans, locutum. quo ostento regnum patris, & domum funditus concidisse. Caput arsisse Servio Tullio dormienti, quæ historia non prodidit? ut igitur qui se tradet ita quieti præparato animo tum bonis cogitationibus, tum rebus ad tranquillitatem accommodatis, certa & uera cernit in somnis: sic castus animus, purusq; uigilantis, & ad astrorum, & ad auium, reliquorumq; signorum, & ad extorum ueritatem est paratior. Hoc nimirum est illud, quod de Socrate accepimus: quodq; ab ipso in libris socraticorum sæpe dicitur: esse diuinum quiddam, quod demonion appellat: cui semper ipse paruierit, nunquam impellenti, sæpe reuocanti. Et Socrates quidem, quo quem auctorem meliorem quærimus? Xenophonti consulenti, sequeretur ne Cyrum, postea q̄ exposuit, quæ sibi uidebantur: & nostrum quidem inquit humanum est consilium: sed de rebus & obscuris, et incertis ad Apollinem censeo referendum: ad quem etiam Athenienses publice de maioribus rebus semper retulerunt. scriptum est item, cum Critonis sui familiaris oculum alligatum uidisset: quæsiuisse quid esset. cum autem ille respondisset in agro ambulanti ramulum adductum, ut remissus esset, in oculum recidisse: tum Socrates, non enim

enim  
præf  
delum  
cum ip  
quæ et  
eodem  
dem i  
incider  
que mi  
termitt  
dum n  
gnific  
damm  
enim  
causan  
consequ  
tum. Et  
qui au  
tamen  
tibus  
signu  
quod  
mibi  
est, no  
predi  
xerit  
sum  
neq  
par  
con  
fide



enim paruiſti mihi reuocanti: cum uterer, qua ſoleo,  
præſagatione diuina. Idem etiam Socrates cum apud  
deliū male pugnatum eſſet Lachete prætor: fugeretq;  
cum ipſo Lachete: ut uentum eſt in trinium: eadem  
qua cæteri fugere noluit. quibus quærentibus cur non  
eadem uia pergeret: deterreri a deo dixit. tum qui-  
dem ij, qui alia uia fugerant: in hoſtium equitatum  
inciderunt. Per multa coniecta ſunt ab Antipatro:  
quæ mirabiliter a Socrate diuinata ſunt: quæ præ-  
termittam: tibi enim nota ſunt: mihi ad commemoran-  
dum non neceſſaria. illud tamen eius philoſophi ma-  
gnificum, ac pene diuinum: qd cum impijs ſententijs  
damnatus eſſet: æquiſſimo animo ſe dixit mori. neq;  
enim domo egredienti, neq; illud ſuggeſtum, in quo  
cauſam dixerat, aſcendenti, ſignum ſibi ullum, quod  
conſueſſet, a deo quaſi mali alicuius impendentis da-  
tum. Equidem ſic arbitror: etiam ſi multa fallant eos,  
qui aut arte, aut coniectura diuinare uideantur: eſſe  
tamen diuinationem: homines autem ut in cæteris ar-  
tibus, ſic in hac poſſe falli. poteſt accidere, ut aliquod  
ſignum dubie datum, pro certo ſit acceptum: poteſt ali-  
quod latuiſſe, aut ipſum, aut quod eſſet illi contrarium.  
mihi autem ad hoc, de quo diſputo, probandum ſatis  
eſt, non modo plura, ſed pauciora diuine præſenſa, et  
prædicta reperiri. Quinetiam hoc non dubitans di-  
xerim: ſi unum aliquid ita ſit prædictum, præſen-  
ſumq;: ut cum euenerit, ita cadat ut prædictum ſit:  
neq; in eo quicquam caſu, et fortuito factum eſſe ap-  
pareat: eſſe certe diuinationem: id quod eſſet omnibus  
conſitendum. quo circa primum mihi uidetur, ut poſ-  
ſidonius facit, a deo, de quo ſatis dictum eſt: deinde



## DE DIVINATIONE

à fato, deinde à natura uis omnis diuinandi, ratioq;  
 repetenda. fieri igitur omnia fato ratio cogit fateri.  
 fatum autem id appello, quod græci εἰμαρμεν: id est  
 ordinem, seriemq; causarum, cum causa cause nexa  
 rem ex se gignat. ea est ex omni æternitate fluens ue-  
 ritas sempiterna. quod cum ita sit: nihil est factum,  
 quod non futurum fuerit: eodemq; modo nihil est fu-  
 turum: cuius non causas id ipsum efficientes natura  
 contineat. ex quo intelligitur, ut fatum sit non id quod  
 superstitiose, sed id quod physice dicitur, causa æterna  
 rerum: cur & ea quæ præterierunt facta sint: &  
 quæ instant, fiant: & quæ sequuntur, futura sint. ita  
 fit, ut & observatione notari possit, quæ res quacumq;  
 causam plerumq; consequatur: etiam si non semper.  
 nam id quidem difficile est affirmare: easdem causas  
 uerisimiles rerum futurarum cerni ab ijs, qui aut per  
 furorem eas, aut in quiete uideant. Præterea cum fato  
 omnia fiant: id quod alio loco ostendetur: si quis modo  
 talis possit esse: qui colligationem causarum omnium  
 perspiciat animo: nihil eum profecto faller. qui enim  
 teneat causas rerum futurarum: idem necesse est omnia  
 teneat, quæ futura sint. quod cum facere nemo nisi  
 deus possit: relinquendum est homini, ut signis quibus-  
 dam consequentia declarantibus, futura præsentiat.  
 non enim illa, quæ futura sunt, subito existunt: sed est  
 quasi rudentis explicatio, sic tractio temporis nihil  
 noui efficientis, & primum quicq; replicantis. quod et  
 hi uident quibus naturalis diuinitio data est: & hi,  
 quibus cursus rerum obseruando notatus est. qui & si  
 causas ipsas non cernunt: signa tamen causarum, &  
 notas cernunt: ad quas adhibita memoria, & diligen-  
 tia, ex

tia, ex  
 que a  
 signa  
 sunt eni  
 manibus  
 quæritur  
 futuris  
 ratio, e  
 lune;  
 gnori  
 to an  
 conse  
 aut,  
 id q  
 rum  
 iusma  
 auter  
 an  
 me  
 ut  
 lin  
 fit,  
 non  
 an  
 re  
 tu  
 e



tia, ex monumentis superiorum efficitur ea diuination,  
quæ artificiosa dicitur, extorum, fulgurum, ostentorū,  
signorumq; caelestium. Non est igitur, ut mirandum  
sit, ea praesentiri a diuinantibus: quæ nusquam sine-  
sunt enim omnia: sed tempore absunt. atq; ut in se-  
manibus vis inest earum rerum: quæ ex his prog-  
nuntur: sic in causis conditæ sunt res futuræ: quas esse  
futuras, aut concitata mens, aut soluta somno cernit: aut  
ratio, aut coniectura praesentit. atq; ut hi, qui solis, et  
lunæ, reliquorumq; syderum ortus, obitus, motusq; co-  
gnorunt: quo quicq; tempore eorum futurum sit, nul-  
to ante praedicunt: sic qui cursum rerum, euentorumq;  
consequentiam, diuturnitate pertractata notauerunt:  
aut semper, aut, si id difficile est: plerumq; quod si ne  
id quidem conceditur: nonnunquam certe quid futu-  
rum sit intelligunt. Atq; hæc quidem, et quædam hu-  
iusmodi cur sit diuination, ducuntur a fato. A natura  
autem alia quædam ratio est: quæ docet quanta sit  
animi vis seiuncta a corporis sensibus: quod maxi-  
me contingit, aut dormientibus, aut mente permotis.  
ut enim deorum animi sine oculis, sine auribus, sine  
lingua sentiunt inter se quid quisq; sentiat: ex quo  
fit, ut homines etiam, cum taciti optent aliquid: aut  
uoueant: haud dubitent, quin dii illud exaudiant: sic  
animi hominum, cum aut somno soluti uacant corpo-  
re: aut mente permoti per se ipsi liberi incitati mouen-  
tur: cernunt ea, quæ permisti cum corpore animi ui-  
dere non possunt. Atq; hanc quidem rationem natu-  
ræ difficile est fortasse traducere ad id genus diuina-  
tionis: quod ex arte profectum dicimus: sed tamen id  
quoq; rimatur quantum potest Possidonius: cum esse



## DE DIVINATIONE

censet in natura signa quædam rerum futurarum. uti enim Cæos acceperimus ortum atriculae diligenter quot annus solere servare: coniecturamq; capere, ut scribit Ponticus Heraclides: salubris ne, an pestilens annus futurus sit. nam si obscurior quasi caliginosa stella extiterit: pingue & concretum esse cælum: ut eius aspiratio gravis, & pestilens futura sit. sin illustris, & perlucida stella apparuit: significari cælum esse tenue, purumq; & propterea salubre. Democritus autem censet sapienter instituisse ueteres: ut hostiarum immolatarum inspicerentur exta: quorum ex habitu, atq; colore, tum salubritatis, tum pestilentiae signa percipi: nonnunquam etiam quæ sit uel sterilitas agrorum, uel fertilitas futura. quæ si à natura profecta, observatio, atq; usus agnovit: multa asferre potuit dies: quæ animadvertendo notarentur: ut ille Pacuvianus qui in chryse physicus inducitur, minime naturam rerum cognoscere uideatur.

- » Nam istis qui linguam avium intelligunt:
  - » Plusq; ex alieno iecore sapiunt quam suo:
  - » Magis audiendum q̃ auscultandum censeo.
- cur queso? cum ipse paucis interpositis uersibus dicat  
satis luulente:
- » Quicquid est hoc, omnia animat: format: alit: auget: creat:
  - » Sepelit: recipitq; in sese omnia: omniumq; idem est pater:
  - » In eundemq; eadem quæ oriuntur, de integro, atq; eodem occidunt.
- quid est igitur? cur cum domus sit omnium una, eaq; communis: cumq; animi hominum semper fuerint, futuriq;

heri q; si  
quid q;  
Hec  
munc illi  
fuit caus  
bus Appi  
hæco de  
Non uia  
Non iste  
Non em  
sed su  
Aut u  
Qui  
Qui  
pe  
De hi  
ter  
Atq;  
deos  
hui  
tro  
te,  
Q  
qua



tueriq; sint: cur ij quidem, quid ex quolibet eueniat, & quid quamq; rem significet, perspicere non possunt?

Hec habui inquit de diuinatione quæ dicerem: nunc illa testabor, non me sortilegos, neq; eos, qui quæstus causa hariolentur: nec psychomantiam quædam quibus Appius amicus tuus uti solebat, agnoscere. non habeo deniq; nauci marsum augurem,

- » Non uicinos aruspices, non de circo astrologos,
- » Non istacos coniectores, non interpretes somnium.
- Non enim sunt ij aut scientia aut arte diuini:
- » Sed superstiosi uates, impudentesq; harioli:
- » Aut inertes, aut insani, aut quibus egestas imperat:
- » Qui sibi semitam non sapiunt: læti monstrant uiam:
- » Quibus diuitias pollicentur: ab his drachmas ipsi petunt.
- » De his diuitijs sibi deducant drachmam reddant cætera.

Atq; hæc quidem Ennius: qui paucis ante uersibus esse deos censet, sed eos non curare opinatur quid agat humanum genus. ego autem, qui & curare arbitror: & monere etiam, ac multa prædicere: leuitate, uanitate, malitia, exclusa diuinationem probo. Quæ cum dixisset Quintus: præclare tu quidem inquam paratus,

Desunt pauca quedam.

o iiii



301  
M. TVLLII CICERONIS DE  
DIVINATIONE LIBER

SECUNDVS.

q Varenti mihi, multumq; & diu cogi-  
tanti, quam re possem prodesse q-  
plurimis: ne quando intermitterem  
consulere reipublicæ: nulla maior oc-  
currebat: q si optimarum artium vias  
traderem meis ciuibus: quod compluribus iam libris  
me arbitror consecutum. Nam & cohortati sumus, ut  
maxime potuimus, ad philosophiæ studium eo libro,  
qui est inscriptus Hortensius: & quod genus philoso-  
phandi minime arrogans, maximèq; & constans, &  
elegans arbitraremur, quatuor academicis libris osten-  
dimus. cumq; fundamentum esset philosophiæ positum  
in finibus bonorum, & malorum: perpurgatus est is  
locus à nobis quinque libris: ut quid à quoq; & quid  
contra quenq; philosophum diceretur, intelligi pos-  
set. totidem subsequenti libri tusculanarum disputatio-  
num, res ad beate uiuendum maxime necessarias ape-  
ruerunt. primus enim est, de contemnenda morte. se-  
cundus, de tolerando dolore. de ægritudine lenienda,  
tertius. quartus, de reliquis animi perturbationibus.  
quintus eum locum complexus est: qui totam philoso-  
phiam maxime illustrat. docet enim ad beate uiuen-  
dum, uirtutem se ipsa esse contentam. quibus rebus  
editis tres libri perfecti sunt de natura deorum: in  
quibus omnis eius loci quæstio continetur. quæ ut ple-  
ne esset, cumulateq; perfecta, de diuinatione ingressi  
sumus



sumus his libris scribere. quibus, ut est in animo, de  
fato si adiunxerimus: erit abunde satisfactum toti  
huic questioni. Atq; his libris annumerandi sunt sex  
de republica quos tunc scripsimus, cum gubernacula  
reip. tenebamus: magnus locus, philosophiæq; proprius:  
a Platone, Aristotele, Theophrasto, totaq; peripathetico-  
rum familia tractatus uberrime. Nam quid ego de  
consolatione dicam? quæ mihi quidem ipsi, sane ali-  
quantum medetur: cæteris item multum profuturam  
puto. interiectus etiam est nuper is: quem ad nostrum  
Atticum de senectute misimus. imprimisq; quoniam  
philosophia uir bonus efficitur, & fortis: Cato noster  
in horum librorum numero ponendus est. cumq; Ari-  
stoteles, itemq; Theophrastus excellentes uiri cum sub-  
tilitate, tum copia, cum philosophia dicendi etiam præ-  
cepta coniunxerint: nostri quoq; oratorij libri in eun-  
dem numerum referendi uidentur. ita tres erunt de  
Oratore: quartus Brutus: quintus Orator. Adhuc hæc  
erant. ad reliqua acriter tendebamus animo, sic parati,  
ut, nisi quæ causa grauior obstitisset: nullum philoso-  
phiæ locum esse pateremur: qui non latinis litteris il-  
lustratus pateret. quod enim munus reip. asferre ma-  
ius, meliusue possumus? q̃ si docemus, atq; erudimus  
inuentutem? his præsertim moribus, atq; temporibus:  
quibus ita prolapsa est: ut omnium opibus refrenan-  
da, atq; coercenda sit. Nec uero id effici posse confido:  
quod ne postulandum quidem est: ut omnes adolescen-  
tes se ad hæc studia conuertant. pauci utinam: quorum  
tamen in reip. late patere poterit industria. equidem  
etiam ex his fructum capio laboris mei, qui iam æta-  
te prouecti in nostris libris acquiescunt: quorum stu-



## DE DIVINATIONE

dio legendi, meum scribendi studium uehementius in  
 dies incitatur: quos quidem plures quam rebar esse cognoui.  
 magnificum illud etiam, Romanisque hominibus glorio-  
 sum: ut graecis de philosophia litteris non egeant. quod  
 assequar profecto, si instituta perfecero. Ac mihi qui-  
 dem explicandae philosophiae causam attulit grauis  
 casus ciuitatis: cum in armis civilibus nec tueri meo mo-  
 re remp. nec nihil agere poteram: nec quid potius,  
 quod quidem me dignum esset: agerem reperiēbam.  
 Dabunt igitur mihi ueniam mei ciues: uel gratia potius  
 habebunt: quod cum esset in unius potestate res publica:  
 neque ego me abdidi: neque deserui: neque afflixi: neque ita  
 gessi quasi homini aut temporibus iratus: neque ita por-  
 ro, aut adulatus, aut admiratus fortunam sum alte-  
 rius: ut me mea poeniteret. id enim ipsum a Platone,  
 philosophiaque didiceram: naturales esse conuersiones  
 quasdam rerum publicarum, ut eae tum a principibus  
 tenerentur: tum a populis: aliquando a singulis. quod  
 cum accidisset nostrae reipublicae: tum pristinis or-  
 bati muneribus, haec studia reuocare coepimus: ut et  
 animus molestus potissimum releuaretur: et prodes-  
 semus ciuibz nostris, qua re cumque possemus. in libris  
 enim sententiam dicebamus: concionabamur: philo-  
 sophiam nobis pro reip. procuratione substitutam pu-  
 tabamus. Nunc quoniam de rep. consuli coepti sumus:  
 tribuenda est opera reipublicae: uel omnis potius in ea  
 cogitatio, et cura ponenda. tantum huic studio relin-  
 quendum: quantum uacabit a publico officio et mu-  
 nere. sed haec alias pluribus. nunc ad institutam di-  
 sputationem reuertamur. Nam cum de diuinatione  
 Quintus frater ea discernisset: quae superiore libro



Scripta sunt: satisq; ambulatum uideretur: tum in  
 bibliotheca, quæ in licio est assedimus. Atq; ego ac-  
 curate tu quidem inquam Quinte, & stoice, stoico-  
 rum sententiam defendisti: quodq; me maxime dele-  
 lectat: plurimis nostris exemplis usus es: & ijs qui-  
 dem claris, & illustribus. dicendum est mihi igitur  
 ad ea, quæ sunt a te dicta: sed ita, nihil ut affir-  
 mem: quæram omnia: dubitans plerunq; & mihi  
 ipse diffidens. si enim aliquid certi haberem quod di-  
 cerem: ego ipse diuinarem: qui esse diuinationem ne-  
 go. Etenim me mouet illud, quod in primis Carneades  
 querere solebat: quarum nam rerum diuinatio esset:  
 earum ne, quæ sensibus perciperentur? at eas quidem  
 cernimus: audimus: gustamus: olfacimus: tangimus. nun-  
 quid ergo in his rebus est? quæ prouisione, aut permo-  
 tione mentis magis, quàm natura ipsa sentiamus? at  
 nescioqui ille diuinus, si oculis captus sit, ut Tyresias  
 fuit: possit quæ alba sint, quæ nigra dicere? aut si  
 surdus sit: uarietates uocum, aut modos noscere?  
 Ad nullam igitur earum rerum, quæ sensu accipiun-  
 tur: diuinatio adhibetur. atq; ne in his quidem rebus,  
 quæ arte tractantur: diuinatione opus est. & enim  
 ad ægros non uates, aut harios, sed medicos so-  
 lenus adducere. nec uero, qui tibijs, aut fidibus uti  
 uolunt, ab aruspibus accipiunt earum tractationem:  
 sed a musicis. Eadem in litteris ratio est, reliquisq;  
 rebus, quarum est disciplina. num censes eos qui diui-  
 nare dicuntur, posse respondere sol maior ne, quàm  
 terra sit? an tantus quantus uideatur? Lunaq; suo lu-  
 mine, an solis utatur? Sol luna quem motum habeat?  
 quem quinque stellæ, quæ errare dicuntur? nec hæc



## DE DIVINATIONE

qui diuini habentur, profitentur se esse dicturos: nec eorum, quæ in Geometria describuntur: quæ uera, quæ falsa sint. sunt enim ea mathematicorum non huiolorum. de illis uero rebus, quæ in philosophia uersantur: nunquid est quod quisquam diuinorum, aut respondere soleat, aut consuli, quid bonum sit? quid malum? quid neutrum? sunt enim hæc propria philosophorum. quid de officio? num quis aruspiciem consulit, quemadmodum sit cum parentibus, cum fratribus, cum amicis, uiuendum? quemadmodum utendum pecunia? quemadmodum honore? quemadmodum imperio? ad sapientes hæc, non ad diuinos referri solent. quid quæ a Physicis, aut dialecticis tractantur: num quis eorum diuinare potest? unus ne mundus sit? an plures? quæ sint initia rerum: ex quibus nascuntur omnia? Physicorum est ista prudentia. quomodo autem mentientem dissoluas: quem pseudomenon uocant? aut quemadmodum sortiti resistas: quem si necesse sit latino uerbo liceat acrualem appellare? sed nihil opus est. ut enim ipsa philosophia & multa uerba græcorum, sic sortites satis latino sermone tritus est. ergo hæc quoque dialectici dicunt, non diuini. quid? cum quaeritur qui sit optimus reip. status: quæ leges, qui mores, aut utiles, aut inutiles: aruspices ne ex æthiopia acersentur? an principes statuent, & delecti uiri, periti rerum ciuilium? quod si nec earum rerum, quæ subiectæ sensibus sunt, ulla diuinationo est: nec earum, quæ artibus continentur: nec earum, quæ in philosophia differuntur: nec earum, quæ in rep. uersantur: quarum rerum sit nihil prorsus intelligo. nam aut omnium debet esse: aut aliqua ei



materia danda est : in qua uersari possit . sed nec omnium diuination est : ut ratio docuit : nec locus , nec materia inuenitur , cui diuinationem præficere possimus . uide igitur ne nulla sit diuination . est quidem græcus in hanc sententiam uersus .

- 20 Bene qui coniunct , uatem hunc perhibeto optimum . num igitur aut quæ tempestas impendat , uates melius coniunct , quàm gubernator ? aut morbi naturam acutius , quàm medicus ? aut belli administrationem prudentius , quàm imperator , coniectura assequetur ? sed animaduerti Quinte , te caute , & ab ijs coniecturis quæ haberent artem aut prudentiam , ab ijs rebus , quæ sensibus aut artificijs perciperentur , abducere diuinationem : eamq; ita diffinire : diuinationem esse earum rerum prædictionem , & præsensioem : quæ essent fortuitæ . Primum eodem reuolueris . nam & medici , & gubernatoris , & imperatoris præsensio est rerum fortuitarum . num igitur aut aruspex , aut augur , aut uates quis , aut somnians , melius coniecerit , aut ex morbo euasurum ægrotum ? aut ex periculo nauem ? aut ex insidijs exercitum ? quàm medicus , & gubernator , quàm imperator ? Atqui ne illa quidem diuinantis esse dicebas : uentos , aut imbres impendentes quibusdam præsentire signis in quo nostra quædam Aratea memoriter à te pronunciata sunt . Et si hæc ipsa fortuita sunt : plerumq; enim , non semper eueniunt . quæ est igitur , aut ubi uersatur fortuitarum rerum præsensio ? quam diuinationem uocas . quæ enim præsentiri aut arte , aut ratione , aut usu , aut coniectura possunt : ea non diuinis tribuenda putas : sed peritis . ita relinquitur , ut ea fortuita diuinari



## DE DIVINATIONE

possint: quæ nulla nec arte, nec sapientia provideri possunt: ut si quis M. Marcellum illum, qui ter consul fuit, multis annis ante, dixisset naufragio esse periturum: divinasset profecto. nulla enim arte alia nec sapientia id scire potuisset. talium ergo rerum, quæ in fortuna posita sunt, præsensio divinatio est. potest ne igitur earum rerum, quæ nihil habent rationis, quare futuræ sint: ulla esse præsensio? quid est enim aliud fors? quid fortuna? quid casus? quid euentus? nisi cum sic aliquid cecidit, sic euenit: ut uel non cadere, atq; euenire, uel aliter cadere, atq; euenire potuerit? quomodo ergo id, quod temere fit cæco casu, & uolubilitate fortunæ: præsentiri, & prædicti potest? medicus morbum ingrauescentem ratione promidet: insidias imperator: tempestates gubernator: tamen hi ipsi sæpe falluntur, qui nihil, sine certa ratione opinantur. ut agricola cum florem oleæ uidet: bacam quoq; se uisurum putat. non sine ratione ille quidem. sed nonnunquam tamen fallitur. quod si falluntur ij, qui nihil sine aliqua probabili coniectura, ac ratione dicunt: quid existimandum est de coniectura eorum? qui extis, aut auibus, aut ostentis, aut oraculis, aut somnijs, futura præsentunt? Nondum dico, quàm hæc signa nulla sint: fissum iecoris, corui cantus, uolatus aquilæ, stellæ traiectio, uoces furentium, sortes, somnia: de quibus singulis dicam suo loco, nunc de uniuersis. qui potest provideri, quicquam futurum esse? quod neq; causam habet ullam, neq; notam cur futurum sit? Solis defectiones, itemq; lunæ prædicuntur in multos annos, ab his qui syderum cursus, & motus numeris persequuntur. ea enim prædicunt quæ

natura  
tissimo  
inacur  
eandem  
dicta sol  
faret: qu  
tempore  
nisi, aut  
quam r  
uerit  
quæritu  
rum?  
aliqua  
casu fi  
tam co  
tina: ut  
fiat qu  
certe ill  
est aut  
præse  
fime  
dicit  
quam  
si enim  
rei: nisi  
turum  
blate  
reru  
quæ  
&  
met



naturæ necessitas perfectura est . uident ex constan-  
tissimo motu lunæ , quando illa è regione solis facta  
incurrit in umbram terræ: quæ est meta noctis : ut  
eam obscurari necesse sit : quandoq; eadem luna su-  
biecta soli atq; opposita nostris oculis eius lumen ob-  
scuret: quo in signo quæq; errantium stellarum, quoq;  
tempore futura sit : qui exortus quoq; die signi ali-  
cuius, aut qui occasus futurus sit . hæc qui ante dicunt,  
quam rationem sequantur uides : qui thesaurum in-  
uenturum, aut hereditatem uenturam dicunt quid se-  
quuntur? aut in qua rerum natura , inest id futu-  
rum? quod si ea , quæ sunt eiusdem generis , habent  
aliquam talem necessitatem : quid est tandem , quod  
casu fieri , aut forte fortuna putemus ? nihil enim est  
tam contrarium rationi , & constantiæ , quàm for-  
tuna: ut mihi, ne in deum quidem cadere uideatur, ut  
sciat quid casu , & fortuito futurum sit . si enim scit:  
certe illud eueniet . sin certe eueniet: nulla fortuna est .  
est autem fortuna . rerum igitur fortuitarum nulla est  
præsensio . aut si negas esse fortunam : & omnia quæ  
fiunt , quæq; futura sunt , ex omni æternitate diffinita  
dicis esse fataliter : muta diffinitionem diuinationis:  
quam dicebas præsensioem esse rerum fortuitarum .  
si enim nihil fieri potest : nihil accidere : nihil eueni-  
re: nisi quod ab omni æternitate certum fuerit esse fu-  
turum rato tempore: quæ potest esse fortuna? qua su-  
blata, qui locus est diuinationi? quæ a te fortuitarum  
rerum est dicta præsensio? quanquam dicebas, omnia  
quæ fierent, futura uel essent, fato contineri . anile sanè,  
& plenum superstitionis fati nomen ipsum . sed ta-  
men apud stoicos de isto fato multa dicuntur . de quo



## DE DIVINATIONE

alias: nunc quod necesse est. Si omnia fato: quid mihi  
divinatio prodest? quod enim is, qui divinat prædicat:  
id uero futurum est. ut ne illud quidem sciam quale  
sit, quod Deiotarum familiarem nostrum ex itinere  
aquila reuocauit. qui nisi reuertisset, in eo conclauis ei  
cubandum fuisset: quod proxima nocte corruit. ruina  
igitur oppressus esset. at id, neque si fatum fuerat, effugis-  
set: nec si non fuerat, in eum casum incidisset. quid  
ergo adiuvat divinatio? aut quid est? quod me mo-  
ueant aut sortes? aut exta? aut ulla prædictio? si enim  
fatum fuit classes populi romani bello punico primo  
alteram naufragio, alteram à poenis depressam inte-  
riri: etiam si tripudium solistimum pulli fecissent  
L. Iunio, & P. Clodio consu. classes tamen interissent.  
sin cum auspicijs obtemperatum esset: interiturae classes  
non fuerunt: non interierunt fato. multis autem omnia  
fato. nulla igitur est divinatio. quod si fatum fuit bel-  
lo punico secundo, exercitum populi romani ad lacum  
thrasimenum interiri: num id mutari potuit, si Flami-  
nius consul his signis, hisq; auspicijs, quibus pugnare  
prohibebatur, paruisset? certe potuit. aut igitur non fa-  
to interijt exercitus: mutari enim fata non possunt: aut  
si fato: quod certe uobis ita dicendum est: etiam si ob-  
temperasset auspicijs, idem euenturum fuisset. ubi est  
igitur divinatio ista stoicorum? quæ si fato omnia fi-  
unt: nihil nos admonere potest, ut cautiore simus.  
quoquo enim modo nos gesserimus: fiet tamen illud  
quod futurum est. sin autem id potest flecti: nullum  
est fatum. ita ne divinatio quidem: quoniam ea rerum  
futararum est. nihil autem est pro certo futurum, quod  
potest aliqua procuracione accidere ne fiat. Atq; ego  
ne utilem



ne utilem quidem arbitror esse nobis futurarum rerum scientiam. quæ enim vita fuisset Priamo? si ab adolescentia scisset quos euentus senectutis esset habiturus? abeamus à fabulis: propiora uidemus. clarissimorum hominum nostræ ciuitatis grauissimos exitus in consolatione collegimus. quid igitur? ut omittamus superiores: M. ne Crasso putas utile fuisse? tum cum maximus opibus, fortunisque florebat: scire, sibi interfecto P. filio, exercituque deleto, trans Euphratem cum ignominia, & dedecore esse pereundum? an Gn. Pompeium censes tribus suis consulatibus, tribus triumphis, maximarum rerum gloria, lætaturum fuisse? si scisset se in solitudine ægyptiorum trucidatum iri amisso exercitu? post mortem uero ea consecutura: quæ sine lachrymis non possumus dicere? quid uero Cæsarem putamus? si diuinasset, fore ut in eo senatu, quem maiore ex parte ipse cooptasset, in curia pompeiana, ante ipsius Pompei simulacrum, tot centurionibus suis inspectantibus, à nobilissimis ciuibus, partim etiam à se omnibus rebus ornatis, trucidatus ita iaceret: ut ad eius corpus non modo amicorum, sed ne seruorum quidem quisquam accederet: quo cruciatu animi uitam acturum fuisse? certe igitur ignoratio futurorum malorum utilior est quam scientia. Nam illud quidem dici, præsertim à stoicis, nullo modo potest: non isset ad arma Pompeius: non transisset Crassus Euphratem: non suscepisset bellum civile Cæsar. non igitur fatales exitus habuerunt. multis autem euenire omnia fato. nihil ergo profuisset illis diuinare. atque etiam omnem fructum uitæ superioris perdidissent. quid enim possit his esse lætum, exitus suos



## DE DIVINATIONE

agitantibus? ita quoque se uerterint stoici: idcirco necesse est omnis eorum solertia. si enim id quod euenturum est, uel hoc uel illo modo potest euenire: fortuna ualet plurimum. quæ autem fortuita sunt certa esse non possunt. si autem certum est, quid quaque de re, quoque tempore futurum sit: quid est quod me adiuuent aruspices? cum res tristissimas portendi dixerint? Addunt ad extremum, omnia leuius casura rebus diuinis procuratis. si enim nihil fit extra fatum: nihil leuare diuination potest. hoc sentit Homerus: cum querentem Iouem inducit, quod Sarpedonem filium a morte contra fatum eripere non posset. hoc idem significat græcus ille in eam sententiam uersus.

- Quod fore paratum est id summum exuperat Iouē. totum omnino fatum, etiam Atellanio uersu iure mihi esse irrisum uidetur. sed in rebus tam seueris, non est iocandi locus. concludatur ergo ratio. Si enim prouideri nihil potest futurum esse, eorum, quæ casu fiunt: quia esse certa non possunt: diuination nulla est. si autem ita prouideri possunt: quia certa sunt et fatalia: rursus diuination nulla est. eam enim tu fortuitarum rerum esse dicebas. Sed hæc fuerit nobis tanquam læuis armaturæ prima orationis excursio. nunc cominus agamus. experiamur itaque, si possimus, cornua commouere disputationis tuæ. duo enim genera diuinandi esse dicebas: unum artificiosum: alterum naturale. artificiosum constare partim ex coniectura: partim ex observatione diuturna. naturale, quod animus arriperet, aut exciperet extrinsecus ex diuinitate: unde omnes animos haustos, aut acceptos, aut libatos haberemus. artificiosæ diuinationis illa fere ge-

nec



nera ponebas extispicum, eorumq; qui ex fulguribus, ostentisq; prædicerent: tum augurum, eorumq; qui signis, aut ominibus uterentur: omneq; genus coniecturale in hoc fere genere ponebas. illud autem naturale, aut concitatione mentis edi, & quasi fundi uidebatur: aut animo per somnam sensibus & curis uacuo provideri. duxisti autem diuinationem omnem à tribus rebus: à deo: à fato: à natura. sed tamen cum explicare nihil posses: pugnasti commentitiorum exemplorum mirifica copia. de quo primo hoc libet dicere. hoc ego philosophi non arbitror, testibus uti: qui aut casu ueri, aut malitia falsi, fictiq; esse possunt. argumentis & rationibus oportet quare quicq; ita sit docere, non euentis: his præsertim, quibus mihi liceat non credere. ut ordiar ab aruspina: quam ego reip. causa, communisq; religionis colendam censeo. sed solus sumus: licet uerum exquirere sine inuidia: mihi præsertim de plerisq; dubitanti: inspiciamus si placet exta primum. Persuaderi igitur cuiquam potest? ea quæ significari dicuntur extis, cognita esse ab aruspibus observatione diuturna? & quàm diuturna ista fuit? aut quàm longinquo tempore observari potuit? aut quomodo est collata inter ipsos, quæ pars inimici, quæ pars familiaris esset? quod fissum periculum, quod commodum aliquod ostenderet? an hæc inter se aruspices æthrusci, Elei, ægyptij, poeni, contulerunt? at id, præterq; quod fieri non potuit: ne fingi quidem potest. alios enim alio more uidemus exta interpretari: nec esse unam omnium disciplinam. Et certe, si est in extis aliqua uis, quæ declaret futura: necesse est eam aut cum rerum natura esse coniunctam: aut confor-



## DE DIVINATIONE

mari quodammodo numini deorum. atqui diuina cum rerum natura tanta, tamq; præclara in omnes partes, motusq; diffusa, quid habere potest commune? non dicam gallinaceum fel: sunt enim qui uel argutissima hæc exta esse dicant: sed tauri opimi iecur, aut cor, aut pulmo, quid habet naturale? quod declarare possit quid futurum sit? Democritus tamen non inscite nungatur ut Phyliscus: quo genere nihil arrogantius.

» Quod est ante pedes nemo spectat: cæli scrutantur plagas.

uerum is tamen habitu extorum, et colore declarari censet, hoc duntaxat, pabuli genus, et earum rerum, quas terra procreet, uel ubertatem, uel tenuitatem: salubritatem etiam, aut pestilentiam extis significari putat. O mortalem beatum, cui certe scio iudicium nunquam defuisse. hucine hominem tantis delectatum esse nugis? ut non uideret, tum futurum id uerisimile somnium: cum pecudum exta eodem tempore, in eundem habitum se, coloremq; conuerterent. sed si eadem hora, aliae pecudis iecur nitidum, atq; plenum est: aliae horridum et exile: quid est quod declarari possit habitu extorum, et colore? an hoc eiusdem modi est, quale pherecideum illud, quod est ante dictum? qui cum aquam uidisset ex puteo haustam, terræ motum dixit futurum. parum credo impudenter, quod cum factus esset motus, dicere audent quæ uis id effecerit. etiam ne futurum esse aquæ iugis colore præsentunt? multa istiusmodi dicuntur in scholis: sed credere omnia uide ne non sit necesse. uerum sint sane ista democritea uera: quando ea nos extis exquirimus? aut quando aliquid eiusmodi ab aruspice inspectus



et inspectis extis audiuius: ab aqua, aut ab igni pericula monent: tum hereditates, tum damna denunciant: fissum familiare, & vitale tractant: caput iecoris ex omni parte diligentissime considerat. si uero id non est inuentum: nihil putant accidere potuisse tristius. hæc obseruari certe non potuerunt, ut supra docui. sunt igitur artis inuenta, non uetustatis: si est ars ulla rerum incognitarum. Cum rerum autem natura quam cognationem habent? quæ ut uno consensu iuncta sit, & continens: quod uideo Phisicis placuisse: eisq; maxime, qui omne quod esset, unum esse dixerunt: quid habere mundus potest cum thesauri inuentione coniunctum? Si enim extis pecunie mihi amplificatio ostenditur: idq; fit natura: primum exta sunt coniuncta mundo: deinde meum lucrum natura rerum continetur. non ne pudet philosophos hæc dicere? ut enim iam sit aliqua in natura rerum cognatio: quam esse concedo: multa autem stoici colligunt. nam & musculorum iecuscula bruma dicuntur augeri: & puleium aridum florescere ipso brumali die: & inflatas rumpi uesticulas: & semina malorum, quæ in his medijs inclusa sine, in contrarias partes se uertere. iam nervos in fidibus alijs pulsus resonare alios: ostreisq; & conchilijs omnibus contingere, ut cum luna crescant pariter, pariterq; decrescant: arboresq; ut hyemali tempore, cum luna simul senescentes, quia tum exsiccatae sint, tempestuæ cadi putentur. quid de fretis, aut de marinis aestibus plura dicam? quorum accessus & recessus lunæ motu gubernantur. sexcenta licet eiusmodi proferri: ut distantium rerum cognatio naturalis appa-



## DE DIVINATIONE

reat. demus hoc. nihil enim huic disputationi adue-  
 satur. num etiam si fissum cuiusdammodi fuerit in  
 iecore, lucrum ostenditur? qua ex cognatione naturæ,  
 Et quasi concentu, atq; consensu, quam sympathyam  
 græci appellant: convenire potest aut fissum iecoris  
 cum lucello meo? aut meus quæsticulus cum cælo, ter-  
 ra, rerumq; natura? Concedam hoc ipsum si vis: Et  
 si magnam iacturam causæ fecero: si ullam esse con-  
 convenientiam naturæ cum extis concessero. sed tamen eo  
 concesso: qui euenit, ut is, qui impetrare uelit, conue-  
 nientem hostiam rebus suis immolet? hoc erat quod  
 ego non rebar posse dissolui. at q̄ festiue dissoluitur.  
 pudet me non tui quidem, cuius etiam memoriam ad-  
 miror: sed Chrysippi, Antipatri, Possidonij: qui idem  
 istuc quidem dicunt, quod est dictum a te. ad ho-  
 stiam deligendam ducem esse uim quandam sentien-  
 tem atq; diuinam: quæ toto confusa mundo sit. Illud  
 uero multo etiam melius, quod Et a te usurpatum est:  
 Et dicitur ab illis: cum immolare quispiam uelit: tum  
 fieri extorum mutationem, ut absit aliquid, aut super-  
 sit. deorum enim numini parere omnia. hæc mihi iam  
 crede, ne aniculæ quidem existimant. an censes eun-  
 dem uitulum, si alius delegerit: sine capite iecur in-  
 uenturum? si alius, cum capite? hæc decessio capitis,  
 aut accessio, subito ne fieri potest? ut se exta ad im-  
 molantis fortunam accommodent? non perspicitis aliā  
 quandam inesse uim hostijs deligendis: præsertim  
 cum res ipsa doceat. cum enim tristissima exta sine ca-  
 pite fuerunt: quibus nihil uidetur esse dirius: proxima  
 hostia litatur sæpe pulcherrime. ubi illæ minæ supe-  
 riorum extorum? aut quæ tam subita facta est deo-

rum



¶ Cum tanta placatio? Sed affers in tauri optimi extis  
immolante Cesare cor non fuisse. id quia non potue-  
rit accidere: ut sine corde uictima illa uiueret: iudican-  
dum esse tum interisse cor cum immolaretur. qui sit ut  
alterum intelligas, sine corde non potuisse bonem ui-  
uere? alterum non uideas? cor subito non potuisse ne-  
scio quo auolare? ego enim possum uel nescire quæ  
uis sit cordis ad uiuendum: uel suspicari contactum  
aliquo morbo bonis exile, & exiguum, & uietum cor,  
& dissimile cordis fuisse. tu uero quid habes, quare  
putes, si paulo ante cor fuerit in tauro opimo: subito  
id in ipsa immolatione interisse? an quod aspexit ue-  
stra purpureo excordem Casarem: ipse corde priua-  
tus est? urbem philosophiæ mihi crede proditis: cum  
castella defenditis. nam dum aruspiciam ueram esse  
uultis: physiologiam totam peruertitis. caput est in ie-  
core: cor in extis. iam abscedet, simulac molam, &  
uinum insperferis. deus id eripiet: uis aliqua confi-  
ciet: aut exedet. non ergo omnium interitus atq; obitus  
natura conficiet: & erit aliquid quod aut ex nihilo  
oriatur: aut in nihilum subito occidat. quis hoc physi-  
cus dixit unquam? aruspices dicunt. his igitur quam  
physicis potius credendum existimas? quid cum plu-  
ribus dijs immolatur: qui tandem euenit, ut litetur  
alijs? alijs non litetur? quæ autem inconstantia deo-  
rum est? ut primis minentur extis? bene promittane  
secundis? aut tanta inter eos dissensio, sepe etiam in-  
ter proximos? ut Apollinis exta bona sint? Diana  
non bona? quid est tam perspicuum? q̃ cum fortuita  
hostiæ adducantur: talia cuiq; exta esse: qualis cuiq;  
obtigerit hostia? Atenim id ipsum habet aliquid di-



## DE DIVINATIONE

*mini: quæ cuiq; hostia obtingat: tanquam in sortibus  
 quæ cui ducatur. mox de sortibus. quanquam tu qui-  
 dem non hostiarum casum confirmas sortium simili-  
 tudine: sed infirmas sortes collatione hostiarum. an-  
 cum in equimelum misimus qui afferat agnum,  
 quem immolemus: is mihi agnus offertur: qui ha-  
 bet exta rebus accommodata? Et ad eum agnum  
 non casu, sed duce deo servus deducitur? nam si ca-  
 sum in eo quoq; dicis esse, quasi sortem quandam cum  
 deorum voluntate coniunctam: doleo tantam stoicos  
 nostros epicureis irridendi sui facultatem dedisse.  
 non enim ignoras q̄ ista derideant. Et quidem illi  
 facilius facere possunt. deos enim ipsos iocandi causa  
 induxit Epicurus perlucidos, et perslabiles, et ha-  
 bitantes tanquam inter duos lucos, sic inter duos mun-  
 dos propter metum ruinarum: eosq; habere putat ea-  
 dem membra quæ nos: nec ullum usum habere mem-  
 brorum. Ergo is circuitione quadam deos tollens, recte  
 non dubitat divinationem tollere. sed non ut hic sibi  
 constat: item stoici. illius enim deus nihil habens nec  
 sui, nec alieni negocij, non potest hominibus diuina-  
 tionem impertire. uester autem deus potest non im-  
 pertire, ut nihilominus mundum regat, et hominibus  
 consulat. cur igitur uos inducitis in eas captiones: quas  
 nunquam explicetis? ita enim cum magis properant  
 concludere solent. si dij sunt est divinatio: sunt autem  
 dij: est ergo divinatio. multo est probabilius: non est  
 autem divinatio: non sunt ergo dij. uide q̄ temere com-  
 mittant: ut si nulla sit divinatio: nulli sint dij. divinatio  
 enim perspicue tollitur: deos esse retinendum est. Atq;  
 hac extispicum divinatione sublata, omnis aruspicina  
 sublata*



sublata est. ostenta enim sequuntur, & fulgura: ualet  
 autem in fulguribus observatio diurna: in ostentis,  
 ratio, plerumque coniectura adhibetur. Quid est igitur  
 quod observatum sit in fulgure? cælum in XVI par=  
 tes diuiserunt æthrusci. facile id quidem fuit, quatuor,  
 quas nos habemus, duplicare, post idem iterum face=  
 re: ut ex eo dicerent fulmen qua ex parte uenisset.  
 primum id quid interest? deinde quid significat?  
 nonne perspicuum est, ex prima admiratione homi=  
 num, quod tonitrua, iactusque fulminum extimuisse:  
 credidisse ea efficere rerum omnium præpotentem  
 Iouem? itaque in nostris commentarijs scriptum habe=  
 mus, Ioue tonante, fulgurante, comitia populi habe=  
 re nefas. hoc fortasse reip. causa constitutum est. comi=  
 tiorum enim non habendorum causas esse uoluerunt.  
 itaque comitiorum solum uicium est fulmen: quod idem  
 omnibus rebus optimum auspiciū habemus: si sini=  
 strum fuerit. sed de auspicijs alio loco. nunc de fulgu=  
 ribus. quid igitur minus a physicis dici debet: quam  
 quicquam certi significari rebus incertis? non enim te  
 puto esse eum, qui Ioui fulmen fabricatos esse Cyclopa  
 in æthna putes. nam esset mirabile quo modo Iupiter  
 toties iaceret, cum unum haberet. nec uero fulminibus  
 homines quid aut faciendum esset, aut cauendum mo=  
 neret. Placet enim stoicis, eos anhelitus terræ, quod frigidi  
 sint, cum fluere cœperint, uentos esse. cum autem se  
 in nubem induerint: eiusque tenuissimam quamque par=  
 tem cœperint diuidere, atque disrumpere: idque cre=  
 brius facere, & uehementius: tum & fulgures,  
 & tonitrua existere. si autem nubium conflictu ar=  
 dor expressus se emisserit: id esse fulmen. quod igitur



## DE DIVINATIONE

ui naturæ, nulla constantia, nullo rato tempore uide-  
mus effici: ex eo significationem rerum consequentium  
querimus? salicet si ista Iuppiter significaret: tam  
multa frustra fulmina emitteret. quid enim proficit:  
cum in medium mare fulmen iccit? quid cum in al-  
tissimos montes? quod plerumq; fit. quid cum in de-  
sertas solitudines? quid cum in earum gentium oras?  
in quibus hæc ne observantur quidem? At inuentum  
est caput in Tyberi. quasi ego artem aliquam istorum  
esse negem. diuinationem nego. cæli enim distributio,  
quam ante dixi, & certarum rerum notatio, docet  
unde fulmen uenerit: quo concesserit. quid significet  
autem nulla ratio docet. Sed urges me meis uersibus.

- » Nam pater altitans stellanti nixus Olympo.
- » Ipse suos quondam tumultos, ac templa petiuit:
- » Et capitolinis iniecit sedibus ignes.

Tum statuam Nattæ tum simulacra deorum, Ro-  
mulusq; , & remus cum altrice belua, ut fulminis  
ictu conciderint: deq; his rebus aruspicum extiterint  
responsa uerissima. mirabile autem illud: quod eo ipso  
tempore, quo fieret indicium coniurationis in senatu:  
signum Iouis, biennio postquam erat locatum in capi-  
tolio collocabatur. tu igitur animum induces (sic enim  
mecum agebas) causam istam & contra facta tua, &  
contra scripta defendere? frater es. eo uereor. uerum  
quid tibi hic tandem nocet? res ne quæ talis est? an  
ego qui uerum explicari uolo? itaq; nihil contradico:  
a te rationem totius aruspiciinæ peto. sed te mirificam  
in latebram coniecasti. Quod enim intelligeres fore ut  
premerem te: cum ex te causam uniuscuiusq; diuinationis  
exquirerem: multa uerba fecisti: te cum res uideres,



rationem causamq; non querere: quid fieret non cur  
 fieret ad rem pertinere: quasi ego aut fieri concede-  
 rem: aut esset philosophi causam cur quicq; fieret non  
 querere. Et eo quidem loco & prognostica nostra  
 pronunciabas & genera herbarum scammoneam,  
 Aristolochiamq; radicem: quarum causam ignoras  
 res: uim & effectum uideres. dissimule totum. nam  
 & prognosticorum causas persecuti sunt & Boeotus  
 stoticus, qui est ante nominatus, & noster etiam Possi-  
 donius. & si causae non reperiantur istarum re-  
 rum: res tamen ipsae observari animaduertiq; possunt.  
 Nattæ uero statua, aut æra legum de cælo tacta, quid  
 habet obseruatum, ac uetustum? Pinnarij Nattæ no-  
 biles. à nobilitate igitur periculum. hoc tam callide  
 Iupiter cogitauit. Romulus lactens fulmine ictus. urbi  
 igitur periculum ostenditur, ei quam ille condidit.  
 Quam scite per notas nos certiores facit Iupiter? At  
 eodem tempore signum ionis collocabatur: quo coniu-  
 ratio indicabatur. & tu scilicet maioris numine deo-  
 rum id factum, quam casu arbitrari? & redem-  
 ptor, qui columnam illam de Cotta & de Torquato  
 conduxerat faciendam: non inertia, aut inopia tar-  
 dior fuit? sed à dijs immortalibus ad istam horam  
 seruatus est? non equidem plane despero ista esse ue-  
 ra: sed nescio: & discere à te uolo. Nam cum mi-  
 hi quædam casu uiderentur sic euenire: ut prædicta  
 essent à diuinantibus: dixisti multa de casu: ut ue-  
 nerium iaci posse casu, quattuor talis iactis: quadrin-  
 gentis, centum uenerios non posse casu consistere. Pri-  
 mum nescio cur non possint. sed non pugno. abun-  
 das enim similibus. habes & resperionem pigmen-



## DE DIVINATIONE

torum, & rostrum suis, & alia permulta. idem carneadem fingere dicis de capite panisci. quasi non potuerit id euenire casu: & non in omni mar- more necesse sit inesse, uel praxitelia capita. illa enim ipsa efficiuntur detractio: nec quicquam illuc af- fertur à Praxitele: sed cum multa sunt detracta: & ad liniamenta oris peruentum est: tum intelligas illud, quod iam expolitum sit, intus fuisse. potest igitur tale aliquid etiam sua sponte in lapidicinis chiorum ex- titisse. sed sit hoc fictum: quid? in nubibus nun- quid animaduertisti leonis formam? aut hyppocen- tauri? potest igitur, quod modo negabas, ueritatem ca- sus imitari. Sed quoniam de extis & fulguribus sa- tis est disputatum: ostenta restant: ut tota aruspicina sit pertractata. Mulæ partus prolatus est à te: res mirabilis, propterea quia non sæpe fit: sed si fieri non potuisset: facta non esset. Atq; hoc contra omnia ostenta ualeat: nunquam, quod fieri non potuerit, esse factum: sin potuerit: non esse mirandum. causarum enim ignoratio in re noua mirationem facit: eadem ignoratio si in rebus usitatis est: non miramur. nam qui mulam peperisse miratur: is quo modo equa pa- riat, aut omnino quæ natura partum animantis faci- at ignorat: sed quod crebro uidet, non miratur etiam si cur fiat nescit: quod autem non uidit: id si euenierit ostentum esse censet. utrum igitur cum conceperit mu- la, an cum peperit, ostentum est? conceptio contra na- turam fortasse: sed partus prope necessarius. sed quid plura? ortum uideamus aruspicinæ: sic facillime quid habeat authoritatis iudicabimus. Tages quidam dicitur in agro Tarquiniensi, cum terra araretur: &



fulcus altius esset impressus: extitisse repente: & eum affatus esse, qui arabat. is autem Tages ut in libris est æthruscorum puerili specie dicitur uisus: sed senili fuisse prudentia: eius aspectu cum obstupisset bubulcus: clamoremq; maiorem cum admiratione edidisset: concursum esse factum: totamq; breui tempore in eum locum æthuriam conuenisse. tum illum plura locutum multis audientibus: qui omnia eius uerba exceperint: litterisq; mandauerint. omnem autem orationem fuisse eam: qua aruspiciarum disciplina contineretur. eam postea creuisse rebus nouis cognoscendis, & ad eadem illa principia referendis. Hæc accepimus ab ipsis: hæc scripta conseruant: hunc fontem habent disciplinæ. num ergo opus est ad hæc refellenda Carneade? num Epicuro? est ne quisquam ita despicies? qui credat exaratum esse, deum dicam, an hominem? si deum: cur se contra naturam in terram abdiderit? ut patefactus aratro lucem aspiceret? quid? idem non ne poterat deus hominibus disciplinam superiore ex loco tradere? si autem homo ille Tages fuit: quo nam modo potuit terra oppressus uiuere? unde porro illa potuit, quæ docebat alios, ipse didicisse? sed ego insipientior, quàm illi ipsi, qui ista credunt: qui quidem contra eos tam diu disputem. Vetus autem illud Catonis admodum scitum est: qui mirari se aiebat: quod non rideret aruspex, aruspicem cum uidisset. quota enim quæq; res euenit prædicta ab his? aut si euenit quippiam: quid afferri potest cur non casu id euenierit? Rex Prusias, cum Annibali apud eum exulanti pugnare placeret: negabat se audere: quod extra prohiberent. an tu inquit caruncula uitulinæ manis,



## DE DIVINATIONE

quàm imperatori ueteri credere? quid? ipse Cæsar, cum à summo aruspice moneretur, ne in Africam ante brumam transmitteret: non ne transmisit? quod ni fecisset: unum in locum omnes aduersariorum copie conuenissent. quid ego aruspicum responsa commemorem (possum equidem innumerabilia) quæ aut nullos habuerunt exitus, aut contrarios? hoc ciuili bello, dij immortales quàm multa luserunt? quæ nobis in Græciam Roma responsa aruspicum missa sunt? quæ dicta Pompeio? etenim ille admodum extis, et ostentis mouebatur. non lubet commemorare, nec uero necesse est, tibi præsertim, qui interfuisti: uides tamen omnia ferè contra ac dicta sunt euenisse. Sed hæc hactenus: nunc ad ostenta ueniamus. Multa me consule à me ipso scripta recitasti: multa ante marsicum bellum à sisema collecta attulisti: multa ante lacedæmoniorum malam pugnam in leuctris à Calisthene commemorata dixisti: de quibus dicam equidem singulis quoad utile uidebitur: sed dicendum etiam est de uniuersis. quæ est enim ista à dijs profecta significatio, et quasi denunciatio calamitatum? quid autem uolunt, ea dij immortales primum significantes, quæ sine interpretibus non possumus intelligere? deinde ea, quæ cauere nequeamus? At hoc ne homines quidem probi faciunt: ut amicis impendentes calamitates prædicant: quas illi effugere nullo modo possint. aut medici quanq̃ sæpe intelligunt, tamen nunquam ægris dicunt illo morbo eos esse morituros. omnis enim prædictio mali tum probatur cum ad prædictionem cautio adiungitur. quid igitur aut ostenta, aut eorum interpretes, uel lacedæmonios olim, uel nuper nostros adiune-



runt. quæ si signa deorum putanda sunt: cur tam ob-  
 scura fuerunt? si enim ut intelligeremus quid esset even-  
 turum: aperte declarari oportebat: aut ne occulte qui-  
 dem, si ea sciri nolebant. Iam uero coniectura omnis,  
 in qua nititur diuination, ingenijs hominum, in multas  
 ac diuersas, aut etiam contrarias partes sæpe dedu-  
 citur. ut enim in causis iudicialibus alia est coniectu-  
 ra accusatoris: alia defensoris: Et tamen utriusque  
 credibilis: sic in omnibus his rebus, quæ coniectura  
 inuestigari solent: anceps reperitur oratio. quas au-  
 tem res tum natura, tum casus affert: nonnunquam  
 etiam errorem creat similitudo: magna stultitia est  
 earum rerum deos facere effectores: causas rerum  
 non querere. tu uates Bæotios credis Lebadia ui-  
 disse ex gallorum gallinaceorum cantu uictoriam esse  
 Thebanorum: quia galli uicti silere solent: canere ui-  
 ctiores. hoc igitur per gallinas Iupiter tantæ ciuitati  
 signum dabat? an illæ aues nisi cum uicerint canere  
 non solent? at tum canebant: nec uicerant. id enim  
 inquires ostentum: magnum uero: quasi pisces non galli  
 cænerint. quod autem est tempus quo illi non cantent,  
 uel nocturnum, uel diurnum? quod si uictores ala-  
 eritate, Et quasi lætitia ad canendum excitantur: po-  
 tuit accidisse alia quoque lætitia, qua ad cantum moue-  
 rentur. Democritus quidem optimis uerbis causam ex-  
 plicat: cur ante lucem galli canant. depulso enim de pe-  
 ctore, Et in omne corpus diuiso, Et modificato cibo  
 cantus edere, quiete satiatos: qui quidem silentio no-  
 ctis, ut ait Ennius, fauent faucibus: rursus cantu, plau-  
 suque premunt alas. cum igitur hoc animal tam sit ca-  
 norum sua sponte: quid in mentem uenit Calistheni



## DE DIVINATIONE

dicere deos gallis signum dedisse cantandi? cum id uet  
 natura, uel casus efficere potuisset. sanguinem pluuisse.  
 senatui nunciatum est: atratum fluvium fluxisse san-  
 guine: deorum sudasse simulacra: num censes his nun-  
 cius Thalem, aut Anaxagoram, aut quenquam Phy-  
 sicum crediturum fuisse? nec enim sanguis nec sudor  
 nisi ex corpore est. sed & decoloratio quædam ex  
 aliqua contagione terrena maxime potest sanguini si-  
 milis esse: & humor allapsus extrinsecus, ut in tecto-  
 rijs uidemus austro, sudorem imitari. Atq; hæc in bel-  
 lo plura, & maiora uidentur timentibus: eadem non  
 tam animaduertuntur in pace. accedit illud etiam:  
 quod in metu, & periculo cum creduntur facilius:  
 tum finguntur impunius. nos autem ita leues, atq;  
 inconsiderantes sumus: ut si mures corroserint aliquid:  
 quorum est opus hoc unum: monstrum putemus. Ante  
 uero marsicum bellum, quod Clypeos Lanuij, ut a te  
 est dictum, mures rosiscent: maximum id portentum  
 aruspices esse dixerunt. quasi uero quicquam intersit  
 mures diem & noctem aliquid rodentes, scuta an cri-  
 bra corroserint. nam si ista sequimur, quod Platonis  
 politiam nuper apud me mures corroserunt: de rep-  
 debui pertinere. aut si Epicuri de uoluptate liber  
 corrosus esset: putarem annonam in macello cario-  
 rem fore. an uero illa nos terrent? si quando aliqua  
 portentosa, aut ex pecude, aut ex homine nata dicun-  
 tur? quorum omnium, ne sim longior, una ratio est.  
 quicquid enim oritur, qualecunq; est: causam habeat a  
 natura necesse est: ut etiam si præter consuetudinem  
 aliquid aciderit: præter naturam tamen non possit  
 existere. causam igitur inuestigato in re noua, atq; ad-  
 mirabili



mirabili, si potes: si nullam reperies: illud tamen exploratū habeto: nihil fieri potuisse sine causa: eumq; errorem, quem tibi rei novitas attulerit: naturæ ratione depellito. ita te nec terræ fremitus, nec cæli discessus, nec lapideus, aut sanguineus hymber, nec traiectio stellæ, nec faces visæ terre bunt. quarum omnium causas si à Chrysippo quæras: ipse ille diuinationis author, nunquam illa dicet facta fortuitu: naturalemq; rationem omnium reddet. nihil enim fieri sine causa potest: nec quicquam fit, quod fieri non potest: nec si id factum est, quod fieri potuit: portentum debet uideri. nulla igitur portenta sunt. nam si quod raro fit id portentum putandum est: sapientem esse portentum est. sæpius enim nulam peperisse arbitror q̃ sapientem fuisse. illa igitur ratio concluditur: nec id quod non potuerit fieri, factum unquam esse: nec quod potuerit, id portentum esse. ita omnino nullum esse portentum. quod etiam coniecto quidam & interpretes portentorum non inscite dicatur ei respondisse: qui cum ad eum rettulisset quasi ostentum, quod anguis domi uentem circum uectus fuisset: tum esset inquit ostentum si anguem uectis circumplicasset. hoc ille responso satis aperte declarauit nihil habendum esse portentum: quod fieri posset. C. Gracchus ad M. Pomponium scripsit, duobus anguib; domi comprehensis, aruspices à patre conuocatos. qui magis anguib; q̃ laceratis? quàm muribus? quia sunt hæc quotidiana: angues non item. quasi uero referat, quod fieri potest quàm id sæpe fiat. ego tamen miror, si emissio femine anguis mortem afferebat Ti. Graccho: emissio autem maris anguis, erat mortifera Cornelie: cur alter-



# DE DIVINATIONE

utram emisserit . nihil enim scribit respondisse aru-  
spices , si neuter anguis emissus esset , quid esset futu-  
rum . At mors insecuta Gracchum est . causa quidem  
credo aliqua morbi grauioris , non emissione serpen-  
tis . neq; enim tanta est infelicitas aruspicum : ut ne casus  
quidem unquam fiat : quod futurum illi esse dixerint .  
nam illud mirarer si crederem , quod apud Homerum  
chalcantem dixisti ex passuum numero belli Troiani  
annos auguratum : de cuius coniectura sic apud Ho-  
merum , ut nos ociosi conuertimus , loquitur Vlixes .

- » Ferte uiri , & duros animo tolerate labores :
- » Auguris ut nostri chalcantis fata queamus
- » Scire ratos ne habeant , an uanos pectoris orsus :
- » Namq; omnes memori portentum mente retentant :
- » Qui non funestis liquerunt lumina fati .
- » Argolicis primum ut uestita est classibus aulis :
- » Quæ priamo cladem , & Troiæ , pestemq; ferebant :
- » Nos circum latices gelidos fumantibus aris :
- » Aurioeris diuim placantes numina tauris :
- » Sub platano umbrifera , fons unde emanat aqua
- » Vidimus immani specie , tortuq; draconem
- » Terribilem , Iouis ut pulsu penetrabat ab ara :
- » Qui platani in ramo foliorum tegmine septos
- » Corripuit pullos : quos cum consumeret octo :
- » Nona super tremulo genitrix clangore uolabat :
- » Cui ferus immani laniauit uiscera morsu .
- » Hunc , ubi tam teneros uolucres , matremq; peremit :
- » Qui luci ediderat , genitor saturnius idem
- » Abdidit & duro firmauit tegmine saxi .
- » Nos autem timidi stantes , mirabile monstrum
- » Vidimus in medijs diuum uersarier aris .

Tum



- » Tum calchas hæc est fidenti uoce locutus.  
 » Quidnam torpentes subito obstupuistis achiui?  
 » Nobis hæc portenta deum dedit ipse creator  
 » Tarda & sera nimis: sed fama ac laude perenni.  
 » Nam quot aues tetro mactatas dente uidetis:  
 » Tot nos ad Troiam belli exhaclabimus annos.  
 » Quæ decimo cadet: & poena satiabit achiuos.  
 » Edidit hæc calchas: quæ iam matura uidetis.

Quæ tandem ista auguratio est ex passeribus anno-  
 rum potius, q̄ aut mensium, aut dierum? cur autem  
 de passerculis coniecturam facit: in quibus nullum  
 erat monstrum? de dracone silet? qui, id quod fieri  
 non potuit, lapideus dicitur factus. postremo quid si-  
 mile habet passer annis? nam de angue illo qui syllæ  
 apparuit immolanti: utrunq; memini: & syllam cum  
 in expeditionem educturus esset immolauisse: & an-  
 guem ab ara extitisse: eoq; die rem præclare esse ge-  
 stam non aruspiciis consilio, sed imperatoris. Atq; hæc  
 ostentorum genera mirabile nihil habent: quæ cum fa-  
 cta sunt: tum ad coniecturam aliqua interpretatione  
 reuocantur: ut illa tritici grana in os pueri Midæ con-  
 gesta, aut apes quas dixisti in labris Platonis pueri  
 consedissee, non tam admirabilia sunt: q̄ coniecta belle:  
 quæ tamen uel ipsa falsa esse: uel illa, quæ prædicta  
 sunt fortuito accidisse potuerunt. de ipso Roscio potest  
 illud quidem esse falsum: ut circumligatus fuerit angui:  
 sed ut in cunis fuerit anguis: non tamen mirum est:  
 in Selonio præsertim: ubi apud focum angues nun-  
 dinari solent: nam quod aruspices responderunt, nihil  
 illo clarius, nihil nobilius fore: miror deos immorta-  
 les hystioni futuro claritatem ostendisse: nullam osten-



## DE DIVINATIONE

disse Africano. Atq; etiā a te flaminiana ostenta colle-  
cta sunt: q; ipse, & equus eius repente conciderit: non  
sane hoc quidem mirabile: q; euelli primi hastati si-  
gnum non potuerit: timide fortasse signifer euellebat,  
quod fidenter infixerat. nam Dionysij equus, quid at-  
tulit admirationis, quod emerfit ex flumine? quodq;  
habuit apes in iuba? Sed quia breui tempore regna-  
re cœpit: quod casu acciderat, uim habuit ostenti. At  
Lacedæmonijs in herculis fano arma sonuerunt: eius-  
demq; dei Thebis ualuæ clausæ subito se aperuerunt:  
eāq; scuta, quæ fuerant sublime fixa, sunt humi in-  
uenta. horum cum nihil fieri potuerit sine aliquo mo-  
tu: quid est cur diuinitus ea potius, q̃ casu facta esse di-  
cimus? At in Lysandri statuæ capite delphis extitit  
corona ex asperis herbis, & quidem subita. ita ne cen-  
ses? ante coronam extitisse: q̃ herbarum conceptum  
esse semen? herbam autem asperam credo auium con-  
gestu, non humano satū. iam quicquid in capite est, id  
coronæ simile uideri potest. nam q; eodem tempore stel-  
las aureas Castoris & Pollucis delphis positas decidis-  
se: neq; eas usquam repertas esse dixisti: firum id ma-  
gis factum, q̃ deorum uidetur. Simiæ uero dodonæ  
improbritatem historijs græcis mandatam esse demiror.  
quid minus mirum? quā illam monstruosissimam  
bestiam urnam euertisse? sortes dissipauisse? & ne-  
gant historici Lacedæmonijs ullum ostentum hoc tri-  
stius accidisse. Nam illa prædicta ueientum, si lacus  
Albanus redundasset: isq; in mare fluxisset: Romam  
perituram: si repressus esset: Veios. ita aqua Albana  
deducta ad utilitatem agri suburbani, non ad arcem,  
urbemq; retinendam. At paulopost audita uox est  
monentis:



monentis : ut prouiderent ne à Gallis Roma caperetur : ex eo Aio loquenti aram in noua uia consecratam. quid ergo? Aius iste loquens , quando eum nemo norat, aiebat, & loquebatur? & ex eo nomen inuenit? posteaquam & sedem, & aram, & nomen inuenit: obmutuit? Quod idem dici de Moneta potest: à qua præterquam de sue plena, quid unquam moniti sumus? Satis multa de ostentis. Auspicia restant, & sortes, hæ quæ ducuntur, non illæ quæ uaticinatione funduntur: quæ oracula uerius dicimus? de quibus tum dicemus, cum ad naturalem diuinationem uenerimus. restat etiam de Chaldeis. sed primum auspicia uideamus. Difficilis augurij locus ad contradicendum. Marso fortasse: sed Romano facillimus. non enim sumus ij nos augures: qui auium, reliquorumue signorum obseruatione, futura dicimus. & tamen credo Romulum, qui urbem auspiciato condidit, habuisse opinionem: esse in prouidendis rebus augurandi scientiam. errabat enim multis in rebus antiquitas: quam uel usu iam, uel doctrina, uel uetustate immutatam uidemus. retinetur autem & ad opinionem uulgi, & ad magnas utilitates reip. mos, religio, disciplina, ius augurum, collegij authoritas. nec uero non omni supplicio digni P. Claudius, L. Iunius consules: qui contra auspicia nauigarunt. parendum enim fuit religioni: nec patrius mos tam contumaciter repudiandus. iure igitur alter populi iudicio damnatus est: alter mortem sibi ipse consciiuit. Flaminius non paruit auspicijs: itaq; periit cum exercitu. at anno post Paulus paruit: nec minus cecidit in cannensi pugna cum exercitu. etenim, ut sine auspicijs: quæ nulla sunt: hæc certe quibus uti-



## DE DIVINATIONE

*mur siue tripudio, siue de caelo, simulachra sunt au-*  
*spiciorum: auspicia nullo modo Q. Fabi, te uolo mihi in*  
*auspicio esse. uolo respondet. audiui haec. apud maiores*  
*nostros adhibebatur peritus: nunc quilibet. peritum*  
*autem esse necesse est eum: qui silentium quid sit intel-*  
*ligat. id enim silentium dicimus in auspicijs, quod omni*  
*uitio caret. hoc intelligere perfecti auguris est. illi autē,*  
*qui in auspiciū adhibetur, cum ita imperauit is, qui*  
*auspicatur, dicto silentium esse uidebitur: nec suspicit:*  
*nec circumspicit: statim respondet silentium esse ui-*  
*deri. tum ille, dicto si pascuntur aues: aut ubi. at-*  
*tulit inquit in cauea pullos is, qui ex eo nomina-*  
*tur, pullarius. hae sunt igitur aues internuntiae Iouis:*  
*quae pascuntur nec ne quid refert? nihil ad auspicia.*  
*sed quia, cum pascuntur, necesse est aliquid ex ore ca-*  
*dere: & terram pauire: terripauium primo, post ter-*  
*ripudium dictum est: hoc quidem iam tripudium*  
*dicunt. cum igitur offa iam cecidit ex ore pulli: tum*  
*auspicianti tripudium solistimum nunciant. ergo hoc*  
*auspiciū diuini quicquam habere potest? quod tam*  
*sit coactum & expressum? quo antiquissimos au-*  
*gures non esse usos argumento est, quod decretum*  
*collegij uetus habemus: omnem auem tripudium facere*  
*posse. tum igitur esset auspiciū: si modo ei esset liberum*  
*se ostendisse: tum auis illa uideri posset interpretes, &*  
*satelles Iouis. nunc uero inclusa in cauea, & fame*  
*enecta, si in offam pultis inuadit: & si aliquid ex*  
*ore cecidit: hoc tu auspiciū: aut hoc modo Romu-*  
*lum auspicari solitum putas? Iam uero de caelo ser-*  
*uare non ipsos censes solitos, qui auspicabantur? nunc*  
*imperant pullario: ille renunciat. fulmen sinistrum*  
auspiciū



auspiciū optimum habemus ad omnes res, præter-  
 quam ad comitia: quod quidem institutum reip. causa  
 est: ut comitiarum uel in iudicijs populi, uel in iure  
 legum uel in creandis magistratibus principes ciuita-  
 tis essent interpretes. At Ti. Gracchi luteri Scipio &  
 Figulus, quod augures iudicassent eos uicio creatos esse:  
 magistratu se abdicauerunt. Quis negat augurum  
 disciplinam esse? diuinationem nego. At aruspices di-  
 uini: quos, cum Ti. Gracchus propter mortem re-  
 pentinam eius, qui in prærogativa referenda subito  
 concidisset: in senatum introduxisset: non iustum ro-  
 gatorem comitiarum fuisse dixerunt. primum uide,  
 ne in eum dixerint: qui rogator centuriæ fuisset. is  
 enim erat mortuus. id autem sine diuinatione, conie-  
 ctura poterat dicere. deinde fortasse casu: qui nullo  
 modo est ex hoc genere tollendus. quid enim scire  
 æthrusci aruspices aut de tabernaculo recte capto, aut  
 de pomerij iure potuerunt? equidem assentior C. Mara-  
 cello potius, quam Appio Claudio: qui ambo mei Col-  
 legæ fuerunt: existimoq; ius augurum, & si diui-  
 nationis opinione principio constitutum sit: tamen postea  
 reip. causa conseruatum, ac retentum. sed de hoc  
 loco plura in alijs: nunc hætenus. Externa enim au-  
 guria, quæ sunt non tam artificiosa, quam supersti-  
 tiosa uideamus. omnibus ferè auibus utuntur: nos ad-  
 modum paucis. alia illis sinistra sunt: alia nostris.  
 solebat ex me Deiotarus percontari nostri augurij di-  
 disciplinam: & ego illius. dij immortales, quantum  
 differebat: ut quædam essent etiam contraria. atq;  
 ille his semper utebatur. Nos ipsi a' populo auspicia  
 accepta habemus: quàm multum his utimur? bellicam



## DE DIVINATIONE

rem administrari maiores nostri nisi auspiciis noluerunt. quam multi anni sunt, cum bella à propraetoribus & proconsulibus administrantur? qui auspicia non habent. Itaque nec annis transeunt auspiciis: nec tripudio auspicantur. nam ex acuminibus quidem, quod totum auspicium militare est: iam M. Marcellus ille quinquies consul, totum omisit: & idem imperator, idem augur optimus. ubi est ergo aurum divinationis? quæ quoniam ab his qui auspicia nulla habent, bella administrantur: ab urbanis retenta, videntur à bellicis esse sublata. & quidem ille dicebat: si quando rem agere uellet, ne impediretur auspiciis, lectica operta facere se iter solere. Huic simile est, quod nos augures præcipimus ne iuge auspiciis obueniat, ut iumenta iubeant disiungere. quid est aliud nolle moneri à ioue? nisi efficere, ut aut ne fieri possit auspiciis: aut si fiat, uideri? nam illud admodum ridiculum: quod negas Deiotarum auspiciis, quæ sibi ad Pompeium proficiscenti facta sunt, poenitere: quod fidem secutus, amicitiamque populi romani sumptus sit officio. antiquiorem enim sibi fuisse laudem & gloriam, quam regnum & possessiones suas. credo id quidem. sed nihil ad auspicia. nec enim ei cornix canere poterat recte eum facere: quod populi romani libertatem defendere pararet. ipse hoc sentiebat, sicuti sensit. aues euentus significant aut aduersos, aut secundos. uirtutis auspiciis uideo esse usum Deiotarum: quæ uetat spectare fortunam dum præstetur fides. aues uero prosperos euentus ostenderunt. certe sefellerrunt. fugit ex prælio cum Pompeio. graue tempus. discessit ab eo. luctuosa res. Cæsarem eodem tempore & hostem



Et hostem Et hospitem uidit . quid hoc tristius ? Is  
 cum ei troginorum tetrarchiam eripuisset : Et affec-  
 suo pergameni nescio cui dedisset : eidemq; detraxisset  
 armeniam a senatu datam : cumq; ab eo magnificen-  
 tissimo hospicio acceptus esset : spoliatum reliquit Et  
 hospitem , Et regem . sed labor longius : ad propositum  
 reuertar . si euenta querimus : quæ exquiruntur aui-  
 bus : nullo modo prospera Deiotaro . sin officia : a uir-  
 tute ipsius , non ab auspicijs petita sunt . omitte igitur  
 litum Romuli : quem in maximo incendio negas po-  
 tuisse comburi : contemne cotem Actij Nauij : nihil de-  
 bet esse in philosophia commentitijs fabellis loci . illud  
 erat philosophi : totius augurij primum naturam ip-  
 sam uidere : deinde inuentionem : deinde constantiam .  
 quæ est igitur natura , quæ uolucres huc , Et illuc pas-  
 sim uagantes efficiat , ut significent aliquid : Et tum ue-  
 nient agere , tum iubeant , aut cantu , aut uolatu .  
 cur autem alijs a dextra , alijs a leua datum est aui-  
 bus , ut ratum auspicium facere possint ? quomodo au-  
 tem hæc , aut quando , aut a quibus inuenta dice-  
 mus ? Aethrusci tamen habent exaratum puerum au-  
 thorem disciplinæ suæ . nos quem ? Accium ne nauium ?  
 at aliquot annis antiquior Romulus , Et Remus , am-  
 bo augures , ut accepimus . an Pysidarum , aut Cylicum ,  
 aut Phrygum ista inuenta dicemus ? placet igitur hu-  
 manitatis expertes , habere diuinitatis authores . At  
 omnes reges , populi , nationes , utuntur auspicijs . quasi  
 uero quicquam sit tam ualde , quàm nihil sapere uul-  
 gare : aut quasi tibi ipsi in iudicando placeat multi-  
 tudo . quotus quisq; est : qui uoluptatem neget esse bo-  
 num ? pleriq; etiam summum bonum dicunt . num



## DE DIVINATIONE

igitur eorum frequentia stoici de sententia deterren-  
tur? aut non plerisque in rebus sequitur eorum autho-  
ritatem multitudo? quid mirum igitur, si in omnibus  
auspicijs, & omni diuinatione imbecilli animi super-  
stitiosa ista concipiant? uerum dispicere non possint?  
Quæ autem est inter augures conueniens, & coniu-  
cta constantia? ad nostri augurij consuetudinem di-  
xit Ennius:

- » Cum tonuit leuum bene tempestate serena:  
At homericus Ajax apud Achillem querens de fero-  
citate Troianorum: nescio quid hoc modo nunciat.
- » Prospera Iuppiter his dextris fulgoribus edit.  
Ita nobis sinistra uidentur grauis & barbaris dextra  
meliora. quanquam haud ignoro quæ bona sint, sini-  
stra nos dicere: etiam si dextra sint. sed certe nostri  
sinistrum nominauerunt: externique dextrum: quia  
plerumque melius id uidebatur. hæc quanta dissensio est?  
quid, quod alijs auihus utuntur? alijs signis? ali-  
ter obseruant? aliter respondent? non necesse est fa-  
teri partim horum errore susceptum esse? partim su-  
perstitione multa fallendo? Atque his superstitionibus  
non dubitasti etiam omnia adiungere: Aemylia Pau-  
lo persam perisse: quod pater omen accepit: Cæcilia  
sororis filia sedes suas tradere. iam illa fauete  
linguis, & prærogatiuam omnium comitiorum,  
hoc est ipsum esse contra se copiosum & disertum.  
quando enim illa obseruans quieto, & libero animo  
esse poteris? ut ad rem gerendam non superstitionem  
habeas, sed rationem ducem? ita ne? si quis aliquid  
ex sua re, atque ex suo sermone dixerit: & eius uer-  
bum aliquod apte ceciderit ad id quod ages, aut co-



gitabis: ea res tibi aut timorem afferet? aut alacritatem? cum M. Crassus exercitum Brundisij imposeret: quidam in portu caricas cauno aduectas uendens, cauneas clamitabat. dicamus si placet monitum ab eo Crassum caueret ne iret non fuisse periturum si omni paruisset. quæ si suscipiamus, pedis offensio nobis, & abruptio corrigæ, et sternutamenta erunt obseruanda. Sortes restant, & Chaldæi: ut ad uates & somnia ueniamus. Dicendum igitur putas de Sortibus. quid enim Sors est? idem propemodum quod micare: quod talos iacere: quod tesseras. quibus in rebus temeritas, & casus, non ratio, nec consilium ualet. tota res est inuenta fallacijs, aut ad quæstum, aut ad superstitionem, aut ad errorem. atq; ut in aruspicina fecimus, sic uideamus clarissimarum Sortium quæ tradatur inuentio. Numerum sufficium prænestinorum monumenta declarant honestum hominem, & nobilem somnijs crebris, ad extremum etiam minantibus, cum iuberetur certo in loco silicem cadere: perterritum uisus, irradientibus suis ciuibus, id agere coepisse. itaq; perfracto saxo sortes erupisse, in robore insculptas priscarum litterarum notas. is est hodie locus septus religiose propter Iouis pueri: qui lactens cum Iunone in gremio fortunæ sedens mammam appetens castissime colitur à matribus. Eodem tempore illo loco ubi nunc fortunæ sita ædes est, mel ex olea fluxisse dicunt: aruspicesq; dixisse summa nobilitate illas sortes futuras: eorumq; iussu ex illa olea arcam esse factam: eoq; conditas sortes: quæ hodie fortunæ monitu tolluntur. quid igitur in his potest esse certi? quæ fortunæ monitu pueri manu miscentur: atq; dicuntur? quo modo



## DE DIVINATIONE

autem istae positae in illo loco? quis robur illud cecidit? dolauit? inscripsit? nihil est inquit, quod deus efficere non possit. utinam sapientes stoicos effecisset: ne omnia cum superstitiosa solitudine et miseria crederent. sed hoc quidem genus diuinationis uita iam communis explosit. Fani pulchritudo, et uetustas, praenestinarum etiam nunc sortium retinet nomen: atque id in uulgis. quis enim magistratus, aut quis uir illustrior utitur sortibus? ceteris uero in locis sortes plane refrixerunt. quod Carneadem Clitomachus scribit dicere solitum: nusquam se fortunatiorem, quam praeneste uidisse fortunam. ergo hoc diuinationis genus omitamus. Ad Chaldaeorum monstra ueniamus: de quibus Eudoxus platonis auditor in astrologia iudicio doctissimorum hominum facile princeps, sic opinatur: id quod scriptum reliquit: Chaldaeis in praedictione, et in notatione cuiusque uitae ex natali die, minime esse credendum. nominat etiam Panetius, qui unus est stoicis astrologorum praedicta reiecit: Archelaum, et Cassandrum summos astrologos illius aetatis, quae erat ipse: cum in ceteris astrologiae partibus excellerent: hoc praedictionis genere non usos. Scylax halicarnassensis familiaris Panetij excellens in astrologia, idemque in regenda sua ciuitate princeps, totum hoc Chaldaicum praedicendi genus repudiavit. sed ut ratione utamur omissis testibus: sic isti disputant: qui haec Chaldaeorum natalitia praedicta defendunt. uim quandam esse aiunt signifero in orbe, qui graece ζωοδανός dicitur, tale: ut eius orbis unaquaeque pars alio modo moueat, immutetque caelum: perinde ut quaeque stellae in his, finitimisque partibus sint quoque



tempore: eamq; uim uarie moueri ab ijs syderibus: quæ uocantur errantia. cum autem in eam ipsam partem orbis uenerint, in qua sit ortus eius qui nascitur: aut in eam, quæ coniunctum aliquid habeat, aut consentiens: ea triangula illi, & quadrata nominant. etenim cum tempore anni, tempestatumq; cæli conuersiones, commutationesq; tantæ fiant accessu stellarum, & recessu: cumq; ea uis solis efficiantur, quæ uidemus: non uerisimile solum, sed etiam uerum esse censent: perinde ut cunq; temperatus sit aer, ita pueros orientes animari, atq; formari: ex eoq; ingenia, mores, animum, corpus, actionem uitæ, casus cuiusq; euentusq; fingi. o delirationem incredibilem. non enim omnis error stultitia est dicenda. quibus etiam Diogenes stoicus concedit aliquid ut prædicere possint dumtaxat quali quisq; natura, & ad quam quisq; maxime rem aptus futurus sit. cetera quæ profiteantur negat ullo modo posse sciri. Etenim geminorum formas esse similes: uitam atq; fortunam plerunq; disparem. Proclus, & Euristhenes Lacedæmoniorum reges gemini fratres fuerunt. at hi nec totidem annos uixerunt. anno enim Procli uita breuior fuit: multumq; is fratri rerum gestarum gloria præstitit. at ego id ipsum, quod uir optimus Diogenes chaldeis, quasi quadam præuariatione, concedit: nego posse intelligi. etenim cum ut ipsi dicunt ortus nascentium luna moderetur: eaq; animaduertant, & notent sydera natalitia Chaldei, quæcunq; lunæ iuncta uideantur: oculorum fallacissimo sensu iudicant ea: quæ ratione atq; animo uidere debebant. docet enim ratio mathematicorum, quam istis notam esse oportebat: quanta humilitate



## DE DIVINATIONE

luna feratur terram pene contingens: quantum absit  
 à proxima Mercurij stella: multo autem longius à  
 Veneris: deinde alio intervallo distet à sole: cuius lu-  
 mine collustrari putatur. reliqua uero tria intervalla  
 infinita, & immensa, à sole ad Martis, inde ad Iouis,  
 ab eo ad Saturni stellam, inde ad cælum ipsum: quod  
 extremum atq; ultimum mundi est. quæ potest igitur  
 contagio ex infinito pene intervallo pertinere ad lu-  
 nam? uel potius ad terram? quid? cum dicunt id,  
 quod ijs dicere necesse est: omnis omniū ortus, quicunq;  
 gignantur in omni terra, quæ incolatur eosdem esse:  
 eademq; omnibus, qui eodem statu cæli, & stellarū  
 nati sunt, accidere necesse esse: non ne eiusmodi sunt?  
 ut ne cæli quidem naturam interpretes istos cæli nosse  
 appareat? cum enim illi orbes, qui cælum quasi me-  
 dium diuidunt: & aspectum nostrum definiunt: qui  
 à Græcis ὀρίοντες nominantur: à nobis finientes re-  
 ctissime nominari possunt: uarietatem maximam ha-  
 beant: aliq; in alijs locis sint: necesse est ortus, occasusq;  
 syderum non fieri eodem tempore apud omnes, quod  
 si eorum ut cælum modo hoc, modo illo modo tempe-  
 ratur: qui potest eadem uis esse nascentium: cum cæli  
 tanta sit dissimilitudo? In his locis quæ nos incolimus  
 post solstitium canicula exoritur: & quidem aliquot  
 diebus, apud troglodytas, ut scribitur, ante solstitiū: ut  
 si iam concedamus aliquid uim celestem ad eos, qui  
 in terra gignantur, pertinere: confitendum sit illis, eos,  
 qui nascuntur eodem tempore, posse in dissimiles inci-  
 dere naturas propter cæli dissimilitudinem. quod mi-  
 nime illis placet. uolunt enim illi, omnes eodem tem-  
 pore ortos, qui ubiq; sint nati, eadem conditione nasci.



Sed quæ tanta dementia est? ut in maximis motibus, mutationibusq; cæli, nihil intersit qui uentus, qui hymer, quæ tempestas ubiq; sit. quarum rerum in proximis locis tantæ dissimilitudines sæpe sunt: ut alia Tusculi, alia Romæ eueniat sæpe tempestas. quod qui nauigant maxime animaduertunt: cum in flectendis promontorijs uenturum mutationes maximas sæpe sentiant hæc igitur cum sint, tum serenitas, tum perturbatio cæli est ne sanorum hominum hoc ad nascentium ortus pertinere non dicere? quod non certe pertinet: illud nescio quid tenue, quod sentiri nullo modo, intelligi autem uix potest: quæ à luna cæterisq; syderibus cæli temperatio fiat, dicere ad puerorum ortus pertinere? quid? q̃ non intelligunt seminum uim, quæ ad gignendum, procreandumq; plurimum ualeat, funditus tolli: mediocris erroris est? quis enim non uidet & formas, & mores, & plerosq; status, ac motus effingere à parentibus liberos? quod non contingeret: si hoc non uis, & natura gignentium efficeret: sed temperatio lunæ, cæliq; moderatio. quid? quod uno eodemq; temporis puncto nati dissimiles, & naturas, & uitas, & casus habent: parum ne declarant nihil ad agendum uitam nascendi tempus pertinere? nisi forte putamus neminem eodē tempore ipso & conceptum, & natum, quo Africanum. nunquis igitur talis fuit? quid? illud ne dubium est? quin cum multi ita nati essent: ut quedam contra naturam deprauata haberent: restituerentur, & corrigerentur ab natura: cum se ipsa reuocasset, aut arte, aut medicina: aut quorum lingue sic inhærent: ut loqui non possent: hæc scalpello resectæ liberarentur. multi etiam naturæ



## DE DIVINATIONE

uitium meditatione, atq; exercitatione sustulerunt: ut Demosthenem scribit Phalereus cum rho dicere nequiret, exercitatione fecisse: ut planissime diceret. quod si hæc astro ingenerata & tradita essent: nulla res ea mutare posset. quid? dissimilitudo locorum, non ne dissimilis hominum procreationes habet? quas quidem percurrere oratione facile est: quid inter indos & Persas, Aethiopas & Syros differat corporibus, animis: ut incredibilis uarietas dissimilitudoq; sit. ex quo intelligitur plus terrarum situs, q̃ lunæ tractus ad nascendū ualere. Nam quod aiunt quadringenta & septuaginta milia annorū in piclitandis, experiundisq; pueris, quicunq; essent nati babylonios posuisse: fallunt. si enim esset factitatum: non esset desitum. neminem autem habemus authorē: qui aut fieri dicat: aut factum sciat. uides ne me non ea dicere quæ Carneades? sed ea, quæ princeps stoicorum Panætius dixerit? Ego autem etiam hoc requiro: omnes ne, qui cæmensi pugna ceciderunt: uno astro fuerint. exitus quidē omnium unus & idem fuit. quid? qui ingenio atq; animo singulares, num astro quoq; uno? quod enim tempus? quo non innumerabiles nascantur? at certe nemo similis Homeri. Et si ad rem pertinet quo modo cælo affecto, compositisq; syderibus quodq; animal oriatur: ualeat id necesse est etiam in rebus inanimis: quo quid dici potest absurdius. L. quidem Tarutius firmanus familiaris noster, imprimis Chaldaicis litteris eruditus: urbis etiam nostræ natalem diem repetebat ab ijs parilibus, quibus eam à Romulo conditam accepimus: Romamq; cum esset in iugo luna: natam esse dicebat: nec eius fata cernere dubitabat. O uim maxi-

mam



nam erroris. etiam ne urbis natalis dies ad uim stellarum & lune pertinebat? fac in puero referre ex qua affectione celi primum spiritum duxerit: num hæc in latere, aut in cemento, ex quibus urbs effecta est, potuit ualere? sed quid plura? quotidie refelluntur. quam multa ego Pompeio, q̄ multa Crasso, q̄ multa huic ipsi Cæsari à Chaldeis dicta memini: neminem eorum nisi senectute, nisi domi, nisi cum claritate esse moriturum. ut mihi permirum uideatur, quenquam extare: qui etiam nunc credat his: quorum prædicta quotidie uideat re & euentis refelli. Restant duo diuinandi genera: quæ habere dicimur à natura, non ab arte: uaticinandi, & somniandi. de quibus Quinte inquam si placet differamus. Mihi uero inquit placet. his enim quæ adhuc disputasti prorsus assentior: & uere ut loquar, quanquam tua me oratio confirmauit: tamen etiam mea sponte nimis supersticiosam de diuinatione stoicorum sententiam iudicabam: ac me peripateticorum ratio magis mouebat, & ueteris Dicearchi, & eius, qui nunc floret, Cratippi: qui censent esse in mentibus hominum tanquam oraculum aliquod: ex quo futura præsentiant: si aut furore diuino incitatus animus, aut somno relaxatus solute moveatur ac libere. his de generibus quid sentias & quibus ea rationibus infirmes: audire sana uelim. Quæ cum ille dixisset: tum ego rursus quasi ab alio principio sum exorsus dicere. Non ignoro Quinte, te semper ita sensisse: ut de cæteris diuinandi generibus dubitares: ista duo furoris & somni, quæ à libera mente fuere uiderentur, probares. dicam igitur de istis ipsis duobus generibus mihi quid uideatur



## DE DIVINATIONE

tur: si prius stoicorum rationis conclusio, & Cratippi nostri quid valeat, uidero. dixisti & Chrysippum, & Diogenem, & Antipatrum concludere hoc modo. si sunt dii, neque ante declarant hominibus, quæ futura sint: aut non diligunt homines: aut quid euenturum sit ignorant: aut existimant nihil interesse hominem scire, quid sit futurum: aut non censent esse suæ maiestatis præsignificare hominibus, quæ sint futura: aut ea ne ipsi quidem dii significare possunt. at neque non diligunt nos: sunt enim benefici, generique hominum amici: neque ignorant ea, quæ ab ipsis constituta, & designata sunt: neque nostra nihil interest scire ea, quæ futura sunt. erimus enim cautiore, si scierimus: neque hoc alienum ducunt maiestate suâ. nihil est enim beneficentia præstantius: neque non possunt futura prænoscere. non igitur dii sunt: nec significant nobis futura. sunt autem dii. significant ergo. & non, si significant futura: nullas dant nobis vias ad significationum scientiam. frustra enim significarent. neque si dant vias, non est diuinitas. est igitur diuinitas. O acutos homines: qui paucis uerbis negotium confectum putant. ea sumunt ad concludendum, quorum his nihil conceditur. conclusio autem rationis ea probanda est: in qua ex rebus non dubijs, id quod dubitatur, efficitur. uides ne Epicurum, quem hebetem, & rudem dicere solent stoici: quemadmodum quod in natura rerum omne esse dicimus: id infinitum esse conluserit? quod finitum est, inquit habet extremum. quis hoc non crediderit? quod habet extremum: id cernitur ex alio extrinsecus. hoc quoque est concedendum. at quod omne est, id non cernitur ex alio extrinsecus. ne hoc quidem



dem negari potest . nihil igitur cum habeat extre-  
mum: infinitum sit necesse est. uides'ne ut ad rem du-  
biam concessis rebus peruenerit? hoc uos dialectici  
non facitis: nec solum ea non sumitis ad concluden-  
dum: quæ ab omnibus concedantur: sed ea sumitis:  
quibus concessis, nihilomags efficiatis quod uelitis. pri-  
mum enim hoc sumitis: si sunt dij: benefici in homi-  
nes sunt. quis hoc uobis dabit? Epicurus'ne? qui negat  
quicquam deos nec alieni curare nec sui? an noster  
Ennius? qui magno applausu loquitur, assentiente po-  
pulo.

- 10 Ego deum genus esse semper dixi, & dicam cælitum:  
10 sed eos non curare opinor quid agat humanum genus.  
& quidem cur sic opinetur, rationem subiicit. sed ni-  
hil est necesse dicere quæ sequuntur. tantum sat est in-  
telligi id sumere istos pro certo, quod dubium con-  
trouersumq; sit. sequitur porro nihil deos ignorare:  
q' omnia sunt ab ijs constituta. hic uero quanta pu-  
gna est doctissimorum hominum, negantium esse hæc  
a dijs immortalibus constituta? At nostra interest  
scire quæ euentura sunt. magnus Dicaarchi liber est,  
nescire ea melius esse q' scire. \* negant enim id  
esse maiestatis deorum: scilicet causas omnium in-  
trospicere: ut uideant quid cuiq; conducat. Neq; non  
possunt futura prænoscere: negant posse hi, quibus non  
placet esse certum, quod futurum sit. uides'ne igitur  
quæ dubia sunt, ea sumere ipsos pro certis, atq; conces-  
sis. deinde contorqueant: & ita concludunt. Non igitur  
& sunt dij: nec significant futura: id enim iam per-  
fectum arbitrantur. deinde assumunt: sunt autem dij:  
quod ipsum non ab omnibus conceditur. significant



## DE DIVINATIONE

ergo. ne id quidem sequitur. possunt enim non signifi-  
care: & tamen esse dii. nec si significant non dare vias  
aliquas ad scientiam significationis. at id quoque potest:  
ut non dent homini: sed ipsi habeant. cur enim thuscis  
potius, quam romanis darent. nec si dant vias nulla  
est diuination. fac dare deos: quod absurdum est: quid  
refert si accipere non possumus? extremum, est igitur  
diuination. sit extremum: effectum tamen non est. ex  
falsis enim, ut ab ipsis didicimus: verum effici non  
potest. iacet igitur tota conclusio. Veniamus nunc ad  
optimum virum familiarem nostrum Cratippum: Si  
sine oculis inquit, non potest extare officium, & mu-  
nus oculorum: possunt autem aliquando oculi non fun-  
gi suo munere: qui uel semel ita est usus oculis: ut ue-  
ra cerneret: is habet sensum oculorum uera cernen-  
tium. item igitur, si sine diuinatione non potest officium,  
& munus diuinationis extare. potest autem cum quis  
diuinationem habeat, errare aliquando, nec uera  
cernere: satis est ad confirmandam diuinationem,  
semel aliquid ita esse diuinatum: nihil ut fortuito ce-  
cidisse uideatur. sunt autem eius generis innumera-  
bilia. esse igitur diuinationem: confitendum est. festi-  
ue & breuiter: sed cum bis sumpsit quod uoluit,  
etiam si faciles nos ad concedendum habuerit: id tamen  
quod assumit concedi nullo modo potest. si inquit ali-  
quando oculi peccent: tamen quia recte aliquan-  
do uiderint: inest in his uis uidendi. Item si quis  
semel aliquid in diuinatione dixerit: is etiam cum  
peccet, tamen existimandus est habere uim diuinandi.  
uide queso Cratippe noster: quam sint similia. nam  
mihi quidem non uidentur. oculi enim uera cernentes,

statuitur



utuntur natura, atq; sensu animi si quando uel uaticinando, uel somniando uera uiderunt: uti sunt fortuna, atq; casu. nisi forte concessuros tibi existimas eos, qui somnia, pro somnijs habent: si quando aliquod somnium uerum euaserit: non id fortuito accidisse. sed demus tibi istas duas sumptiones ea quæ ἀνύμματα appellantur dialectici: sed nos latine loqui malimus. præsumptio tamen, quam ἀπόλητιν ἴδὲμ uocant, non dabitur. Assumit autem Cratippus hoc modo. Summa autem innumerabiles præsentiones non fortuitæ. at ego dico nullam. uide quanta sit controuersia. iam assumptione non concessa, nulla conclusio est. At impudentes sumus: qui quod tam perspicuum sit non concedamus. quid est perspicuum? multa uera inquit euadere. quid? quod multo plura falsa? nonne ipsa uarietas, quæ est propria fortunæ: fortunam esse causam non naturam docet? deinde, si tua ista conclusio Cratippe uera est (tecum enim mihi res est) nonne intelligis eadem uti posse & aruspices, & fulguratores & interpretes ostentorum, & augures, & sortilegos, & chaldaeos? quorum generum nullum est: ex quo non aliquid sicut prædictum sit euaserit. ergo aut ea quoq; genera diuinandi sunt: quæ tu re-ctissime improbas: aut si ea non sunt: non intelligo cur hæc duo sint, quæ relinquis. quæ ergo ratione hæc inducis: eadem illa possunt esse, quæ tollis. Quid uero habet authoritatis furor iste: quem diuinum uocatis: ut quæ sapiens non uideat, ea uideat insanus: & is qui humanos sensus amiserit, diuinos affectus sit. Sibyllæ uersus obseruamus: quos illa furens fuisse dicitur. quorum interpretes nusper falsa quædam ho-



## DE DIVINATIONE

minum fama dicturus in senatu putatur: eum quem  
re uera regem habebamus: appellandū quoq; esse re-  
gem: si salui esse uellemus. hoc si est in libris: in quem  
hominem, & in quod tempus est? callide enim, qui  
illa composuit, perfecit, ut quodcunq; accidisset, prædi-  
ctum uideretur, hominum & temporum diffinitione  
sublata. adhibuit etiam latebram obscuritatis. ut ydem  
uersus alias in aliam rem posse accommodari uideren-  
tur. non esse autem illud carmen furentis, cum ipsum  
poema declarat (est enim magis artis, & scientiæ,  
q̃ uaticinationis, & motus) tum uero ea quæ ἀπορρι-  
χίς. dicitur: cum deinceps ex primis uersus literis ali-  
quid connectitur: ut in quibusdam emilianis quæ En-  
nius fecit: id certe magis est attentī animi, quā fu-  
rentis. Atq; in sibyllinis ex primo uersu cuiusq; sen-  
tentiæ primis litteris illius sententiæ carmen omne  
prætexitur. hoc scriptoris est, non furentis, adhibentis  
diligentiam, non insani. quamobrem sibyllam quidem  
sepositam, & conditam habeamus: ut id quod prodi-  
tum est à maioribus iniussu senatus ne legantur qui-  
dem libri: ualeantq; ad deponendas potius, quā ad  
suscipiendas religiones. cum antistitibus agamus: ut  
quiduis potius ex illis libris, quā regem proferant.  
quem Romæ posthac nec dii, nec homines esse patien-  
tur. At multi sepe uera uaticinati: ut Cassandra.

» Iamq; mari magno=  
eademq; paulo post:

» Heu uidete. =

num igitur me cogis etiam fabulis credere: quæ de  
lectationis habeant quantum uoles: uerbis, sententijs,  
numeris, cantibus adiumentur: auctoritatem quidem  
nullam



Nullam debemus nec fidem commentitijs rebus adiungere. Eodemq; modo nec ego Publicio nescio cui, nec martijs uatibus, nec Apollinis opertis credendum existimo: quorum partim ficta aperte, partim effutita temere, nunquam ne mediocri quidem cuiquam, non modo prudenti probata sunt. Quid inquires remex ille de classe Coponij, non ne ea prædixit, quæ facta sunt? ille uero & ea quidem, quæ omnes eo tempore ne acciderent timebamus. castra enim in thessalia castris collata audiebamus: uidebaturq; nobis exercitus Cæsaris & audaciæ plus habere, quippe qui patriæ bellum intulisset: & roboris, propter uetustatem. cæsum autem prælii nemo nostrum erat, qui timeret: sed ita, ut constantibus hominibus par erat: non aperte ille autem græcus quid mirum si magnitudine timoris, ut plerumq; fit à constantia, atq; à mente, atq; à se ipse discessit. qua perturbatione animæ, quæ sanus cum esset timebat ne euenirent: ea demens euentura esse dicebat. utrum tandem per deos atq; homines magis uerisimile est? uesani remigem, an aliquem nostrum, qui ibi tum eramus, M. Catonem, Varronem, Coponium ipsum, consilia deorum immortalium perspicere potuisse? Sed iam ad te uenio

» O sancte Apollo: qui umbilicum terrarum certum obsides:

» Vnde superstitiosa primum sæua euasit uox fera: tuis enim oraculis Chrysippus totum uolumen impleuit partim falsis, ut ego opinor partim casu ueris, ut fit in omni oratione sæpissime: partim flexiloquis, & obscuris, ut interpretes egeat interprete: & fors ipsa, referenda sit ad sortes: partim ambiguë, & quæ ad



## DE DIVINATIONE

dialecticum referenda sine. nam cum fors illa edita est opulentissimo regi Asiae.

» Croesus halim penetrans magnam puerit opum uim: hostium uim sese peruersurum putauit: peruertit autem suam. utrum igitur eorum accidisset, uerum oraculum fuisset. cur autem hoc credam unquam editum Croeso? aut Herodotum cur ueraciorem duam Ennio? num minus ille potuit de Croeso, quam de Pyrrho fingere Ennius? quis enim est qui credat Appolinis ex oraculo Pyrrho esse responsum.

» Aio te caecida Romanos uincere posse. primum latine Apollo unquam locutus est. deinde ista fors inaudita graecis est. praeterea Pyrrhi temporibus iam Apollo uersus facere desierat. postremo quanquam semper fuit (ut apud Ennium est) stolidum genus caecidarum: bellipotentes sunt magis quam sapienti potentes: tamen hanc amphibologiam uersus intelligere potuisset uincere te Romanos, nihil magis in se, quam in Romanos ualere. Nam illa amphibologia quae Croesum decepit: uel Chrysippum potuisse fallere. haec uero ne Epicurum quidem. sed quod accipit est: cur isto modo iam oracula delphis non eduntur, non modo nostra aetate, sed iandiu iam ut nihil possit esse contemptius? Hoc loco cum urgentur: euamuisse aiunt uetustate uim loci eius: unde anhelitus ille terrae fieret: quo pythia mente incitata oracula ederet. de uino aut salsamento putes loqui: quae euanescent uetustate. deui loci agitur: neq; solum naturalis: sed etiam diuina: quae quo tandem modo euariuit? uetustate inquires. quae uetustas est: quae uim diuinam conficere possit? quid tam diuinum? q̄ afflatus ex terra



ex terra mentem ita mouens, ut eam prouidam rerum futurarum efficiat? ut ea non modo cernat multo ante: sed etiam numero uersuq; pronunciet. quando autem ista uis euauit? an postquam homines minus creduli esse coeperunt? Demosthenes quidem, qui abhinc annos prope quadringentos fuit: iam tum *φιδιππίλει* Pithiam dicebat, idest quasi cum Philippo facere. hoc autem eo spectabat: ut eam a Philippo corruptam diceret. quod licet existimare in alijs quoq; oraculis Delphicis aliquid non sinceri fuisse. sed nescio quomodo isti philosophi superstitiosi, et pene fanatici, quiduis malle uidentur, q̄ se non ineptos. euauisse manultis, & extinctum esse id: quod si unquam fuisset, certe æternum esset: quàm ea quæ non sunt credenda, non credere. Similis est error in somnijs: quorum quidem defensio repetita quàm longe est. diuinos animos censent esse nostros: eosq; esse tractos extrinsecus: animorumq; consentientium multitudine completum esse mundum. hac igitur mentis & ipsius diuinitate & coniunctione cum externis mentibus cerni quæ sint futura. contrahi autem animum Zeno, & quasi labi putat, atq; concidere: & ipsum esse dormire. iam pythagoras & plato locupletissimi authores, quo in somnis certiora uideamus: præparatos quodam cultu atq; uictu proficisci ad dormiendum iubent. Faba quidem Pythagorei utiq; abstinere: quasi uero eo cibo mens non uenter infletur. sed nescio quo modo nihil tam absurde dici potest: quod non dicatur ab aliquo philosophorum. utrum igitur censemus dormientium animos per semetipsos in somniando moueri? an ut Democritus censet, externa, &



## DE DIVINATIONE

aduentitia uisione pulsari? siue enim sic est: siue illo modo: uideri possunt permulta somniantibus falsa pro ueris. Nam & nauigantibus moueri uidentur ea quæ stant: & quodam obtutu oculorum, duo pro uno lucernæ lumina. quid dicam insanis, quid ebrijs, quæ multa falsa uideantur? quod si eiusmodi uisis credendum non est: cur somnijs credatur nescio. nam tam licet de his erroribus si uelis, quàm de somnijs disputare: ut ea quæ stant si moueri uideantur: terræ motum significare dicas: aut repentinam aliquam fugam. gemino autem lucernæ lumine declarari dissensionem, ac seditionem moueri iam ex insanorum aut ebriorum uisis innumerabilia coniectura trahi possunt, quæ futura uideantur. quis est enim, qui totum diem iaculans non aliquando collimet? totas noctes somniamus: neque ulla fere est qua non dormiamus: & miramur aliquando id quod somniamus euadere? quid est tam incertum quàm talorum iactus? tamen nemo est, qui sæpe iactans, uenereum aliquando iaciat: nonnunquam etiam iterum, ac tertium. num igitur, ut inepti, ueneris id fieri impulsu malumus, quàm casu dicere? quod si cæteris temporibus falsis uisis credendum non est: non uideo quid præcipui somnus habeat: in quo ualeant falsa pro ueris. quod si ita natura paratum esset: ut ea dormientes agerent, quæ somniarent: alligandi essent omnes, qui cubitum irent. maiores enim quàm ulli insani efficere motus somniantes. quod si insanorum uisis fides non est adhibenda: quia falsa sunt: cur credatur somniantium uisis, quæ multo etiam perturbatiora sunt, non intelligo. An quod insani sua uisa coniectori non narrant? narrant quæ



somniauerunt? quæro etiam si uelim scribere quid,  
 aut legere: aut canere uel uoce, uel fidibus: aut geome-  
 tricam quiddam, aut physicam, aut dialecticam ex-  
 plicare: somnium ne expectandum sit? an ars adhi-  
 benda? sine qua nihil earum rerum nec fieri, nec  
 expediri potest? Atqui, ne si nauigare quidem ue-  
 lim, ita gubernarem ut somniauerim: præsens enim  
 pœna sit. quid igitur conuenit egros à coniectore  
 somniorum potius, quàm à medico petere medici-  
 nam? an Aesculapius, an Serapis potest præscribe-  
 re per somnium curationem ualitudinis? Neptunus  
 gubernantibus non potest? Et si sine medico medici-  
 nam dabit Minerva: musæ scribendi, legendi, cetera-  
 rumq; artium scientiam somniantibus non dabunt?  
 At si curatio daretur ualitudinis: hæc quoq; quæ di-  
 xi darentur. quæ quoniam non dantur: medicina  
 non datur. qua sublata tollitur omnis authoritas som-  
 niorum. sed hæc quoq; in promptu: nunc interiora  
 uideamus. Aut enim diuina uis quædam consulens no-  
 bis somniorum significationes facit: aut coniectores ex  
 quadam conuenientia, et coniunctione naturæ, quam  
 uocant *συμπλοκή*: quid cuiq; rei conueniat ex som-  
 nijs, et quid quamq; rem sequatur intelligunt: aut eo-  
 rum neutrum est: sed quædam observatio constans,  
 atq; diuturna est: cum quid uisum secundum quietem  
 sit: quid euenire, aut quid sequi soleat. Primum igitur  
 intelligendum est: nullam uim esse diuinam effectri-  
 æm somniorum. atq; illud quidem perspicuum est:  
 nulla uisa somniorum proficisci à numine deorum.  
 nostra enim cæusa dii id facerent: ut providere futu-  
 ra possemus. quotus igitur est quisq;, qui somnijs pa-



## DE DIVINATIONE

reat. qui intelligat. qui meminerit. quod multi uero quæ  
 contemnant. eamque superstitionem imbecilli animi,  
 atque anilis putent. quid est igitur cur his hominibus  
 consulens deus, somnijs moneat eos: qui illa non modo  
 non curant: sed ne memoria quidem digna ducant.  
 nec enim ignorare deus potest qua mente quisque sit: nec  
 frustra, ac sine causa quid facere, dignum deo est: quod  
 abhorret etiam ab hominis constantia. ita si pleraque  
 somnia aut ignorantur, aut negliguntur: aut nescit hoc  
 deus: aut frustra somniorum significatione utitur. sed  
 horum neutrum in deum cadit. nihil igitur a deo  
 somnijs significari fatendum est. illud etiam requiro:  
 cur si deus ista uisa nobis providendi causa dat: non  
 uigilantibus potius det, quam dormientibus. siue enim ex-  
 ternus, et aduentitius pulsus animos dormientium  
 commouet: siue per se ipsi animi mouentur: siue quæ  
 causa alia est: cur secundum quietem aliquid uidere,  
 audire, agere uideamur: eadem causa uigilantibus esse  
 poterat. idque si nostra causa secundum quietem dii fa-  
 cerent: uigilantibus idem facerent. Præsertim ut Chry-  
 sippus Academicos refellens permulto clariora et  
 certiora esse dicat, quæ uigilantibus uideantur, quam quæ  
 somniantibus. fuit igitur diuina beneficentia dignius,  
 cum consuleret nobis, clariora uisa dare uigilanti-  
 bus: quam obscuriora per somnium. quod quoniam  
 non fit: somnia diuina putanda non sunt. Iam uero  
 quid opus est circuitione, et anfractu: ut sit utendum  
 interpretibus somniorum potius, quam directo Deo  
 si quidem nobis consulebat, hoc facito, hoc ne feceris  
 diceret. idque uisum uigilanti potius, quam dormienti  
 daret. iam uero quis dicere audeat uera omnia esse



somnia? aliquot somnia uera, inquit Ennius: sed  
 omnia non est necesse. Quæ est tandem ista distinctio?  
 quæ uera, quæ falsa habet? Et si uera à deo mittun-  
 tur: falsa unde nascuntur? nam si ea quoque diuina:  
 quid inconstantius deo? quid insatius autem est? In-  
 mentes mortalium falsis, et mendacibus uisis concita-  
 re? sin uera uisa diuina sunt: falsa autem, et inania  
 humana: quæ est ista designandi licentia: ut hoc deus,  
 hoc natura fecerit potius, quam aut omnia deus, quod  
 negatis: aut omnia natura. quod quoniam illud nega-  
 tis: hoc necessario confitendum est naturam autem eam  
 dico: qua nunquam animus insitens agitatione, et mo-  
 tu esse uacius potest. Is cum langore corporis, nec mem-  
 bris uti, nec sensibus potest: incidit in uisa uaria, et  
 incerta ex reliquijs, ut ait Aristoteles, inherentibus  
 earum rerum, quas uigilans gesserit: aut cogitarit.  
 quarum perturbatione mirabiles interdum existunt  
 species somniorum. quæ si alia uera, alia falsa: qua  
 nota internoscantur scire sane uelim. si nulla est: quid  
 istos interpretes audiamus? sin quæpiam est: aucto au-  
 dire quæ sit. sed hærebunt. uenit enim iam in conten-  
 tionem: utrum sit probabilius: deos ne immortales re-  
 rum omnium præstantia excellentes, concurrere omni-  
 mortalium, qui ubique sunt, non modo lectos, uerum  
 etiam grabatos: et cum stertentes aliquos uiderint:  
 obijcere his uisa quædam tortuosa, et obscura: quæ  
 illi exterriti somnio ad coniectorem mane deferant?  
 an natura fieri: ut mobiliter animus agitatus quod ui-  
 gilans uiderit, dormiens uidere uideatur? utrum phi-  
 losophia dignius, sagarum superstitione ista interpre-  
 tari? an explicatione naturæ? ut si iam fieri possit



## DE DIVINATIONE

coniectura uera somniorum: tamen isti qui profiten-  
tur, eam facere non possunt: ex leuissimo enim, & in-  
doctissimo genere constant. Stoici autem tui negant  
quenquam nisi sapientem diuinum esse posse. Chrysip-  
pus quidem diuinationem diffinit his uerbis. uim co-  
gnoscentem, & uidentem, & explicantem signa, quae  
a dijs hominibus portendantur. officium autem eius  
esse praenoscere dei erga homines mentem, qua sint:  
quidq; significant: quemadmodumq; ea procurentur,  
atq; expientur. idemq; somniorum coniectionem diffi-  
nit hoc modo: esse uim cernentem, & explanantem  
quae a dijs hominibus significantur in somnis. Quid  
ergo? ad haec mediocri opus est prudentia? an & in-  
genio praestanti? & eruditione perfecta? talem autem  
cognouimus neminem. uide igitur ne etiam si diuina-  
tionem tibi esse concessero (quod nunquam faciam) ne-  
minem tamen diuinum reperire possimus. Qualis  
autem ista mens est deorum? si neq; ea nobis signifi-  
cant in somnis: quae ipsi per nos intelligamus? neq; ea,  
quorum interpretes habere possimus? similes enim  
sunt dii: si ea nobis obijciunt: quorum neq; scientiam,  
neq; explanationem habeamus: tanquam si poeni, aut  
hispani in senatu nostro sine interprete loquerentur.  
Iam uero quo pertinent obscuritates, & enigmata  
somnia? intelligi enim a nobis diu uelle debebant  
ea: quae nostra causa nos monebāt. Quid? poeta ne-  
mo, nemo physicus obscurus? ille uero etiam nimis  
obscurus Euphorion. at non Homerus. uter igitur me-  
lior? ualde Heraclitus obscurus: minime Democritus.  
num igitur conferendi? mea causa me mones quod non  
intelligam. quid me igitur mones? ut si quis medicus



ægroto imperet, ut sumat

» Terrigenam tardigradā domiportam sanguine cassā  
potiusq̃ hominum more cocleam dicere. nam paciui-  
nus Amphion

» Quadrupes tardigrada, agrestis, humilis, aspera

» Capite breui, ceruice anguina, aspectu truci

» Eviscerata inanima cum animali sono

cum dixisset obscurius: tum Attia respondens: non in-  
telligimus nisi aperte dixeris. at ille, uno uerbo testu-  
do. non potueras hoc igitur à principio cytharista di-  
cere? defert ad coniectorem quidam somniasse se ouū  
pēdere ex fascia lecti sui cubicularis. est hoc in Chry-  
sippi libro somnium. respondit coniector, thesaurum  
defossū esse sub lecto. fodit: inuenit auri aliquan-  
tum, idq̃ circumdatum argento: misit coniectori quan-  
tulum uisum est de argento. tum ille, nihil ne de uitel-  
lo? id enim ex ouo uidebatur aurum declarasse: reli-  
quum argentum. nemo ne igitur unquam alius ouum  
somniauit? cur ergo hic nescio quis thesaurum solus  
inuenit? q̃ multi inopes digni præsidio deorum, nullo  
somnia ad thesaurum reperiendum admonentur?  
quam autem ob causam tam est obscure admonitus? ut  
ex ouo nasceretur thesauri similitudo, potius, q̃ aperte  
thesaurum quærere iuberetur? sicut aperte Simonides  
uetitus est nauigare? Ergo obscura somnia minime con-  
sentanea sunt maiestati deorum. ad aperta & clara  
ueniamus: quale est de illo interfecto à caupone mega-  
ris: quale de Simonide: qui ab eo quem humanerat  
uetitus est nauigare: quale etiam de Alexandro: quod  
à te præteritum esse miror: qui cum Ptolemæus fami-  
liaris eius in prælio, telo uenenato ictus esset: eoq̃



## DE DIVINATIONE

vulnere summo cum dolore moreretur: Alexander  
 assidens, somno est consopitus. tum secundum quietem  
 visus ei dicitur draco is, quem mater Olympias ale-  
 bat: radiculam in ore ferre: & simul dicere quo illa  
 loci nasceretur: neq; is longe aberat ab eo loco: eius au-  
 tem esse vim tantam: ut Ptolemæum facile sanaret. cum  
 Alexander experrectus narrasset amicis somnium:  
 emisisse qui illam radiculam quærerent. qua inuenta  
 & Ptolemæus sanatus dicitur: & multi milites, qui  
 erant eodem genere teli. vulnérati. multa etiam sunt  
 à te ex historijs prolata somnia, matris Phalaridis,  
 Cyri superioris, matris Dionysij, pœni Amilcaris,  
 Annibalis, P. Decij, promulgatum iam illud de præsule,  
 Gracchi etiam, & recens Cecilie Balearici filie som-  
 nium. Sed hæc externa: ob eamq; causam ignota no-  
 bis sunt: nonnulla etiam ficta fortasse. quis enim au-  
 thor istorum? de nostris somnijs quid habemus dice-  
 re? tu de merso me, & equo ad ripam? ego de Mario  
 cum fascibus laureatis me in suum deduci iubente mo-  
 numentum? Omnium somniorum Quinte una ratio  
 est. quæ per deos immortales uideamus ne nostra su-  
 perstitione, & depravatione superetur. quem enim tu  
 Marium visum à me putas: speciem credo eius, &  
 imaginem: ut Democrito uidetur: unde profectam ima-  
 ginem. à corporibus enim solidis, & à certis figuris  
 mult fluere imagines. quod igitur Marij corpus erat:  
 ex eo inquit quod fuerat. plena sunt imaginum omnia  
 ista. igitur me imago Marij in campum atinatem per-  
 sequebatur. nulla enim species cogitari potest: nisi  
 pulsu imaginum. quid ergo? istæ imagines ita no-  
 bis dicto audientes sunt? ut simulatq; uelimus accu-  
 rans?



rant? etiam ne earum rerum, quæ nullæ sunt? quæ  
 est enim forma tam inusitata, tam nulla? quæ non si-  
 bi animus possit effingere? ut quæ nunquam uidimus:  
 ea tamen formata habeamus: oppidorum situs, homi-  
 num figuras. num igitur cum aut muros Babylonis,  
 aut Homeri faciem cogito: imago illorum me aliqua  
 pellit? Omnia igitur, quæ uolumus, nota nobis esse  
 possunt. nihil est enim de quo cogitare nequeamus. nul-  
 læ ergo imagines obrepunt in animos dormientium  
 extrinsecus: nec omnino fluunt illæ: nec cognoui quen-  
 quam, qui maiore authoritate nihil diceret. animorum  
 est ea uis, atq; natura: ut uigeant uigilantes, nullo ad-  
 uentitio pulsu: sed suo motu incredibili quadam ce-  
 leritate. hi cum sustinentur membris, & corpore, &  
 sensibus: omnia certiora cernunt: cogitant: sentiunt.  
 cum autem hæc subtracta sunt: desertusq; animus lan-  
 guore corporis: cum agitur ipse p se. itaq; in eo &  
 formæ uersantur, & actiones: & multa audiri, multa  
 dici uidetur. hæc scilicet imbecillo remissoq; animo mul-  
 ta omnibus modis confusa & uariata uersantur: ma-  
 ximeq; reliquæ earum rerum mouentur in animis, &  
 agitantur: de quibus uigilantes, aut cogitauimus: aut  
 egimus. ut mihi temporibus illis multum in animo Ma-  
 rius uersabatur recordanti, quam ille grauem suum  
 casum magno animo, quam constanti tulisset. hanc cre-  
 do causam de illo somniandi fuisse. tibi autem de me  
 cum solitudine cogitanti subito sum uisus emer sus ex  
 flumine. inerant enim in utriusq; nostrum animis ui-  
 gilantium cogitationum uestigia. At quedam adiu-  
 cta sunt: ut mihi de monumento Marij: tibi q; equus,  
 in quo ego uehebar, mecum una demersus rursus ap-



## DE DIVINATIONE

paruit. An tu censes ullam anum tam deliram futuram fuisse? ut somnijs crederet? nisi ista casu nonnunquam, forte, temere concurrerent? Alexandro loqui draco uisus est. potest omnino hoc esse falsum: potest uerum. sed utrum sit non esse mirabile. non enim audiuit ille draconem loquentem: sed est uisus audire: et quidē, quo maius sit, cum radicem ore teneret locutus est. sed nihil est magnum somnianti. Quæro autem: cur Alexandro tam illudere somnium, tam certum, nec huic eidem alias, nec multa cæteris. mihi quidem præter hoc marianū nihil sane, quod meminerim frustra igitur consumptæ tot noctes tam longa in ætate. nunc quidē propter intermissionem forensis operæ, et lucubrationes detraxi: et meridiationes addidi: quibus uti antea non solebam: nec tam multum dormiens ullo somno sum admonitus, tantis præsertim derebus: nec mihi magis usquam uideor, quàm cum aut in foro magistratus, aut in curia senatum uideo, somniare. Etenim ex diuisione hoc secundum est, quæ est continuatio: coniunctioq; naturæ: quam ut dixi uocant *συμπλοκή* eiusmodi, ut thesaurus ex ouo intelligi debeat. nam medici ex quibusdam rebus, et aduenientes et crescentes morbos intelligunt: nonnullæ etiam ualitudinis significationes, ut hoc ipsum pleni, enectiue simus ex quodam genere somniorum intelligi posse dicuntur. thesaurus uero, et hæreditas, et honos, et uictoria, et multa generis eiusdem, quæ cum somnijs naturali cognatione iunguntur? dicitur quidam, cum in somnijs complexu Venerio iungeretur, calculos eiecisse. uideo sympathian. uisum est enim tale obiectum dormienti: ut id, quod euenit, naturæ uis, non opinio



non opinio erroris efficerit. quæ igitur natura obtulit  
 illam speciem Simonidi? a qua uetaretur navigare?  
 aut quid naturæ copulatum habuit Alcibiadis quod  
 scribitur somnium? qui paulo ante interitum, uisus est  
 in somnis amicæ esse amictus amiculo. is cum esset  
 proiectus inhumatus: ab omnibusq; desertus iaceret:  
 amica corpus eius textit suo pallio. ergo hoc inerat in  
 rebus futuris? Et causas naturalis habebat? an Et  
 ut uideretur, Et ut eueniret casus effecit? quid ipso-  
 rum interpretum coniecturæ, non ne magis ingenia  
 declarant eorum? quam uim consensumq; naturæ?  
 Cursor ad Olympia proficisci cogitans, uisus est in  
 somnis curru quadrigarum uehi. mane ad coniecto-  
 rem at ille uincet inquit: id enim celeritas significat,  
 Et uis equorum. post idem ad Antiphontem. is aut  
 uincere inquit necesse est. an non intelligis quattuor  
 ante te cucurrisse? Ecce alius cursor. atq; horum som-  
 niorum, Et talium plenus est Chrysippi liber, plenus  
 Antipatri. sed ad cursorem redeo. ad interpretem  
 detulit, aquilam se in somnis uisum esse factum. at ille  
 uicisti. ista enim uis uolat nulla uehementius. huic  
 equidem Antipho, tu uero inquit te uictum esse non  
 uides? ista enim uis insectans alias Et agitans,  
 semper ipsa postrema est. parere quædam matrona  
 cupiens, dubitans esset ne prægnans, uisa est in quiete  
 obsignatam habere naturam. rettulit. negauit eam,  
 quoniam obsignata fuisset, concipere potuisse. at alter  
 prægnantem esse dixit. nam inane obsignari nihil so-  
 lere. quæ est ista ars coniectoris, eludentis ingenio? an  
 ea, quæ dixi, Et innumerabilia, quæ collecta habent  
 stoici, quicquam significant, nisi acumen hominum ex



## DE DIVINATIONE

similitudine aliqua coniecturam modo huc, modo illuc  
 ducentium? medici signa quaedam habent ex uenis,  
 & ex spiritu ægroti: multisq; ex alijs futura præsen-  
 tiunt. gubernatores cum exultantes Lolignes uiderint,  
 aut Delphinos se in portum coniicientes: tempestatem  
 significari putant. hæc ratione explicari, & ad natu-  
 ram facile reuocari possunt. ea uero, quæ paulo ante  
 dixi, nullo modo. At enim observatio diurna (hæc  
 enim pars una restat) notandis rebus fecit artem. an  
 tandem somnia obseruari possunt? quonam modo?  
 sunt enim innumerabiles uarietates. nihil tam præpo-  
 stere, tam incôdite, tam monstruose cogitari potest: quod  
 non possimus somniare. quomodo igitur hæc infinita,  
 & semper noua, aut memoria complecti, aut obser-  
 uando notare possimus? Astrologi motus errantium  
 stellarum notauerunt. inuentus est enim ordo, in ijs  
 stellis, qui non putabatur. cedo tandem qui sit ordo, aut  
 quæ concursatio somniorum? quo modo autem distin-  
 gui possunt uera somnia à falsis? cum eadem, & alijs  
 aliter euadant, & ijsdem non semper eodem modo. ut  
 mihi mirum uideatur, cum mendaci homini, ne uerum  
 quidem dicenti credere soleamus: quomodo isti si som-  
 nium uerum euasit aliquod, non ex multis potius uni  
 fidem derogant q̃ ex uno innumerabilia confirmant.  
 si igitur neq; deus est effector somniorum: neq; natu-  
 ræ societas ulla cum somnijs: neq; observatione inueniri  
 potuit scientia: effectum est, ut nihil prorsus somnijs  
 tribuendum sit. præsertim cum illi ipsi, qui ea uident,  
 nihil diuinent: ij qui interpretantur coniecturam ad-  
 hibeant, non naturam: casus autem innumerabilibus  
 penè sæculis in omnibus plura mirabilia, quàm in  
 somniorum

somni  
 partes  
 rias,  
 somni  
 uere lo  
 fit omni  
 tem occ  
 de nat  
 gimus  
 futuri  
 uero  
 tollen  
 tueri  
 esse  
 suffi  
 chris  
 teri  
 que  
 stry  
 que  
 om  
 si c  
 nue  
 mile  
 est  
 ta  
 ru  
 ri  
 m  
 ni  
 d



somniorū uis effecerit: neq; coniectura quæ in uarias  
 partes duci potest, nonnunquam etiam in contra-  
 rias, quicquam sit incertius: explodatur hæc quoq;  
 somniorum diuinitas pariter cum cæteris. nam, ut  
 uere loquamur, superstitio fusa per gentes oppres-  
 sit omnium ferè animos: atq; hominum imbecillita-  
 tem occupauit. quod & his libris dictum est, qui sunt  
 de natura deorum: & hac disputatione id maxima  
 egimus. multum enim & nobismetipsis, et nostris pro-  
 futuri uidebamur, si eam funditus substulissimus: nec  
 uero (id enim diligenter intelligi uolo) superstitione  
 tollenda religio tollitur. nam & maiorum instituta  
 tueri, sacris, cerimonijsq; retinendis sapientis est: &  
 esse præstantem aliquam, æternamq; naturam, & eam  
 suspiciendam admirandamq; hominum generi, pul-  
 chritudo mundi, ordoq; rerum cælestium cogit confi-  
 teri. quamobrem ut religio propaganda etiam est,  
 quæ est iuncta cum cognitione naturæ: sic superstitionis  
 stirpes omnes eiciendæ sunt. instat enim & urget: &  
 quocunq; te uerteris, persequitur, siue tu uatem, siue tu  
 omen audieris: siue immolaris: siue auem aspexeris:  
 si Chaldæum, si aruspice uideris: si fulserit: si to-  
 nuerit: si tactum aliquid erit de cælo: si ostentū si-  
 mile, natum, factumue quippiam: quorum necesse  
 est plerunq; aliquid eueniat: ut nunquam liceat quie-  
 ta mente consistere. per fugum uidetur omnium labo-  
 rum & solitudinum esse somnus. at ex eo ipso plu-  
 rimæ curæ, metusq; nascuntur. qui quidem ipsi per se  
 minus ualerent: & magis contemnerentur: nisi som-  
 niorum patrociniū philosophi suscepissent. nec ij qui-  
 dem contemptissimi, sed in primis acuti, et consequen-



## DE DIVINATIONE

tia & repugnantia uidentes: qui prope iam absoluti,  
 & perfecti putantur. quorum licentia nisi Carneades  
 restitisset: haud scio an soli iam philosophi iudica-  
 rentur. cum quibus omnis fere nobis disceptatio, con-  
 tentioq; est. non q; eos maxime contemnamus: sed quod  
 uidentur acutissime sententias suas prudentissimeq; de-  
 fendere. cum autem proprium sit Academiae iudicium  
 suum nullum interponere: ea probare, quae simillima  
 ueri uideantur: conferre causas: et quid in quaque sen-  
 tentiam dici possit expromere, nulla adhibita sua  
 auctoritate iudicium audientium relinquere integrum,  
 ac liberum: tenebimus hanc consuetudinem a Socrate  
 traditam: eaq; inter nos, si tibi Quinte frater place-  
 bit, quam saepissime utemur. mihi uero inquit ille ni-  
 hil potest esse iocundius. quae cum essent dicta, surre-  
 ximus.



q

Via pertinet ad mores, quos *ἠθικά* *ἡθικά* vocant: nos eam partem philosophiae de moribus appellare solemus. sed decet augentem linguam latinam nominare moralem. explicanda vis est, ratioque enuntiationum: quae graeci *ἀξιωματικὰ* vocant: quae de re futura cum aliquid dicunt, deque eo quod possit fieri, aut non possit: quam vim habeant obscura quaestio est: quam *περὶ δυνάμεως* appellant: totaque est logicae: quam rationem differendi uoco. Quod autem in alijs libris feci, qui sunt de natura deorum: itemque in his, quos de diuinatione edidi: ut in utranque partem perpetua explicaretur oratio: quo facilius id a quoque probaretur, quod cuique maxime probabile uideretur: in hac disputatione de fato casus quidam ne facerem impedivit. nam cum essem in puteolano: Hircausque noster consul designatus iisdem in locis, uir nobis amantissimus, et his studijs, in quibus nos a pueritia uiximus, deditus: multum una eramus, maxime nos quidem exquirentes ea consilia, quae ad pacem, et ad concordiam ciuium pertinerent. cum enim omnes post interitum Caesaris nouarum perturbationum causae quari uiderentur: hisque esse occurrendum putaremus: omnis fere nostra in his deliberationibus consumebatur oratio. idque et saepe alias: et quodam liberiore, quam solebam, et magis uacuo ab interuentoribus die, cum

§ iiii



ille ad me uenisset: primo illa, quæ erant quotidiana,  
et quasi legitima nobis, de pace, & de ocio dicta sunt.  
qbus acceptis, quid ergo inquit ille: quoniam oratorias  
exercitationes non tu qdem, ut spero, reliquisti: sed cer  
te philosophiam illis anteposuisti: possum ne aliquid  
audire? Tu uero inquam uel audire: uel dicere:  
nec enim, quod recte existimas, oratoria illa stu  
dia deserui: quibus etiam te incendi, q̄q̄ flagrantissi  
mum acceperam: nec ea quæ nunc tracto minuunt: sed  
augent potius illam facultatem. Nam cum hoc genere  
philosophiæ, quod nos sequimur: magnam habet ora  
tor societatem. subtilitatem enim ab academia mu  
tuatur, & ei uicissim reddit ubertatem orationis, &  
ornamenta dicendi. quamobrem inquam quoniam  
utriusq; studij nostra possessio est: hodie utro frui ma  
lis, optio sit tua. Tum Hircius gratissimum inquit:  
& tuorum omnium simile. nihil enim unquam ab  
muit uoluntas tua meo studio: sed quoniam mihi rhe  
torica uestra sat nota: teq; in his & audiuius sepe, et  
audiemus: atq; hanc academicorum contra propositum  
disputandi consuetudinem indicant te suscepisse tuscula  
næ disputationes: proponere aliquid, ad quod audiam,  
si tibi non est molestum, uolo. An mihi inquam po  
test quicquam esse molestum, quod tibi gratum futu  
rum sit? sed ita audies: ut romanum hominem: ut ti  
mide ingredientem ad hoc genus disputandi: ut longo  
intervallo hæc studia repetentem. Ita inquit audiam  
te disputantem: ut ea lego, quæ scripsisti. proinde ordi  
re.



## Multa de fatis.

Consideramus hirci: quorum in alijs: Ut in Anti-  
patro poeta: ut in brumali die natis: ut in simul agro  
tantibus fratribus: ut in urina: ut in unguibus: ut  
in reliquis eiusmodi naturæ contagio ualeret: quam  
ego non tollo: uis est nulla fatalis. In alijs autem  
fortuita quedam esse possunt. ut in illo naufrago,  
ut in Icadio, ut in daphita. quedam etiam Possi-  
donius pace magistri dixerim, cōminisci uidetur. sunt  
inquam quidem absurda. quid enim? si Daphitæ fa-  
tum fuit de equo cadere, atq; ita pīre: ex hoc ne equo?  
qui cum equus non esset, nomen habebat alienum?  
aut Philippus hæc in capulo quadrigulas uitare mo-  
nebatur? quasi uero capulo sit occisus. quid autem ma-  
gnum, & naufragum illum sine nomine in riuo esse  
lapsum? quanquam huic quidem, hic scribit prædi-  
ctum in aqua esse pereundum. ne hercule Icadij qui-  
dem prædonis uideo fatum ullum. nihil enim scribit  
ei prædictum. quid mirum igitur ex spelunca saxum  
in crura eius incidisse? puto enim etiam si Icadius  
tum in spelunca non fuisset: saxum tamen illud casu-  
rum fuisse. nam aut nihil est omnino fortuitum: aut  
hoc ipsum potuit euenire fortuna. Quæro igitur, atq;  
hoc late patebit, si fati omnino nullum nomen, nulla  
natura, nulla uis esset: & forte, temere, casu, aut ple-  
raq; fierent: aut omnia: num aliter, ac nunc eueniunt,  
euenirent? quid ergo attinet inculcare fatum? cum  
sine fato, ratio omnium rerum ad naturam, fortu-



## DE FATO

nam uere referatur. sed Possidonium, sicut æquum est, cum bona gratia dimittamus: ad Chrysippi laqueos reuertamur. cui primum quidem de ipsa rerum contingere respondeamus: reliqua postea prosequemur. inter locorum naturas quantum intersit uideamus: alios esse salubres: alios pestilentes: in alijs esse pituitosos, & quasi redundantes: in alijs exaratos, atq; aridos: multaq; sunt alia, quæ inter locum & locum plurimum differunt. Athenis tenue cœlum: ex quo acutiores etiã putantur Attici: crassum Thebis: itaq; pingues thebani, & ualentes. tamen neq; illud tenue cœlum efficiet, ut aut Zenonem quis, aut Arcesilam, aut Theophrastum audiat: neq; Crassum, ut Nemea potius, quàm Isthmo uictoriam petat. disjunge longius. quid enim loci natura asferre potest? ut in porticu Pompeij potius, quàm in campo ambulemus? tecum, quàm cum alio? Idibus potius, quàm Calēdis? ut igitur ad quasdam res natura loci pertinet: & operatur aliquid: ad quasdam autem nihil: sic affectio astrorū ualeat, si uis, ad quasdam res: ad omnes certe non ualebit. Atenim quoniam in naturis hominum dissimilitudines sunt: ut alios dulcia, alios subamara delectens: alij libidinosi, alij iracundi, aut crudeles, aut superbi sint: alij talibus uicijs abhorreant: quoniam igitur inquit tantum natura, à natura distat: quid mirum est, has dissimilitudines ex differentibus causis esse factas? hæc differens, qua de re agatur, & in quo causa consistat, non uidet. non enim si alij ad alia propensiores sint propter causas naturales, & antecedentes: itaq; etiam nostrarum uoluntatum, atq; appetitionum sunt causæ naturales, & antecedentes. nam nihil esset in nostra



potestate: si res ita se haberet. nunc uero fatemur, acuti, hebetes, ne, ualentes, imbecilli, ne simus, non esse id in nobis. qui autem ex eo cogit putat, ne ut sedeamus quidem, aut ambulemus uoluntatis esse: is non uidet quæquam rem res consequatur. ut enim et ingeniosi, et tardi, ita nascentur antecedentibus causis: itemque ualentes, et imbecilli: non sequitur tamen, ut etiam sedere eos, et ambulare, et rem agere aliquam principalibus causis definitum, et constitutum sit. Stylphonem Megaricum philosophum, acutum sane hominem, et probatum temporibus illis accepimus. hunc scribunt ipsius familiares, et ebriosum, et mulierosum fuisse: neque hoc scribunt uituperantes: sed potius ad laudem. uitiosam enim naturam ab eo sic edomitam, et compressam esse doctrina: ut nemo unquam uiolentum illum, nemo in eo libidinis uestigium uiderit. quid? Socratem nonne legimus quemadmodum notarit Zopirus Physionomon? qui se profitebatur hominum mores naturasque, ex corpore, oculis, uultu, fronte pernoscere. stupidum esse Socratem dixit, et bardum quod iugula conatua non haberet: obstructas eas partes, et obturatas esse dicebat: addidit etiam mulierosum. in quo Alabiades cachinnum dicitur sustulisse. sed hæc ex naturalibus causis uitia nasci possunt: extirpari autem, et funditus tolli, ut is ipse, qui ad ea propensus fuerit, a tantis uitij auocetur: non est id positum in naturalibus causis: sed in uoluntate, studio, disciplina. quæ tolluntur omnia: si uis et natura fati ex diuinationis ratione firmabitur. etenim si est diuinationis: quælibet natura a præceptis artis proficitur: præcepta appello quæ dicuntur græce θεωρήματα.



# DE FATO

non enim credo nullo præcepto aut cæteros artifices  
 uersari in suo munere: aut eos, qui diuinatione utan-  
 tur, futura prædicere. sunt igitur astrologorum præ-  
 cepta huiusmodi. si quis, uerbi causa, oriente canicula  
 natus est: is in mari non morietur. uigila Chrysippe:  
 ne tuam causam, in qua tibi cum Diodoro ualente  
 dialectico magna luctatio est, deferas. si enim uerum  
 est, quod ita connectitur: si quis oriente canicula natus  
 est: in mari non morietur: illud quoque uerum est: si  
 Fabius oriente canicula natus est: Fabius in mari non  
 morietur. pugnant ergo hæc inter se: oriente canicula  
 natum esse: & in mari Fabium moriturum: & quo-  
 niam certum in Fabio ponitur ortum esse eum canicu-  
 la oriente. hæc quoque pugnant: & esse Fabium: & in  
 mari moriturum. ergo hæc quoque coniunctio est ex re-  
 pugnantibus: & est Fabius: & in mari Fabius mo-  
 rietur. quod ut propositum est, ne fieri quidem potest.  
 ergo illud, morietur in mari Fabius, ex eo genere est,  
 quod fieri non potest. omne igitur quod falsum dicitur  
 in futuro, id fieri non potest. at hoc Chrysippe minime  
 uis: maximeque tibi de hoc ipso cum Diodoro certamen  
 est. ille enim id solum fieri posse dicit: quod aut sit ue-  
 rum: aut futurum sit uerum: & quicquid futurum  
 sit: id dicit fieri necesse esse: & quicquid non sit fu-  
 turum: id negat fieri posse. tu & quæ non sint futu-  
 ra posse fieri dicis: ut frangi hanc gemmam: etiam si  
 id nunquam futurum sit: neque necesse fuisse Cipsellum  
 regnare Corinthi: quanquam id millesimo ante anno  
 Apollinis oraculo editum esset. at si ista comprobabis  
 diuina prædicta: & quæ falsa in futuris dicentur, in  
 his habemus, ut ea fieri non possint: ut si dicatur Afri-



annum Carthagine potiturum, & si uere dicatur de  
 futuro, idq; ita futurum sit, dicat esse necessarium. quæ  
 est tota Diodori uobis inimica sententia. etenim si illud  
 uere connectitur: si oriente Canicula natus es: in mari  
 non morieris: primumq; quod est in connexo, natus es  
 oriente canicula, necessarium est: omnia enim uera in  
 præteritis necessaria sunt: ut Chrysippo placet dissen-  
 tienti a magistro Cleante: quia sunt immutabilia: nec  
 in falsum e uero præterita possunt conuerti. si igitur  
 quod primum in connexo est, necessarium est: fit etiam  
 quod consequitur necessarium. qd hoc Chrysippo non ui-  
 detur ualere in omnibus. sed tamē, si naturalis est causa  
 cur in mari Fabius non moriatur: in mari Fabius mo-  
 ri non potest. Hoc loco Chrysippus æstuans falli spe-  
 rat chaldaeos, cæterosq; diuinos: neq; eos usuros esse con-  
 iunctionibus: ut ita sua præcepta pronuncient, si quis  
 natus est oriente canicularis in mari, non morietur: sed  
 potius ita dicant: nō & natus est quis oriente canicula:  
 & is in mari morietur. O licentiā iocularum: ne ipse  
 incidat in Diodorum, docet chaldaeos, quo pacto eos ex-  
 ponere præcepta oporteat. quero enim si chaldaei ita  
 loquantur, ut negationes infinitarum coniunctionum,  
 potius q̄ infinita connexa ponant: cur idem medici, cur  
 geometræ, cur reliqui facere non possint? Medicus in  
 primis. quod erit ei perspectum in arte, non ita pro-  
 ponet: Si cui uenæ sic mouentur: is habet febrem: sed  
 potius illo modo: non & huic uenæ sic mouentur: &  
 febrē is non habet. itemq; geometræ non ita dicunt: si  
 in sphaera maximi orbes sunt: medij inter se diuidun-  
 tur: sed potius illo modo: non & sunt in sphaera ma-  
 ximi orbes: & hi non medij inter se diuiduntur. quid



# DE FATO

est, quod non possit isto modo ex connexo transferri ad coniunctionum negationem? Et quidem alijs modis easdem res efferre possumus. modo dixi, si in sphaera maximi orbes sunt: medij inter se diuiduntur: possum dicere, si in sphaera maximi orbes erunt: possum dicere, quia in sphaera maximi orbes erunt. multa genera sunt enunciandi: nec ullum distortius, quam hoc, quo Chrysippus sperat Chaldaeos contentos stoicorum causa fore: illorum tamen nemo ita loquitur. maius est enim has contortiones orationis, quam signorum ortus, obitusque perdiscere. sed ad illam Diodori contentionem, quam *περί ἀναγνώσεως* appellant, reuertamur. in qua quid ualeat id, quod fieri possit, inquirat. Placet igitur Diodoro id solum fieri posse, quod aut uerum sit: aut uerum futurum sit. qui locus attingit hanc questionem: nihil fieri, quod non necesse fuerit: Et quicquid fieri possit, id aut esse iam: aut futurum esse: nec magis commutari ex ueris in falsa ea posse, quae futura sunt: quam ea quae facta sunt. sed in factis immutabilitatem apparere: in futuris quibusdam quia non apparent, ne necesse quidem uideri. ut in eo, qui mortifero morbo urgeatur, uerum sit, hic morietur hoc morbo. at hoc idem si uere dicatur in eo, in quo uis morbi tanta non appareat: nihilominus futurum sit. ita fit ut commutatio ex uero in falsum, ne in futuro quidem ulla fieri possit. nam morietur Scipio, talem uim habet ut quanquam de futuro dicatur: tamen id non possit conuertere in falsum. de homine enim dicitur: cui necesse est mori. sic si diceretur, morietur noctu in cubiculo suo Scipio ui oppressus: uere diceretur. id enim fore diceretur, quod esset futurum. futurum au-



tem fuisse, ex eo, quia factum est, intelligi debet: nec  
magis erat uerum morietur Scipio: quam morietur il-  
lo modo: nec minus necesse est mori Scipioni: quam illo  
modo mori: nec magis immutabile ex uero in falsum,  
necatus est Scipio: quam necabitur Scipio: nec, cum hæc  
ita sint, est causa cur Epicurus fatum extimescat: Et  
ab atomis petat præsidium: easque de uia deducat: Et  
uno tempore suscipiat res duas inenodabiles: unam,  
ut sine causa fiat aliquid: ex quo existet, ut de nihilo  
quippiam fiat: quod, nec ipsi nec cuiquam physico pla-  
cet: alteram, ut cum duo indiuidua per inanitatem  
ferantur: alterum è regione moueatur: alterum de-  
clinat. Licet enim Epicuro concedenti, omne enunciatum  
aut uerum, aut falsum esse, non uereri, ne omnia fato  
fieri sit necesse, non enim æternis causis naturæ necessi-  
tate manantibus, uerum est id, quod ita enunciat:  
descendit in academiam Carneades: nec tamen sine  
causis: sed interest inter causas fortuito antegressas: Et  
inter causas cohibentes in se efficientiam naturalem: ita  
Et semper uerum fuit, morietur Epicurus cum duo Et  
septuaginta annos uixerit Archonte pytarato: neque ta-  
men erant causæ fatales, cur ita accideret: sed quod ita  
ecidisset: certe casurum sicut cecidit fuit. nec ii, qui di-  
cunt immutabilia esse, quæ futura sint: nec posse ue-  
rum futurum conuertere in falsum: fati necessitatem  
confirmant: sed uerborum uim interpretantur. atque qui  
introducunt causarum seriem sempiternam: hi men-  
tem hominis uoluntate libera spoliata, necessitate fati  
deinquant. sed hæc hætenus. alia uideamus. concludit  
enim Chrysippus hoc modo: si est motus sine causa: non  
omnis enunciatio, quod ἀξίωμα dialectici appellant.



## DE FATO

aut uera, aut falsa erit. causas enim efficientis quod non habebit: id nec uerum, nec falsum erit. omnis autem enunciatio aut uera, aut falsa est. motus ergo sine causa nullus est. quod si ita est: omnia, quæ fiunt, causis fiunt antegressis. id si ita est: omnia fato fiunt. efficitur igitur fato fieri quæcunq; fiant. Hic primum si mihi liceat assentiri Epicuro: & negare omnem enunciationem aut ueram esse, aut falsam: eam plagam potius accipiam, quàm fato omnia fieri comprobem. illa enim sententia aliquid habet disputationis: hæc uero non est tolerabilis. itaq; contendit omnes neruos Chrysippus: ut persuadeat omne axioma aut uerum esse, aut falsum. ut enim Epicurus ueretur, ne si hoc concesserit, concedendum sit, fato fieri quæcunq; fiant. si enim alterutrum ex æternitate uerum sit: esse id etiam certum: & si certum: etiam necessarium. ita & necessitatem, et fatum confirmari putat. sic Chrysippus metuit, ne, si non obtinuerit omne quod enuncietur, aut uerum esse, aut falsum: omnia fato fieri possint, & ex causis æternis rerum futurarum. sed Epicurus declinatione atomi uitari fati necessitatem putat. itaq; tertius quidam modus oritur extra pondus, & plagam: cum declinat atomus interuallo minimo. id appellat, *ἁλίσσον*. quam declinationem sine causa fieri, si minus uerbis, re cogitur confiteri. Non enim Atomus, ab atomo pulsa declinat. nam qui potest pelli alia ab alia? si grauitate feruntur ad perpendicularum corpora indiuidua, rectis lineis: ut Epicuro placet. sequitur enim ut si alia ab alia nunquam depellatur: ne contingat quidem alia aliam. ex quo efficitur, ut iam si sit Atomus: eaq; declinet: declinare sine causa. Hanc rationem Epicurus induxit



rus induxit ob eam rem : q̄ ueritus est, ne si semper  
Atomus grauitate ferretur naturali, ac necessaria: nihil  
liberum nobis esset : cum ita moueretur animus , ut  
Atomorum motus cogeretur. id Democritus author Atomorum  
accipere maluit, necessitate omnia fieri: quam  
a corporibus indiuiduis naturales motus auellere.  
acutius Carneades: qui docebat Epicureos suam cau-  
sam sine hac commentitia declinatione defendere. nam  
cum doceret esse posse quendam animi motum uo-  
luntarium : id fuit defendi melius : quam introduce-  
re declinationem: cuius praesertim causam reperire  
non possunt. quo defenso facile Chrysippo possent resi-  
stere. cum enim concessissent motum nullum esse sine  
causa: non concederent, omnia quae fierent fieri causis  
antecedentibus. uoluntatis enim nostrae non esse causas  
externas, & antecedentes. communi igitur consuetudi-  
ne sermonis abutimur: cum ita dicimus : uelle aliquid  
quempiam, aut nolle sine causa. ita enim dicimus si-  
ne causa: ut dicimus sine externa & antecedente causa:  
non sine aliqua. ut cum uas inane dicimus: non ita lo-  
quimur ut physici: quibus inane esse nihil placet : sed  
ita, ut uerbi causa, sine aqua, sine uino, sine oleo  
uas esse dicamus. sic cum sine causa animum moueri di-  
cimus: sine antecedente & externa causa moueri, non  
omnino sine causa, dicimus. de ipsa Atomo dici  
potest, cum per inane moueatur grauitate, & pon-  
dere: sine causa moueri: quia nulla causa accedat ex-  
trinsecus. rursus autem, ne omnes physici irrideamur:  
si dicamus quicquam fieri sine causa: distinguendum  
est: & ita dicendum: ipse indiuidui hanc esse natu-  
ram: ut pondere & grauitate moueatur: eamq; ipsam



## DE FATO

esse causam cur ita feratur. similiter ad animorum  
 motus uoluntarios, non est requirenda externa causa.  
 motus enim uoluntarius eam naturam in se ipso con-  
 tinet: ut sit in nostra potestate: nobisq; pareat. nec id  
 sine causa. eius enim rei causa, ipsa natura est. quod cum  
 ita sit: quid est, cur non omnis pronuntiatio aut uera,  
 aut falsa sit? nisi concesserimus fato fieri quaecunq; fi-  
 ant? quia futura inquit uera non possunt esse ea, quæ  
 causas cur futura sint, nō habent. habeant igitur causas  
 necesse est: ut ea, quæ uera sunt, ita cum euenerint, fato  
 euenerint. confectum negociū, si qdem tibi concedendū  
 est, aut fato omnia fieri: aut quicq; posse fieri sine cau-  
 sa. an aliter hæc enunciatio uera esse non potest: ca-  
 piet Numantiam Scipio? nisi ex æternitate causa cau-  
 sam ferens hoc erit effectura? an hoc falsum potuisset  
 esse, si esset sexcentis seculis ante dictum. Et si tum  
 non esset uera hæc enunciatio, capiet Numantiam Sci-  
 pio: ne illa quidem uera est hæc enunciatio, capiet  
 Numantiam Scipio. potest igitur quicquam factum es-  
 se: quod non uerum fuerit futurum esse. nam ut præ-  
 terita ea uera dicimus, quorum superiore tempore ue-  
 ra fuerint instantia: sic futura, quorum consequenti  
 tempore uera erunt instantia, ea uera dicimus. nec  
 si omne enunciatum aut uerum aut falsum est: sequi-  
 tur ilico esse causas immutabiles, easq; æternas: quæ  
 prohibeant quicquam secus cadere, atq; casurum sit:  
 fortuitæ sunt causæ, quæ efficiant, ut uere dicatur, quæ  
 ita dicentur: ueniet Cato in senatum: non incluse in re-  
 rum natura, atq; mundo. Et tamen tam est immuta-  
 bile uenturum, cum est uerum: quàm uenisse. nec ob-  
 eam causam fatum, aut necessitas extimescenda est. Ete-  
 nim erit



nūm erit confiteri necesse si hæc enuntiatio, ueniet in  
 Tusculanum Hortensius, uerum non est: sequitur ut fal-  
 sum sit. quorum isti neutrum uolunt: quod fieri non  
 potest. nec nos impedit illa ignaua ratio quæ dicitur:  
 appellatur enim quidam à philosophis à prorsus aduersos:  
 cui si pareamus nihil est omnino, quod agamus in uita.  
 sic enim interrogant: si fatū tibi est ex hoc morbo con-  
 ualescere: siue medicum adhibueris: siue non: conua-  
 lesces. item, si fatum tibi est, ex hoc morbo non conua-  
 lesce: siue tu medicum adhibueris: siue non: non con-  
 ualesces. Et alterutrum fatum est. medicum ergo ad-  
 hibere nihil attinet. recte genus hoc interrogationis  
 ignauum, atq; iners nominatum est: quod eadem ra-  
 tione omnis ē uita tolletur actio. licet etiam immuta-  
 re: ut fati nomen non adiungas: Et eandem tamen  
 teneas sententiam: hoc modo. Si ex æternitate uerum  
 hoc fuit, ex isto morbo conualesces: siue adhibueris  
 medicum: siue non: conualesces. itemq; si ex æter-  
 nitate hoc falsum fuit, ex isto morbo non conualesces:  
 siue adhibueris medicum: siue non adhibueris: non  
 conualesces. deinde cætera. hæc ratio à Chrysippo re-  
 prehenditur. quædam enim sunt inq; in rebus simpli-  
 cia: quædam copulata. simplex est, morietur eo die  
 Socrates. huic siue quid fecerit, siue non fecerit, fi-  
 nitus est moriendi dies. at si ita fatum sit, nascetur Oe-  
 dipus Laio: non poterit dici siue fuerit Laus cum  
 muliere, siue non fuerit. copulata enim res est, Et  
 confatalis. sic enim appellat. quia ita fatum sit, Et  
 concubiturum cum uxore Laium: Et ex ea Oedi-  
 pum procreaturū. ut si esset dictum luctabitur Olym-  
 pūs Milo: et referret aliq; ergo siue habuerit aduer-



## DE FATO

sarium, siue non habuerit, luctabitur: erraret: est enim copulatum luctabitur. quia sine aduersario nulla luctatio est. omnes igitur istius generis captiones eodem modo refelluntur. siue tu adhibueris medicum, siue non adhibueris, conualesces: captiosum. tam enim est fatale medicum adhibere, quam conualescere. hæc ut dixi confatalia ille appellat. Carneades hoc totum genus non probabat: Et nimis inconsiderate concludi hanc rationem putabat. itaq; premebat alio modo: nec ullam adhibebat calumniam. cuius erat hæc conclusio. Si omnia antecedentibus causis fiunt: omnia naturali colligatione conserte, contexteq; fiunt. quod si ita est: omnia necessitas efficit. id si uerum est: nihil est in nostra potestate. est autem aliquid in nostra potestate. ac si omnia fato fiunt, omnia causis antecedentibus fiunt. non igitur fato fiunt, quæcunq; fiunt. hæc arctius astringi ratio non potest. nam si quis uelit idem referre: atq; ita dicere: si omne futurum ex æternitate uerum est: ut ita certe eueniat, quemadmodum sit futurum: omnia necesse est colligatione naturali conserte, contexteq; fieri: nihil dicat. multum enim differt utrū causa naturalis, ex æternitate futura uera efficiat: an etiam sine æternitate naturali, futura quæ sint, ea uera esse, possint intelligi. itaq; dicebat Carneades, ne Apollinem quidem futura posse dicere: nisi ea, quorum causas natura ita contineret: ut ea fieri necesse esset. quid enim spectans, deus ipse diceret Marcellum eum, qui ter consul fuit, in mari esse periturum? erat quidem hoc uerum ex æternitate: sed causas id efficientes non habebat. ita ne præterita quidem ea, quorum nulla signa, tanquam uestigia extarent,



extarent, Apollini nota esse censebat. quo minus futura. causis enim efficientibus quanq; rem cognitis, posse deniq; sciri quid futurum esset. ergo nec de Oedipo potuisse Apollinem prædicere, nullis in rerum natura causis propositis, cur ab eo patrem interfici necesse esset: nec quicquam huiusmodi. Quo circa si Stoicis, qui omnia fato fieri dicunt, consentaneum est huiusmodi oracula, ceteraq; quæ ad diuinationem pertinent, comprobare: his autem, qui quæ futura sunt, ea uera esse ex æternitate dicunt, non idem dicendum est: uide ne non eadem sit illorum causa & stoicorum. hi enim urgentur angustius: illorum ratio soluta, ac libera est. Quod si concedatur nihil posse euenire nisi causa antecedente: quid proficiatur, si ea causa, non ex æternis causis apta dicatur? causa autem ea est, quæ id efficiat, cuius est causa: ut uulnus mortis, cruditas morbi, ignis ardoris. itaq; non sic causa intelligi debet: ut quod cuiq; antecedit id & causa sit: sed quod cuiq; efficienter antecedit. nec quod in campum descendimus id fuisse causæ, cur pila luderem. nec Hecubam causam interitus fuisse Troianis, quod Alexandrū genuerit: nec Tyndareum Agamemnoni, quod Clitemnestram. hoc enim modo uiator quoq; bene uestitus causa crassatori fuisse diceretur: cur ab eo spoliaretur. ex hoc genere illud est Ennii,

- » Utinam ne in nemore pelio securibus  
 » Cese cecidissent abiegnæ ad terram trabes?  
 licuit uel altius: utinam ne in pelio nata ulla unquam  
 esset arbor: etiam supra: utinam ne esset mons ullus pelius: similiterq; superiora repetentem regredi in infinitum licet.



DE FATO

» Ne ue inde nauis inchoanda exordium  
 » Cœpisset, -  
 quorsum hæc præterita? quia sequitur illud  
 » Nam nunquam hera errans mea, domo effirret pedē  
 » Medea, animo ægro, amore seuo saucia,  
 non ut hæ res causam afferrent amoris interesse autem  
 aiunt, utrum eiusmodi quid sit, sine quo aliquid effici  
 non possit: an eiusmodi, cū quo aliquid effici necesse sit.  
 nulla igitur earū causa est, quoniam nullam rem sua  
 ui efficit, cuius dicitur causa. nec id sine quo quippiam  
 non fit, causa est: sed id quod cum accessit, id cuius  
 causa est, efficit necessario. Nondum enim ulcerato ser-  
 pentis morſu Philocteta, quæ causa in rerum natura  
 continebatur, fore, ut is in insula Lemno linqueretur?  
 post autem causa fuit propior, Et cum exitu iunctor-  
 ratio igitur, euentus aperit causam: sed ex æternitate  
 uera fuit hæc enunciatio: relinquetur in insula lem-  
 no Philoctetes: nec hoc ex uero in falsum poterat con-  
 uerti: necesse est enim in rebus contrarijs duabus, con-  
 traria autem hoc loco ea dico, quorum alterum ait  
 quid: alterum negat. ex his igitur necesse est inuito Epi-  
 curo, alterū uerum esse, alterum falsum. ut sauciabitur  
 Philoctetes, omnibus ante sæculis uerum fuit: non sau-  
 ciabitur, falsum. nisi forte uolumus Epicureorum opi-  
 nionem sequi: qui tales enunciationes nec ueras, nec  
 falsas esse dicunt. aut cum id pudet: illud tamen dicunt,  
 quod est impudentius, ueras esse ex contrarijs disun-  
 ctiones. sed quæ in his enunciata essent, eorum neu-  
 trum esse uerum. O' admirabilem licentiam, Et mi-  
 serabilem inscitiam differendi. si enim aliquid in elo-  
 quendo, nec uerum, nec falsum est: certe id uerum non  
 est. quod



est. quod autem uerum non est: qui potest non falsum  
esse? aut quod falsum non est: qui potest non uerum  
esse? tenebitur id quod a Chrysippo defenditur. omnem  
enunciationem aut ueram, aut falsam esse: ratio ipsa  
coget. Et ex aeternitate quaedam uera esse: Et ea non  
esse nexa causis aeternis: Et a fati necessitate esse libe-  
ra. ac mihi quidem uidetur, cum duae sententiae fuis-  
sent ueterum philosophorum: una eorum, qui censerent  
omnia ita fato fieri: ut id fatum uim necessitatis asser-  
ret: in qua sententia Democritus, Heraclitus, Empedo-  
cles, Aristoteles, fuit. altera eorum, quibus uiderentur  
sine ullo fato esse animorum motus uoluntarij: Chry-  
sippus tanquam arbiter honorarius medium se ferre  
uoluisse, sed applicat se ad eos potius: qui necessitate  
motus animos liberatos uolunt. dum autem uerbis uti-  
tur suis: delabatur in eas difficultates: ut necessitatem  
fati confirmet inuitus. atq; hoc si placet quale sit uidea-  
mus in assensionibus, quas prima oratione tractauimus.  
eas enim ueteres illi, quibus omnia fato fieri uideban-  
tur, ui effici Et necessitate dicebant. qui autem ab his  
dissentiebant, fato assensiones liberabant: negabantq;  
fato assensionibus adhibito, necessitatem ab his posse re-  
moueri: uq; ita differebant. Si omnia fato fiunt: omnia  
fiunt antecedente causa: Et si appetitus: illa etiam quae  
appetitum sequuntur. ergo etiam assensiones. At si  
causa appetitus non est sita in nobis: ne ipse quidem  
appetitus est in nostra potestate. quod si ita est: ne illa  
quidem, quae appetitu efficiuntur sita in nobis sunt.  
non sunt igitur neq; assensiones, neq; actiones in nostra  
potestate. Ex quo efficitur, ut neq; laudationes iustae  
sint: nec uituperationes: nec honores: nec supplicia.

t iiii



## DE FATO

quod cum uitiosum sit: probabiliter concludi putant non omnia fato fieri, quæcumq; fiant. Chrysippus autem cum & necessitatem improbare: & nihil uellet sine propositis causis euenire: causarum genera distinguit: ut & necessitatem effugiat: & retineat fatum. causarum enim inquit alie sunt perfectæ, & principales: alie adiuvantes & proximæ. quamobrem cum dicimus omnia fato fieri causis antecedentibus: non hoc intelligi uolumus, causis perfectis & principalibus: sed causis antecedentibus adiuvantibus & proximis. itaq; illi rationi quam paulo ante conclusi, sic occurrit: si omnia fato fiant, sequi illud quidem, ut omnia causis fiant antepositis: uerum non principalibus, & perfectis, sed adiuvantibus, & proximis. quæ si ipsæ non sint in nostra potestate: non sequitur, ut ne appetitus quidem sit in nostra potestate. at hoc sequeretur: si omnia perfectis & principalibus causis fieri diceremus: ut cum hæ causæ non essent in nostra potestate: ne ille quidem esset in nostra potestate. quamobrem qui ita fatum introducunt: ut necessitatem adiungant: in eos ualebit illa conclusio. qui autem causas antecedentes non dicunt perfectas neq; principales, in eos nihil ualebit. quod enim dicantur assensiones fieri causis antepositis: id quale sit, facile a se explicari putant. nam quanquam assensio non possit fieri nisi commota uiso: tamen cum id uisum proximam causam habeat, non principalem: hanc habet rationem, ut Chrysippus uult, quam dudum diximus: non ut illa quidem fieri possit nulla ui extrinsecus excitata. necesse est enim assensionem uiso commoueri. sed reuertitur ad Chilindrum, & turbinem suum.

quo

que n  
cum a  
drum  
quit q  
motum  
oblectu  
in an  
potest  
est, ext  
natur  
causa  
omni  
ceder  
ri fat  
disting  
sippo  
fateam  
alia  
fato  
caus  
neq  
&  
caus  
ut se  
bus,  
con  
rum  
fie  
fie  
pa  
ex



quæ moueri incipere, nisi pulsa, non possunt. id autem cum accidit: suapte natura quod superest, & Chilindrum uolui, & uersari turbinem putant. ut igitur inquit qui protrusit Chilindrum, dedit ei principium motionis: uolubilitatem autem non dedit. sic uisum obiectum imprimet illud quidem, & quasi signabit in animo suam speciem: sed assensio, nostra erit in potestate: eaq; , quemadmodum in Chilindro dictum est, extrinsecus pulsa, quod reliquum est, suapte ui, & natura mouebitur. quod si aliqua res efficeretur sine causa antecedente: falsum esset omnia fato fieri. sin omnibus, quæcunq; fiunt, uerisimile est causam antecedere: quid afferri poterit? cur non omnia fato fieri fatendum sit? modo intelligatur quæ sit causarum distinctio, ac dissimilitudo. hæc cum ita sint a Chrysippo explicata: si illi, qui negant assensiones fato fieri: fateantur tamen eas non sine uiso antecedente fieri: alia ratio est. sed si concedunt anteire uisa: nec tamen fato fieri assensiones: quod proxima illa, & continens causa non moueat assensionem: uide ne idem dicant. neq; enim Chrysippus concedens assensionis proximam & continentem causam esse in uiso positam: neq; eam causam ad assentiendum, necessariam esse: concedet, ut si omnia fato fiant, omnia fiant, causis antecedentibus, & necessarijs: itemq; illi qui ab hoc dissentiunt, confitentes non fieri assensiones sine præcursione uisorum, dicent, si omnia fato fierent, eiusmodi: ut nihil fieret, nisi prægressione causæ: confitendum esse fato fieri omnia. ex quo facile intellectu est, cum utriq; patefacta, atq; explicata sententia sua, ad eundem exitum ueniant: uerbis eos non re dissidere. omninoq;



## DE FATO

cum hæc sit distinctio, ut quibusdam in rebus uere dici possit: cum hæc causæ antegressæ sint: non esse in nostra potestate: quin illa eueniant: quorum causæ fuerint: quibusdam autem in rebus, causis antegressis, in nostra tamen esse potestate: ut illud aliter eueniat: hanc distinctionem utriq; approbant. sed alteri censent, quibus in rebus, cum causæ antecesserint ita, ut non sit in nostra potestate, ut aliter illa eueniant: illas fato fieri: quæ autem in nostra potestate sint, ab his fatum abesse. hoc modo hanc causam disceptari oportet: non ab Atomis errantibus, & de uia declinantibus præsidium petere. declinat inquit Atomus. primum cur? aliam enim quandam uim motus habebunt à Democrito impulsione, quam plagam ille appellat: à te Epicure grauitatis & ponderis. quæ ergo noua causa in natura est: quæ declinet Atomum? aut num sortiuntur inter se, quæ declinent? quæ non? aut cur minimo declinent intervallo? maiore non? aut cur declinent uno minimo? non declinent duobus, aut tribus? optare hoc quidem est, non disputare. nam neq; extrinsecus impulsam Atomum, loco moueri, & declinare dicis: neq; in illo inani, per quod feratur Atomus, quicquam fuisse causæ: cur ea non è regione ferretur: nec in ipsa Atomo mutationis aliquid factum est: quamobrem naturalem sui ponderis motum non teneret. ita cum attulisset nullam causam, quæ istam declinationem efficeret: tamen aliquid sibi dicere uidetur: cum id dicat, quod omnium mentes aspernentur, ac respuant. Nec uero quisquam magis confirmare mihi uidetur non modo fatum, uerum etiam necessitatem, & uim omnium rerum: substitu-

dispo-  
 nere)  
 tias de  
 quas q  
 men de  
 si Atom  
 te natur  
 ueatur  
 clinat  
 tur ali



lisseq; motus animi uoluntarios: q̄ hic qui aliter ob-  
stere fato fatetur se non potuisse: nisi ad has commenti-  
tias declinationes confuisset. nam, ut essent Atomi,  
quas quidem esse mihi probari nullo modo potest: ta-  
men declinationes istæ, nunquam explicarentur. nam  
si Atomis ut gravitate ferantur, tributum est necessita-  
te naturæ: quod omne pondus nulla re impediēte mo-  
ueatur & feratur necesse est: illud quoq; necesse est de-  
clinare quibusdam Atomis, uel si uolunt omnibus na-  
turaliter.

Multa desunt.







151

M. TVLLII CICERONIS SCIPIO-  
NIS SOMNIVM EX LIBRO  
DE REP. SEXTO.

VM in Africam uenissem Manilio  
COSS. ad quartam legionem tri-  
bunus (ut scitis) militum: nihil mihi  
potius fuit, quam ut Masanissam  
conuenirem, regem familie nostrae  
iustus de causis amicissimum. ad  
quem ut ueni: complexus me senex collachrymauit:  
aliquantoties post suspexit in coelum: & grates inquit  
tibi ago summe Sol, uobisque reliquis caelites: quod an-  
tequam ex hac uita migro, conspicio in meo regno &  
his tectis P. Cornelium Scipionem: cuius ego nomine  
ipse recreor ita nunquam ex animo meo discedit illius  
optimi atque inuictissimi uiri memoria. Deinde ego il-  
lum de suo regno, ille me de nostra rep. percontatus  
est: multisque uerbis ultro citroque habitis, ille nobis con-  
sumptus est dies. Post autem regio apparatu accepti,  
sermonem in multam noctem produximus: cum senex  
nihil nisi de Africano loqueretur: omniaque eius non solum  
facta, sed etiam dicta meminisset. deinde ut cubitu di-  
scessimus: me et fessum de uia, & quod ad multam noctem  
uigilassem, arctior, quam solebat, somnus complexus est. Hic  
mihi (credo eadem, ex hoc quod eramus locuti. fit enim  
sepe ferè, ut cogitationes, sermonesque nostri pariant  
aliquid in somno tale, quale de Homero scribit En-  
nius, de quo uidelicet saepissime uigilans solebat cogi-  
tare & loqui) Africanus se ostendit illa forma, qua



## SCIPIONIS

mihi ex imagine eius, quam ex ipso erat notior.  
 Quem ut agnoui, equidem cohorruī. Sed ille, ades  
 inquit animo, & omitte timorem Scipio: & quæ di-  
 cam trade memoriæ. Vides ne illam urbem, quæ pa-  
 rere populo romano coacta per me renouat pristina  
 bella: nec potest quiescere? (ostendebat autem Car-  
 thagnem de excelsō & pleno stellarum, illustri, &  
 claro quodam loco) ad quam tu oppugnandam nunc  
 uenis penē miles. hanc hoc biennio consul euerteris: eritq;  
 cognomen id tibi per te partum, quod habes ex nobis  
 adhuc hæreditarium. Cum autem Carthagnem de-  
 leueris: triumphum egeris: censorq; fueris: & obieris  
 legatus ægyptum, Syriam, Asiam, Græciam: delegere  
 iterum absens consul: bellumq; maximum conficies,  
 Numantiam excindens. sed cum eris curru capitoliū  
 inuectus: offendes rēp. perturbatam consilijs nepotis mei.  
 Hic tu Africane ostendas oportebit patriæ lumen ani-  
 mi, ingenij, consilijq; tui. Sed eius temporis ancipitem uī  
 deo quasi fātorum uiam. nam cum ætas tua septenos  
 octies solis anfractus, reditusq; conuerterit: duoq; hi  
 numeri, quorum uterq; plenus, alter altera de causa  
 habetur: circuitu naturali summam tibi fatalem con-  
 fecerint: in te unum atq; tuum nomen se tota conuer-  
 tet ciuitas. te senatus, te omnes boni, te socij, te La-  
 tini intuebuntur. tu eris unus, in quo nitatur ciuita-  
 tis salus. Ac ne multa, dictator remp. constituas opor-  
 tet: si impias propinquorum manus effugeris. Hic  
 cum exclamasset Lælius: ingenuissimēq; cæteri uehe-  
 mentius: leniter arridens Scipio, quæso inquit ne me ē  
 somno excitetis: & pax sit rebus. audite cætera. Sed  
 quo sis Africane alacrior ad tutandam remp. sic ha-



beto: omnibus qui patriam conseruauerint, adiune-  
rint, auxerint, certum esse in caelo ac diffinitum locum,  
ubi beati aeo sempiterno fruuntur. nihil est enim illi  
principi Deo, qui omnem hunc mundum regit, quod  
quidem in terris fiat, acceptius, quam concilia, coetusq;  
hominum iure sociati, quae ciuitates appellantur. ha-  
rum rectores, & conseruatores hinc profecti, huc  
reuertentur. Hic ego & si eram perterritus non tam  
metu mortis, quam insidiarum a meis: quaesivi tamen  
uideret ne ipse pater Paulus, & alij, quos nos extin-  
ctos arbitremur. Immo uero inquit hi uiuunt, qui ex  
corporum uinculis, tanquam e carcere, euolauerunt.  
Vestra uero, quae dicitur uita, mors est. Quin tu aspi-  
cias ad te uenientem Paulum patrem. quem (ut uidi)  
equidem uim lachrymarum profudi. Ille autem me  
amplexus atque osculans flere prohibebat. Atque  
ego, ut primum fletu represso loqui posse coepi: qua-  
so inquam pater sanctissime, atque optime, quoniam  
haec est uita (ut Africanum audio dicere) quid moror  
in terris? quin huc ad uos uenire propero? Non est ita  
inquit ille. nisi enim Deus is, cuius hoc templum est  
omne quod conspicias, istis te corporis custodijs libera-  
uerit: huc tibi aditus patere non potest. homines enim  
sunt hac lege generati, qui tuerentur illum globum,  
quem in hoc templo medium uides, quae dicitur terra.  
hisq; animus datus est ex illis sempiternis ignibus, quae  
sydera & stellas uocatis: quae globosae & rotundae di-  
uinis animatae mentibus circulos suos, orbesq; conficiunt  
celeritate mirabili. quare & tibi Publi, & pijs omni-  
bus retinendus est animus in custodia corporis: nec in-  
iussu eius, a quo ille est nobis datus, ex hominum uita



# SCIPIONIS

migrandum est: ne munus humanum assignatum a Deo, defugisse uideamini. sed sic Scipio ut auus hic tuus, ut ego, qui te genui, iustitiam cole, & pietatem: quæ cum sit magna in parentibus, & propinquis: tum in patria maxima est. quia ea uita uia est in cælum, & in hunc coetum eorum, qui iam uixerunt, & corpore laxati illum incolunt locum, quem uides. erat autem is splendidissimo candore inter flammæ circumlucens: quem uos (ut a graijs accepistis) orbem lætæum nuncupatis. ex quo omnia mihi contemplanti præclara cætera, & mirabilia uidebantur. erant autem eæ stellæ, quas nunquam ex hoc loco uidimus, & eæ magnitudines omnium: quas esse nunquam suspicati sumus. ex quibus erat illa minima, quæ ultima cælo, citima terris luce lucebat aliena. stellarum autem globi terrarum magnitudinem facile uincebant. Iam uero ipsa terra ita mihi parua uisa est: ut me imperij nostri, quo quasi eius punctum attingimus, pœniteret. Quam cum magis intuerer: quæso inquit Africanus, quousq; humi defixa tua mens erit? numne aspicias quæ in templa ueneris? nouem tibi orbibus uel potius globis connexa sunt omnia: quorum unus est cælestis extimus: qui reliquos omnes complectitur, summus ipse Deus, arcens & continens cæteros: in quo infixi sunt illi, qui uoluuntur stellarum cursus sempiterni. cui subiecti sunt septem, qui uersantur retro contrario motu, atq; cælum ex quibus unum globum possidet illa, quam in terris saturniam nominant. deinde est hominum generi prosper & salutaris ille fulgor, qui dicitur Iouis. tum rutilus, horribilisq; terris, quem Martem dicitis. deinde subter mediam



mediam ferè regionem Sol optinet, dux & princeps  
& moderator luminum reliquorum, mens mundi, &  
temperatio, tanta magnitudine, ut cuncta sua luce lu-  
stret, et compleat. hunc ut comites consequuntur, alter  
ueneris, alter Mercurij cursus. in infimoq; orbe luna  
radijs solis accensa conuertitur. infra autem iam ni-  
hil est nisi mortale, & caducum, præter animos ge-  
neri hominum munere deorum datos. supra lunam  
sunt omnia æterna. nam ea, quæ est media & no-  
na tellus, neque mouetur & infima est: & in ea fe-  
runtur omnia sua motu pondera. Quæ cum intue-  
rer stupens, ut me recepi, quis hic inquam, quis est,  
qui complet aures meas tantus, & tam dulcis sonus?  
Hic est inquit ille, qui intervallis coniunctus impa-  
ribus, sed tamen pro rata portione distinctus, impul-  
su & motu ipsorum orbium, efficitur: qui acuta cum  
grauibus temperans, æquabiliter concentus efficit. nec  
enim silentio tanti motus incitari possunt: & natura  
fert, ut extrema ex altera parte grauius, ex altera  
autem acute sonent. quam ob causam summus ille cœ-  
li stelliferi cursus, cuius conuersio est concitator, acuto  
& excitato mouetur sono: grauius autem hic luna-  
ris, atq; infimus. nam terra nona immobilis manens,  
ima sede semper hæret, complexa medium mundi lo-  
cum. Illi autem octo cursus, in quibus eadem vis est  
duorū, Mercurij, & Veneris, modorū septem efficiunt  
distinctos intervallis sonos: qui numerus rerum om-  
nium ferè nodus est. quod docti homines nervis imi-  
tati, atq; cantibus, aperuere sibi reditum ad hunc lo-  
cum. sicut alij, qui præstantibus ingenijs in uita hu-  
mana diuina studia coluerunt. hoc sonitu completæ



# SCIPIONIS

aures obsurduerunt . nec est ullus hebetior sensus in  
uobis . sicut in illis , ubi nilus ad illa , quæ catadupa  
nominantur , præcipitat ex altissimis montibus : ea  
gens quæ illum locum accolit , propter magnitudinem  
sonitus sensu audiendi caret . hic uero tantus est totius  
mundi incitatissima conuersione sonitus : ut eum aures  
hominum capere non possint . sicut intueri solem ne-  
quitis aduersum : eiusq; radijs acies uestra , sensusq;  
vincitur . Hæc ego admirans , referebam tamen oculo-  
los ad terram identidem . Tum Africanus inquit . sen-  
tito te sedem etiam nunc hominum contemplari , ac  
domum . quæ si tibi parua (ut est) ita uidetur : hæc  
coelestia semper spectato : illa humana contemnito . tu  
enim quam celebritatem sermonis hominum , aut quam  
expetendam gloriam consequi potes ? uides habitari  
in terra raris & angustis in locis : & in ipsis quasi  
maculis , ubi habitat , uastas solitudines interiectas .  
hosq; qui incolunt terram , non modo interruptos ita  
esse , ut nihil inter ipsos ab alijs ad alios manare possit :  
sed partim obliquos , partim uersos , partim etiam  
aduersos stare uobis : à quibus spectare gloriam cer-  
te nullam potestis . cernis autem terram eandem , quasi  
quibusdam redimitam & circumdatam angulis , e qua  
bus duos maxime inter se diuersos , & cæli uerticibus  
ipsis ex utraq; parte subnixos , obriguisse pruina uides .  
medium autem illum & maximum solis ardore tor-  
reri . duo sunt habitabiles : quorum australis ille , in  
quo qui insistent aduersa uobis urgent uestigia , ni-  
hil ad uestrum genus . hic autem alter subiectus aequi-  
lioni , quem incolitis , cerne quam uos tenui parte con-  
tingat . omnis enim terra quæ colitur uobis , angustata  
uerticibus



uerticibus, lateribus latior, parua quædam insula est  
 circumfusa illo mari, quod atlanticum, quod magnum  
 quod oceanum appellatis in terris, qui tamen tanto no-  
 mine, q̄ sit paruus, uides ex his ipsis cultis, notisq; ter-  
 ris, num aut tuum, aut cuiusq; nostrum nomen uel cau-  
 casum hunc, quem cernis, transcendere potui? uel illū  
 gangē transnare? quis in reliquis orientis, aut obeun-  
 tis solis ultimis, aut aquilonis, austriue partibus tuum  
 nomen audiet? quibus amputatis, cernis profecto  
 quantis in angustiis uestra gloria se dilatari uelit.  
 ipsi autem qui de uobis loquuntur, quā diu loquen-  
 tur: quin etiam si cupiat proles illa futurorum ho-  
 minum deinceps laudes uniuscuiusq; nostrum à pa-  
 tribus acceptas posteris prodere: tamen propter elu-  
 uiones, exustionesq; terrarum, quas accidere tempore  
 certo necesse est: non modo non æternam, sed ne diu-  
 turnam quidem gloriam assequi possumus. quid autem  
 interest ab his, qui postea nascentur sermonem fore de  
 te, cum ab his nullus fuerit, qui ante nati sint? qui nec  
 pauciores, & certe meliores fuerunt uiri: cum præser-  
 tim apud eos ipsos, à quibus nomen nostrum potest  
 audiri, nemo unius anni memoriam consequi possit. ho-  
 mines enim populariter annum tantummodo solis, idest  
 unius astri reditum metiuntur: cum autem ad idem,  
 unde semel profecta sunt, cuncta astra redierint: ean-  
 demq; totius cœli descriptionem longis interuallis re-  
 tulerint: tum ille uere uertens annus appellari potest.  
 in quo uix dicere audeo, quā multa secula homi-  
 num teneantur. namq; ut olim deficere sol hominibus,  
 extinguiq; uisus est: cum Romuli animus hæc ipsa in  
 templa penetrauit: quandoq; eadem parte sol, eodemq;



## SCIPIONIS

tempore iterum defecerit: tum signis omnibus ad idem principium, stellisq; reuocatis, expletum annum habeto. huius quidem anni nondum uigessimam partem scito esse conuersam. Quo circa si reditum in hunc locum desperaueris, in quo omnia sunt magnis & praestantibus uiris: quanti tandem est ista hominum gloria, quae pertinere uix ad unius anni partem exiguiam potest. igitur alte spectare si uoles: atq; ad hanc sedem, & aeternam domum contueri: neq; sermonibus uulgi dederis te: nec in praemijs humanis spem posueris rerum tuarum. suis te illecebris oportet ipsa uirtus trahat ad uerum decus. quid de te alij loquantur, ipsi uideant. sed loquentur tamen. sermo autem omnis ille, & angustijs cingitur his regionum, quas uides: nec unquam de ullo perennis fuit: & obruitur hominum interitu: & obliuione posteritatis extinguitur. Quae cum dixisset: ego uero inquam o' Africane, siquidem benemeritis de patria quasi limes ad coeli aditum patet: quanquam a pueritia uestigijs ingressus patrijs, et tuis, decori uestro non defui: nunc tamen tanto praemio proposito, enitar multo uigilantius. Et ille. Tu uero enitere: & sic habeto, te non esse mortalem, sed corpus hoc. nec enim is es, quae forma ista declarat: sed mens cuiusq; is est quisq;, non ea figura, quae digito demonstrari potest. deum te igitur scito esse. siquidem deus est qui uiget: qui sentit: qui meminit: qui praeuidet: qui tam regit, et moderatur, & mouet id corpus, cui praepositus est: quam hunc mundum princeps ille Deus. & ut ipse mundum ex quadam parte mortalem ipse Deus aeternus, sic fragile corpus animus sempiternus mouet. nam quod semper mouetur, aeternum est. quod autem

motum



motum affert alicui: quod ipsum agitur aliunde: quando finem habet motus, uiuendi finem habeat necesse est. Solum igitur quod sese mouet, quia nunquam deseritur a se, nunquam ne moueri quidem desinit. quin etiam cæteris, quæ mouentur, hic fons, hoc principium est mouendi. principio autem nulla est origo. nam ex principio oriuntur omnia. ipsum autem nulla ex re fieri potest. nec enim esset hoc principium, quod generetur aliunde. quod si nunquam oritur, ne occidit quidem unquam. nam principium extinctum, nec ipsum ab alio renascetur: nec ex se aliud creabit. siquidem necesse est a principio omnia oriri. ita fit, ut motus principium, ex eo sit, quod ipsum a se mouetur. id autem nec nasci potest, nec mori. uel concidat omne cælum, omnisq; natura consistat necesse est: ne uim ullam nanciscatur, quæ a primo impulsu moueatur. Cum pateat igitur æternum id esse, quod a seipso moueatur: quis est hic, qui hanc naturam animis esse tributam neget? inanimatum est enim omne, quod impulsu agitur externo. quod autem animal est: id motu ciatur interiore. nam hæc est natura propria animæ, atq; uis. quæ si est una, ex omnibus quæ sese moueat: neq; nata est certe: & æterna est. Hanc tu exerce in optimis rebus. sunt autem optimæ curæ de salute patriæ: quibus agitatus & exercitatus animus uelocitas in hanc sedem & domum suam peruolabit. idq; ocius faciet, si iam tum cum erit inclusus in corpore, eminebit foras: & ea, quæ extra erunt, contemplans, quam maxime se a corpore abstrahet. nam eorum animi, qui se corporis uoluptatibus dediderunt: eorumq; quasi se ministros præbuerunt: impulsuq; libi-



# SCIPIONIS

dinum uoluptatibus obedientium, deorum, & hominum iura uiolauerunt: corporibus elapsi, circum terram ipsam uolutantur: nec in hunc locum, nisi multis exagitati seculis, reuertuntur. Ille discessit. Ego somno statim solutus sum.

FINIS.



M. TVLLII CICERONIS DE LEGI-  
BUS LIBER PRIMVS

ATTICVS.

**V**CVS Quidem ille, & hæc Ar-  
pinatum quercus agnoscitur, sæpe  
a me lectus in Mario. si manet illa  
quercus, hæc est profecto: etenim est  
sanè uetus. **Q**VINTVS. Manet  
uero Attice noster, & semper ma-  
nebit: sata est enim ingenio. nullius autem agricolæ  
cultu stirps, tam diuturna, q̃ poëta uersu seminari po-  
test. Atti. Quo tandē modo Quinte? aut quale est  
istuc, quod poëta serunt? mihi enim uideris fratrem  
laudando suffragari tibi. Q. Sit ita sanè. uerum  
tamen dum latine loquentur litteræ: quercus huic loco  
non deerit, quæ Mariana dicatur: eaq; (ut ait Scauo-  
la) de fratris mei Mario cæneset sæculis innumerabi-  
libus. nisi forte Athenæ tuæ sempiternam in arce  
oleam tenere potuerunt: aut quod Homericus Vlyxes,  
deli se proceram & teneram palmam uidisse dixit:  
hodie monstrant eandem: multaq; alia multis locis  
diutius commemoratione manent, quàm natura stare  
potuerunt. quare glandifera illa quercus, ex qua  
olim euolauit,

” Nuncia fulua Iouis miranda uisa figura,  
nunc sit hæc. sed cum eam tempestas uetustas ue con-  
sumpserit, tamen erit his in locis, quam Marianam  
quercum uocent. Atti. Non dubito id q̃dem: sed hoc  
iam non ex te Quinte quero, uerum ex ipso poeta,

” iiii



# DE LEGIBVS

tui ne uersus hanc quercum seuerint: an ita factum  
de Mario, ut scribis, acceperis. MARCVS. Respon-  
debo tibi equidem: sed non antequam tu ipse mihi  
respondeas Attice, num longe à tuis edibus inambu-  
lans post excessum suum Romulus proculo Iulio dixe-  
rit, se deum esse: et Quirinum uocari: templumq; sibi  
dedicari in eo loco iusserit: Et Athenis nò longe item à  
tua illa antiqua domo Orithiam aquilo sustulerit sic  
enim est traditum. Atti. Quorsum tandem aut cur  
ista quæris? M. Nihil sanè: nisi ne nimis diligenter  
inquiras in ea, quæ isto modo memoriæ sint prodita.  
Atti. Atqui multa queruntur in Mario ficta ne an  
uera sint: Et à nonnullis, quod Et in recenti me-  
moria, Et in arpinati homine, sed ueritas à te postu-  
latur. M. Et mehercule ego me cupio non menda-  
cem putari: sed tamen nonnulli isti Tite faciunt im-  
perite: qui in isto opusculo non ut à poeta, sed ut à  
teste ueritatem exigant: nec dubito quin idem, Et  
cum Egeria collocatum Numam, Et ab aquila Tar-  
quino apicē impositum putent. Q. Intelligo te fra-  
ter alias in historia leges obseruandas putare: alias in  
poemate. M. quippe cum in illa ad ueritatem Quin-  
te referantur, in hac ad delectationem pleraq; quan-  
quam Et apud Herodotum patrem historiæ, Et apud  
Theopompum sunt innumerabiles fabulæ. Atti. Te-  
neo quam optabam occasionem, neque omittam. M.  
Quam tandem Tite? Atti. Postulatur à te iandiu,  
uel flagitatur potius historia: sic enim putant, te il-  
lam tractante effic posse, ut in hoc etiam genere græ-  
ciæ nihil cedamus. atq; ut audias quid ego ipse sen-  
tiam, non solum mihi uideris eorum studijs, qui lit-  
teris



teris delectantur, sed etiam patriæ debere hoc munus: ut ea, quæ salua per te est, per te eundem sit ornata. abest enim historia litteris nostris: ut & ipse intelligo: & ex te persæpe audio. potes autem tu profecto satisfacere in ea: quippe cum sit opus, ut tibi quidem uideri solet, unum hoc oratorium maxime. Quamobrem aggredere quæsumus: & sume ad hanc rem tempus: quæ est a nostris hominibus adhuc aut ignorata, aut relicta. nam post annales pontificum maximorum, quibus nihil potest esse iocundius: si aut ad Fabium, aut ad eum qui tibi semper in ore est, Catonem, aut ad Pisonem, aut ad Fannium, aut ad Venoniu[m] uenias: quanquam ex his alius alio plus habet uirium: tamen quid tam exile quam isti omnes? Fannij autem ætate coniunctus Antipater paulo inflauit uehementius: habuitq[ue] uires agrestes ille quidem, atq[ue] horridas, sine nitore, ac palaestra, sed tamen admonere reliquos potuit, ut accuratius scriberent. Ecce autem succedere huic bello Clodius, Asilo: nihil ad Cæliu[m]: sed potius ad antiquoru[m] langorem, atq[ue] inscitiam. nam quid Acium memorẽ? cuius loquacitas habet aliquid argutiaru[m]: nec id tamen ex illa erudita græcorum copia, sed ex librariolis latinis. In orationibus autem multus & ineptus, ad summam impudentiam. Sisenna eius amicus omnes adhuc nostros scriptores, nisi qui forte nondum ediderunt, de quibus existimare non possumus, facile superauit. Is tamen neq[ue] orator in numero uestro unquam est habitus: & in historia puerile quiddam consecratur: ut unu[m] Clitarcum, neq[ue] præterea quenquam de græcis legisse uideatur: eum tamen uelle dumtaxat imitari: quem si



DE LEGIBVS

assequi posset : aliquantum ab optimo tamen abesse.  
quare tuum est murus : hoc a te expectatur nisi quid  
Quinto uidetur secus. Q. Mihi uero nihil. Et saepe  
de isto collocuti sumus : sed est quedam inter nos par-  
ua dissensio. Atti. Quæ tandem? Q. A quibus tem-  
poribus scribendi capiatur exordium. ego enim ab ul-  
timis censeo : quoniam illa sic scripta sunt : ut ne legan-  
tur quidem : ipse autem æqualem ætatis suæ memo-  
riam deposcit : ut ea complectatur, quibus ipse inter-  
fuit. Atti. ego uero huic potius assentior. sunt enim  
maximæ res in hac memoria atq; ætate nostra. tum  
autem hominis amicissimi Cn. Pompeij laudes illu-  
strabit. incurret etiam in illum memorabilem an-  
num suum : quem ab isto malo prædicari, quàm ut  
aiunt de Remo, et Romulo. M. Intelligo equidem  
a me istum laborem iandiu postulari Attice : quem  
non recusarem : si mihi ullum tribueretur uacuum  
tempus et liberum. neq; enim occupata opera, neq;  
impedito animo, res tanta suscipi potest. utrumq; opus  
est, et cura uacare, et negotio. Atti. Quid? ad cæ-  
tera, quæ scripsisti plura, quàm quisquam e nostris:  
quod tibi tandem tempus uacuum fuit concessum?  
M. subsicina quedam tempora incurrunt : quæ ego  
perire non patior : ut si qui dies ad rusticandum dati  
sint, ad eorum numerum accommodentur, quæ scri-  
bimus. historia uero nec institui potest, nisi præpara-  
to ocio : nec exiguo tempore absolui : et ego animi-  
pendere soleo cum semel quid orsus, si traducor alio:  
neq; tam facile interrupta contexo : quàm absoluo in-  
stituta. Atti. legationem aliquam nimirum oratio ista  
postulat, aut eiusmodi quampiam cessationem libe-



ram, atq; ociosam. M. ego uero ætatis potius uacatio-  
ni confidebam: cum præsertim non recusarem, quo-  
minus more patrio sedens in solio consulentibus re-  
sponderem: senectutisq; non inertis grato atq; hone-  
sto fungerer munere. sic enim mihi liceret, & isti rei  
quam desyderas, & multis uberioribus atq; maiori-  
bus, operæ quantum uellem dare. Atti. Atqui ue-  
reor ne istam causam nemo noscat: tibiq; semper di-  
cendum sit: & eo magis, quod te ipse mutasti: &  
aliud dicendi genus instituisti: ut quemadmodum Ro-  
scius familiaris tuus in senectute numeros in cantu ce-  
ciderat: ipsasq; tardiores fecerat tibias: sic tu à con-  
tentionibus, quibus summis uti solebas, quotidie re-  
laxes aliquid: ut iam oratio tua non multum à phi-  
losophorum lenitate absit. quod sustinere cum uel sum-  
ma senectus posse uideatur: nullam tibi à causis ua-  
cationem uideo dari. Q. At mehercule ego arbi-  
trabar posse id populo nostro probari: si te ad ius re-  
spondendum dedisses. Quamobrem, cum placebit, tibi  
experiendum censeo. M. Id si quidem Quinte nul-  
lum esset, in experiendo periculum. sed uereor ne dum  
minuere uelim laborem, augeam: atq; ad illam cau-  
sarum operam, ad quam ego nunquam nisi paratus,  
& meditatus accedo: adiungatur hæc iuris interpre-  
tatio: quæ non tam mihi molesta sit propter laborem:  
quàm quod dicendi cogitationem auferat: sine qua ad  
nullam maiorem unquam causam sum ausus acce-  
dere. Atti. Quin igitur ista ipsa explicas nobis his  
subsidiis, ut ais, temporibus: & conscribis de iure ci-  
uili subtilius quàm cæteri. nam à primo tempore æta-  
tis iuri studere te memini: cum ipse etiam ad Scauolam



uentitarem: neq; unquam mihi uisus es ita te ad di-  
 cendum dedisse: ut ius civile contemneres. M. In lon-  
 gum sermonem me reuocas Attice: quem tamen nisi  
 Quintus aliud quid nos agere mauult, suscipiam: &  
 quoniam uacui sumus, dicam. Q. Ego uero libenter  
 audierim. quid enim agam potius? aut in quo melius  
 hunc consumam diem? M. Quin igitur ad illa spa-  
 cia nostra, sedesq; pergemus? ubi cum satis erit deam-  
 bulatum, requiescemus: nec profecto nobis delectatio  
 deerit, aliud ex alio quærentibus. Atti. Nos uero &  
 hac quidem, adire si placet per ripam & umbram.  
 sed iam ordire explicare quæso de iure civili quid  
 sentias. M. Ego memini summos fuisse in ciuitate no-  
 stra uiros: qui id interpretari populo, & respondere  
 soliti sint. sed eos magna profectos in paruis esse uer-  
 satos. quid enim est tantum? quantum ius ciuitatis?  
 quid autem tam exiguum? quàm est munus hoc eo-  
 rum, qui consuluntur, quàm est populo necessarium?  
 nec uero eos, qui ei muneri præfuerunt, uniuersi iuris  
 expertes fuisse existimo: sed hoc, civile quod uocant  
 eatenus exercuerunt: quoad populo præstare uolue-  
 runt. id autem incognitum est minusq; in usu neces-  
 sarium. quamobrem quo me uocas? aut quid horta-  
 ris? ut libellos conficiam de stillicidiorum, ac de pa-  
 rietum iure? aut ut stipulationum, & iudiciorum  
 formulas componam? quæ & conscripta sunt à mul-  
 tis diligenter: & sunt humiliora quàm illa, quæ à uo-  
 bis expectari puto. Atti. Atqui si quæres ego quid  
 expectem: quoniam scriptum est à te satis de optimo  
 reip. statu: consequens esse uidetur, ut scribas tu idem  
 de legibus. sic enim fecisse uideo Platonem illum tuum:



quem tu admiraris: quem omnibus anteponis: quem maxime diligis. M. Vis ne igitur, ut ille Crete cum Clinia, & cum Lacedaemonio Megallo, aestuo quemadmodum describit die, in cupressetis gnosiorum, & spacijs siluestribus, crebro insisterens, interdum acquiescens, de institutis rerum publicarum, ac de optimis legibus disputat: sic nos inter has procerissimas populos, in uiridi opacâq; ripa inambulantes, tum autem residentes, quæramus iisdem de rebus aliquid uberius, quàm forensis usus desyderat? Atti. Ego uero ista audire cupio? M. Quid ait Quintus? Q. Nulla de re magis. M. Et recte quidem. nam sic habetote: nullo in genere disputandi magis honesta patefieri: quid sit hominî natura tributum: quantam uim rerum optimarum mens humana contineat: cuius muneris colendi, efficiendiq; causa nati, & in lucem editi sumus: quæ sit coniunctio hominum, quæ naturalis societas inter ipsos. his enim explicatis fons legum, & iuris inueniri potest. non ergo à prætoris edicto, ut pleriq; nunc, neq; à XII. tabulis, ut superiores, sed penitus ex intima philosophia hauriendam iuris disciplinam puto. non enim id quærimus hoc sermone Pomponi, quemadmodum caueamus in iure: aut quid de quaq; consultatione respondeamus. sit ista res magna: sicut est: quæ quondam à multis claris uiris, nunc ab uno summa authoritate, & scientia sustinetur. sed noris ista. complectenda in hac disputatione tota causa uniuersi iuris est ac legum: ut hoc, civile quod dicimus, in paruum quendam, & angustum locum concludatur naturæ. natura enim iuris nobis explicanda est: eaq; ab hominis repetenda natura:



considerandæ leges: quibus ciuitates regi debeant: tum hæc tractanda, quæ composita sunt, & descripta, iura, & iussa populorum: in quibus ne nostri quidē populi latebunt, quæ uocantur iura ciuilia. Q. Aliter uero & ut oportet, à capite frater repetis quod quærimus: & qui aliter ius ciuile tradunt, non tam iustitiæ, quàm litigandi tradunt uias. M. Non est ita Quinte: ac potius ignoratio iuris litigiosa est quàm scientia. sed hæc prosterius. nunc iuris principia uideamus. Igitur doctissimis uiris proficisci placuit à lege: haud scio an recte: si modo, ut iudem definimus, Lex est ratio summa insita in natura: quæ iubet ea quæ facienda sunt: prohibetq; contraria. eadem ratio cum est in hominis mente confirmata, & confecta: lex est. itaq; arbitrantur prudentiam esse legem: cuius ea uis sit: ut recte facere iubeat: uetet delinquere: eamq; rem illi græco putant nomine suum cuiq; tribuendo appellatam: ego nostro à legendo. nam ut illi æquitatis, sic nos delectus uim in lege ponimus: & proprium tamen utrunq; legis est. quod si ita recte dicitur: ut mihi quidem plerunq; uideri solet: à lege ducendum est iuris exordium. Ea est enim naturæ uis: ea mens ratioq; prudentis: ea iuris atq; iniuriæ regula. sed quoniam in populari ratione omnis nostra uersatur oratio: populariter interdum loqui necesse erit: & appellare eam legem, quæ scripto sancit quod uult, aut iubendo, aut uetando, ut uulgus appellat. constituendi uero iuris ab illa summa lege capiamus exordium: quæ sæculis omnibus ante nata est, quàm scripta lex ulla, aut quàm omnino ciuitas constituta. Q. Commodius uero, & ad rationem insti-



tuti sermonis sapientius. M. Vis ne ergo ipsius iuris  
 ortum à fonte repetamus? quo inuento non erit dubiū,  
 quo sint hæc referenda quæ quærimus. Q. Ego ue-  
 ro ita faciendum esse censeo. Atti. Me quoq; adscribito  
 fratris sententiæ. M. Quoniam igitur eius reipu-  
 quam optimam esse docuit in illis sex libris Scipio: te-  
 nendus est nobis, & seruandus status: omnesq; leges  
 accommodandæ ad illud ciuitatis genus: ferendi etiam  
 mores: nec scriptis omnia sancienda: repetam stirpem  
 iuris à natura: qua duce est nobis omnis disputatio  
 explicanda. Atti. Rectissime: & quidem ista duce  
 errari nullo pacto potest. M. Das ne igitur hoc nobis  
 Pomponi? nam Quinti noui sententiæ: deorum im-  
 mortalium natura, ratione, potestate, mente, numine,  
 siue quod est aliud uerbum, quo planius significem  
 quod uolo, naturam omnem diuinam regi. nam si  
 hoc non probas: à deo nobis causa ordiendæ est po-  
 tissimum. Atti. Do. sanè si postulas: etenim propter  
 hunc concentum auium, strepitumq; fluminum, non  
 uereor condiscipulorum ne quis exaudiat. M. Atqui  
 cauendum est. solent enim id quod uirorum bono-  
 rum est, admodum irasci, nec uero ferent si audierint  
 te primum capitulum optimum prodidisse: in quo scri-  
 psit nihil curare deum nec sui nec alieni. Atti. Per-  
 ge quæso: nam id quod tibi concessi, quorsum perti-  
 neat expecto. M. Non faciam longius: huc enim per-  
 tinet animal hoc prouidum, sagax, multiplex, acutum,  
 memor, plenum rationis, & consilij, quem uocamus ho-  
 minem, præclara quadam conditione generatum esse  
 à supremo deo. solum est enim ex tot animantium ge-  
 neribus, atq; naturis, particeps rationis & cogitatio-



nis, cum cætera sint omnia expertia. quid est autem  
non dicam in homine, sed in omni cælo, atq; terra,  
ratione diuinius? quæ cum adoleuit, atq; perfecta est:  
nominatur rite sapientia. est igitur, quoniam nihil est  
ratione melius: eaq; & in homine & in deo: prima  
homini cum deo rationis societas. inter quos autem  
ratio, inter eosdem etiam recta ratio communis est.  
quæ cum sit lex: lege quoq; consociati homines cum dijs  
putandi sumus. inter quos porro est communio legis:  
inter eos communio iuris est. quibus autem hæc sunt  
inter eos communia: et ciuitatis eiusdem habendi sunt.  
si uero iisdem imperijs & potestatibus parent: multo  
etiam magis. parent huic cælesti descriptioni, menti q;  
diuinæ, & præpotenti deo. unde etiam ut iam uniuersus  
hic mundus una ciuitas communis deorum atq; ho-  
minum existimanda est. & quod in ciuitatibus ratione  
quadam, de qua dicitur idoneo loco, agnationibus fa-  
miliarum distinguuntur status: id in rerum natura tan-  
to est magnificentius, tantoq; præclarius: ut homines  
deorum agnatione & gente teneantur. nam cum de  
natura omni queritur, disputari solent nimirum ista:  
perpetuis cursibus, conuersionibus cælestibus, extitisse  
quandã materiam ferendi generis humani: quod spar-  
sum in terras, atq; satum, diuino auctum sit animo-  
rum munere: nam quod aliquibus cohererent homines,  
e' mortali genere sumpserunt, quæ fragilia essent &  
caduca: animum esse ingeneratum a deo: ex quo uere  
uel agnatio nobis cum cælestibus, uel genus, uel stirps  
appellari potest. itaq; ex tot generibus nullum est ani-  
mal præter hominem, quod habeat notitiam aliquã  
dei: de ipsisq; hominibus nulla gens est, neq; tam im-  
mansueta,



mansueta, neq; tam fera: quæ non, etiam si ignoret  
qualem habere deum deceat: tamen habendum sciat.  
ex quo efficitur illud, ut is agnoscat deum, qui unde  
ortus sit, quasi recordetur ac noscat. iam uero uirtus  
eadem in homine ac deo est: neq; ullo alio ingenio præ-  
terea. est autem uirtus nihil aliud quam in se perfe-  
cta, & ad summum perducta natura. est igitur  
homini cum deo similitudo. quod cum ita sit, quæ  
tandem potest esse propior certiorue cognatio? itaq;  
ad hominum commoditates, & usus tantam rerum  
ubertatem natura largita est: ut ea quæ gignuntur  
donata consulto nobis, non fortuito nata uideantur:  
nec solum ea quæ frugibus atq; bacis terræ foetu pro-  
funduntur: sed etiam pecudes: quod perspicuum sit,  
partim esse ad usum hominum, partim ad fructum,  
partim ad uescendum procreatas. artes uero innume-  
rabiles repertæ sunt, docente natura. quam imitata ra-  
tio res ad uitæ necessarias solerter consecuta est. ipsum  
autem hominem eadem natura non solum celeritate  
mentis ornauit: sed etiam sensus, tanquam satellites  
attribuit ac nuncios: et rerû plurimarum obscuras &  
necessarias intelligentias enudauit, quasi fundamenta  
quædam scientiæ: figuramq; corporis habilem, &  
aptam ingenio humano dedit. nam cum cæteras ani-  
mantes abiicisset ad pastum: solum hominem erexit:  
ad cœliq; quasi cognationis domicilijq; pristini conspe-  
ctum excitauit: tum speciem ita formauit oris: ut in ea  
penitus reconditos mores effingeret. nam & oculi ni-  
mis arguti, quemadmodum animo affecti simus, lo-  
quuntur: & is qui appellatur uultus, qui nullo in  
animante esse præter hominem potest, indicat mores:



cuius vim græci norunt: nomen omnino non habent: omitto opportunitates, habilitatesq; reliqui corporis: moderationem uocis: orationis vim: quæ conciliatrix est humane maxime societatis. neq; enim omnia sunt huius disputationis, ac temporis: Et hunc locum satis, ut mihi uidetur, in his libris, quos legistis, expressit Scipio. Nunc quoniam hominem, quod principium reliquarum rerû esse uoluit, generauit Et ornauit deus: perspicuum sit illud, ne omnia differantur, ipsam per se naturam longius progredi: quæ etiam nullo docente profecta ab ijs, quorum ex prima Et inchoata intelligentia genera cognouit, confirmat ipsa per se rationem Et perficit. Atti. Dij immortales quam tu longe iuris principia repetis: atq; ita ut ego non modo ad illa non properem, quæ expectabam a te de iure civili: sed facile patiar te hunc diem uel totum, in isto sermone consumere. sunt enim hæc maiora, quæ aliorum causa fortasse complecteris: q̃ ipsa illa, quorum hæc causa præparantur. M. Sunt hæc quidem magna, quæ nunc breuiter attinguntur: sed omnium, quæ in hominum doctorum disputatione uersantur, nihil est profecto præstabilius: q̃ plane intelligi nos ad iustitiam esse natos: neq; opinione, sed natura constitutum esse ius. id iam patebit, si hominum inter ipsos societatem, coniunctionemq; perspexeris. nihil est enim unum uni tam simile, tam par, q̃ omnes inter nosmetipsos sumus. quod si deprauatio consuetudinum, si opinionum uanitas, non imbecillitatem animorum torqueret, Et flecteret quocunq; cæpisset: sui nemo ipse tam similis esset: q̃ omnes sunt omnium. itaq; quæcunq; est hominis diffinitio, una in omnes ualet. quod argumentis satis est, nullam



est, nullam dissimilitudinem esse in genere. quæ si esset:  
non una omnes diffinitio contineret. etenim ratio, qua  
una præstamus beluis: per quam coniectura ualemus:  
argumentamur: refellimus: differimus: conficimus ali=  
quid: concludimus: certe est communis, doctrina diffe=  
rens, discendi quidem facultate par. nam & sensibus  
eadem omnia comprehenduntur: & ea quæ mouent  
sensus, itidem mouent omnium: quæq; in animis im=  
primuntur, de quibus ante dixi, inchoatæ intelligen=  
tiæ, similiter in omnibus imprimuntur: interpresq;  
est mentis oratio, uerbis discrepans, sententijs con=  
gruens. nec est quisquam gentis ullius, qui ducem na=  
turam nactus ad uirtutem peruenire non possit. nec  
solum in rectis, sed etiam in prauis actibus insignis  
est humani generis similitudo. nam & uoluptate ca=  
piuntur omnes: quæ & si est illecebra turpitudinis,  
tamen habet quiddam naturalis boni. lenitatis est enim  
& suauitatis. id enim, ut suauitate delectans, sic ab  
errore mentis tanquam salutare aliquid asciscitur. si=  
milisq; inscitia mors fugitur, quasi dissolutio naturæ:  
uita expetitur: quia nos in quo nati sumus continet:  
dolor in maximis malis ducitur, cum sua asperitate,  
tum qd naturæ interitus uidetur sequi. propter quam  
honestatis, & gloriæ similitudinem, beati, qui hono=  
rati sunt, uidentur: miseri autem, qui inglorij. mo=  
lestiæ, letitiæ, cupiditates, timores, similiter omnium  
mentes peruagantur: nec si opiniones aliæ sunt apud  
alios: ideo qui canem & felem ut deos colunt, non  
eadem superstitione qua cæteræ gentes conflictantur.  
quæ autem natio non comitatem, non benignitatē, non  
gratum animum, & beneficij memorem diligit? quæ



# DE LEGIBVS

superbos, quæ maleficos, quæ crudeles, quæ ingra-  
tos non aspernatur? non odit? quibus ex rebus cum  
omne genus hominum sociatum inter se esse intelli-  
gatur: illud extremum est, quod recte uiuendi ratio meliores  
efficit. quæ si approbatis: pergam ad reliqua: sin quid  
requiritis: id explicemus prius. Atti. Nos uero nihil,  
ut pro utroque respondeam. M. Sequitur igitur ad par-  
ticipandum alium alio communicandumque inter om-  
nes, iustos natura esse factos. atque hoc in omni disputa-  
tione sic intelligi uolo, quod dicam naturam esse. tantam  
autem esse corruptelam malæ consuetudinis: ut ab ea  
tanquam igniculi extinguantur a natura dati: exo-  
rianturque et confirmantur uitia contraria. quod si  
quomodo est natura, sic iudicio homines, humani (ut  
ait poeta) nihil a se alienum putarent: coleretur ius  
æque ab omnibus. quibus enim ratio natura data est:  
iisdem etiam recta ratio data est. ergo et lex: quæ est  
recta ratio in iubendo, et uetando. si lex: ius quoque  
at omnibus ratio. ius igitur datum est omnibus, re-  
cteque Socrates execrari eum solebat, qui primus uti-  
litatem a natura seiunxisset. id enim querebatur ca-  
put esse exitiorum omnium. unde enim illa Pythago-  
rea uox τὰ φίλων κοινὰ, καὶ φίλων ἰσότης. ex quo  
perspicitur cum hanc beneuolentiam tam late longeque  
diffusam uir sapiens in aliquem pari uirtute præditum  
contulerit: tum illud effici, quod quibusdam incredi-  
bile uideatur: sit autem necessarium: ut nihilo sese  
plusquam alterum diligat. quid enim est quod diffe-  
rat? cum sint cuncta paria? quod si interesse quip-  
piam tantulum modo potuerit: iam amicitiae nomen  
ociderit. cuius est ea uis: ut simulatque sibi aliquid quod  
alteri

alteri  
reliquo  
in natu  
pauca di  
omni ne  
saliet e  
mibi qu  
hi alite  
primu  
et or  
inter  
inde  
beneu  
cum u  
iam li  
M. Re  
rum m  
qui q  
olim  
disti  
co, q  
natu  
tis di  
tando  
aliu  
ius  
das  
nos  
not  
por  
fieri



alteri maluerit : nulla sit. quæ præmuniuntur omnia,  
reliquo sermoni, disputationi q; nostræ: quo facilius ius  
in natura esse positum intelligi possit. de quo cum per-  
pauca dixerō : tum ad ius civile ueniam : ex quo hæc  
omnis nata est oratio. Q. Tu uero iam perpauca  
scilicet ex ijs enim quæ dixisti, Attice \* uidetur  
mihi quidem ex natura ortum esse ius. Atti. An mi-  
hi aliter uideri possit? cum hæc iam perfecta sint?  
primum quasi muneribus deorum nos esse instructos,  
& ornatos : secundo autem loco unam esse hominum  
inter ipsos uiuendi parem, cōmunemq; rationem: de-  
inde omnes inter se naturali quadam indulgentia, &  
beneuolentia, tum etiam societate iuris contineri. quæ  
cum uera esse recte, ut arbitror, concesserimus : qui  
iam licet nobis a natura leges & iura seiungere?  
M. Recte dicis: & res sic se habet. uerum philosopho-  
rum more, non ueterum quidem illorum, sed eorum  
qui quasi officinas instruxerunt sapientiæ, quæ fuisse  
olim disputabantur, ac liberæ: ea nunc articulati-  
m distincteq; dicuntur. nec enim satisfieri censent huic lo-  
co, qui nunc est in manibus: nisi separatim hoc ipsum,  
naturæ esse ius disputarint. Atti. Et scilicet tua liber-  
tas differendi amissa est? aut tu is es? qui in dispu-  
tando non tuum iudicium sequare? sed authoritati  
aliorum pareas? M. Non semper Tite. sed iter hu-  
ius sermonis, quod sit uides. ad rei publicæ firman-  
das, & stabiliendas uires, sanandos populos, omnis  
nostra pergit oratio. quocirca uereor committere: ut  
non bene prouisa, & diligenter explorata principia  
ponantur. nec tamen ut omnibus probentur: nam id  
fieri non potest: sed ut his, qui omnia recta, atq; ho-



# DE LEGIBVS

nesta per se expetenda duxerunt: & aut nihil om-  
 nino in bonis numerandum: nisi quod per seipsum  
 laudabile esset: aut certe nullum habendum magnum  
 bonum: nisi quod uere laudari sua sponte posset. his  
 omnibus, siue in academia uetere cum Speusippo,  
 Xenocrate, Polemone manserunt: siue Aristotelem, &  
 Theophrastum, cum illis re congruentes, genere do-  
 cendi paulum differentes, secuti sunt: siue, ut Zenoni  
 uisum est, rebus non commutatis immutauerunt uo-  
 cabula: siue etiam Aristonis difficilem, atq; arduam,  
 sed iam tamen fractam, & conuictam sectam se-  
 cuti sunt: ut uirtutibus exceptis, atq; uicijs, cetera  
 in summa equalitate ponere: his omnibus hæc quæ  
 dixi probantur. sibi autem indulgentes, & corpori  
 deseruiantes, atq; omnia quæ sequantur in uita, quæq;  
 fugiant, uoluptatibus, & doloribus ponderantes,  
 etiam si uera dicunt: nihil enim opus est hoc loco lit-  
 tibus: in hortulis suis iubeamus dicere: atq; etiam ab  
 omni societate reipublicæ, cuius partem nec norunt  
 illam: nec unquam nosse uoluerunt: paulisper facef-  
 sant rogemus. perturbatricem autem harum omnium  
 rerum academiam hanc ab Arcefila, & Carneade  
 recentem exoremus, ut sileat. nam si inuasit in hæc,  
 quæ satis scite nobis instructa & composita uidentur:  
 nimias edet ruinas. quam quidem ego placere cupio,  
 submouere non audeo. \* nam etiam sine illius  
 suffimentis expiati sumus. At uero scelerum in homi-  
 nes atq; impietatum nulla expiatio est. itaq; poenas  
 luunt non tam iudicijs, quæ quondam nusquam erant:  
 hodie multifariam nulla sunt: ut sint tamen: persepe  
 falsa sunt: ut eos agitent, insectenturq; furie, non ara-  
 dentibus

denib  
 tie, fr  
 pena,  
 tido ue  
 quorum  
 aut ab  
 doloris  
 ciuoris  
 lare au  
 quod  
 terret  
 stus:  
 qui n  
 utilit  
 quid  
 uel in  
 folia  
 hic ne  
 bit:  
 faci  
 qui  
 &  
 bit  
 net:  
 non  
 uer  
 qu  
 et  
 A  
 n  
 h



dentibus tedis, sicut in fabulis, sed angore conscientie, fraudisq; cruciatu. quod si homines ab iniuria poena, non natura arcere deberet: quæ nam sollicitudo uexaret impios, sublato suppliciorum metu? quorum tamen nemo tam audax unquam fuit: quin aut abnuerit à se commissum esse facinus: aut iusti sui doloris causam aliquam fingeret: defensionemq; facinoris à natura iure aliquo quæreret. quæ si appellare audent impij: quo tandè studio colentur à bonis? quod si poena, si metus supplicij, non ipsa turpitudine, terret ab iniuriosa facinorosaq; uita: nemo est iniustus: at incuti potius habendi sunt improbi. tum autè qui non ipso honesto mouemur, ut boni uiri simus, sed utilitate aliqua atq; fructu, callidi sumus, non boni. nã quid faciet is homo in tenebris, qd nihil timet nisi testem, uel iudicem? qd in deserto loco, nactus quẽ multo auro spoliare possit, imbecillum, atq; solum? noster quidem hic natura iustus uir ac bonus, etiã colloquetur: inuabit: in uiam deducet. is uero qui nihil alterius causa facit: & metitur suis commodis omnia: uidetis credo quid sit acturus. qd si negabit se illi uitam erepturum: & aurum ablaturum: nunquam ob eam causam negabit qd id natura turpe iudicet: sed quod metuat ne emanet: idest ne malum habeat. O rem dignam, in qua non modo docti, uerum etiam agrestes erubescant. Tam uero stultissimum illud, existimare omnia iusta esse, quæ scita sine in populorum institutis, aut legibus. etiam ne? si quæ sine tyrannorum leges: si triginta illi Athenis leges imponere uoluissent? aut si omnes athenienses delectarentur tyrannicis legibus: num igitur hæc leges iustæ haberentur? nihil credo magis illa,



# DE LEGIBVS

quam interrex noster tulit: ut dictator quem uellet ci-  
uium, indicta causa impune posset occidere. est enim  
unum ius: quo deuincta est hominum societas: Et  
quod lex constituit una. quae lex est recta ratio impe-  
randi, atq; prohibendi: quam qui ignorat, is est in-  
iustus: siue est illa scripta uspiam: siue nusquam. quod  
si iusticia est obtemperatio scriptis legibus, institutisq;  
populorum: Et si, ut iidem dicunt, utilitate omnia me-  
tienda sunt: negliget leges, easq; perrumpet si pote-  
rit is, qui sibi eam rem fructuosam putabit fore. ita  
fit ut nulla sit omnino iustitia: si neq; natura est: Et  
ea, quae propter utilitatem constituitur, utilitate illa con-  
uellitur. atq; si natura confirmatum ius non erit: virtu-  
tes omnes tollantur. ubi enim liberalitas, ubi patriae  
charitas, ubi pietas, ubi autem bene merendi de alte-  
ro, aut referendae gratiae uoluntas, poterit existere?  
nam haec nascuntur ex eo, quod natura propensi sumus  
ad diligendos homines: quod fundamentum iuris est,  
neque solum in homines obsequia, sed etiam in Deos  
cerimoniae, religionesq; tolluntur. quas non metus,  
sed ea coniunctione, quae est homini cum deo confer-  
uandas puto. Quod si populorum iussis, si principum  
decretis, si sententijs iudicum, iura constituerentur:  
ius esset latrocinari: ius adulterare: ius testamenta fal-  
sa supponere: si haec suffragijs, aut scitis multitudinis  
probarentur. quae si tanta potentia est stultorum sen-  
tentijs, atq; iussis: ut eorum suffragijs rerum natura  
uertatur: cur non sanciant, ut quae mala, perniciosaq;  
sunt, habeantur pro bonis, ac salutaribus? aut cur  
cum ius ex iniuria lex facere possit: bonum eadem  
facere non possit ex malo? atqui nos legem bonam a  
mala



mala nulla alia nisi naturali norma diuidere possumus. nec solum ius a natura dijudicatur: sed omnino omnia honesta ac turpia. nam & communis intelligentia nobis notas res efficit: easque in animis nostris inchoauit: ut honesta in uirtute ponantur, in uitij turpia. hæc autem in opinione existimare, non in natura ponere, dementis est. nam nec arboris nec equi uirtus quæ dicitur, in quo abutimur nomine, in opinione sita est, sed in natura. quod si ita est: honesta quoque & turpia natura dijudicanda sunt. nam si opinione uersa uirtus: eadem eius etiam partes probarentur. quis igitur prudentem, & ut ita dicam, catum, non ex ipsius habitu, sed ex aliqua re externa iudicet? est enim uirtus perfecta ratio. quod certe in natura est. igitur omnis honestas eodem modo. nam ut uera & falsa, ut consequentia, & contraria, sua sponte, non aliena iudicantur: sic constans, & perpetua ratio uitæ, quæ est uirtus, itemque inconstantia, quod est uitium, sua natura probatur. nos ingenia iuuenum non ratione ab ingenta naturæ uirtute, sed uitia quæ existunt ab ingenij iudicamus. An ea non aliter quam honesta & turpia non ad naturam referri necesse erit? quod laudabile bonum est, in se habeat, quod laudetur necesse est. ipsum enim bonum non est opinionibus sed natura insita. nam ni ita esset, beati quoque opinione essent. quo quid dici potest stultius? Quare cum & bonum & malum natura iudicetur: & ea sine principia naturæ: certe honesta quoque & turpia simili ratione dijudicanda, & ad naturam referenda sunt. Sed perturbat nos opinionum uarietas, hominumque dissensio. & quia non idem contingit in



# DE LEGIBVS

sensibus: hos natura certos putamus: illa, quæ alijs  
sic, alijs secus, nec iisdem semper uno modo ui-  
dentur, ficta esse dicimus. quod est longe aliter. nam  
sensus nostros non parens, non nutrix, non magister,  
non poeta, non scena deprauat: non multitudinis con-  
sensus abducit à uero. animis omnes tenduntur insidiæ,  
uel ab his quos modo enumeravi, qui teneros, & ru-  
des cum acceperunt, inficiunt, & flectunt, ut uolunt:  
uel ab ea, quæ penitus in omni sensu implicata insti-  
det imitatrix boni uoluptas, malorum autem mater  
omnium: cuius blanditijs corrupti, quæ natura bona  
sunt, quia dulcedine hac & scabie carent: non cer-  
nimus satis. Sequitur ut conclusa mihi iam hæc sit omnis  
ratio: id quod ante oculos ex ijs est, quæ dicta sunt:  
& ius & omne honestum sua sponte esse expeten-  
dum. etenim omnes uiri boni ipsam æquitatem &  
ius ipsum amant: nec est uiri boni errare, & dilige-  
re, quod per se non sit diligendum. per se igitur ius  
est expetendum & colendum. quod si ius: & iustitia:  
sic & reliquæ quoque uirtutes per se colendæ sunt. quid  
liberalitas? gratuita, ne est, an mercenaria? Si sine  
præmio benigna est: gratuita. si cum mercede: conductæ:  
nec est dubium quin is, qui liberalis, benignus ue di-  
citur, officium non fructum sequatur. ergo item iusti-  
tia nihil expetit præmij, nihil precij. per se igitur ex-  
petitur. eademque omnium uirtutum causa, atque sen-  
tentia est. atque etiam si emolumentis non suapte natu-  
ra uirtus expetitur: una erit uirtus: quæ malitia re-  
ctissime dicetur. ut enim quisque maxime ad suum  
commodum refert quæcunque agit: ita minime est uir  
bonus: ut qui uirtutem præmio metiuntur, nullam



uirtutem nisi malitiam putent. ubi enim beneficium?  
si nemo alterius causa benigne facit? ubi gratus? si  
non eum ipsum cui referunt gratiam cernunt grati?  
ubi illa sancta amicitia? si non ipse amicus per se  
amatur toto pectore, ut dicitur? qui etiam deferendus  
et abiciendus est, desperatis emolumentis, et fructi-  
bus. Quo quid potest, dici immanius? quod si amici-  
tia per se colenda est: societas quoque hominum, et  
aequalitas, et iustitia per se expetenda. quod ni ita  
est: omnino iustitia nulla est. id enim iniustissimum  
ipsum est, iustitiae mercedem quaerere. quid uero de  
modestia? quid de temperantia? quid de continentia?  
quid de uerecundia, pudore, pudicitiaque dicemus? infamiae ne metu non esse petulantes? an legum et iudicio-  
rum? innocentes ergo et uerecundi sunt, ut bene au-  
diant, et ut rumorem bonum colligant, erubescunt:  
et pudet impudica loqui. ac me nimirum istorum  
philosophorum pudet: qui nullum uitium uitare, nisi  
iudicio ipso multatum putant. quid enim? possumus eos, qui  
stupro arcantur infamiae metu, pudicos dicere? cum ipsa  
infamia propter rei turpitudinem consequatur? nam  
quid aut laudari rite, aut uituperari potest? si ab eius  
natura recesseris, quod aut laudandum, aut uituperan-  
dum putes? an corporis prauitates si erunt perin-  
signes, habebunt aliquid offensionis? animi deformitas  
non habebit? cuius turpitudine ex ipsis uitijis facillime  
perspici potest. quid enim foedius auaritia? quid im-  
manius libidine? quid contemptus timiditate? quid  
abiecius tarditate et stultitia dici potest? quid ergo?  
eos, qui singulis uitijis excellunt, aut etiam pluribus,  
propter damna, aut detrimenta, aut cruciatus aliquos



# DE LEGIBVS

*miseros dicimus? an propter uim turpitudinemq; uirtu-  
 tiorum? quod item ad contrariam laudem in uirtute  
 dici potest. Nam si propter alias res uirtus expetitur:  
 melius esse aliquid quam uirtutem necesse est. pecu-  
 niam ne igitur? an honores? an formam? an ualetu-  
 dinem? quæ et cum adsunt perparua sunt: & quam-  
 diu affutura sint, certum sciri nullo modo potest. an id  
 quod turpissimum dictu est, uoluptatem? an in ea qui-  
 dem spernenda & repudianda uirtus uel maxime  
 cernitur? Videtis ne, quanta series rerum, sententia-  
 rumq; sit? atq; ut ex alio alia neccantur? quin labe-  
 bar longius, nisi me retinuissem. Q. Quo tandem?  
 libenter enim frater ad istam orationem tecum pro-  
 laborer. M. ad finem bonorum: quo referuntur, &  
 cuius causa sunt facienda omnia: controuersam rem  
 & plenam dissensionis inter doctissimos, sed aliquan-  
 do tamen iudicandam. A. Qui istuc fieri potest  
 L. Gellio mortuo? Q. Quid tandem id ad rem?  
 Atti. quia me Athenis audire ex phedro meo memini  
 Gellium familiarem tuum, cum proconsul ex prætura  
 in græciam uenisset: & athenis philosophos qui tum  
 erant, in locum unum conuocasse: ipsisq; magnopere  
 authorem fuisse: ut aliquando controuersiarum ali-  
 quem facerent modum. quod si essent eo animo: ut  
 nollent ætatem in litibus conterere: posse rem cum  
 eo conuenire, & simul operam suam illis esse polli-  
 citum, si posset inter eos aliquid conuenire. M. Io-  
 culare istud quidem Pomponi, & a multis sæpe deri-  
 sum, sed ego plane uellem me arbitrum inter antiquam  
 academiam & Zenonem datum. Atti. Quo tandem  
 istuc modo? M. Quia de re una solum dissident: de*



cæteris mirifice congruunt. Atti. An tandem una de re est solum dissensio? M. quæ quidem ad rem pertineat, una. quippe cum antiqui omnes q̄ secundum naturam esset, quo inuaremur in uita, bonum esse decreuerint: hic nisi quod honestum esset, putauerit bonum. Atti. per paruum uero controuersiam dicas, ac non eam quæ dirimat omnia. M. Probe quidem sentis, si re, ac non uerbis dissiderent. Atti. ergo assentiris Antiocho familiari meo, magistro enim non non audeo dicere: quocum uixi: et qui me ex nostris penè conuellit hortulis: deduxitq; in academiam per pauculis passibus. M. Vir iste fuit ille quidem prudens & acutus, & in suo genere perfectus: mihiq; fuit, ut scis familiaris. cui tamen ego assentiar in omnibus, nec ne, mox uidero. hoc dico, controuersiam totam istam posse sedari. Atti. qui istuc tandem uides? M. quia si, ut Chius Aristo dixit, solum bonum esse diceret quod honestum esset: malumq; quod turpe: cæteras res omnes plane pares, ac ne minimum quidem utrum adessent, an abessent interesse: ualde à Xenocrate, & Aristotele, & ab illa Platonis familia discreparet: essetq; inter eos de re maxima, & de omni uiuendi ratione dissensio. nunc uero cum dedecus, quod antiqui summum bonum esse dixerunt, hic solum bonum dicat: item dedecus, quod illi summum malum, hic solum: diuitias, ualitudinem, pulchritudinem, commodas res appellet, non bonas: paupertatem, debilitatem, dolorem, incommodas non malas: sentit idem quod Xenocrates, quod Aristoteles: loquitur alio modo. Ex hac autem non rerum, sed uerborum discordia, controuersia nata est de finibus: in



# DE LEGIBVS

qua quoniam usucapionem. XII. tabulae, inter quinque pedes esse uoluerunt: depasci ueterem possessionem academiae ab hoc acuto homine non sinemus. nec Manilia lege singuli, sed ex his tres arbitri finis regemus. Q. quam nam igitur sententiam dicimus? M. requiri placere terminos, quos Socrates pegerit: ipsique parere. Q. Praeclare frater iam nunc a te uerba usurpantur civilis iuris et legum: quo de genere expecto disputationem tuam. nam ista quidem magna diiudicatio est: ut ex te ipso saepe cognoui. M. Sed certe res ita se habent, ut ex natura uiuere summum bonum sit: id est uita modica, et apta uirtute perfui: aut naturam sequi: et eius quasi lege uiuere: id est nihil quantum in ipso sit praetermittere: quomimus ea, quae natura postulet, consequatur: quod inter haec uelit uirtute, tanquam lege uiuere. quapropter hoc diiudicari, nescio an unquam, sed hoc sermone certe non potest. si quidem id quod suscepimus perfecturi sumus. Atti. At ego huc declinabam non inuitus. Q. licebit alias: nunc id agamus quod coepimus: cum praesertim ad id nihil pertineat, haec de summo malo, bonoque dissensio. M. Prudentissime Quinte dicis. nam quae a me adhuc dicta sunt, \* Q. nec Licurgae leges, nec Solonis, neque Carondae, neque Seleuci, nec nostras. XII. tabulas, nec plebiscita desydero. sed te existimo, tum populis, tum etiam singulis, hodierno sermone legem uiuendi, et disciplinam daturum. M. Est huius uere disputationis Quinte proprium, id quod expectas: atque utinam esset etiam facultatis meae. sed profecto ita se res habet: ut quoniam uitiorum emendatricem legem esse oportet, commenda-



tricemq; uirtutum: ab ea uiuendi doctrina ducatur:  
ita fit ut mater omnium bonarum artium sapien-  
tia sit: a cuius amore græco uerbo philosophia no-  
men inuenit: qua nihil a dijs immortalibus uberius,  
nihil florentius, nihil præstabilius hominum uitæ da-  
tum est. hæc enim una nos, cum cæteras res omnes, tum  
quod est difficillimum, docuit, ut nos metipsos nosce-  
remus: cuius præcepti tanta uis, tanta sententia est: ut  
ea non homini cupiam, sed delphico deo tribuere-  
tur. nam qui se ipse norit: primum aliquid sentiet se  
habere diuinum: ingeniumq; in se suum, sicut simu-  
lacrum aliquod dedicatum putabit: tantoq; munere  
deorum semper dignum aliquid et faciet: et sentiet:  
et cum se ipse perspexerit: totumq; tentarit: intelli-  
get quemadmodum a natura subornatus in uitam ue-  
nerit: quantaq; instrumenta habeat ad obtinendam,  
adipiscendamq; sapientiam: quoniam principio, re-  
rum omnium quasi adumbratas intelligentias animo  
ac mente conæperit: quibus illustratus sapientia duce  
bonum uirum, et ob eam ipsam causam cernat se  
beatum fore. nam cum animus cognitis perceptisq;  
uirtutibus a corporis obsequio, indulgentiaq; discesse-  
rit: uoluptatemq; sicut labem aliquam dedecoris op-  
presserit: omnemq; mortis dolorisq; timorem effu-  
gerit: societatemq; carnis eiecerit: tum suis, omnibusq;  
natura coniunctos, suos duxerit: cultumq; deorum, et  
puram religionem suscepit: et exacerit illam, ut  
oculorum, sic ingenij aciem ad bona deligenda et rei-  
cienda contraria: quæ uirtus ex prouidendo est ap-  
pellata prudentia: quid eo dici, aut excogitari poterit  
beatius? idemq; cum cælum, terras, maria, omniumq;



## DE LEGIBVS

rerum naturam perspexerit: eaq; unde generata, quo  
 recurrant, quando, quomodo obitura, quid in ijs mor-  
 tale, & caducum, quid diuinum, æternumq; sit uide-  
 rit: ipsumq; ea moderantem & regentem pene pre-  
 henderit: seseq; non unis circumdatum mœnibus po-  
 pularem alicuius loci, sed ciuem totius mundi, quasi  
 unius urbis agnouerit: in hac ille magnificentia re-  
 rum, atq; in hoc conspectu & cognitione naturæ, di-  
 immortales quam ipse se noscet: quod Apollo præ-  
 cepit pythius: quam contemnet, quam despiciet, quam  
 pro nihilo putabit ea, quæ uulgo dicuntur amplissima.  
 atq; hæc omnia, quasi sepimento aliquo uallabit, dis-  
 ferendi ratione, ueri, & falsi, iudicio, scientia, &  
 arte quadam intelligendi quid quanc; rem sequatur,  
 & quid sit cuiq; contrarium. cumq; se ad ciuilem so-  
 cietatem natum senserit, non solum illa subtili dispu-  
 tatione sibi utendum putabit: sed etiam fusa latius  
 perpetua oratione: qua regat populos: qua stabiliat  
 leges: qua castiget improbos: qua tueatur bonos: qua  
 laudet claros uiros: qua præcepta salutis, & laudis,  
 apte ad persuadendum edat suis ciuib;: qua horta-  
 ri ad decus, reuocare a flagitio, consolari possit af-  
 flictos: factaq; & consulta fortium & sapientum cum  
 improborum ignominia sempiternis monumentis pro-  
 dere. Quæ cum tot res tantæq; sint, quæ inesse  
 in homine pspiciantur ab his, qui se ipsi uelint nosce-  
 re: earû parens est educatrixq; sapientia. Atti. lau-  
 data quidem a te grauius & uere sed quorsus hæc  
 pertinent? M. Primum ad ea Pomponi, de quibus  
 acturi iam sumus: quæ tanta esse uolumus. non enim  
 erunt: nisi ea fuerint, unde illa manant, amplissima.  
 deinde



deinde facio & libenter, & ut spero, recte: quæ eam  
cuius studio teneor, quæque me quicumque sum effecit, non  
possum silentio præterire. Atti. reuera facis, et meri-  
to, et ipse: fuitque id ut dicis in hoc sermone faciendum.

M. TVLLII CICERONIS DE LE-  
GIBVS LIBER SECVNDVS

ATTICVS.

Ed uisne quoniam & satis iam de-  
ambulatum est: & tibi aliud dicendi  
initium sumendum est: locum mute-  
mus? & in insula, quæ est in fibreno:  
nam opinor illi alteri flumini nomen  
esse: sermoni reliquo demus operam sedentes? M.

Sanè quidem. nam illo loco libentissime soleo uti: siue  
quid mecum ipse cogito: siue aliquid scribo, aut lego.

Atti. Equidem, qui nunc primum huc uenerim, sa-  
tiari non queo: magnificasque uillas, & pauimenta mar-  
morea, & laqueata tecta contemno. ductus uero a-  
quarum quos isti tubos & euripos uocant: quis non  
cum hæc uideat irriserit? itaque, ut tu paulo ante de lege  
& iure differens ad naturam referebas omnia: sic in  
his ipsis rebus, quæ ad quietem animi, delectationemque  
quærentur: natura dominatur. quare antea mirabar,  
nihil enim his in locis nisi saxa, & montes cogitabam:  
idque ut facerem, & orationibus inducebar tuis, &  
uersibus: sed mirabar, ut dixi, te tam ualde hoc loco  
delectari. nunc contra miror, te, cum Roma absis: us-  
quam potius esse. M. Ego uero cum licet plures dies



# DE LEGIBVS

abesse, praesertim hoc tempore anni, & amoenitatem,  
 & salubritatem hanc sequor. raro autem licet. sed  
 nimirum me alia quoque causa delectat: quae te non attin-  
 get ita. Atti. Quae tandem ista causa est? M. Quia,  
 si uerum dicimus, haec est mea, & huius fratris mei,  
 germana patria. hic enim orti stirpe antiquissima su-  
 mus: hic sacra: hic genus: hic maiorum multa uestigia.  
 quid plura? hanc uides uillam, ut nunc quidem est,  
 lautius aedificatam patris nostri studio. qui cum esset  
 infirma ualitudine: hic fere aetatem egit in litteris. sed  
 hoc ipso in loco cum auus uiueret: & antiquo more  
 parua esset uilla: ut illa curiana in sabinis: me scito esse  
 natum. quare id est nescio quid: & latet in animo ac  
 sensu meo: quo me plus hic locus fortasse delectet: si-  
 quidem etiam ille sapientissimus uir, Itacham ut ui-  
 deret, immortalitate scribitur repudiasse. Atti. Ego  
 uero tibi istam instam causam puto: cur huc libentius  
 uenias: atque hunc locum diligas. quin ipse: uere dicam:  
 sum ipsi uillae amicius factus, atque huic omni solo: in  
 quo tu ortus, & procreatus es. mouemur enim nescio  
 quo pacto locis ipsis: in quibus eorum quos diligimus,  
 aut admiramur: adsunt uestigia. me quidem ipsae illae  
 nostrae Athenae non tam operibus magnificis, exquisi-  
 tisque antiquorum artibus delectant: quam recordatione  
 summorum uirorum: ubi quisque habitare, ubi sedere,  
 ubi disputare sit solitus: studiosusque eorum etiam sepul-  
 chra contemplor. quare istum, ubi tu es natus, plus  
 amabo posthac locum. M. Gaudeo igitur me incuna-  
 bula pene mea tibi ostendisse. Atti. Et quidem me co-  
 gnosse admodum gaudeo. sed illud tamen quale est?  
 quod paulo ante dixisti? hunc locum, idem ego te ac-  
 cipio



capio dicere arpinum, germanam patriam esse uestram. nunquid uos duas habetis patrias? an est illa una patria communis? nisi forte sapienti illi Catoni fuit patria non Roma, sed Tusculum. M. Ego me hercule & illi, & omnibus municipibus duas esse censeo patrias: unam naturæ: alteram ciuitatis. ut ille Cato, cū esset Tusculi natus, in populi ro. ciuitatem susceptus est. itaq; cum ortu tusculanus esset: ciuitate romanus: habuit alteram loci patriam: alteram iuris. ut uestri Attici, priusquam Theseus eosdem migrare ex agris, & in astu, quod appellatur, omnis se conferre iussit: & symphradas ex atticis: sic nos & eam patriam dicimus ubi nati: & illam qua excepti sumus. sed necesse est charitate eam præstare. qua reip. nomen uniuersæ ciuitatis est: pro qua mori, & cui nos totos dedere, & in qua nostra omnia ponere, & quasi consecrare debemus. dulcis autem non multo secus est ea, quæ genuit: quàm illa, quæ excepit. itaq; ego esse hanc meam patriam prorsus nunquam nego: dum illa sit maior: & hæc in ea contineatur. Atti. Recte igitur magnus ille noster me audiēte posuit in iudicio: cum pro Ambio tecum simul diceret: Remp. nostram iustissimas huic municipio gratias agere posse: quod ex eo, duo sui conseruatores extitissent: ut iam uideam, adduci hanc quoq; quæ te procreauit, esse patriam tuam. Sed uentum in insulam est. hac uero nihil est amœnius. ut enim hoc quasi rostro finditur Fibrenus: & diuisus æqualiter in duas partes latera hæc alluit: rapideq; dilapsus cito in unum confuit: & tantum complectitur quod satis sit modicæ palestræ loca. quo effecto, tanquam id habuerit ope-



## DE LEGIBVS

ris, ac muneris: ut hanc nobis efficeret sedem ad  
 disputandum: statim præcipitat in Lirem: & quasi in  
 familiam patritiam uenerit, amittit nomen obscurius:  
 Liremque multo gelidiorē facit. nec enim ullum hoc  
 frigidius flumen attigit: cum ad multa accesserim: ut  
 uix pede tentare id possim: quod in phædro Platonis  
 facit Socrates. M. Est uero ita. sed tamen huic amœ-  
 nitati, quam ex Quinto sæpe audio, thebanus Epiro-  
 tes tuus ille nihil opinor concesserit. Q. Est ita ut di-  
 cis. caue enim putes attici nostri emathio, platanisque  
 illis, quicquam esse præclarius. sed si uidetur consti-  
 damus hic in umbra: atque ad eam partem sermonis,  
 ex qua egressi sumus, reuertamur. M. Præclare exi-  
 gis Quinte. at ego effugisse arbitrabar: & tibi nihil  
 eorum deberi potest. Q. ordire igitur nam hunc  
 tibi totum dicamus diem, maiore musarum primor-  
 dio, sicut in arati carmine orsi sumus. M. Quor-  
 sum istuc? Q. Quia nunc itidem ab eodem, &  
 cæteris dijs immortalibus sunt nobis agendi capi-  
 enda primordia. M. Optime uero frater: & fieri sic  
 decet. Videamus igitur rursus, priusquam aggredia-  
 mur ad leges singulas: uim naturamque legis. ne cum  
 referenda sint ad eam nobis omnia: labamur inter-  
 dum errore sermonis: ignoremusque uim sermonis eius,  
 quo iura nobis diffinienda sint. Q. Sanè quidem  
 hercule est ista recta docendi uia. M. Hanc igitur  
 uideo sapientissimorum fuisse sententiam: legem neque  
 hominum ingenijs excogitatam: neque scitum aliquod esse  
 populorum: sed æternum quiddam: quod uniuersum  
 mundum regeret imperandi, prohibendi que sapientia.  
 ita principem legem illam, & ultimam, mentem esse  
 dicebant



dicebant omnia ratione aut cogentis, aut uetantis dei. ex qua illa lex, quam dii humano generi dederunt, recte est laudata. est enim ratio, mensq; sapientis, ad iubendum, & ad deterrendum idonea. Q. Aliquoties iam iste locus a te tactus est. sed antequam ad populares leges uenias: uim istius celestis legis explana, si placet: ne æstus nos consuetudinis absorbeat: & ad sermonis morem usitati trahat. M. A paruis enim Quinte didicimus: si in ius uocat, atque eiusmodi leges alias nominare. sed uero intelligi sic oportet: & hæc, & alia iussa, ac uetita populorum, uim habere ad recte facta uocandi: & a peccatis auocandi: quæ uis non modo senior est quam ætas populorum, & ciuitatum: sed æqualis illius cælum, atq; terras tuentis, & regentis dei. neq; enim esse mens diuina sine ratione potest: nec ratio diuina non hanc uim in rectis prauisq; sancien- dis habere. nec quia nusquam erat scriptum, ut contra omnes hostium copias in ponte unus assiste- ret: a tergoq; pontem interscindi iuberet: iaculo mi- nus Coclitem illum rem gessisse tantam, fortitudi- nis lege, atq; imperio putabimus: nec si regnante Tar- quinio nulla erat Romæ scripta lex de stupris: iaculo non contra illam legem sempiternam Sextus Tar- quinius uim Lucretiæ Tricipitini filiæ attulit. erat. n. ratio profecta a rerum natura, & ad recte facien- dum impellens, & a delicto auocans. quæ non tum deniq; incipit lex esse, cum scripta est: sed tum, cum or- ta est. orta autem simul est cum mente diuina. quamob- rem lex uera, atq; princeps, apta ad iubendum, & ad uetandum, ratio est recta summi Iouis. Q.



Assentior frater, ut quod est rectum, uerum quoque sit: neque cum literis, quibus scita scribuntur, aut oriatur, aut occidat. M. Ergo ut illa diuina mens summa lex est: item cum in homine est perfecta: est in mente sapientis. quæ sunt autem uariæ, et ad tempus scriptæ, populi fauore magis, quam re, legum nomen tenent. omnem enim legem quæ quidem recte lex appellari possit, esse laudabilem quibusdam talibus argumentis docent. Constat profecto ad salutem ciuium, ciuitatumque incolumitatem, uitamque omnium quietam, et beatam, conditas esse leges. eosque qui primum eiusmodi scita sanxerunt, populis ostendisse, ea se scripturos, atque laturos: quibus illi ascriptis, susceptisque, honeste beateque uiuerent. quæque ita compositæ, sanctæque essent, eas leges uidelicet nominarunt. Ex quo intelligi par est: eos qui perniciofa, et iniusta populis iussa descripserint: cum contra fecerint, quæ polliciti, professique sint: quiduis potius tulisse, quam leges: ut perspicuum esse possit in ipso nomine legis interpretando, inesse uim, et sententiâ iusti, et iuris colendi. quæro igitur Quin te à te, sicut illi solent: quo si ciuitas careat, ob eam ipsam causam, quod eo careat, pro nihilo habenda sit: id est ne numerandum in bonis? Q. Ac maximis quidem. M. Legem autem carēs ciuitas an ne ob ipsum habenda nullo loco? Q. dici aliter non potest. M. Necesse est igitur legem haberi, in rebus optimis. Q. Prorsus assentior. M. Quid quod multa perniciose, multa pestifere sciscuntur in populis? quæ non magis legis nomen attingunt, quam si latores aliquas concessu suo sanxerint. nam neque medicorum præcepta dici uere possent: si quæ insciji imperiti que pro salutaribus mortifera



mortifera conscripserint: neq; in populo lex, cui quid mali fuerit, ulla: etiam si perniciosum aliquid populus acceperit. ergo est lex iustorum, iniustorumq; distinctio, ad illam antiquissimam, & rerum omnium principem expressam naturam: ad quam leges hominum diriguntur: quæ supplicio improbos afficiunt: & defendunt, & tuentur bonos. Q. Præclare intelligo. nec uero iam aliam esse ullam legem puto non modo habendam: sed ne appellandam quidem. M. Igitur tu Seias & Apuleias leges nullas putas? Q. Ego uero ne Lenias quidem. M. Et recte. quæ præsertim uno uersiculo senatus puncto temporis sublatae sint. lex autem illa, cuius uim explicauimus, neq; tolli, neq; abrogari potest. Q. Eas tu igitur leges rogabis uidelicet, quæ nunquam abrogentur. M. Certe, si modo acceptæ à uobis duobus erunt. sed ut uir doctissimus fecit Plato, atq; idem grauissimus, omniumq; princeps de rep. cum scripsit: idemq; separatim de legibus eius: id mihi credo esse faciendum: ut priusquam ipsam legem recitem: de eius legis laude dicam. quod idem & Zaleucum, & Charondam fecisse uideo: cum quidem illi non studij, & delectationis, sed reip. causa leges ciuitatibus suis scripserunt. quos imitatus Plato, uidelicet hoc quoq; legis putauit esse, persuadere aliquid: non omnia uel ac minis cogere. Q. quid quod Zaleucum istum negat ullum fuisse Timæus? M. At Theophrastus author, haud deterior mea quidem sententia: meliorem multi nominant: commemorant uero ipsius ciues, nostri clientes, locri. sed siue fuit: siue non fuit: nihil ad rem. loquimur quod traditum est. Sit igitur hoc iam à principio persuasum ciuibus, dominos esse omniū



# DE LEGIBVS

rerum, ac moderatores deos: eaq; quæ gerantur, eorum geri iudicio, ac numine: eosdemq; optime de genere hominum mereri: Et qualis quisq; sit, quid agat, quid in se admittat, qua mente, qua pietate religiones colat, intueri: piorumq; Et impiorum habere rationem. his enim rebus imbutæ mentes, haud sanè abhorrebunt ab utili, Et à uera sententia. quid est enim uerius? q̃ neminem esse oportere tam stulte arrogan-tem: ut in se mentem Et rationem putet inesse? in caelo mundoq; non putet? aut ea quæ uix summa ingenij ratione comprehendat: nulla ratione moueri putet? quem uero astrorum ordines, quem dierum, noctiumq; uicissitudines, quem mensium temperatio, quemq; ea quæ gignuntur nobis ad fruendum, non gratum esse cogant: hunc hominem omnino numerare qui decet? cumq; omnia, quæ rationem habent, præstent his, quæ sint rationis expertia: nefasq; sit dicere ullam rem præstare naturæ omnium rerum: rationem inesse in ea confitendum est. vtilis esse autem opinion-nes has quis neget? cum intelligat quam multa firmen-tur iureiurando: quantæ salutis sint fœdera religio-nis: q̃ multos diuini supplicij metus à scelere reuocarit: quamq; sancta sit societas ciuium, inter ipsos dijs im-mortalibus interpositis tum iudicibus, tum testibus. ha-bes legis proœmium. sic enim hoc appellat Plato.

Q. Habeo uero frater: Et in hoc admodum dele-ctor: q̃ in alijs rebus, alijsq; sententijs uersaris, atq; ille. nihil enim tam dissimile est: q̃ uel ea quæ ante di-xisti: uel hoc ipsum legis exordium. unum illud mihi uideris imitari orationis genus. M. Vellem fortasse. quis enim id potest, aut unquam poterit imitari? nam

sententias



sententias interpretari perfacile est. quod quidem ego facerem: nisi plane esse uellem meus. quid enim negotij est, eadem, prope uerbis iisdem conuersa dicere?

Q. Prorsus assentior. uerum, ut modo tu te dixisti, te esse malo tuum. sed iam exprome, si placet, istas leges de religione. M. Expromam equidem ut potero. Quoniam et locus, et sermo familiaris est: legum uocem proponam. Q. Quidnam id est? M. sunt certa legum uerba Quinte, neque ita prisca, ut in ueteribus his, sacratisque legibus: et tamen, quo plus authoritatis habeant, paulo antiquiora, quam hic sermo est. eum morem igitur, cum breuitate, si potero, consequar. leges autem a me edentur non perfectae. nam esset infinitum. sed ipsae summæ rerum, ac sententiæ.

Q. Itauero necesse est: quare audiamus uerba legis.

M. Ad diuos adeunto caste: pietatem adhibento: opes amouento. qui secus faxit, deus ipse uindex erit. Separatim nemo habessit deos: ne uenios, sed ne aduenas, nisi publice adscitos, priuatim colunto. constructa a patribus delubra habento. lucos in agris habento: et larum sedes. ritus familiæ, patrumque seruant. Diuos, et eos, qui cælestes semper habiti, colunto: et illos, quos in cælum merita uocauerunt: Herculem Liberum, Aesculapium, Castorem, Pollucem, Quirinum. ast olla propter quæ datur homini ascensus in cælum: mentem, uirtutem, pietatem, fidem: earumque laudum delubra sunt. nec ulla uitorum sacra solemnia obeunto. feriis iurgia amouento: easque in famulis operibus patratis habento. Itaque, ut ita cadat in annuis anfractibus, descriptum esto. certasque fruges, certasque bacchas, sacerdotes publice libanto.



# DE LEGIBVS

» hoc certis sacrificijs ac diebus. Itemq; alios addes. uber-  
 » tatem lactis, foetusq; seruant. idq; ne committi possit:  
 » ad eam rationem cursus annuos sacerdotes finiunt. \*  
 » quæq; cuiq; diuo decoræ gratæq; sint hostiæ providen-  
 » to: diuisq; alijs alij sacerdotes, omnibus pontifices, sin-  
 » gulis flamines sunt. uirgines uestales in urbe custo-  
 » diunt ignem foci publici sempiternum. quôq; & pri-  
 » uatim, & publice modo, rituq; fiat, discunt ignari a  
 » publicis sacerdotibus. eorum autem genera sunt duo:  
 » unum quod præsit cerimonijs, & sacris: alterum quod  
 » interpretetur fatidicorum & uatum effata incognita:  
 » cum senatus populusq; ascuerit. interpretes autem io-  
 » uis optimi maximi publici augures signis, & auspicijs  
 » postea uident: disciplinam tenent. sacerdotes uincti,  
 » uirgetaq; & salutem populi auguranto. quiq; agent  
 » rem duelli, quiq; populare auspicium, præmonent:  
 » ollicq; obtemperant: diuorumq; iras provident: ollicq;  
 » parent: celiq; fulgura regionibus ratis temperan-  
 » to: urbemq;, & agros, & templa liberata, & ef-  
 » ta habent. quæq; augur iniusta, nefasta, uitiosa, di-  
 » ra defixerit, irrita, infectaq; sunt. quiq; non parue-  
 » rit, capitale esto. foederum, pacis, belli, indutiarum, ora-  
 » tores feciales iudices ne sunt. bella, disceptatio, prodi-  
 » gia, portenta, ad ethriscos & aruspices si senatus iussu-  
 » rit, deferunt. Ethruriaeque principes disciplinā docent.  
 » quibus diuis, creuerint procurant. Eidemq; fulgura  
 » atq; obstata planto. nocturna mulierum sacrificia ne  
 » sunt: præter olla, quæ pro populo rite fient. ne uē ini-  
 » tiant, nisi ut assolet, cereri græco sacro. sacrum com-  
 » missum quod neq; expiari poterit impie commissum  
 » est. quod expiari poterit, publici sacerdotes expiant.



» Ludis publicis, quod sine curriculo & sine certatione  
 » corporum fiat, popularem letitiam in cantu, & fidi=  
 » bus, & tibijs moderant: eamq; cum diuum honore  
 » iungunt. Ex patrijs ritibus optima colunt. præter  
 » ideæ matris famulos, eosq; iustis diebus, nequis stipem  
 » cogito. Sacrum sacro ue commendatum qui clepserit,  
 » rapseritq; patricida esto. periurij pœna diuina, exi=  
 » tium: humana dedecus. incestum pontifices supremo  
 » supplicio sanciunt. impius ne audeto placare donis  
 » iram deorum. sancte uota reddunt. pœna uiolati iu=  
 » ris esto. quo circa nequis agrum consecrato auri, argen=  
 » ti, eboris, sacrandi modus esto. sacra priuata ppetua  
 » manent. deorum manium iura sancta sunt. Hos leto  
 » dato diuos habent. sumptû in ollos luctûq; minuunt.

Atti. Conclusa est quidem a' te tam magna lex, sa=  
 ne q' breuis: & ut mihi quidem uidetur non multum  
 discrepat ista constitutio religionum a' legibus Numæ  
 nostrisq; moribus. M. An censes, cum in illis de  
 rep. libris, persuadere uideatur Africanus omnium  
 rerum publicarum nostram ueterem illam fuisse opti=  
 mam: non necesse esse optimæ reip. leges dare consen=  
 taneas? Atti. Immo prorsus ita ceseo. M. Ergo ad  
 ea expectate leges, quæ genus illud optimum reip. con=  
 tineant. & si quæ forte a' me hodie rogabuntur: quæ  
 non sint in nostra re publica, nec fuerint: tamen erant  
 ferè in more maiorum qui tum ut lex ualebit. Atti.  
 Suade igitur si placet istam ipsam legem: ut ego, ut  
 & tu rogas, possim edicere. M. an tandem Attice non  
 es edicturus aliter? Atti. prorsus maiorem quidem  
 rem nullam scisam aliter in minoribus, si uoles, re=  
 mittam hoc tibi. M. Atq; mea quidem sententia est.



# DE LEGIBVS

at ne longum fiat uidete. Atti. Vtinam qdem: quid enim agere malumus? M. Caste iubet lex adire ad deos: animo uidelicet, in quo sunt omnia: nec tollit castimoniam corporis: sed hoc oportet intelligi: cum multum animus corpori praestet: obserueturq; ut casto corpore adeatur: multo esse in animis id seruadū magis. nā illud uel aspersione aquae, uel dierum numero tollitur: animi labes nec diuturnitate uanescere: nec manibus ullis elui potest. Quod autem pietatem adhiberi, opes amoueri iubet: significat probitatem gratam esse deo: sumptum esse remouendum. Quid est enim, cum paupertatem diuitijs, etiam inter homines esse aequalem uelimus: cur eam sumptu ad sacra adhibito deorum aditu arceamus? praesertim cum ipsi deo nihil minus gratum futurum sit: q̄ non omnibus patere ad se placandum, & colendum uiam. Quod autem non iudex, sed deus ipse, uindex constituitur: praesentis poenae metu religio confirmari uidetur. Suosq; deos, aut nouos, aut alienigenas coli confusionem habet religionum: et ignotas ceremonias esse sacerdotibus. nam a patribus acceptos deos ita placet coli: si huic legi paruerunt ipsi. Patrum delubra esse in urbibus censeo: nec sequor magos persarum: quibus authoribus Xerxes inflammasse templa graeciae dicitur: quod parietibus includerent deos: quibus omnia deberent esse patentia, ac libera: quorumq; hic mundus omnis templum esset, & domus. melius graeci, atq; nostri: qui ut augerent pietatem in deos: easdem illos, quas nos, urbes incolere uoluerunt. affert enim haec opinio religionem utilem ciuitatibus. siquidem & illud benedictum est a Pythagora doctissimo uiro: tum maxime & pietatem



Et religionem uersari in animis: cum rebus diuinis  
operam daremus: Et quod Thales: qui sapientissimus  
inter septem fuit: homines existimare oportere deos o-  
\* mnia cernere: deorum omnia esse plena. fore enim o-  
mnes castiores: ueluti quo infans esset maxime religio-  
sus. est enim quadam opinione species deorum in oculo  
lis, non solum in mentibus. Eandemq; rationem lu-  
ci habent in agris. neq; ea, quæ a maioribus prodita  
est cum dominis, tum famulis, posita in fundi, uillæq;  
conspectu religio patrum repudianda est. Iam ri-  
tus familiæ patrumq; seruari, id est, quoniam anti-  
quitas proxime accedit ad deos: a dijs quasi traditam  
religionem tueri. Quod autem ex hominum gene-  
re consecratos, sicut herculem, Et ceteros coli lex iu-  
bet: indicat omnium quidem animos immortales esse:  
sed fortium, bonorumq; diuinis. Bene uero: quod  
mens, pietas, uirtus, fides, consecratur manu: quarum  
omnium Romæ dedicata publice templa sunt: ut illa  
qui habeant (habent autem omnes boni) deos ipsos in  
animis suis collocatos putent. nam illud uitiosum Athe-  
nis: quod Cylonio scelere expiato, Epimenide crete  
suadente fecerunt contumeliæ sanum, Et impudentiæ.  
uirtutes enim, non uitia consecrare decet. araq; uetus  
stat in palatio febris: Et altera ex quilibet malæ for-  
tunæ, detestataq; quæ omnia eiusmodi repudianda  
sunt. Quod si fingenda nomina uice poetæ, Et potius  
\* uincendi, atq; potiundi, statassandiq; cognomina, sta-  
toris, Et inuicti Iouis, rerumq; expetendarum nomi-  
na, salutis, honoris, opis, uictoriæ: quoniam quidem  
expectatione rerum bonarum erigitur animus. Recte  
etiam a Colatino spes consecrata est: fortunâq; sit



# DE LEGIBVS

\* uel huius diei. nam ualet in omnes dies uel respiciens ad opem ferendam: uel forum in quo incerti casus significantur magis: uel primigeniam a' gignendo: cum est \* feriarum festorumq; dierum ratio in liberis quietem habet litium, & uirgiorum: in seruis operum, & laborum quas compositio anni conferre debet & perfectionem operum rusticorum. Quod tempus, ut sacrificiorum libamenta seruentur, foetusq; pecorum, quae dicta in lege sunt: diligenter habenda ratio intercalandi est. quod institutum perire a' Numa, posteriorum pontificum negligentia dissolutum est.

Iam illud ex institutis pontificum & aruspicum non mutandum est: quibus hostijs immolandum cuiq; deo: cui maioribus, cui lactentibus, cui maribus, cui foeminis. Plures autem deorum omnium, singuli singulorum sacerdotes, et respondendi iuris & confitendarum religionum facultatem afferunt. cumq; Vesta quasi focus urbis, ut graeco nomine est appellata: quod nos prope' idem graecum interpretatum nomen tenemus: conspecta sit: ei colendae uirgines praesint: ut aduigiletur facilius ad custodiam ignis: et sentiant mulieres in natura feminarum omnium deum castitatem pati.

Quod sequitur uero non solum ad religionem pertinet: sed etiam ad ciuitatis statum: ut sine his qui sacris publice praesunt religioni privatae satisfacere non possint. continet enim reip. consilio & autoritate optimatum semper populum indigere. descriptioq; sacerdotum nullum iustae religionis genus praetermittit: nam sunt ad placandos deos alij constituti: qui sacris praesint solemnibus: ad interpretanda alij praedicta uatum: neq; multorum, ne esset infinitum: neq; ut ea ip-



sa, quæ suscepta publice essent, quisquam extra collegi-  
um nosset. Maximum autem et præstantissimum in  
re publica ius est augurum: cum est authoritati con-  
iunctum. neque uero hoc quia sum ipse augur ita sen-  
tio: sed quia sic existimari nos est necesse. quid enim  
maius est? si de iure quærimus: quàm posse à sum-  
mis imperijs, & summis potestatibus comitia tollere?  
concilia uel instituta dimittere? uel habita rescindere?  
quid grauius? quàm rem susceptam dirimi: si unus  
augur aliter dixerit? qd magnificentius? quàm pos-  
se decernere ut magistratu se abdicent consules? quid  
religiosius? quàm cum populo, cum plebe agendi ius,  
aut dare, aut non dare? quid? legem, si non iure ro-  
gata est, tollere? ut etiam decreto collegij, ut Lenias con-  
silio Philippi, consules, & augures. nihil domi, nihil  
foris per magistratus gestum, sine eorum authoritate  
posse cuiquam probari? Atti. Age iam ista uideo: fa-  
teorq; omnia esse magna. sed est in collegio uestro in-  
ter Marcellum, & Appium optimos augures, magna  
dissensio. nam eorum ego in libros inadi: cum alteri  
placeat auspicia ista ad utilitatem esse reip. cõposita: al-  
teri disciplina uestra quasi diuinari uideatur prorsus  
posse. hac tu de re quæro quid sentias? M. Ego ne?  
diuinationē quam græci *μαρτυριαν* appellant, esse cen-  
seo: & huius hanc ipsam partem, quæ est in auibus  
cæterisq; signis disciplinæ nostræ. quod cum summos  
deos esse concedamus: eorumq; mente mundum regere  
eorundem benignitatem hominum consulere generi: et  
posse nobis signa rerum futurarum ostendere: non ui-  
deo cur diuinationem esse negem. sunt autem ea quæ  
posui, ex quibus id, quod uolumus efficitur, & cogitur.



# DE LEGIBVS

Iam uero permultorum exemplorum & nostra plena est respublica, & omnia regna, omnesq; populi, cunctaq; gentes, augurū prædictis multa incredibiliter uera cecidisse: neq; enim Polide, neq; Melampodis, neque Mopsi, neq; amphiarai, neq; Calchantis, neq; Heleni, tantum nomen fuisset: neq; tot nationes id ad hoc tempus retinuisent Arabum, Phrygum, Lyconum, Cilicum, maximeq; Pysidarum: nisi uetustas ea certa esse docuisset. nec uero Romulus noster auspicato urbem condidisset: neq; Accij Nauij nomen memoria floreret tam diu: nisi hi omnes multa ad ueritatem, admirabilia dixissent. sed dubium non est, quin hæc disciplina & ars augurum euauerit iam, & uetustate, & negligentia. itaq; neq; illi assentior: qui hanc scientiam negat unquam in nostro collegio fuisse: neq; illi: qui esse etiam nunc putat. Quæ mihi uidetur apud maiores fuisse dupliciter: ut ad reipublicæ tempus nonnunq; ad agendi consilium sæpissime pertineret. Atti. Credo hercle ita esse: istiq; rationi potissimum assentior. sed redde cætera. M. Reddā uero, & si potero, breui. Sequitur enim de iure belli: in quo & suspiciendo, & gerendo, & deponendo, ius ut plurimum ualet, & fides. horumq; ut publici interpretes essent, lege sancimus. Iam de aruspicum religione, de expiationibus, & procurationibus, satis, superq; in ipsa lege dictū puto. Atti. Assentior: quoniam omnis hæc in religione uersatur oratio. M. At uero quod sequitur quomodo aut tu assentire: aut ego reprehendam sanè quæro Tite. Atti. quid tandem id est? M. de nocturnis sacrificijs mulierum. Atti. Ego uero assentior: excepto præsertim in ipsa lege



lege solemnī sacrificio ac publico. M. Quid ergo ager  
 Iachus, Eumolpidaēq; nosiri, & augusta illa myste-  
 ria? siquidem sacra nocturna tollimus? non enim po-  
 pulo romano, sed omnibus bonis firmisq; populis leges  
 damus. Atti. Excipis credo illa: quibus ipsi initiati su-  
 mus. M. Ego uero excipiam: nam mihi cum multa  
 eximia diuināq; uidentur Athenae tuae peperisse: atq;  
 in uita hominū attulisse: tum nihil melius illis mysterijs,  
 quibus ex agresti immaniaq; uita exculi ad humani-  
 tatem, & mitigati sumus: initiaq; ut appellantur: ita  
 re uera principia uitae cognouimus: neq; solum cum  
 letitia uiuendi rationem accepimus: sed etiam cum  
 spe meliore moriendi. quid autem mihi displiceat, in-  
 nocentes poëtae indicant. Comici. qua licentia Romae  
 data, quid nam egresset ille? qui in sacrificium cogita-  
 tam libidinem intulit: quo ne impudentiam quidem  
 oculorū adijci fas fuit? Atti. Tu uero istam Romae  
 legem rogato: nobis nostras ne ademeris. M. Ad no-  
 stra igitur reuertor: quibus profecto diligentissime san-  
 ciendum est: ut mulierum famam multorum oculis lux  
 clara custodiat: initienturq; eo ritu cereri, quo Romae  
 initiantur. Quo in genere seueritatem maiorum, Sena-  
 tus uetus autoritas de bacchanalibus, & consulum  
 exercitu adhibito quaestio, animaduersioq; declarat.  
 Atq; omnia nocturna, ne nos duriores forte uidea-  
 mur: in media graecia Dyagondas Thebanus lege per-  
 petua sustulit. novos uero deos, & in his colendis no-  
 cturnas permigrationes, sic Aristophanes facetissimus  
 poëta ueteris comediae uexat: ut apud eum Sabeius,  
 & quidam alij dii, peregrini iudicati, e ciuitate eijcian-  
 tur. Publicus autem sacerdos imprudentiam consilio



expiatam metu liberet: audaciam in admittendis reli-  
 gionibus foedis damnet: atq; impiam indicet. Iam  
 ludi publici, cum sine cauea, circoq; dimisi, sine corpo-  
 rum certationes, cursu, & pugillatione, luctatione, cur-  
 riculisq; equorum, usq; ad certam uictoriam circo con-  
 stitutis: cauea, cantu, uoce, ac fidibus, & tibijs: dum mo-  
 do ea moderata sint: ut lege praescribitur. assentior  
 enim Platoni: nihil tam facile in animos teneros, atq;  
 molles influere, q̄ uarios canendi sonos. quorum dici  
 uix potest quanta sit uis in utranq; partem. nanq; &  
 incitat languentes: & languescit excitatos: & tum  
 remittit animos: tum contrahit. ciuitatumq; hoc multa-  
 rum in graecia interfuit, antiquum uocum seruare mo-  
 dum: quarum mores lapsi ad molliciem pariter sunt  
 immutati cum cantibus: aut hac dulcedine corrupte-  
 laq; deprauati ut quidam putant: aut, cum seueritas  
 eorum ob alia uitia cecidisset: tum fuit in auribus ani-  
 misq; mutatis, etiam huic mutationi locus. quamobrem  
 ille quidem sapientissimus graeciae uir, longe q; doctissi-  
 mus ualde hanc labem ueretur. negat enim mutari  
 posse musicas leges, sine mutatione legum publicarum.  
 ego nec tam ualde id timendum, nec plane contemnen-  
 dum puto. Illa quidem, quae solebant quondam com-  
 plecti, seueritate iocunda Liuianis, & Neuianis mo-  
 dis: nunc ut eadem exultent: ceruices oculosq; pariter  
 cum modorum flexionibus torqueant. grauius olim  
 ista uindicabat uetus illa graecia, longe providens, q̄  
 sensim perniciēs illapsa ciuium animos malis studijs,  
 malisq; doctrinis repente totas ciuitates euenteret. si-  
 quidem illa seuera Lacedaemon neruos iussit, quod  
 plures q̄ septem haberet, in Timothei fidibus inde  
 deini.



dein. deinceps in lege est: ut de ritibus patrijs, colantur optimi: de quo cum consulerent Athenienses Apollinem Pythium, quas potissimum religioni tenerent: oraculum editum est: eas quæ essent in more maiorum. quo cum iterum uenissent: maiorumq; morem dixissent sepe esse mutatum: quæsiuissentq; quem morem potissimum sequerentur e' uarijs: respondit optimum. Et profecto ita est: ut id habendum sit antiquissimum, Et deo proximum: quod sit optimum.

Stipem sustulimus: nisi eam quam apud paucos dies propriam ideæ matris excepimus. Implet enim superstitione animas: Et exhaurit domos. Sacrilego poena est: neq; ei soli, qui sacrum abstulerit: sed etiam ei, qui sacro commendatum. quod Et nunc multis fit in fanis. Alexander in cilia deposuisse apud solem in delubro pecuniam dicitur: Et Atheniensis Clisthenes Iunoni Samiæ ciuis egregius cum rebus timeret suis, filiarū dotes credidit. Sed iam de periurijs, de ince=stis nihil sane hoc quidem loco disputandum est. Donis impij, ne placare audeant deos, Platonem audiant: qui uetat dubitare qua sit mente futurus deus: cum uir nemo bonus ab improbo se donari uelit. Diligentia uotorum satis in lege dicta est: ac uoti sponsio qua obligamur deo. Poena uero uiolatae religionis iustam re=cusationem non habet. quid ego hic sceleratorum utar exemplis? quorum sunt plenæ tragædiæ. quæ ante oculos sunt, ea potius attingantur. Et si hæc commemoratio uereor ne supra hominis fortunam esse uideatur: tamen quoniam mihi sermo est apud deos, nihil reticebo: uelimq; hoc quod loquar dijs immortalibus gratum potius uideri, q̃ graue. Omnia autem tum



perditorum ciuium scelere discessu meo religionum iura  
 polluta sunt: uexati nostri lares familiares: in eorum  
 sedibus exaedificatum templum licentiae: pulsus a de-  
 lubris is, qui illa seruauit. circumspectis haec celeriter  
 animus: nihil enim attinet quenquam nominari: qui  
 sint rerum exitus consecuti. nos, qui illam custodem  
 urbis omnibus ereptis nostris rebus, ac perditis, uio-  
 lari ab impijs passi non sumus: eamque ex nostra do-  
 mo in ipsius patris domum detulimus: iudicia senatus,  
 Italiae, gentium denique omnium, conseruatae patriae con-  
 secuti sumus. quo quid accidere potuit homini praecela-  
 \* rius? quo scelere religiones prostratae, afflictasque sunt:  
 partim ex illis distractae ac dissipatae iacent. qui uero  
 ex his et omnium scelerum principes fuerunt: et  
 praeter ceteros in omni religione impij: non solum ui-  
 ta cruciati, atque dedecore, uerum etiam sepultura, ac  
 iustis exequijs caruerunt. Q. Equidem ista agnosco  
 frater: et meritis dijs gratias ago. sed nimis saepe secus  
 aliquos uidemus euadere. M. non enim Quinte re-  
 cte existimamus, quae poena diuina sit: et opinionibus  
 uulgi rapimur in errorem: nec uera cernimus. morte,  
 aut dolore corporis, aut luctu, aut offensione iudicij,  
 hominum miseras ponderamus: quae fateor humana  
 esse: et multis bonis uiris accidisse. sceleris est poena tri-  
 stis: et praeter eos euentus, qui sequuntur, per se ipsa  
 maxima est. uidimus eos, qui nisi odissent patriam,  
 nunquam inimici nobis fuissent, ardentes tum cupidi-  
 tate tum metu, tum conscientia, quid agerent modo ti-  
 mentes, uicissim contemnentes religiones: iudicia perru-  
 pta, ab iisdem corrupta hominum, non deorum. repri-  
 mam iam, et non sequar longius: eoque minus, quo  
 plus



plus pœnarum habui, quàm petui: tantum pœnam merui, duplicem pœnam esse diuinã: quod constaret et uexandis uiuorum animis: & ea fama mortuorum: ut eorum exitium & iudicio uiuorum, & gaudio cõprobetur. Agri autem ne consecrentur Platoni prorsus assentior (qui si modo interpretari potuero) his fere uerbis utitur. Terra igitur, ut focus, domicilium sacrum omnium deorum est. quo circa nequis iterũ idem consecrato. aurum autem, & argentum, in urbibus & priuatim, & in fanis inuidiosa res est. tum ebur ex inani corpore extractum, haud satis castum donum deo. iam æs, atq; ferrum duelli instrumenta non fani: ligneum autem quodq; uoluerit uno è ligno cœuato: itemq; lapideum. in delubris communibus testile: nec operosius, quàm mulieris opus menstruum. color autem albus præcipue decorus deo est, tum in cæteris, tum maxime in textili. tincta uero absint: nisi a bellicis insignibus. diuinissima autem dona habent, & formæ ab uno pictore, uno absolutæ die. itemq; cætera huius exēpli dona sunt. hæc illi placent. sed ego cætera non tam restrictè præfinitio, uel hominum uitij, uel subsidij temporum uictus. terræ cultum segnorem suspicor fore: si ad eã tuendam ferroq; subiiciendam superstitionis aliquid accesserit. Atti. Habeo ista. nunc de sacris perpetuis, & de manium iure restat. M. O miram memoriam Pomponi tuam. at mihi ista exciderant. Atti. Ita credo: sed tamen hoc magis eas res & memini, & expecto: quod & ad pontificium ius, & ad ciuile pertinent. M. Vera & apertissima sunt istis de rebus & responsa & scripta multa: & ego in



hoc omni sermone nostro quod ad cunq; legis genus  
me disputatio nostra deduxerit: tractabo quoad po-  
tero eius ipsius generis ius civile nostrum: sed ita, lo-  
cus ipse ut notus sit, ex quo dicatur quæq; res, &  
ars iuris: ut non difficile sit, quæcunq; noua causa  
consultatione acciderit: eius tenere ius: cum scias a  
quo sit capite repetendum. Sed iuriconsultus siue erro-  
ris obijciendi causa: quo plura & difficiliora scire ui-  
deatur: siue quod similis ueri est, ignorantia docen-  
di: nam non solum scire aliquid, artis est: sed quædã  
ars etiam docendi: sæpe quod positum est in una co-  
gnitione: id in infinita dispartitur: uelut in hoc  
ipso genere, quam magnum illud scæuolæ faciunt,  
pontifices ambo, & iudem iuris peritissimi. At inquit  
Publij filius ex patre audiui, pontificem neminem  
bonum esse, nisi qui ius civile cognosset: totumne? quid  
ita? quid enim ad pontificem de iure parietum? aut  
aquarum? aut ullo omnino? si ergo, quod cum reli-  
gione coniunctum est: id autem quantulum est? de sa-  
cris credo, de uotis, de ferijs, de sepulchris, & si qd  
eiusmodi est. Cur igitur hæc tanta facimus? cum cæte-  
ra perparua sint? De sacris autem, qui locus patet  
latius: hæc sit una sententia: ut conseruentur semper:  
& deinceps familijs prodantur: & ut in lege po-  
sui, perpetua sint sacra. hæc posita, hæc iura pontifi-  
cum, autoritate consecuta sunt: ut ne morte patris  
familias sacrorum memoria occideret: ijs esset ea ad-  
iuncta: ad quos eiusdem morte pecunia uenerit. hoc  
uno posito, quod est ad cognitionem disciplinæ satis:  
innumerabilia nascuntur: quibus implentur iuricon-  
sultorum libri. queruntur enim, qui astringantur sa-  
cris



eris hæredum causa iustissima est. nulla est enim persona, quæ ad vicem eius, qui e' uita emigraverit, propius accedat. deinde qui morte, testamento ue eius tantundem capiat, quantum omnes hæredes. id quoque ordine. est enim ad id quod propositum est, accommodatum. tertio loco, si nemo sit hæres: is qui de bonis, quæ eius fuerint cum moriturus, acceperit plurimum possidendo. quarto, si nemo sit, qui ullam rem ceperit: de creditoribus eius, qui plurimum seruet. extrema illa persona est, ut is, qui ei, qui mortuus sit pecuniam debuerit: neminiq; eam soluerit: perinde habeatur, quasi eam pecuniam ceperit. Hæc nos a Scæuola didicimus: non ita descripta sunt ab antiquis. nam illi quidem his uerbis docebant: tribus modis sacris astringi hæreditatem: aut si maiorem partem pecuniæ capiat: aut si maior pars pecuniæ legata est: aut si inde quippiam ceperit. sed pontificem sequamur. uidetis igitur omnia pendere ex uno illo quod pontificum pecuniam sacro coniungi uolunt. iisdemq; ferias et cerimonias ascribendas putant. Atq; etiam dant hoc Scæuolæ: quod est partitio: ut, si in testamento deducta, scripta non sint: ipsiq; minus ceperint, quam omnibus hæredibus relinquatur: sacris ne alligentur. in donatione hoc idem secus interpretantur: Et quod paterfamilias in eius donatione, qui in ipsius potestate esset, approbavit: ratum est. quod eo inscio factum est: si id is non approbat: ratum non est. His propositis quæstionculæ multæ nascuntur: quas qui intelligat: non si ad caput referat: per se ipse perspiciat. Veluti si minus quis cepisset, ne sacris alligaretur: ac post de eius



hæredibus aliquis exegisset pro sua parte id, quod  
ab eo cuius ipse hæres esset, prætermisum fuisset:  
eâq; pecunia non minor esset facta cum superiore  
exactione: quàm hæredibus omnibus esset relicta:  
qui eam pecuniam exegisset, solum nisi cohæredibus  
sacris alligari. Quin etiam cauere, ut cui plus lega-  
tum sit: quam sine religione capere liceat: is per æs,  
et libram hæredem testamenti soluat: propterea quod  
eo loco res est ita soluta hæreditate: quasi ea pecunia  
legata non esset. hoc ego loco, multisq; alijs quero  
a uobis Scæuolæ pontifices maximi, et homines meo  
quidem iudicio acutissimi, quid sit qd ad ius pontificiũ  
civile appetatis? civilis enim iuris scientia pontificum  
quodam modo tollitis. nam sacra cum pecunia pontifi-  
cum autoritate nulla lege coniuncta sunt. Itaq; usibus  
tantum modo pontificis esset: si pontificalis maneret au-  
thoritas. sed quod idem iuris civilis est spernitis: ac  
scientia illa eluditis. Placuit P. Scæuolæ, et Corun-  
cano pontificibus maximis, idemq; cæteris: qui tantum-  
dem caperet, quantum omnes hæredes, sacris alligari.  
habeo ius Pontificum. quid huc accessit ex iure civili?  
partitionis caput, scriptum caute, ut centum numi de-  
ducerentur. inuenta est ratio: cur pecunia sacrorum  
molestia liberaretur. quod si hoc qui testamentum fa-  
ciebat, cauere uoluisset: admonet iurisconsultus hic qui-  
dem ipse Mutius pontifex idem, ut minus capiat: q̃  
omnibus hæredibus relinquatur. super dicebant quic-  
quid cepisset, astringi. rursus sacris liberantur. Hoc  
uero nihil ad pontificum ius, et e medio est iure ci-  
uili: ut per æs, et libram hæredem testamenti soluant:  
eodem loco res sit: quasi ea pecunia legata non esset. si  
is cui



is cui legatum est, stipulatus est id ipsum, quod legatum  
est: ut ea pecunia ex stipulatione debeatur: sitq; ea  
\* non doctum hominem sane: cuius fuit Actius  
per familiaris: sed menssem credo extremum anni, ut  
ueteres februarium, sic hic decembrem sequebatur.  
Hosia autem maxima parentare: pietatis esse adiun-  
ctum putabat. Iam tanta religio est sepulchrorum:  
ut extra sacra, & gentem, inferri fas negent esse: idq;  
apud maiores nostros Torquatus in gente popilia iu-  
dicauit. Nec uero tam delphica lex quæ à nece appel-  
latæ sunt, qua residunt mortui: quam ceterorum cæ-  
lestium quieti dies, feriæ nominarentur: nisi maiores,  
eos qui ex hac uita migrassent, in deorum numero esse  
uoluissent. eas in eos dies conferre ius: ut nec ipse, neq;  
publicæ feriæ sint. totaq; huius iuris compositio ponti-  
ficalis magnam religionem cerimoniamq; declarat.  
neq; necesse est edisseri à nobis quæ finis funestæ fa-  
milie: quod genus sacrificij lare ueruecibus fiat: quæ=  
admodum os reiectum terræ obtegatur: quæq; in por-  
ta confracta iura sint: quo tempore incipiat sepul-  
chrum esse: & religione teneatur. At mihi quidem  
antiquissimum sepulturæ genus, id fuisse uidetur: quo  
apud Xenophontem Cyrus utitur. redditur enim terræ  
corpus: & ita locatum, ac situm, quasi operimento ma-  
tris obducitur. eodemq; ritu in eo sepulchro, quod pro-  
cul ad fontis aras, regem nostrum Numam conditum ac-  
cepimus: gentemq; Corneliam usq; ad memoriam no-  
stram, hac sepultura scimus esse humatam. C. marij  
sitæ reliquias apud Anienem dissipari iussit sylla ui-  
etor acerbior odio incitatus, quam si tam sapiens fuis-  
set, quàm fuit uehemens. quod haud scio an timens suo



corpore posse acridere, primus è patritijs Cornelijs igni  
uoluit cremari. declarat enim Ennius de Africano.  
Hic est ille situs : uere : nam siti dicuntur ij qui conditi sunt : nec tamen  
eorum ante sepulchrum est quam iusta facta, & cor-  
pus incensum est. & quod nunc cõmuniter in omni-  
bus sepultis penitus, humati dicantur : id erat propri-  
um tum in ijs, quos humus iniecta contegeret : eumq;  
morem ius pontificale confirmat. nam priusquam in  
eos iniecta gleba est : locus ille ubi crematum est cor-  
pus nihil habet religionis. iniecta gleba tumulis, &  
humatus est : & gleba uocatur : ac tum deniq; multa  
religiosa iura complectitur. itaq; in eo qui in naui ne-  
catus, deinde in mare proiectus esset : decreuit P. Mu-  
tius familiam puram quotos supra terram non exta-  
re porcam hæredi esset. contra censet habendas tri-  
dium ferias. & porco femina piaculum pati. si in  
mari mortuus esset : eadem præter piaculum & feri-  
as. Atti. Video quæ sint in pontificio iure. Sed quæro  
quid nam sit in legibus. M. Pauca sane Tite, & uti  
arbitror, non ignota uobis. sed ea non tam ad reli-  
gionem spectant : q̃ ad ius sepulchrorum. hominem  
mortuum inquit lex in duodecim tabulis, in urbe ne  
sepelito : ne ue urito. credo uel propter ignis periculũ.  
quod autem addit ne ue urito : indicat non qui uratur  
sepeliri : sed qui humetur. Atti. qd? qui post duode-  
cim in urbe sepulti sunt? M. Claros uiros credo Ti-  
te fuisse : aut eos, quibus hoc ante hanc legem uirtutis  
causa tributum est : ut Publicolæ, Tuberto : quod eorum  
posterii iure tenuerunt : aut eos, si qui hoc, ut C. Fa-  
bricius uirtutis causa consecuti sunt. Sed in urbe sepe-

liri  
esse i  
porta  
fuisse  
se in  
causa  
in loco  
alleg  
gione  
sunt  
Solon  
asci  
enim  
nem  
&  
etiam  
ue le  
prete  
dixi  
neb  
uox  
qui  
lon  
maxi  
te. ca  
decim  
quo p  
Hec  
lis uo  
tollu  
sione



liri lex uetat. sic decretum a pontificum collegio, non  
esse ius in loco publico fieri sepulchrum. nostis extra  
portam collinam eadem honoris: & aram in eo loco  
fuisse memorie proditum est: ad eam cum lamina es-  
set inuenta: & in ea scriptum: domina honoris: ea  
causa fuit ædis huius dedicande. sed cum multa in  
eo loco sepulchra fuissent: exarata sunt. statuit enim  
collegium locum publicum non potuisse priuata reli-  
gione obligari. Iam cætera in duodecim, minuendi  
sunt sumptus, lamentationesq; funeris, translata de  
Solonis fere legibus: hoc plus inquit ne facito rogi:  
ascia ne polito. nostis quæ sequuntur. Discebamus  
enim pueri duodecim ut carmen necessarium: quas iã  
nemo discit. Extenuato igitur sumptu tribus ricinijs,  
& uinculis purpure, & decem tibicinibus, tollit  
etiam lamentationem. mulieres genas ne radunt: ne  
ue lessum funeris ergo habento. hoc ueteres inter-  
pretes, Sextus Elius, L. Aclius non satis se intelligere  
dixerunt: sed suspicari uestimenti aliquod genus fu-  
nebris. Lelius lessum quasi lugubrem euilationem. ut  
uox ipsa significat. quod eo magis iudico uerum esse:  
quia lex Solonis id ipsum uetat. hæc laudabilia &  
locupletibus fere cum plebe communia. quod quidem  
maxime è natura est: tolli fortunæ discrimen in mor-  
te. cætera item funebria, quibus luctus augetur, duo-  
decim sustulerunt. homini inquit mortuo ne ossa legito,  
quo post funus faciat. excipit bellicā pegrināq; mortē.  
Hæc præterea sunt in legibus de unctura: quæ serui-  
lis unctura tollitur: omnisq; circūpotatio. quæ et recte  
tollitur: neq; tolleretur, nisi fuissent. ne sumptuosa as-  
persione longæ coronæ, nec acerræ prætereantur. Illa iam



significatio est, laudis ornamenta ad mortuos pertinere: quod coronam uirtute paratam, & ei qui peperisset, & eius parenti sine fraude esse lex impositam iubet. credo quod erat factitatum: ut uni plura fierent: lectique plures sternerentur. id quoque ne fieret lege sancitum est. quia in lege cum esset, ne uel aurum addito, quod humane excipiat. Altera lex praecipit. altera lex uetat. ut cui auro dentes iuncti essent, astim cum illo sepeliretur: et ne se fraudi esto: et simul illud uidetote aliud habitum esse sepeliretur aere. Duae sunt praeterea leges de sepulchris. quarum altera priuatorum aedificijs, altera ipsis sepulchris cauet. nam quod rogi bustum uel nouum uetat propius sexaginta pedes adijci aedes alienas inuito domino: incendiū ueretur acerbum. Quod autem eorum id est uestibulum sepulchri bustum uel usucapi uetat: tuetur ius sepulchrorum. haec habemus in duodecim sane secundum naturam: quae norma legis est. reliqua sunt in more: funus ut inducatur: si quid ludorum domusque funeris utatur accenso, atque lictoribus: honoratorum uirorum laudes in concione memorantur: easque etiam ad cantus ad tibicinem prosequantur. cui nomen Neniae. quo uocabulo etiam graecos cantus lugubres nominant. Quae Gaudeo nostra iura ad naturam accommodari: maiorumque sapientia admodum delector. M. sed credo Quinte ut ceteros sumptus, sic etiam sepulchrorum modum recte requiri. quos enim ad sumptus progressa iam ista res sit, in C. Figuli sepulchro uidisse credo minimam olim istius rei fuisse cupiditatem. alioquin multa extarent exempla maiorum. nostrae quidem legis interpretas, quo capite inueniuntur sumptus, & luctum remouere a deorum



manum iure, hoc intelligunt: in primis sepulchrorum  
magnificentiam esse minuendam. nec hæc a sapien-  
tissimis legum scriptoribus neglecta sunt. nam &  
Athenis iam ille mos a Cecrope ut aiunt permansit:  
hoc ius terra humandi: quam cum proximi fecerant:  
obductaq; terra erat: frugibus obserebatur: ut sinus  
& gremium quasi matris mortuo tribueretur: solum  
autem frugibus expiatum: ut uiuis redderetur. seque-  
bantur epule: quas inibant parentes coronati apud  
quas de mortui laude: cum ni quid ueri erat prædi-  
catum. nam mentiri nefas habebatur: adiuncta coniecta  
erant. Posteaquam ut scribit Phalerens, sumptuosa  
fieri funera, & lamentabilia cœpissent: Solonis lege  
sublata sunt. quam legem eisdem prope uerbis nostri  
uiri in decimam tabulam coniecerunt. nam de tribus  
ricanijs, & pleraq; illa Solonis sunt. de lamentis uero  
expressa uerbis sunt. Mulieres genas ne radunt: ne ue-  
lessum funeris ergo habento. de sepulchris autem nihil  
est apud Solonem amplius: q̄ nequis ea deleat: ne ue-  
alienum inferat: pœnaq; est, si quis bustum (nam id  
puto appellari Tymbon) aut monumentum, inquit, aut  
columnam uiolarit, deiecerit, fregerit. sed post aliquan-  
to propter has amplitudines sepulchrorum: quas in  
Ceramico uidemus, lege sanctum est ne quis sepul-  
chrum faceret operosius, q̄ quod decem homines effe-  
cerint triduo. neq; id opere tectorio exornari: nec her-  
mas quos uocant: licebat imponi: nec de mortui laude  
nisi in publicis sepulturis, nec ab alio nisi qui publice  
ad eam rem constitutus esset, dici licebat. Sublata etiam  
erat celebritas uirorum & mulierum: quo lamenta-  
tio minueretur. Habet enim luctum concursus homi-



num. quo circa Pittacus omnino accedere quendam  
 uetat in funus aliorum. sed ait rursus idem Deme-  
 trius increbuisse eam funerum, sepulchrorumq; ma-  
 gnificentiam: quæ nunc fere Romæ est. quam consue-  
 tudinem lege minuit ipse. fuit enim hic uir, ut satis,  
 non solum eruditissimus: sed & ciuis & reip. maxi-  
 me tuendæq; ciuitatis paratissimus. Iste igitur sumptus  
 minuit non solum poena, sed etiam tempore: ante lu-  
 cem enim iussit efferri. sepulchris autem nouis finiu-  
 modum. nam super terræ tumulum noluit quid statui,  
 nisi columellam tribus cubitis non altiore: aut men-  
 sam: aut labellum. & huic procuratori certum magi-  
 stratum præfecerat. Hæc igitur Athenienses tui. sed ui-  
 deamus Platonem: qui iusta funerum reijcat ad inter-  
 pretes religionum. quem nos morem tenemus. de se-  
 pulchris autem dicit hæc. Vetat ex agro culto, eo'ue, qui  
 coli possit, ullam partem sumi sepulchro: sed quæ na-  
 tura agri tantummodo efficere possit: ut mortuorum  
 corpora sine detrimento uiuorum recipiat: ea potissi-  
 mum ut compleatur. quæ autem terra fruges ferre, &  
 ut mater cibos suppeditare possit: eam nequis nobis  
 minuatur ne'ue uiuus, ne'ue mortuus. Extrui autem ue-  
 tat sepulchrum altius: q̃ quod quinq; diebus absolue-  
 rint: nec e' lapide excitari plus, nec imponi q̃ quod  
 capiat laudem mortui incisam, quatuor heroicis uersu-  
 bus: quos longos appellat Ennius. Habemus igitur hu-  
 ius quoq; auctoritatem summi uiri de sepulchris: a  
 quo iterum funerum sumptus præfinitur ex censibus  
 a' minis quinq; usq; ad minam. Deinceps dicit eadem  
 illa de immortalitate animorum, et reliqua post mor-  
 tem tranquillitate bonorum: poenis impiorum. Habetis



igitur explicatum omnem ut arbitror religionis locum. Q. Nos uero frater, & copiose quidem: sed perge ad cetera. M. Pergam equidem: & quoniam libitum est uobis, me ad hæc impellere: hodierno sermone conficiam spero: hoc præsertim die. uideo enim Platonem idē fecisse: omnemq; orationem eius de legibus peroratam esse uno æstuo die. sic igitur faciam: & dicam de magistratibus. id est enim profecto, quod constituta religione rēp. contineat maxime. Atti. Tu uero dic & istam rationem quam cepisti tene.

M. TVLLII CICERONIS DE LEGI-

BVS LIBER TERTIVS.

MARCVS.

Equar igitur ut institui diuinum illum uirum: quem quadam admiratione commotus sæpius fortasse laudo q̄ necesse est. Atti. Platonem uidelicet dicis? M. Istum ipsum Attice. Atti. Tu uero eum nec nimis ualde unquam: nec nimis sæpe laudaueris. nam hoc mihi etiam nostri illi, qui neminem nisi suum laudari uolunt, concedunt: ut eum arbitrati meo diligam. M. Bene hercle faciunt. quid enim est elegantia tua dignius? cuius & uita & oratio consecuta mihi uidetur difficillimam illam societatem grauitatis cū humanitate. Atti. Sane gaudeo qđ te interpellaui: quando quidem tam præclarum mihi dedisti iudicij tui testimonium. sed perge ut cœperas. M. Laudemus igitur prius legem ipsam ueris &



# DE LEGIBVS

proprijs generis sui laudibus. Atti. Sane quidē: si-  
 cut de religionum lege fecisti. M. Videtis igitur, ma-  
 gistratus hanc esse vim, ut præsist: præscribatq; recta,  
 et utilia, et coniuncta cum legibus? ut enim magi-  
 stratibus leges, ita populo præsunt magistratus: uereq;  
 dici potest magistratum legem esse loquentem: legem  
 autem mutum magistratum nihil porro tam aptum est  
 ad ius, conditionemq; naturæ: quod cum dico legem,  
 à me dici nihil aliud intelligi uolo, q̄ imperium: sine  
 quo nec domus ulla, nec ciuitas, nec gens, nec hominum  
 uniuersum genus stare, nec rerum natura omnis, nec  
 ipse mundus potest. nam et hic deo paret: et huic  
 obediunt maria terræq; et hominum uita iussis supre-  
 mæ legis obtemperat. Atq; ut ad ceteriora ueniam et  
 notiora nobis: omnes antiquæ gentes regibus quondam  
 paruerunt. quod genus imperij primum ad homines  
 iustissimos, et sapientissimos deferebatur. idq; in rep-  
 nostra maxime ualuit: quoad ei regalis potestas præ-  
 fuit. deinde etiam deinceps posteris prodebatur: quod  
 et in his etiam qui nunc regnant manet. quibus autē  
 regia potestas non placuit: non ij nemini, sed nō sem-  
 per uni parere uoluerunt. nos autem quoniā leges da-  
 mus liberis populis: quæq; de optima republica senti-  
 remus in sex libris ante diximus: accommodabimus hoc  
 tempore leges ad illum, quē probamus, ciuitatis statum.  
 magistratibus igitur opus est: sine quorū prudētia ac  
 diligentia esse ciuitas non potest: quorum descriptione  
 omnis reip. moderatio continetur. Neq; solū ijs præscri-  
 bendus est imperandi, sed etiā ciuibus obtemperandi  
 modus. nam et qui bene imperat, paruerit aliquan-  
 do necesse est: et qui modeste paret, uidetur qui ali-  
 quando



quando imperet dignus esse. itaq; oportet & eum qui  
 paret, sperare se aliquo tempore imperaturum: &  
 illum qui imperat, cogitare breui tempore sibi esse  
 parendum. Nec uero solum ut obtemperent, obedi-  
 antq; magistratibus, sed etiam ut eos colant, dili-  
 gantq; præscribimus: ut Charondas in suis facit le-  
 gibus. noster uero Plato Titanum e' genere statuit  
 eos: qui ut illi cælestibus, sic hi aduersentur magi-  
 stratibus. Quæ cum ita sint: ad ipsas iam leges ue-  
 niamus si placet. Atti. Mihi uero & istud, & ordo  
 » iste rerum placet. M. Iusta imperia sunt: ijsq; ciues  
 » modeſte, ac sine recusatione parento. magistratus nec  
 » obedientem, & noxium ciuem mulcta, uinculis, uer-  
 » beribusq; coercento: ni par, maior ue potestas, po-  
 » pulusq; prohibessit. ad quos prouocatio esto, cum ma-  
 » gistratus iudicassit, interrogassit ue, per populum mul-  
 » ctæ pænæ certatio esto. militiæ ab eo, qui impera-  
 » bit prouocatio ne esto. quodq; is qui bellum gerat im-  
 » perassit, ius ratumq; esto. minores magistratus pe-  
 » riti iuris plures in prælia sunt. militiæ quibus ius  
 » si erunt imperant: eorumq; tribuni sunt. domi pe-  
 » cuniam publicam custodiunt. uincula fontium ser-  
 » uant: capitalia uindicant: æs, argentum, aurum ue,  
 » publice signant: lites contractas iudicant. quodcunq;  
 » senatus creuerit agunt. suntq; ædiles curatores ur-  
 » bis, annonæ, ludorumq; solemnium: ollisq; ad hono-  
 » ris amplioris gradum, is primus ascensus esto. Cen-  
 » sores, populi, ciuitatis, soboles familias, pecuniasq; cen-  
 » sento: urbis templa, uias, aquas, ærarium, uectiga-  
 » lia tuento: populiq; partes in tribus distribuunt. Exin  
 » pecunia ciuitatis ordines partiuunt. Equitum, pedi-



» tumq; prolem describunto: Caelibes esse prohibento:  
 » mores populi regunto: probrum in senatu ne relin-  
 » quunto: bini sunt: magistratum quinquennium ha-  
 » bento: reliqui magistratus annui sunt: eaq; potestas  
 » semper esto. Iuris disceptator, qui priuata iudicet,  
 » iudicari ne iubeat praetor esto: iuris civilis custos esto:  
 » huic potestati parento. quotcunq; senatus creuerit, po-  
 » pulus ne iusserit, tot sunt: regio imperio duo sunt: ijsq;  
 » praefundo, iudicando, consulendo, praetores, iudices co-  
 » sules appellanto. militiae summum ius habento: nemini pa-  
 » rento: salus populi suprema lex esto. eundem magi-  
 » stratum ne interfuerint X anni nequis capito. ciuita-  
 » tem annali lege seruant. Ast quando duellum graui-  
 » us, discordiae ciuium, estunto ne amplius sex menses si-  
 » senatus creuerit: idem iuris quod duo consules tenuer-  
 » to: isq; aue sinistra dictus, populi magister esto. equita-  
 » tem quicunq; regat habeto pari iure cum eo quicunq;  
 » erit iuris disceptator. Ast quando consulis est, magistra-  
 » tus ne populi, nec reliqui magistratus ne sunt. auspicia  
 » patrum sunt: olliq; ex se produnt, qui comitijs crea-  
 » re consules rite possint. imperia, potestates, legationes  
 » cum senatus creuerit, populus ne iusserit, ex urbe  
 » exeunt. duella iusta iure gerunt: socijs parcunt: se,  
 » Et seruos continent: populi sui gloriam augent: do-  
 » mum cum laude redeunt: rei suae ergo ne quis lega-  
 » tus esto. plebes, quos pro se contra vim auxilij ergo  
 » decem creassit, tribuni eius sunt. quodq; ij prohibes-  
 » sint: quodq; plebem rogassint: ratum esto: sanctiq; sun-  
 » to: ne ue plebem orbam tribunis relinquunt. omnes  
 » magistratus auspiciu, iudiciuq; habento: exq; ijs se-  
 » natus esto: eius decreta rata sunt. Ast ne potestas par-  
 » maior



» maior'ue prohibet. S. C. præscripta seruant. Is or-  
 » do uitio uacato: cæteris specimen esto. creatio magistra-  
 » tuum, iudicia, populi iussa, uetita, cum suffragio consci-  
 » sentur, optimatibus nota, plebi libera sunt. At si quid  
 » erit, quod extra magistratus quo ærario ex usu sit qui  
 » cœræet, populus creato: eiq; ius cœræendi dato. cum  
 » populo, patribusq; agendi ius esto consuli, prætori, ma-  
 » gistro populi, equitumq;: eiq; quem produnt patres  
 » consulum rogandorum ergo: tribunisq;, quos sibi plebs  
 » rogassit ius esto cum patribus agendi: idem ad plebem,  
 » quod census erit, ferunt. quæ cum populo, quæ cum  
 » patribus agentur, modica sunt. senatori q; nec aderit,  
 » aut causa, aut culpa esto. causas populi teneto. uis in po-  
 » pulo abesto. par maior'ue potestas plus ualeto. Ast qui  
 » turbassit in agendo, fraus authoris esto: intercessor  
 » rei male salutaris ciuis esto. Qui agent, auspicia ser-  
 » uanto. Auguri publico parento. Promulgata, proposita,  
 » in ærario cognita, agunt: nec plusquam de singulis re-  
 » bus semel consulunt. rem populum docento: doceri a  
 » magistratibus priuatisq; patiunt. priuilegia ne irro-  
 » ganto de capite ciuis, nisi per maximum comitatum:  
 » ollosq; quos censores in partibus populi locassint ne-  
 » ferunt: donum ne capiunt: ne'ue danto, ne'ue peten-  
 » da, ne'ue gerenda, ne'ue gesta potestate. quod quis ea-  
 » rum rerum migrassit noxiæ poena par esto. Censoris  
 » fide legem custodiunt. priuata ad eos acta referunt:  
 » nec eo magis lege liberi sunt. Lex recitata est. discere,  
 » & tabellam iubebo dari. Q. Quam breui frater  
 » in conspectu posita est a te omnium magistratuum de-  
 » scriptio: sed ea pene nostræ ciuitatis. & si a te paulu-  
 » lum allatū est noui. M. Rectissime Quinte animad-



uertis. hæc est enim, quam sapiens laudat in libris: Et  
 quam maxime probat temperationem reipublicæ. quæ  
 effici non potuisset: nisi tali descriptione magistratuum.  
 nam sic habetote magistratibus, ijsq; qui præ sunt, con-  
 tineri rempublicam. Et ex eorum compositione, quod  
 cuiusq; in reipublica genus sit, intelligi. quæ res cum  
 sapientissime, moderatissimeq; constituta esset à maio-  
 ribus nostris: nihil habui sanè, non modo multum  
 quod putarem nouandum in legibus. Atti. Reddes  
 igitur nobis, ut in religionis lege fecisti admonitum, Et  
 rogatu meo: sic de magistratibus, ut disputes, quibus de  
 causis maxime placeat ipsa descriptio. M. Faciam  
 Attice ut uis: Et locum istum totum, ut à doctissimis  
 græcæ quæstum, Et disputatum est, explicabo: Et ut  
 institui nostra iura attingam. Atti. Istud maxime  
 expecto differendi genus. M. Atqui pleraq; sunt di-  
 cta in illis libris: quod faciendum fuit: cum de optima  
 rep. quæreretur. sed huius loci de magistratibus sunt  
 propria quædam, à Theophrasto primum, deinde  
 à Dione stoico quæsitæ subtilius. Atti. Ain tandem?  
 etiam à stoicis ista tractata sunt? M. Non sanè, nisi  
 ab eo, quem modo nominavi: Et postea à magno ho-  
 mine, Et in primis erudito, Panætio. nam ueteres uer-  
 bo tenuis, acute illi quidem, sed non ad hunc usum po-  
 pularem, atq; civilem, de rep. differebant. ab hac fa-  
 milia magis ista manarunt Platone principe: post Ari-  
 stoteles illustrauit omnem hunc civilem in disputando  
 locum: Heraclidesq; ponticus profectus ab eodem Pla-  
 tone. Theophrastus uero institutus ab Aristotele habi-  
 tauit, ut scitis, in eo genere rerum: ab eodemq; Aristote-  
 le doctus Dicearchus huic rationi studioq; non de-  
 fuit. post



fuit. post a Theophrasto Phalereus ille Demetrius, de quo feci supra mentionem: mirabiliter doctrinam ex umbraculis eruditorum, etioq; non modo in solē, atq; puluerem, sed in ipsum discrimen, aciemq; perduxit. nam & mediocriter doctos magnos in rep. viros, & doctissimos homines non nimis in rep. uersatos multos commemorare possumus. qui uero utraq; re excelleret: ut & doctrinæ studijs, & regenda ciuitate princeps esset: quis facile præter hunc inueniri potest? Atti. Puto posse: & quidem aliquem de tribus nobis. sed perge ut cœperas. M. Quæsitum igitur ab illis est, placeret ne unum in ciuitate esse magistratum: cui reliqui parerent: quod exactis regibus intelligo placuisse nostris maioribus. sed quoniam regale ciuitatis genus probatum quondam, postea non tam regni, q̃ regis uitij repudiatum est: nomen tantum uidebitur regis repudiatum: res manebit: si unus omnibus reliquis magistratibus imperabit. quare nec Ephori Lacedæmonie sine causa a Theopompo oppositi regibus: nec apud nos consulibus tribuni. nam illud quidem ipsum quod in iure positum est, habet consul: ut ei reliqui magistratus omnes pareant, excepto tribuno: qui post extitit: ne id quod fuerat, esset. hoc enim primum minuit consulare ius: quod extitit ipse, qui in eo non teneretur. deinde, quod attulit auxilium reliquis non modo magistratibus, sed etiam priuatis, consuli non parentibus. Q. Magnum dicis malum. nam ista potestate nata, grauitas optimatum cecidit: conualuitq; ius multitudinis. M. Non est ita. Q. uinte. non enim ius illud solum superbius populo, sed uolentius uideri necesse erat: quo postea q̃ modica & sapiens tempera-



781  
tio accessit: conuersa lex in omnes est.

Multa desunt.

domum cum laude repedandum. nihil enim præter  
laudem bonis, atq; innocentibus, neq; ex hostibus, neq;  
a socijs reportandum. Iam illud apertum profecto est:  
nihil esse turpius, quàm quenuquam legari nisi reip.  
causa. omitto quemadmodum isti se gerant, atq; gesse-  
runt: qui legatione hereditates, aut syngraphas suas  
persequuntur. in hominibus est hoc fortasse uitium.  
sed quæro quid hac re sit turpius. q̃ sine prouocatione  
senator. legatus sine mandatis, sine ullo reip. munere.  
quod quidem genus legationis ego consul, quanquam  
ad commodum senatus pertinere uideatur: tamen ap-  
probante senatu frequentissimo nisi mihi leuissimus tr.  
pl. intercessisset: sustulissim. tamen minui tempus: &  
quod erat infinitum, annuum feci. ita turpitudine ma-  
net, diuturnitate sublata. sed iam si placet de pro-  
uincijs discedatur: in urbemq; redeatur. A. Nobis  
uero placet. sed ijs, qui in prouincijs sunt, minime  
placet. M. At uero Tite, si pareant his legibus:  
nihil erit his urbe, nihil domo sua dulcius: nec la-  
boriosius, molestiusq; prouincia. Sed sequitur lex,  
quæ sancit eam tribunorum plebis potestatem: quæ  
in rep. nostra: de qua differi nihil necesse est. Q.  
At mehercule ego frater quæro de ista potestate quid  
sentias.



sentias. nam mihi quidem pestifera uidetur. quippe  
que in seditione, & ad seditionem nata sit: cuius  
primum ortum si recordari uolumus: inter arma ci-  
uium & occupatis, & obsessis urbis locis procreatum  
uidemus. deinde cum esset cito legatus, tanquam XII  
tabulis, insignis ad deformitatem puer breui tem-  
pore nescio quo pacto creatus: multoq; tetrior, &  
fœdior natus est. Quem enim ille non edidit: qui  
primum ut imperio dignum fuit, patribus omnem  
honorem eripuit: omnia infima summis paria fecit:  
turbauit: miscuit: cum afflixisset principum graui-  
tatem: nunquam tamen conquieuit. Atque ut Cn.  
Flaminium, atq; ea que prisca sunt, relinquam. quid  
iuris bonis uiris T. Gracchi tribunatus reliquit? Et si  
quinquennio ante, Decium Brutum, & Publium  
Scipionem consules, quos, & quantos uiros, homo  
omnium infimus, & sordidissimus tr. pl. C. Cu-  
riatius in uincula coniecit: quod ante factum non  
erat. C. uero Gracchus ruinis, & emissicijs, quas ipse  
se proiecasse in forum dixit: quibus digladiarentur  
inter se ciues: nonne omnem reip. statum permuta-  
uit? quid iam de Saturnini supplicio reliquisq; di-  
cam? quos ne depellere quidem a se sine ferro po-  
tuit respublica. cur autem aut uetera, aut aliena pro-  
feramus, potius, quam & nostra, & recentia? quis  
unquam tam audax, tam inimicus nobis fuisse? ut  
cogitaret unquam de statu nostro labefactando: ni-  
si mucronem aliquem tribunitium exacuisset in nos?  
quem cum homines scelerati, ac perditum non modo  
ulla in domo, sed ne ulla in gente reperirent: gen-  
tes sibi in tenebris reip. perturbandas putauerunt.

A iiii



quod nobis quidem egregium, & ad immortalita-  
tem memoriae gloriosum: neminem in nos mercede ul-  
la potuisse reperiri: nisi cui nec esse quidem licuis-  
set tribuno. sed ille quas strages edidit? eas uideli-  
cet: quas sine ratione, ac sine ulla spe bona, furor  
edere potuit impurae beluae multorum inflammatus  
furoribus. quamobrem in ista quidem re uehementer  
Syllam probo: qui tribunis plebis sua lege iniuria  
faciendae potestatem ademerit: auxilium ferendi reli-  
querit: Pompeiumq; nostrum ceteris rebus omnibus,  
semper amplissimis, summisq; effero laudibus: de  
tribunitia potestate taceo: nec enim reprehendere li-  
bet: nec laudare possum. M. Vitia quidem tribu-  
natus praeclare Quinte perspicis. sed est iniqua in o-  
mni re accusanda praetermissis bonis, malorum enum-  
ratio, uitiorumq; selectio. nam isto qdem modo uel con-  
sulatus uituperabilis est: si consulū, quos enumerare no-  
lo, peccata collegeris. ego enim fateor in ipsa ista po-  
testate inesse quiddam mali. sed bonum quod est qua-  
situm in ea sine isto malo non haberemus. nimia po-  
testas est tribunorum plebis. quis negat? sed uis po-  
puli multo senior, multoq; uehementior. quae ducem  
quod habet, interdum lenior est: quam si nullum ha-  
beret. dux enim suo periculo progredi cogitat. po-  
puli impetus periculi rationem sui non habet. at a-  
liquando incenditur. & quidem saepe sedatur. quod  
enim est tam desperatum collegū? in quo nemo e de-  
cem sana mente sit. quin per ipsum Tiberium grac-  
chum non solum uetitus, sed etiam sublatus inter-  
cessor fuerat. quid enim illū aliud perculit? nisi quod  
potestatem intercedendi collegae abrogauit? sed tu sa-  
pientia



pietia maiore nihilo uide concessa plebi a patri-  
bus ista potestate arma ceciderunt: restincta seditio  
est: inuentum est temperamentum: quo tenuiores cum  
principibus aequari se putarint. in quo uno fuit ci-  
uitatis salus. At duo Gracchi fuerunt. Et prater  
eos, quamuis enumeres multos licet: cum deni crea-  
rentur: nullos in omni memoria reperies perniciosos  
tribunos. leues Et non bonos fortasse plures. inui-  
dia quidem summus ordo caret: plebs de suo iure  
periculosas contentiones nullas facit. quamobrem aut  
exigendi reges non fuerunt: aut plebi re, non uer-  
bo danda libertas. quae tamen sic data est: ut mul-  
tis praclarissimus addiceretur, ut authoritati princi-  
pum cederet. Nostra autem causa quae optime Et dul-  
cissime frater incidit in tribunitiam potestatem: nihil  
habuit contentionis cum tribunatu. non enim plebs  
incitata nostris rebus inuidit: sed uincula soluta  
sunt: Et seruitia incitata, adiuncto terrore etiam  
militari. neque nobis cum illa tum peste certamen fuit:  
sed cum grauissimo reip. tempore: cui si non cessis-  
set: non diuturnum beneficij mei patria fructum tulisset.  
atque hoc rei exitus indicauit. quis enim non modo  
liber, sed etiam seruus, libertate dignus fuit? cui no-  
stra salus chara non esset? quod si is casus fuisset  
rerum, quas pro salute reip. gessimus: ut non omni-  
bus gratus esset: Et si in nos multitudinis uis furem-  
tis inflammata inuidia pepulisset tribunitia: quis in  
me populum sicut Gracchus in Lenatem, Saturninus  
in Metellum, incitasset? ferremus o' Quinte frater:  
consolarenturque nos non tam philosophi, qui Athe-  
nis fuerunt: qui hoc facere debent: quam clarissima



uiri, qui illa urbe pulsi carere ingrata ciuitate, quam manere in improba maluerunt. Pompeium uero quod una ista in re non ualde probas: uix satis mihi illud uideris attendere: non solum ei quod esset optimum uidendum fuisse: sed etiam quid necessarium. sensit enim deleri non posse huic ciuitati illam potestatem. quippe quam tantopere populus noster ignotam expetisset: qui posset carere cognita? sapientis autem ciuis fuit, causam nec perniciosam, & ita popularem, ut non posset obsisti, perniciose populari ciui non relinquere. Scis solere frater in huiusmodi sermone, ut transiri alio possit, admodum dici. Q. Prorsus ita est: haud equidem assentior: tu tamen ad reliqua pergas uelim. M. Perseueras tu quidem: & in tua uetere sententia permanes. Q. Non mehercule. Atti. Ego sane a Quinto nostro dissentio. sed ea quae restant audiamus. M. Deinceps igitur omnibus magistratibus auspicia, & iudicia dantur. iudicia, ut esset populi potestas: ad quam prouocaretur. auspicia, ut multos inutiles comitatus, probabiles impedirent morae. sepe enim populi impetum iniustum, auspicijs dii immortales represserunt. ex ijs autem, qui magistratum coeperunt, quod senatus consulto efficitur: popularem sane neminem in summum locum nisi per populum uenire sublata cooptatione censoria. sed praesto est huius uitij temperatio: quod senatus lege nostra confirmatur authoritas. Sequitur enim eius decreta rata sunt. nam ita se res habet: ut si senatus dominus sit publici consilij: quodq; is creuerit, defendant omnes: & si ordines reliqui, principes ordines consilio remp. gubernari uelint: possit ex temperatione iuris, cum po-



testas in populo, autoritas in senatu sit: teneri ille moderatus, & concors civitatis status. præsertim si proximæ legi parebitur. nam proximum est. is ordo vitio caret: cæteris specimen esto. Q. Præclara uero frater ista lex: sed & altera, ut & vitio careat ordo: & ut censorem quærat interpretem. Atti. Ille uero & si tuus totus est ordo: gratissimamq; memoriam retinet consulatus tui: pace tua dixerim: non modo censores, sed etiam iudices omnes potest defatigare. M. Omitte ista Attice: non enim de hoc senatu, nec his de hominibus, qui nunc sunt: sed de futuris, si qui forte his legibus parere uoluerint: hæc habetur oratio. nam cum omni vitio carere lex iubeat: ne ueniet quidem in eum ordinem quisquam uitij particeps. id autem difficile factu est: nisi educatione quadam, & disciplina: de qua dicemus aliquid fortasse: siquid fuerit loci, aut temporis. Atti. Locus certe non deerit: quoniam tenes ordinem legum: tempus uero largitur longitudo diei. ego autem etiam si præterieris: repetam à te istum de educatione, et de disciplina locum. M. Tu uero & istum Attice, & si quem alium cæteris specimen esto: quod sic tenemus omnia. ut enim cupiditatibus principum, & uitij infici solet tota ciuitas: sic emendari & corrigi continentia uir magnus, & nobis omnibus amicus L. Lucullus ferebatur quam commodissime respondisse: cum esset obiecta magnificentia uillæ tusculanæ: duos se habere uicinos: superiorem equitem romanum, inferiorem libertinum. quorum cum essent magnificæ uillæ: concedi sibi oportere, quod his qui tenuioris ordinis essent, liceret. non ne uides Luculle à te id ipsum natum? ut illi cuperent: quibus id, si tu non face-



res, non liceret. quis enim ferret istos? cum uideret  
 eorum uillas signis, & tabulis refertas partim publi-  
 cis, partim etiam sacris, & religiosis? quis non fran-  
 geret eorum libidines? nisi illi ipsi, qui eas frangere  
 deberent, cupiditatis eiusdem tenerentur? nec enim tantum  
 mali est peccare principes: quanquam est hoc magnum per  
 se ipsum malum: quantum illud: quod permulti imita-  
 tores principum existunt. nam licet uidere, si uelis re-  
 plicare memoriam temporum: qualescunque summi ci-  
 uitatis uiri fuerunt: talem ciuitatem fuisse: quæ cun-  
 que mutatio morum in principibus extiterit: eandem in  
 populo secuturam. idque haud paulo est uerius: quam quod  
 Platoni nostro placet: qui musicorum cantibus ait mu-  
 tatis, mutari ciuitatum status. ego autem nobilium uita,  
 uictusque mutato: mores mutari ciuitatum puto. quo per-  
 nitiosus de rep. merentur uitiosi principes: quod non  
 solum uitia concipiunt ipsi: sed ea infundunt in ciui-  
 tatem: neque solum obsunt, quod illi ipsi corrumpuntur:  
 sed etiam quod corrumpunt: plusque exemplo, quam  
 peccato nocent. Atque hæc lex dilatata in ordinem ci-  
 uitatis coangustari etiam potest. pauci enim, atque admo-  
 dum pauci, honore et gloria amplificati, uel corrup-  
 pere mores ciuitatis, uel corrigere possunt. sed hæc et  
 nunc satis, et in alijs libris tractata sunt diligentius.  
 quare ad reliqua ueniamus. Proximus autem est de  
 suffragijs quæ inbeo nota esse optimatibus, populo li-  
 bera. Atti. Ita mehercule attendi: nec satis intellexi,  
 quid sibi lex, aut quid uerba ista uellent. M. Dicam  
 Attice, et uersabor in re difficili, ac multum et sæpe  
 quaesita: suffragia in magistratu mandando, aut de  
 reo iudicando, quin in lege, aut rogatione clam an pa-



Iam ferre melius esset. Q. An etiam id dubiū est?  
uereor ne a te rursus dissentiam. M. Non facies  
Quinte: nam ego in ista sum sententia, qua te fuisse  
semper scio: nihil ut fuerit in suffragijs uoce melius.  
sed obtineri an possit uidendum est. quare frater, bo-  
na tua uenia dixerim: ista sententia maxime, & fallit  
imperitos: & obest sepiissime reipublicæ, cum aliquid  
uerum, & rectum esse dicitur: sed obtineri idest ob-  
stare posse populo negatur. primum enim obsistitur, cum  
agitur seuerere: deinde ui opprimi in bona causa est me-  
lius. q̃ male cedere. Qui autem non sentit authorita-  
tem omnem optimatum, tabellariā legem abstulisse?  
quam populus liber nunquam desiderauit: idem op-  
pressus dominatu, ac potentia principum, flagitauit.  
itaq; grauiora iudicia de potentissimis hominibus ex-  
tant uoces, q̃ tabellæ. quamobrem suffragandi nimia  
libido in non bonis causis eripienda fuit potentibus:  
non latebra danda populo: in qua bonis ignorantibus  
quid quisq; sentiret tabella uitiosum occultaret suffra-  
gium: itaq; isti rationi, neq; lator quisquam est inuen-  
tus: neq; author unquam bonus. sunt enim quatuor le-  
ges tabellariæ: quarum prima de magistratibus man-  
dandis: ea est Gabinia lata ab homine ignoto, & sor-  
dido. secuta biennio post Cassia est de populi iudicio:  
ea a nobili homine lata est L. Cassio: sed pace fami-  
liæ dixerim, dissidente a bonis, atq; omnis runusculos  
populari ratione aucupante. Carbonis est tertia de iu-  
bendis legibus, ac uetandis, seditiosi atq; improbi ci-  
uis. cui ne reditus quidem ad bonos, salutem a bonis  
potuit auferre. uno in genere relinqui uidebatur uocis  
suffragium: quod ipse Cassius exceperat: perduellio-



nis. dedit huic quoque iudicio Caelius tabellam: doluitque  
 quoad uixit. sed ut opprimeret Caelius populum no-  
 cuit et reipublicae. et auus quidem noster singulari  
 uirtute in hoc municipio, quoad uixit, resitit M. Gra-  
 tidio, cuius in matrimonio sororem auiam nostram  
 habebat: ferenti legem tabellariam. excitabat enim  
 flens in simpulo ut dicitur Gratidius: quos post filius  
 eius Marius in aegeo excitauit mari: ac nostro quidem:  
 qui cum res esset a se delata, Scaurus consul: utinam  
 inquit M. Cicero isto animo, atque uirtute in summa rep-  
 nobiscum uersari, quam in municipali maluisses. Q-  
 uamobrem quoniam non recognoscimus nunc leges  
 populi romani: sed aut repetimus ereptas: aut nouas  
 scribimus: non quod ab hoc populo obtineri possit: sed  
 quod optimum sit, tibi dicendum puto. nam Cassiae legis  
 culpam Scipio tuus sustinet: quo auctore lata esse di-  
 citur. tu si tabellariam tuleris: ipse praestabis. nec  
 enim mihi placet, nec Attico nostro, quantum est uul-  
 tu eius intelligo. Atti. Mihi uero nihil unquam populare  
 placuit: eamque optimam rempublicam esse duxo: quam hic con-  
 sul constituerat: quae sit in potestate optimorum. M.  
 Vos demum ut uideo, legem antiquastis, sine tabella.  
 Sed ego, et si satis dixit pro se in illis libris Scipio:  
 tamen libertatem istam largior populo: ut et autho-  
 ritate ualeant: et utantur bonis. sic enim a me lex  
 est recitata de suffragiis. optimatibus nota, plebi li-  
 bera sunt. quae lex hanc sententiam continet: ut om-  
 nes leges tollat, quae postea latae sunt: quae tegunt omni-  
 ratione suffragium: nequis inspiciat tabellam: ne ro-  
 get: ne appellet. pontes etiam lex maria fecit angu-  
 stos: quae si opposita sunt ambiosis, ut sunt: fere non



reprehendo. sin ualuerint tamen leges, ut ne sint ambitus: habeat sane populus tabellam, quasi uindicem libertatis: dummodo hæc optima cuiq; & grauiſſimo ciui ostendatur: utroq; offeratur: uti sit ipsa libertas: in qua populo potestas honeste bonis gratificandi datur. Eoq; nunc fit illud quod à te modo Quinte dictu est: ut minus multos tabella condemnet, quàm solebat uox: quia populo licere satis est. hoc retento reliqua uoluntas authoritati aut gratiæ traditur. Itaq; ut omittam, largitione corrupta suffragia: non uides, si quando ambitus sileat, quæri in suffragiis: quid optimi uiri sentiant? quamobrem lege nostra libertatis species datur: bonorum authoritas retinetur: contentiõis causa tollitur. Deinde sequitur qbus ius sit cum populo agendi, aut cum senatu. grauis & ut arbitror præclara lex. quæq; in patribus aguntur modica sũto: idest modesta, atq; sedata. Author enim moderatur & fingit non modo mentem, ac uoluntates, sed pene uultus eorum, apud quos agit. quod si in senatu non difficile est: est enim ipse senator is, cuius non ad authorem referatur animus: sed qui per se ipse spectari uelit. huic iussa tria sunt: ut adsit: nam grauitatem res habet: cum frequens ordo est. ut loco dicat: idest rogatus. ut modo: ne sit infinitus. nam breuitas non modo senatoris, sed etiam oratoris magna laus est in sententia. nec est unq̃ longa oratione utendum: nisi aut spectante senatu, quod fit ambitione sæpiſſime, nullo magistratu adiunante, tolli diem utile est: aut cum tanta causa est: ut opus sit oratoris copia uel ad hortandum, uel ad docendum. quorum generum in utroq; magis noster Cato est. Quodq; addit causas populi



teneto, est senatoris necessarium nosse rempublicam: idq; late patet: quid habeat militum: quid ualeat aerario: quos socios resp. habeat: quos amicos: quos stipendiarios: qua quisq; sit lege, conditione, foedere: tenere consuetudinem decernendi: nosse exēpla maiorum. uidetis iam genus hoc omne scientiæ, diligentiae memoriam esse: sine quo paratus esse senator nullo pacto potest. Deinceps sunt cum populo actiones: in quibus primum & maximum, uis abesto. nihil est enim exitiosius ciuitatibus: nihil tam contrarium iuri, & legibus: nihil minus ciuile est, & humanum: q̄ composita, & constituta republica, quicquam agi per uim. parere iubet intercessori: quo nihil præstantius. impediri enim bonam rem melius, quàm concedi male. Quod uero actores iubeo abesse fraude, id totum dixi ex Crassi sapientissimi hominis sententia: quam senatus est secutus: cum decreuisset C. Claudio consule designato Carbonis seditionem referente: eo inuito, qui cum populo ageret, seditionem non posse fieri: quippe cui liceat consilium, simul atq; intercessum, turbariq; coeptum sit: dimittere. quod qui permouet cum agi nihil potest: uim querit. cuius impunitatem amitti hac lege quitur illud. intercessor rei malæ salutaris ciuis esto. quis non studiose reip. subue nerit? hac tam præclara legis uoce laudatus? Sunt deinde posita deinceps, quæ habemus etiam in publicis institutis, ac legibus: auspicia seruanto: auguri parento. est autem boni auguris memuisse maximis reip. temporibus præsto esse debere: Ioniq; optimo maximo se consiliarium, atq; administrum datum, ut sibi eos, quos in auspicio esse insserit: celiq; partes sibi definitas



bi definitas esse traditis: e' quibus sæpe opem referre \*  
possit. deinde de promulgatione, de singulis rebus agen-  
dis, de privatis, magistratibus'ue audiendis. tum leges  
præclarissimæ de XII. tabulis trāslatæ duæ: quarū  
altera privilegia tollit: altera de capite civis rogari, nisi  
maximo comitatu vetat. non dū initis seditiosis tribunis  
plebis. Negocialis qdem, admirandum tantum maiores \*  
in posterū providisse: in privatos homines leges ferri no-  
luerunt. id est enim privilegiū. quo quid est iniustus?  
cum legis hæc vis sit. scitum est iussum in omnes, ferri  
de singulis nisi centuriatis comitijs noluerunt. descriptus \*  
n. populus censu, ordinibus, ætatibus, plus adhibet ad  
suffragiū auxiliij: q̄ fuisse in tribus cōvocatus. quo uerius  
in nostra causa vir magni ingenij, summaq; prudētia,  
L. Cotta dicebat: nihil omnino actum esse de nobis  
præterq̄ quod comitia illa essent armis gesta servilibus:  
propterea neq; tributa capitis: neq; comitia rata esse  
possent: neq; ulla privilegia: quo circa nihil nobis opus  
esse lege: de quibus nihil omnino actum esset legibus.  
sed visum est & nobis, & clarissimis viris melius, de  
quo. C. Seruij et patroni tui scivisse se aliquid dicerent: \*  
de hoc eodē cunctam Italiam quid sentiret ostendere.  
Sequitur de captis pecunijs, de ambitu legis. quæ cum  
magis iudicijs q̄ uerbis sancienda sint: adiungitur, no-  
xiæ poena par esto: ut in suo uitio quisq; plectatur: vis  
capite, auaritia multa, honoris cupiditas ignominia  
sanciantur. Extremæ leges sunt nobis non usitatæ, reip.  
necessariæ. legum custodiam nullam habemus. itaq; hæ  
leges sunt, quas apparitores nostri uolunt: à librarijs  
petimus: publicis litteris consignatam memoriam publi-  
cam nullam habemus. Græci hoc diligentius: apud quos



# DE LEGIBVS

νομοφύλακες creantur: nec hi solum litteras (nam id  
 qdem etiam apud maiores nostros erat) sed etiā facta  
 hominū obseruabant: ad legesq; reuocabant. Hæc detur  
 cura censoribus: quando qdem eos in rep. semper uo-  
 lumus esse: apud eosdē, qui magistratu abierint, edant,  
 & exponant quid in magistratu gesserint: deq; ijs cen-  
 sores præiudicent. hoc in græcia fit publice constitutis  
 accusatoribus. qui qdem graues esse non possunt: nisi sine  
 uoluntarij. Quocirca melius est rationes referri: cau-  
 samq; exponi censoribus: integram tamen legem accu-  
 satori, iudicioq; seruari. Sed satis iam disputatum est de  
 magistratibus: nisi forte qd desideratis. Atti. Quid  
 si non tacemus: locus tamen ipse admonet, quid tibi sit  
 deinde dicendum. M. Mihi ne? de iudicijs arbitror  
 Pomponi. id est enim iunctum magistratibus. Atti.  
 Quid? de iure populi ro. quemadmodū instituisi dicen-  
 dum nihil putas? M. Quid tandem hoc loco est quod  
 requiras? Atti. Ego ne? quod ignorari ab ijs, qui in  
 rep. uersantur, turpissimum puto. Nam ut modo a te dē-  
 ctum est: leges a librarijs lego: sic animaduerto quosq;  
 in magistratibus ignoratione iuris sui tantum sapere  
 quantum apparitores uelint. quamobrem, si de sacrorū  
 alienatione dicēdū putasti: cum de religione leges pro-  
 posueras: faciendū tibi est: ut magistratibus lege constituta  
 tis, de potestate, tū de iure disputes. M. Faciā breuiter:  
 si consequi potuero. nā pluribus uerbis scripsit ad pa-  
 trem suum M. Iunius sodalis: perite meo qdem iudi-  
 cio, & diligenter. At de iure naturæ cogitari p nos, &  
 quæ dicere debemus, de iure populi ro. quæ relicta  
 sunt, et tradita. Atti. Sic profecto censeo: et id ipsum  
 quod dicis, expecto.

FINIS.











## M. TVLLII CICERONIS EX TIMEO

## PLATONIS DE VNIVERSITA

## TE LIBER INCIPIT.

m Vltia sunt a nobis, & in Academicis  
 conscripta contra physicos, & sepe  
 P. Nigridio Carneadeo more & modo  
 disputata. fuit enim uir ille cum cæ-  
 teris artibus, quæ quidem dignæ libe-  
 ro essent, ornatus omnibus: tum acer inuestigator, & di-  
 ligens earum rerum, quæ a natura inuolutæ uiden-  
 tur. deniq; sic iudico: post illos nobiles Pythagoreos,  
 quorum disciplina extincta est quodammodo: cum ali-  
 quot sæcula in Italia, Siciliaq; uiguisset: hunc extitisse,  
 qui illam renouaret. qui cum me in Ciliciam profici-  
 scientem, Ephesi expectauisset, Romam ex legatione ipse  
 decedens: uenissetq; eodem Mytilenis mei salutandi, &  
 uisendi causa Cratippus Peripateticorum omnium,  
 quos quidem ego audiuerim, meo iudicio, facile prin-  
 ceps: perlibenter & Nigridium uidi: & Cratippum  
 cognoui. Ac primum quidem tempus salutationibus,  
 reliquum per cunctatione consumpsimus.

Desunt multa.



# DE VNIVERSITATE

quid est, quod semper sit: neq; ullum habet ortum: & quod gignatur: nec unquam sit. quorum alterum intelligentia, & ratione comprehenditur: quod unum semper, atq; idem est: alterum quidem affert opinio- nem sensus, rationis expers, quod totum opinabile est. id gignitur, & interit: nec unquam esse uere potest. omne autem quod gignitur, ex aliqua causa gigni ne- cesse est. nullius enim rei causa remota, reperiri origo potest. quocirca si is, qui aliquod munus efficere moli- tur, eam speciem, quæ semper est eadem, intuebitur: atq; eam sibi proponet exemplar: præclarum opus efficiat necesse est. sin autem illam, quæ gignitur: nun- quam illam quam expetet pulchritudinem conseque- tur. omne igitur cælum siue mundus, siue quo alio uo- cabulo gaudet: hoc à nobis nuncupatus sit. de quo id primum consideremus, quod principio est in omnî questione considerandum: semper ne fuerit nullo ge- neratus ortu: an ortus sit: an ab aliquo temporis prin- cipatu ortus est: quandoquidem cernitur, & tangitur, & est undiq; corporatus. omnia autem talia sensum mouent: sensusq; mouentia quæ sunt, eadē in opina- tione considunt: quæ ortum habere, gigni q; diximus. nî hil autem gigni posse sine causis. atq; illū quidem quasi parentem huius uniuersitatis inuenire difficile: & cum iam inueneris indicare in uulgus nefas. rursum igitur uidendum ille fabricator tanti operis, utrum sit imita- tus exemplar, id ne quod semper unum & idem, uti sui simile, an id quod generatum ortumq; dicimus. Atq; si pulcher est hic mundus, si probus eius artifex: pro- fecto speciem æternitatis imitari maluit. sin secus: quod ne dictu quidem fas est: generatum exemplum est pro  
æterno



æterno secutus. non igitur dubium, quin æternitatem  
maluerit exequi: quandoquidem neq; mundo quicquam  
pulchrius: neq; eius ædificatore præstantius. si ergo ge=  
neratus: ad id est effectus, quod ratione sapientiaq; com=  
prehenditur: atq; immutabili æternitate continetur. ex  
quo efficitur, ut sit necesse hunc quem cernimus mun=  
dum, simulachrum æternum esse alicuius æterni. diffi=  
cillimum autem est in omni conquisitione rationis, ex=  
ordium. de his igitur quæ diximus, hæc sit prima di=  
finitio, in omni oratione cum his rebus, de quibus ui=  
detur explicata cognitio. itaq; cum de re stabili & im=  
mutabili disputatur: oratio talis sit, qualis sit illa, quæ  
neq; redargui, neq; conuinci potest. cum autem ingressa  
est imitata, & effecta simulachra, bene agi putat, si  
similitudinem ueri consequatur. quantum enim ad id  
quod ortum est, æternitas ualet: tantum ad fidem ue=  
ritas. quo circa si forte de deorum natura, ortuq; mun=  
di differentes, minus id quod habemus animo conse=  
quimur: ut tota dilucide, & plane oratio exornata  
sibi constet: & ex omni parte secum ipsa consentiat:  
haud sanè crit mirum: contentiq; esse debetis, si pro=  
babilia dicentur. æquum est enim meminisse, & me,  
qui differam, hominem esse, & uos, qui iudicatis: ut  
si probabilia dicentur, nil ultra requiratis. Quæ=  
ramus igitur causam, quæ eum impullerit, qui hæc  
machinatus sit, ut originem rerum, & molitionem  
nouam quæreret. probitate uidelicet præstabat. pro=  
bus autem inuidet nemini. itaq; omnia sui similia ge=  
nerauit. hæc nimirum gignendi mundi causa iustissi=  
ma: nam cum constituisset Deus bonis omnibus explere  
mundum: mali nihil admiscere: quoad natura patere=



# DE VNIVERSITATE

tur: quicquid erat quod in cernendi sensum caderet  
 id sibi assumpsit, non tranquillum & quietum, sed  
 immoderate agitatum, et fluctuans. idq; ex inordina-  
 to in ordinem adduxit. hoc enim iudicabat esse præ-  
 stantius. fas autem nec est, nec unquam fuit, quicquam  
 nisi pulcherrimum facere eum, qui esset optimus. cum  
 ratione igitur habuisset: reperiēbat nihil esse eorū, quæ  
 natura cernerentur, non intelligens intelligente in toto  
 genere præstantius. quo circa intelligentiam in animo,  
 animum conclusit in corpore. sic ratus est opus illud  
 effectum esse pulcherrimum. quam ob causam non est  
 cunctandum profiteri: si modo inuestigari aliquid con-  
 iectura potest: hunc mundum animal esse: idq; intelli-  
 gens: et diuina providentia constitutum. hoc posito quod  
 sequitur uidendum est, cuiusnam animantium deus in  
 fingendo mundo similitudinem secutus sit. nullius pro-  
 fecto, eorum quidem, quæ sunt nobis nota animantia.  
 sunt enim omnia in quædam genera partita, aut in-  
 choata, nulla ex parte perfecta. imperfecto autem nec  
 absoluto simile pulchrum esse nihil potest. cuius ergo  
 omne animal, quasi particula quædam est: siue in sin-  
 gulis, siue in diuerso genere cernatur: eius similem mun-  
 dum esse dicamus. omnes igitur qui animo cernuntur,  
 & ratione intelliguntur animantes, complexu rationis  
 & intelligentiæ. sicut homines, hoc mundo & pecudes,  
 & omnia quæ sub aspectum cadunt comprehendun-  
 tur. quod enim pulcherrimum in rerum natura, &  
 intelligi potest, & quod ex omni parte absolutissimum  
 est: cum deus similem mundum efficere uellet: animal  
 unum aspectabile, in quo omnia animalia contineren-  
 tur effect. recte ne igitur unum mundum dixerimus,  
 an sine



an sint plures, an innumerabiles, dictu uerius & me-  
lius. unus profecto: siquidem factus est ad exemplum.  
quod enim omnes animantis eos, qui ratione intelligun-  
tur complectitur: id non potest esse cum altero. rursus  
enim alius animans, qui eum contineat sit necesse est,  
cuius partes sint animantes superiores: cœlumq; hoc  
simulachrum illius ultima sit, non proxima. quorum  
ne quid accideret, atq; ut hic mundus esset animanti  
absoluto simillimus, hoc ipso, quod solus atq; unus esset,  
ita co singularem deus hunc mundum, atq; unigenam  
procreauit. corporeum autem, & aspectabile, itemq;  
tractabile omne necesse est esse, quod natum est. nihil  
porro igni uacuum uideri potest: nec uero tangi quod  
careat solido: solidum autem nihil quod terræ sit ex-  
pers. quamobrem mundum efficere moliens deus, ter-  
ram primum, ignemq; iungebat. omnia autem duo ad  
coherendum tertium aliquid requirunt: & quasi no-  
dum, uinculumq; desyderant. sed uinculorum id est  
aptissimum atq; pulcherrimum, quod ex se, atq; de his  
quæ astringit, quammaxime unum efficit. id optima  
assequitur, quæ græce ἀναλογία, latine (audendum est  
enim quoniam hæc primum à nobis nouantur) com-  
paratio proportionē dici potest. quando enim trium uel  
numerorum, uel figurarum, uel quorumcunq; generum  
contingit, ut quod medium, sit uti primum proportio-  
ne, ita id postremo comparetur: uicissimq; ut extremū  
cum medio, sic medium cum primo conferatur: id quod  
medium est, tum primum fit: tum postremum: postre-  
ma uero & prima media fiunt. ita necessitas cogit, ut  
eadem sint ea quæ deiuncta fuerunt. eadem autem  
cum facta sint, efficitur, ut omnia sint unum. quod si



## DE VNIVERSITATE

*uniuersitatis corpus planum & equabile explicaretur: neq; in eo quicquam esset requisitum: unum interiectum medium, & seipsum, & ea quibus esset interpositum colligaret. sed cum soliditas mundo quaeretur: solida autem omnia uno medio nunquam, duobus semper copulentur: ita contingit ut inter ignem, & terram, aquam deus, animamq; poneret: eaq; inter se compararet: & proportionem coniungeret: ut quemadmodum ignis animæ, sic anima aquæ, quodq; anima aquæ, id aqua terræ proportionem redderet. qua ex coniunctione cælum ita actum est, ut sub aspectum, et tactum cadat: itaq; & ob eam causam, & ab ijs rebus numero quatuor, mundi est corpus effectum, ea constructum proportionem, quam dixi: ex quo ipse se concordiam quadam amicitia, & charitate complectitur: atq; ita apte coheret: ut dissolui nullo modo queat, nisi ab eodem a quo est ligatus. earum autem quatuor rerum, quas supra dixi, sic in omni mundo omnes partes collocatæ sunt: ut nulla pars huiusce generis excederet extra: atq; in hoc uniuerso inessent genera illa uniuersa. id ob eas causas, primum ut mundus animans possit ex perfectis partibus esse perfectus: deinde ut unus esset, nulla parte unde altera gigneretur relicta: postremo ne quis morbus eum possit, aut senectus affligere. omnis enim coagmentatio corporis, uel calore, uel frigore, uel aliqua impulsione uehementi labefactatur: & frangitur: & ad morbos senectutemq; compellitur. hanc igitur habuit rationem effector mundi, molitorq; deus: ut unum opus totum, atq; perfectum ex omnibus totis, atq; perfectis absolueretur: quod omni morbo senio'ue careret. formam*







## DE VNIVERSITATE

*aem, quæ pedibus & gradu non egeret, ingrediendi  
 membra non dedit deus is, qui erat de aliquando deo  
 futuro cogitans. leuemeum effecit, & undique æqua-  
 bilem, & à medio ad summum parem, & perfe-  
 ctum, atque absolutum, ex absolutis, atque perfectis.  
 animum autem ut in eius medio collocauit. ita per totum  
 tetendit. deinde eum circundedit corpore: & uestiuit  
 extrinsecus: cœloq; soliuago & uolubili, & in orbem  
 incitato complexus est: quod secum ipsum propter uir-  
 tutem facile esse posset: nec desiderat alterum satis sibi  
 ipse notus, & familiaris. sic deus ille æternus hunc  
 perfecte beatum deum procreauit. sed animum haud  
 ita, ut modo locuti sumus, tum deniq; cum corpus ei  
 effecisset inchoauit. neq; enim esset rectum minori pa-  
 rere maiorem. sed nos multa inconsiderate ac temere  
 dicimus. deus autem & ortu & uirtute antiquiorem  
 genuit animum: eumq; ut dominum atq; imperantem  
 obediēti præfecit corpori: idq; molitus tali quodam  
 est modo. ex materia, quæ indiuidua est, & quæ sem-  
 per uniusmodi, suiq; similis, & ex ea quæ corporibus  
 diuidua gignitur, tertium materiæ genus admiscuit ex  
 duobus in medium: quod esset eiusdem naturæ: &  
 quod alterius: idq; interiecit inter indiuiduum, atq;  
 id quod diuiduum esset in corpore. ea cum tria sum-  
 psisset: unam in speciem temperauit: naturamq; illam,  
 quam alterius diximus uel cum eadem coniunxit fu-  
 gentem: & eius copulationis alienam permiscens cum  
 materia, cum ex tribus effecisset unum: id ipsum in ea  
 quæ deuit membra partitus est. iam partes singulas  
 ex eodem, et ex altero, & ex materia temperauit. fuit  
 autē talis illa partitio. unam principio partē detraxit*

ex h  
 terit  
 de in  
 inde  
 poss  
 ante  
 inter  
 inte  
 uix  
 tita  
 eri  
 stit  
 nu  
 rat  
 &  
 prin  
 omni  
 quer  
 nu  
 pa  
 ex  
 sech  
 con  
 dia  
 in or  
 miss  
 cui  
 bat  
 esse  
 re  
 de



ex toto secundam autem primæ partis duplam. deinde  
tertiā quæ esset secundæ sesquialtera, primæ tripla.  
deinde quartā, quæ secundæ dupla esset. quintā  
inde quæ tertiæ tripla. tum sextā octuplam primæ.  
postremo septimā quæ septem, & viginti partibus  
antecederet primæ. deinde instituit dupla & tripla  
intervalla explere, partes rursus ex toto desecans: quas  
intervallis ita locabat: ut in singulis essent bina media.  
uix enim audeo dicere medietates: quas græci mēso-  
titas appellant. sed quasi ita dixerim ita intelligatur.  
erit enim planius. earum alteram, eadem parte præ-  
stantem extremis, eademq; superatam, alteram pari  
numero præstantem extremis pariq; numero supe-  
ratam. sesquialteris autem intervallis, & sesquitercijs,  
& sesquioctavis sumptis, ex his colligationibus in  
primis intervallis, sesquioctavo intervallo, sesquitercia  
omnia explebat: cum particulam singulorum relin-  
queret. eius autē particula intervallo relicto habebat  
numerus ad numerum eandem proportionem, com-  
parationemq; in extremis: quam habent CCLVI  
cum CCXLIII atq; ita permixtum illud, ex quo hæc  
secur: iam omne consumpserat. hanc igitur omnem  
coniunctionem duplicem in longitudinem diffidit: me-  
diæq; accommodans mediam, quasi decussavit: deinde  
in orbem torsit: ut & ipse secum, & inter se ex com-  
missura, quæ e regione esset, iungerentur: eoq; motu  
cuius orbis semper in eodem erat, eodemq; modo cie-  
batur undiq; est eos circumplexus. atq; ita cum alterum  
esset exteriorem amplexus orbem: illum eiusdem natu-  
ræ, hunc alterius notavit: eamq; quæ erat eiusdem  
detorsit à latere in dextram partem: hanc autem atti-



## DE VNIVERSITATE

nam & a media linea direxit ad leuam. sed principatum dedit superiori: quam solam indiuiduam reliquit. interiore autem cum in sex partes cœli diuississet: septem orbis disparis duplo, & triplo intervallo moueri iussit, contrarijs inter se cursibus. eorum autem trium fecit pares celeritates: sed quatuor, & inter se dispares, & dissimiles trium reliquorum. animum igitur cum ille procreator mundi deus, ex sua mente & diuinitate genuisset: tum deniq; omne quod erat concretum, atq; corporeum substernebat animo: interiusq; faciebat: atq; ita medio medium accommodans copulabat. sic animus a medio profectus, extremitatem cœli a suprema regione rotundo ambitu circuniecit: seseq; ipse uersans, diuinæ, sempiternæ, sapientisq; uitæ induxit exordium. & corpus quidem cœli spectabile effectum est. animus autem oculorum effugit obtutum. est autem animus ex omnibus rationis, contentionisq; (*ἀπορίῃ* græce) sempiternarum rerum, & sub intelligentiam cadentium, compos & particeps: quo nihil ab optimo & præstantissimo genitore melius procreatum. quippe qui ex eadem uinctus, alteraq; natura, adiuncta materia temperatione trium partium, proportionem compacta, seipse conuersans, cum materiam mutabilem arripuisset: & cum rursus indiuiduam atq; simplicem: per quam omnis mouetur, discernitq; quid sit eiusdem generis, & quid alterius: & cætera diuidit, quid cuiq; rei sit maxime aptum: quid quoq; loco, aut modo, aut tempore contingat: quæq; distinctio sit inter ea, quæ gignantur, & ea quæ sunt semper eadem. & in his quæ mutantur, cum in eodem, & in altero mouetur: ipsa per sese sine uoce, & sine ullo so-



no, cum eandem partem attingit, qua sensus cieri potest: orbis illius generis alterius immutatus & rectus, omnia animo menti q; denunciat: tum opiniones, ad sensiones q; firmæ ueræ q; gignuntur. cum autem in illis rebus uertitur, quæ manentes semper eadem, non sensu sed intelligentia continentur.

**Desunt nonnulla.**

ita uim suam natura conuertit: ut terram Lunæ cursus proxime ambiret: ei q; supra terram proxima Solis circumuolutio esset. lucifer deinde & sancta Mercurij stella, cursum habent solis celeritati parem, sed uim quandam contrariam: eaq; conuersione quam inter se habent lucifer, Mercurius, Sol aliq; alios uincunt, uicissim q; uincuntur. Reliquorum syderum, quæ causa collocandi fuerit, quæq; eorum sit collocatio in sermonem alium differendum est: ne in eo quod attingendū fuit, q̄ in eo, cuius causa id attigimus, longior ponatur oratio. quando igitur unumquodq; eorum syderum, cursum decorum est adeptum: ex quibus erat motus temporis consignandus: colligatis q; corporibus uinculis animalibus: tum animantia orta sunt: eaq; imperio



## DE VNIVERSITATE

parere didicerunt, tunc ex alterius naturæ motione transuersa, in eiusdem naturæ motum incurrentia, in eaq; hærentia, atq; impedita, cum alia maiorem lustrarent orbem: alia minorem: tardiusq; maiorem: celeriusq; minorem: motu unius eiusdemq; naturæ, quæ uelocissimo mouebantur, ea celeritate uinci à tardioribus, & cū superabant, superari uidebantur. omnis enim orbis eorum, quasi facilitatis inflexione uertebatur. quam bifariam contrarie simul procedentia efficiebant: ut quod esset tardissimum, id proximum fieret celerrimo. atq; ut esset mensura quædam euident: quæ in istis octo cursibus celeritates, tarditatesq; declararet: deus ipse solem, quasi lumen accendit ad secundum supra terram ambitum: ut quammaxime cælū omnibus colluceret: animantesq; quibus uis esset doceri, ab eiusdem motu & ab eo, quod simile esset, numerorum naturam, uimq; cognoscere. nox igitur & dies ad hunc modum, & ob has generata causas, unum circuitum orbis efficit, sapientissimum, atq; optimum. mensis autem quando luna lustrato suo cursu, Solem consecuta est: annus ubi Sol suum totum confecit, & peragruit orbem. cæterorum autem syderum ambitus ignorantes homines, præter admodum paucos, neq; nomen appellant: neq; inter se numero commetiuntur. itaq; nesciunt hos syderum errores id ipsum esse, quod rite dicitur, tempus, multitudine infinita, uarietate admirabili præditos. attamen illud prospici, & intelligi potest, absoluto, perfectoq; numero temporis, absolutum, perfectumq; annum, tunc compleri deniq; cum se octo ambitus confectis suis cursibus ad idem caput rettulerunt: cumq; eos permensus est idem, et semper sui similis orbis. has

igitur

igitur  
nec  
teret  
malis  
limu  
priss  
nond  
ea p  
nis si  
mas  
totid  
gere  
unu  
aer  
matu  
didiss  
lem u  
rotat  
effec  
riet  
dun  
tus  
in or  
ante  
& sit  
orber  
stant  
cælo  
dun  
per  
labi



igitur ob causas nata astra sunt: quæ per cælum penetran-  
 tia solstitiali se & brumali reuocatione conuer-  
 terent: ut hoc omne animal, quod uidemus, esset illi ani-  
 mali, quod sentimus, ad æternitatis imitationem simil-  
 linum. & cætera quidem usq; ad temporis ortum im-  
 pressa ab illis, quæ imitabatur, effinxerat. sed quia  
 nondum omne animal in mundo intus incluserat: ex  
 ea parte deficiebat ad propositum exemplar imagi-  
 nis similitudo. quot igitur, & quales animalium for-  
 mas mens, in speciem rerum intuens, poterat cernere:  
 totidem, & tales in hoc mundo secum cogitauit effin-  
 gere. erant autem animantium genera quatuor, quorū  
 unum diuinum, atq; cæleste: alterum pennigerum &  
 aërium: tertium \* terrestre quartum. diuinæ ani-  
 mationis maxime speciem faciebat ex igne: ita ut splen-  
 didissimus esset, & aspectu pulcherrimus. cumq; simi-  
 lem uniuersitatis naturæ efficere uellet: ad uolubilitatē  
 rotundauit: comiteq; eum sapientia q̄optimæ mentis  
 effecit: circumq; cælū æqualiter distribuit: ut hunc ua-  
 rietate distinctū, bene græci *κόσμος*, nos lucentē mun-  
 dum nominaremus. dedit autem diuinis duo genera mo-  
 tus: unum quod semper esset in eodem æque, & idem  
 in omnibus, atq; uno modo celeraret: alterum quod  
 ante mouit in quam partem a' conuersione eiusdem,  
 & similis, pelleretur. quinq; autem reliquis motibus  
 orbem eum esse uoluit expertem, immobilem, &  
 stantem. ex quo genere ea sunt sydera, quæ infixæ  
 cælo non mouentur loco: quæ sunt animantia, eaq;  
 diuina: ob eamq; causam, suis sedibus inhaerent: &  
 perpetuo manent. quæ autem uagæ & mutabili ratione  
 labuntur, ita generata sunt: ut supra diximus. iam



## DE VNIVERSITATE

uero terram altricem nostram, quæ transfecto axe  
 susinetur: diei noctisq; effectricem, eandemq; custo=  
 dem: antiquissimam deorum uoluit esse eorum, qui  
 intra cælum gignerentur. fulsiones autem deorum,  
 Et inter ipsos deos conuersiones, quæq; in orbibus  
 eorum conuersiones, antecessionesq; eueniant, cumq;  
 inter se penè contingant, eos qui propè copulentur  
 contraria regione, Et pone quos, aut ante labuntur,  
 quisq; temporibus à nostro aspectu oblitescant, rur=  
 susq; emersti errorem incutiant rationis expertibus, si  
 uerbis explicare conemur, nullo posito sub oculis simu=  
 lachro: earum rerum frustra suscipiatur labor. Sed  
 hæc satis sunt dicta nobis. quæ de deorum qui cer=  
 nuntur, quiq; orti sunt natura præfati sumus, habeant  
 hunc terminu. reliquorū autem, quos græci *δαίμονας*  
 appellant: nostri opinor, *laris*: si modo hoc recte con=  
 uersum uideri potest: Et nosse, Et nunciare ortum  
 eorum maius est: q̃ ut profiteri scribere nos audeamus.  
 credendum nimirum est ueteribus Et priscis, ut aiunt,  
 uiris, qui se progeniem deorum esse dicebant. itaq;  
 eorum uocabula nobis prodiderunt. nosse autem gene=  
 ratores suos optime poterant: ac difficillime factu est a  
 dijs ortis fidem non habere: quanq̃ nec argumentis,  
 nec rationibus certis eorum oratio confirmatur: sed  
 quia de suis rebus notis uidentur loqui: ueteri legi,  
 moriq; parendum est. sic igitur, ut ab his est tradi=  
 tum, horum deorum ortus habeatur, atq; dicatur: ut  
 oceanum salaciamq; cæli satu terræq; conceptu gene=  
 ratos, editosq; memoremus: ex his phorcyn, Saturnum  
 Et opem: deinceps Iouem, atq; Iunonem, reliquos,  
 quos fratres inter se, agnatosq; usurpare, atq; appel=  
 lare



lare uidemus, & eorum ut utamur ueteri uerbo,  
 profapiam. quando igitur omnes, & qui mouentur  
 palamq; ostenduntur, & qui ea tenus nobis decla-  
 rantur, quo ipsi uolunt, creati sunt: tum ad eos is  
 deus, qui omnia genuit, fatur. hæc uos qui deorum  
 fatu orti estis attendite: quorum operum ego parens  
 effectorq; sum, quæ per me facta, non sunt dissoluta  
 me inuito: quanq̃ omne colligatum, solui potest. sed  
 haud quaq̃ boni est, ratione uinctum uelle dissoluere.  
 sed quoniam orti estis, immortales uos quidem esse,  
 & indissolubiles non potestis: neutiq̃ tamen dissolue-  
 mini: nec uos ulla mortis fata periment: nec fraus ua-  
 lentior, q̃ consilium meum: quod maius est uinculum  
 ad perpetuitatem uestram: q̃ illa quibus estis, tum  
 cum gignebamini, colligati. quid sentiam igitur cogno-  
 scite. tria nobis genera reliqua sunt: eaq; mortalia:  
 quibus prætermisiss, cœli absolutio perfecta non erit.  
 omnia enim genera animalium complexu non tenebit.  
 teneat autem oportebit, ut eodem nequid absit, quæ a  
 me ipso effecta sint, quod deorum uitam possit adæ-  
 quare. ut igitur mortali generentur conditione, uos su-  
 scipite: ut illa gignatis: imiteminiq; uiam meam: qua  
 in uestro ortu me usum esse meministis: in quibus qui  
 tales creantur, ut deorum immortalium, quasi genti-  
 les esse debeant: diuini generis appellentur: teneantq;  
 omnium animantium principatum: nobisq; iure &  
 lege uolentes pareant: quorum uobis initium, statusq;  
 traditur a me: uos autem ad id, quod erit immortale,  
 partem atexitote mortalem. ita orientur auiantes:  
 quos & uiuos alatis: & consumptos sinu recipiatis.  
 hæc ille dixit. deinde ad temperationem superiorem



## DE VNIVERSITATE

reuertit : in qua *enim* rem animum uniuersae naturae temperans permiscebat : superisq; permissionis reliquias fundens aequabat, eodem modo ferme : nisi quod non ita incorrupta , ut ea quae semper idem , sed a dijs secundum sumebat , atq; tertium . toto igitur omnino constituto syderibus parem numerum distribuit animorum : & singulos adiunxit ad singula : atq; ita quasi in currum uniuersitatis imposuit : commonstrauitq; leges fatales, ac necessarias : & ostendit primum ortum unum fore omnibus : eumq; moderatum , atq; constantem , nec ab ullo imminutum : consatis autem, & quasi sparsis animis , fore uti certis temporum interuallis , oriretur animal : quod esset ad cultum deorum aptissimum . sed cum duplex esset natura generis humani: sic res habebant: ut praestantius genus esset eorum , qui essent futuri uiri . cum autem animis corpora , cum necessitate inseuisset : cumq; ad corpora necessitate accessio fieret , tum abcessio : necesse erat sensum existere unum , communemq; omnium uehementiore motu excitato, coniunctoq; naturae : deinde uoluptate & molestia mixtum amorem: post iram & metum, & reliquos motus animi, comites superiorum, & his etiam contrarios dissidentes : quos qui ratione rexerit, iuste uixerit: qui autem his se dederit, iniuste. atq; ille , qui recte & honeste curriculum uiuendi a natura datum confecerit : ad illud astrum , quo cum aptus fuerit reuertetur : qui autem immoderate & intemperate uixerit : eum secundus ortus in figuram muliebrem transferet: & si ne tum quidem finem uitiorum faciet : grauius etiam iactabitur : & in suis moribus simillimas figuras pecudum , & ferarum transferetur:



transferetur: neq; malorum terminum prius aspiciet:  
q̄ illam sequi cœperit conuersionem quam habebat in  
se eiusdem, & unius simul innatam & insitam. quod  
tum eueniet, cum illa quæ ex igne, aere, aqua, atq;  
terra turbulenta, & rationis expertia insederint:  
deniq; ratione depulerit: & ad primam atq; optimā  
affectionē animi puenerint. Quæ cum ita designasset:  
se seq; si quid postea fraudis, aut uitij euenisset, extra  
omnem culpam, causamq; posuisset: aliosq; in terra,  
alios in Luna, alios in reliquas mundi partes, quæ  
sunt ad spatiorum temporis significationem notæ con=  
stitutæ, spargens quasi serebat. Post autem sationem  
eam, dijs, ut ita dicam, iunioribus permisit, ut cor=  
pora mortalia effingerent: quantumq; esset reliquum  
ex humano animo, quod deberet accedere, id omne  
& quæ sequentia essent perpolirent, & absoluerent:  
deinde ut huic animanti principem quā se ducemq;  
præberet: uitamq; eius pulcherrime regeret, & gu=  
bernaret: nisi quatenus ipse beneficijs, sua culpa sibi  
aliquid miseriæ quæreret. atq; is quidem qui cuncta  
composuit, constanter in suo manebat statu. qui autem  
erant ab eo creati, cum parentis ordinem cognouis=  
sent, hunc sequebantur. itaq; cum accepissent im=  
mortale principium, mortalis animantis, imitantes ge=  
nitorem & effectorem sui, particulas ignis, & terræ,  
& aquæ, & aëris à mundo, quas rursus redderent,  
mutuabantur: easq; inter se copulabant, haud iisdem  
uinculis, quibus ipsi erant colligati: sed talibus quæ  
cerni non possent, propter paruitatem: crebris quasi  
cuneolis iniectis, unum efficiebant ex omnibus corpus:  
itemq; in eo influente atq; effluente animo diuino am=



## DE PETITIONE CONSVLATVS

bitus illigabant. itaq; illi in flumen immersi, neq; tenebant: neq; tenebantur: sed ui magna tum ferebant: tum ferebantur. ita totum animal mouebatur illud quidem, sed immoderate & fortuitu: ut sex motibus ueheretur: nam & ante & pone, ad laeuam, & ad dextram, et sursum, et deorsum, modo huc, modo illuc.

Multa de sunt.

sed si in splendore confedit: tum uel eadem species, uel interdum immutata redditur: cum ignis oculorum, cum eo igne, qui est ob os offusus, se confundit, & contulit. dextra autem uidentur, quæ laeuæ sunt: quia contrarijs partibus oculorum, contrarias partes attingunt. respondent autem dextra dextris, laeuæ leuissimæ conuersione luminum: cum ea inter se non cohærescunt. id fit, cum speculorum leuitas hinc, illincq; alitudinem assumpsit: & ita dextra detrusit in laeuam partem oculorum: laeuq; in dextram. supina etiam ora cernuntur depulsione luminum: quæ conuertens inferiora reddit, quæ sunt superiora. atqui hæc omnia ex eo genere sunt, quæ rerum adiunant causas: quibus utitur ministerijs deus, cum optimi speciem, quo ad fieri potest efficit. sed æstimant pleriq; non hæc adiunantia causarum, sed has ipsas esse omnium causas: quæ uim habeant frigoris & caloris, concretionis, & liquoris: careant autem omni intelligentia, atq; ratione.



uatione. quæ nisi in animo, nulla alia in natura repe-  
riantur. animus autem sensum omnem effugit oculo-  
rum. at ignis, & aqua, & terra, & aer corpora  
sunt: eaq; cernuntur. Illum autem qui intelligentiæ  
sapientiæq; se amatorem profitetur, necesse est intelli-  
gentis sapientisq; naturæ primas causas conquirere:  
deinde secundas causas rerum earum, quæ necessario  
mouent aliàs, ipsæ ab alijs mouentur. quo circa nobis  
sic cerno esse faciendum: ut de utroq; nos quidem di-  
camus genere causarum separatim: tam de his, quæ  
cum intelligentia sunt efficientes pulcherrimarum re-  
rum, atq; optimarum: & de his, quæ uacantes, pru-  
dentia, inconstantia, perturbata, quæq; efficiunt. ac de  
oculorum quidem causis, ut haberent eam uim, quam  
nunc habent, satis ferme esse dictum puto. maxima  
autem eorum utilitas donata humano generi deorum  
munere deinceps explicetur. rerum enim optimarum  
cognitiones nobis oculi attulerunt. nam hæc quæ est  
habita de uniuersitate oratio, à nobis haud unq; esset  
inuenta: si neq; sydera, neq; Sol, neq; cælum sub oculo-  
rum aspectum cadere potuissent. nunc uero dies noc-  
tesq; oculis cognitæ, tum mensium, annorumq; conuer-  
siones, ad numerum machinatæ sunt: & spatium tem-  
poris dimense sunt: & ad questionem totius naturæ  
impulerunt. quibus ex rebus philosophiam adepti  
sumus: quo bono nullum optabilius, nullum præstan-  
tius, neq; datum est mortalium generi deorum con-  
cessu, atq; munere: neq; dabitur.

Multa de sunt.

C iiii







205  
CICERO DE PETITIONE CON-  
SVLATVS AD M. TVLLI-  
VM FRATREM.

T si tibi omnia suppetunt: quæ consequi ingenio, aut usu homines, aut diligentia possunt: tamen amore nostro non sum arbitratus alienum, ad te p̄scribere ea, quæ mihi ueniebant in mentem, dies ac noctes de petitione tua cogitanti: non ut aliquid ex ijs noui adijcerem: sed ut ea, quæ in re dispersa, atq; infinita uiderentur esse, ratione, et distributione, sub uno aspectu ponerentur. quanquam plurimum natura ualet: tamen uidetur in paucorum mensium negocio posse simulatio naturam uincere. Ciuitas quæ sit cogita: quid petas: qui sis. prope' quotidie ad forum tibi descendi meditandum hoc sit: nouus sum: consulatum peto: Roma est. nominis nouitatem dicendi gloria maxime subleuabis. semper ea res plurimum dignitatis habuit. non potest qui dignus habetur patronus consularium: indignus consulu putari. quamobrem, quoniam ab hac laude proficisceris: & quicquid es, ex hoc es: ita paratus ad dicendum uenito: quasi in singulis causis iudicium de omni ingenio futurum sit. Eius facultatis adiumenta, quæ tibi scio esse seposita, ut parata ac prompta sint cura: & sæpe quæ de Demosthenis studio & exercitatione scripsit Demetrius recordare. deinde & amicorum multitudo, & genera appareant. habes enim ea, quæ noui habuerunt omnes: publica nos, totum fere' equestrem ordinem, multa præterea



# DE PETITIONE CONSULATVS

municipia, multos abs te defensos homines cuiusq; ordinis, aliquot collegia, praeterea studio dicendi conciliatos plurimos adolescentulos, quotidianam amicorum assiduitatem & frequentiam. haec cura & ut teneas commendando, et rogando, & omni ratione efficiendo, ut intelligant qui debent tua causa, referendae gratiae, & qui uolunt, obligandi tui tempus sibi aliud nullum fore. etiam hoc multum uidetur adiuuare posse nouum hominem: hominum nobilium uoluntas, & maxime consularium. prodest, quorum in locum ac numerum peruenire uelis, ab his ipsis illo loco, ac numero dignum putari. hi rogandi omnes sunt diligenter: & ad eos allegandum: persuadendumq; est ijs: nos semper cum optimatibus de repub. sensisse: minime populares fuisse: si quid locuti populariter uidemur: id nos eo consilio fecisse: ut nobis Cn. Pompeium adiungeremus: ut eum, qui plurimum posset, aut amicum in nosira petitione haberemus: aut certe non aduersarium. praeterea adolescentes nobiles elabora ut habeas: uel ut teneas studiosos quos habes. multum dignitatis affrent. plurimos habes: perfice ut sciant, quantum in his putes esse. si adduxeris, ut ij qui nolunt, cupiant, plurimum quidem proderunt. ac multum etiam nouitatem tuam adiuuat: q; eiusmodi nobiles tecum petunt: ut nemo sit, qui audeat dicere, plus illis nobilitatem, q; tibi uirtutem prodesse oportere. Iam P. Galbam, & L. Cassium summo loco natos, quis est qui petere consulatum putet? uides igitur amplissimis ex familijs homines, qui sine neruis sint tibi pares esse non posse. At Antonius & Catilina molesti sunt. immo homini nouo, industrio, innocenti, diserto, gratio

apud  
suarum,  
bona p  
rantis  
tare m  
uero e  
habui  
lam,  
strati  
chim  
omn  
luit  
uero  
eade  
te. C  
hunc  
ratum  
cuius  
otie  
tum  
cap  
in  
cilia  
part  
quie  
pet  
sim  
uir  
ibi  
sua  
ney



apud eos qui res indicant, optandi competitores, ambo  
 sicuti, ambo libidinosi, ambo egentes. eorum alterius  
 bona proscripserunt: uocem denique audiuius iu-  
 rantis se Romae iudicio aequo cum homine graeco cer-  
 tare non posse: Et ex senatu eiectionem scimus. optima  
 uero censorum existimatione in praetura competitorem  
 habuimus, amico Sabidio, Et Panthera: quod ad tabu-  
 lam, quos poneret non habebat. quo tamen in magi-  
 stratu amicam, quam palam domi haberet, de ma-  
 chinis emit. In petitione autem consulatus causas  
 omnes hic compilare per turpissimam legationem ma-  
 luit: quam adesse: Et populo Romano supplicare. Alter  
 uero dii boni, quo splendore est? primum nobilitate  
 eadem qua Catilina. num maiore? non, sed uirtu-  
 te. Quamobrem qui inanius umbram suam metuit,  
 hunc negliges quidem? natus in patris egestate, edu-  
 catus in sororis stupris, corroboratus in caede ciuium,  
 cuius primus ad rempublicam aditus in equitibus Romanis  
 occidendis fuit. Nam illis quos meminimus gallis, qui  
 tum Ticiannorum, ac Vanniorum, ac Tanusiorum  
 capita demebant, Scylla unum Catilinam praefecerat.  
 in quibus ille hominem unum optimum Q. Cau-  
 cilium sororis suae uirum, equitem Romano. nullarum  
 partium, cum semper natura, tum etiam aetate iam  
 quietum, suis manibus occidit. quid ego nunc dicam  
 petere eum tecum consulatum, qui hominem charis-  
 simum populo Romano. M. Marium inspectante Populo Romano. Ro-  
 uirgis per totam urbem ceciderit? ad bustum egerit?  
 ibi omni cruciatu lacerarit? uiuo stanti collum gladio  
 sua dextera secuerit: cum sinistra capillum eius a  
 uertice teneret: caput sua manu tulerit: cum inter di-



# DE PETITIONE CONSVLATVS.

gitos eius riuus sanguinis fluere. qui postea cum his-  
trionibus, & cum gladiatoribus ita iuxta: ut alteros  
libidinis, alteros facinoris adiutores haberet. qui nul-  
lum in locum tam sanctum ac tam religiosum acce-  
sit: in quo non, & si in alijs culpa non esset, tamen  
ex sua nequitia dedecoris suspicionem relinqueret: qui  
ex curia Curios, & Annios, ab atrijs, Sapalas, &  
Caruilios, ex equestri ordine, Pompilios, & Cneios  
sibi amicissimos compararit: qui tantum habet auda-  
cia: tantum nequitiae: tantum denique in libidine artis,  
& efficacitatis: ut parentum prope in gremijs prae-  
textatos liberos constuprarit. quid ego nunc tibi de  
Africa. quid de testum dictis scribam? nota sunt: &  
ea tu saepius legito. Sed tamen hoc mihi non prae-  
mittendum uidetur, quod primum tam egens ex eo iudi-  
cio discessit: quam quidem iudices eius ante illud iu-  
dicium fuerunt. deinde tam inuidiosus: ut aliud in  
eum iudicium quotidie flagitetur. Res se sic habet: ut  
magis timeat, etiam si quiescerit: quam ut contemnat,  
siquid commouerit. Quanto melior tibi fortuna peti-  
tionis data est: quam nuper homini nouo C. Caelio.  
ille cum duobus hominibus, ita nobilissimis petebat:  
ut tamen in ijs omnia pluris essent quam ipsa nobili-  
tas: summa ingenia, summus pudor, plurima benefi-  
cia, summa ratio, ac diligentia petendi. tamen eorum  
alterum, cum deesset alter, Caelius etiam cum multo  
esset inferior genere, superior nulla re pene, supe-  
ravit. quare si facies ea, quae tibi natura, & stu-  
dia, quibus usus es semper, largiuntur: quae tem-  
poris tui ratio desiderat: quae potes: quae debes: non  
erit difficile certamen ijs competitoribus, qui nequa-

quam  
Quis  
uelit in  
gere?  
res, &  
ne peti  
honor  
multi  
loco  
forti  
nos  
tare  
idem  
ro qu  
secuti  
amati  
fimo  
se bon  
iudi  
ab  
cert  
qua  
ad  
dedi  
cos?  
tas:  
hibi  
lab  
dim  
alte  
tate



quam sunt tam genere insignes, quam uitjs nobiles. Quis enim reperiri tam improbus ciuis potest? qui uelit uno suffragio duas in rem publicam scias disirringere? Quoniam igitur quæ subsidia nouitatis haberes, & habere posses exposui: nunc de magnitudine petitionis dicendum uidetur. Consulatum petis: quo honore nemo est, qui te non dignum arbitretur: sed multi, qui inuideant. petis enim homo ex equestri loco summum locum ciuitatis: atq; ita summum: ut forti hominẽ, diserto, innocenti, multo ille idem honos plus amplitudinis, quàm cæteris afferat. noli putare eos, qui sunt eo honore usi, non uidere, tu cum idem sis adeptus: quid dignitatis habiturus sis. eos uero qui consularibus familijs nati, locum maiorum consecuti non sunt: suspicor tibi, nisi qui admodum te amant, inuidere. etiam nouos homines prætorios existimo, nisi qui tuo beneficio iuncti sunt, nolle abs te se honore superari. iam in populo quàm multi inuidi sunt: quàm multi consuetudine horum annorum ab honoribus nouis alienati. uenire tibi in mentem certe scio, esse etiam nonnullos tibi iratos ex ijs causis, quas egisti necesse est. iam illud tute circumspecto: quod ad Cn. Pompeij gloriam augendam tanto studio te dedisti: num quos tibi putes ob eam causam esse amicos? quamobrem cum & summum locum ciuitatis petas: & uideas esse studia, quæ tibi aduersentur: adhibeas necesse est omnem rationem, & curam, & laborem, & diligentiam. Et petitio magistratuum diuisa est in duarum rationum diligentiam: quarum altera in amicorum studijs, altera in populari uoluntate ponenda est. Amicorum studia, beneficijs, &



## DE PETITIONE CONSVLATVS

officijs, & uetustate, & facilitate, ac iucunditate naturæ parta esse oportet. sed hoc nomen amicorum in petitione latius patet quàm in cætera uita. quisquis est enim, qui ostendat aliquid in te uoluntatis: qui colat: qui domum uentitet: is in amicorum numero est habendus. sed tamen, qui sunt amici ex causa honestore, cognationis, aut affinitatis, aut sodalitatis, aut alicuius necessitudinis, his, charum & iucundum esse maxime prodest. deinde ut quisq; optimus, ac maxime domesticus, ut is amet quisq; fidelissimum esse te cupiat, ualde elaborandum puto, ut tribules, ut uicini, ut clientes, ut deniq; liberti, postremo etiam seruitus. nam ferè omnis sermo ad forensem famam à domesticis emanat authoribus. deinde instituendi sunt cuiuscunq; generis amici ad speciem hominis illustris honore ac nomine: qui etiam si suffragandi studia non nauant: tamen afferunt petitori aliquid dignitatis ad iustitiam obtinendam. Magistratus, ex quibus maxime Cons. deinde Tr. Pl. ad conficiendum centurias homines excellenti gratia, qui tribuent centuriam, ut aliquod ex te beneficium, aut habent, aut ut habeant sperent, eos prorsus magnopere compara & confirma. nam per hos annos homines ambitiosi uehementer omni studio, atq; opere laborarunt, ut possent à tribulibus suis ea, quæ peteret, impetrare. hos tu homines quibuscunq; rationibus poteris, ut ex animo, atq; ut ex illa summa uoluntate tui studiosi sint, laborato. Quod si satis grati homines essent: illa omnia parata esse debebant. sicut parata esse con- cerno. nam hoc biennio quattuor sodalitates cuium ad ambitionem gratiosissimorum tibi obligasti: M. Fun-

dant  
rum in  
les rec  
quare  
bent e  
do, cin  
quam  
et st  
bus  
omni  
max  
pius  
desc  
quer  
mole  
ab ill  
sed q  
uoler  
nefi  
ma  
in)  
tur  
dea  
plur  
tis  
cu  
op  
ri  
q  
est  
pa



dani. Q. alli, Cn. Cornelij, L. Cornini: & ho-  
 rum in causis ad te deferendis quidnam eorum soda-  
 les recaperint & confirmarint, scio. nam interfui-  
 quare hoc tibi faciendum est: ut idem ab ijs quod de-  
 bent exigas, sepe commonendo, rogando, confirman-  
 do, curando ut intelligant nullum tempus aliud se un-  
 quam habituros restituendæ gratiæ. profecto homines  
 & spe reliquorum tuorum officiorum, etiam recenti-  
 bus beneficijs ad studium seruandum excitabuntur. et  
 omnino quoniam eo genere amicitiarum petitio tua  
 maxime initiata est, quod causarū defensionibus ade-  
 ptus es: fac ut plane ijs in rebus quos deuinctos tenes,  
 descriptum, ac dispositum suum cuiq; munus sit. Et  
 quemadmodum memini, q nulla in re illis unquam  
 molestus fuisti, sic cura ut intelligant omnia te, quæ  
 ab illis tibi deberi putaris, ad hoc tempus reseruasse.  
 Sed quoniam tribus rebus homines maxime ad bene-  
 uolentiam, atq; hæc suffragandi studia ducuntur: be-  
 neficio, spe, adiunctione animi, uel uoluntate: ani-  
 maduertendū est, quemadmodū cuiq; horum generi sit  
 inserviendum. Minimis beneficijs homines adducun-  
 tur, ut satis causæ putent se ad studium suffragationis  
 dedisse: ne dum ij quibus saluti fuisti: quos tu habes  
 plurimos. & intelligant, si hoc tuo tempore non sa-  
 tisfecerint, se probatos nemini unquam fore. Quod  
 cum ita sit: tamen rogandi sunt: atq; etiam in hanc  
 opinionem adducendi: ut qui nobis adhuc obligati fue-  
 rint, ijs uicissim nos obligari adhuc posse uideamur.  
 qui autem spe tenentur: quod genus hominum multo  
 est diligentius, atq; officiosius: ijs fac ut propositum, ac  
 paratum auxilium tuum esse uideatur: deniq; ut spe-



# DE PETITIONE CONSULATVS.

*Et* statorem te suorum officiorum esse intelligant diligenter: ut uidere te plane atq; animadvertere quantum ab unoquoq; proficiatur appareat. tertium illud genus est studiorum uoluntarium: quod agendis gratijs, accomodandis sermonibus ad eas rationes propter quas quisq; studiosus esse uidebitur, significanda ergo illos pari uoluntate, adducenda amicitia in spem familiaritatis, et consuetudinis confirmari oportebit. Atq; in ijs omnibus generibus iudicato et perpendito quantum quisq; possit: ut scias et quemadmodum cuiq; inseruias: et quid a quoq; expectes, et postules. Sunt enim quidam homines in suis ciuitatibus, et municipijs gratiosi: sunt diligentes, et copiosi: qui etiam si antea non studuerunt huic gratiae: tamen ex tempore elaborare eius causa, cui debent, aut uolunt, facile possunt. His hominum generibus sic inseruiendum est: ut ipsi intelligant te uidere quid a quoq; expectes: sentire quid accipias: meminisse quid acceperis. Sunt autem alij: qui aut nihil possunt: aut etiam odio sunt tribulibus suis: nec habent tantum animi, aut facultatis, ut enitentur ex tempore. hos internoscas: et uideto: ne spe in aliquo maiore posita, praesidij parum comparetur. et quanquam partis et fundatis amicitijs fretum ac munitum esse oporteret: tamen in ipsa petitione amicitiae permultae, ac perutiles comparantur. nam in caeteris molestijs, habet hoc tamen petitio commodi: ut possis honeste, quod in caetera uita non queas: quoscunq; uelis adiungere ad amicitiam: quibus cum si alio tempore agas, ut te utantur: absurde facere uideare. in petitione autem nisi id agas, et cum multis, et diligenter: nullus petitor esse uideare.



deare. Ego autem tibi hoc confirmo, esse neminem:  
nisi si aliqua necessitudine competitorum alicui tuorum  
sit adiunctus: a quo non facile si contenderis impe-  
trare possis: ut suo beneficio promereatur, se ut ames:  
Et sibi ut debeas: modo intelligant te magni aestima-  
re: ex animo agere: bene se ponere: fore ex eo non  
breuem Et suffragatoriam, sed firmam Et perpe-  
tuam amicitiam. nemo erit, mihi crede, in quo modo  
aliquid uirtutis sit: qui hoc tempus sibi oblatum ami-  
citiae tecum constituendae praetermittat: praesertim cum  
id tibi casus afferat: uti tecum petant, quorum ami-  
citia, aut contemnenda, aut fugienda sit: Et qui hoc,  
quod ego te hortor, non modo non assequi, sed ne in-  
cipere quidem possint. Nam quid incipiat Antonius  
homines adiungere, atque inuitare ad amicitiam? quos  
per se suo nomine appellare non possit? mihi quidem  
stultius nihil uidetur: quam existimare eum studio-  
sum tui: quem non noris. Eximiam quandam glo-  
riam, Et dignitatem, ac rerum gestarum magni-  
tudinem esse oportet in eo: quem homines ignoti, nul-  
lis suffragantibus meritis honore afficiant. namque ut  
homo iners, sine officio, sine ingenio, cum insania,  
nullis amicis septus, hominem plurimorum studio, atque  
omnium bona existimatione munitum, praecurrat, si-  
ne magna culpa negligentiae fieri non potest. quamo-  
breu omnes centurias multis Et uarijs amicitijs, cu-  
ra ut confirmatas habeas: Et primum id quod ante  
oculos est, Senatores, equitesque romanos, ceterorum  
hominum nouos homines Et gratiosos complectere.  
multi homines urbani Et industrii, multi libertini gra-  
tiosi. in foro namque uersantur. quos per te, quos

D



## DE PETITIONE CONSULATVS

per communes amicos poteris sumere, cura ut tui cupi-  
di sint : elaborato : appetito : allegato : summo bene-  
ficio te afficere ostendito . deinde habe oratores urbis  
totius , collegium omnium pagorum , vicinitatum . Ex  
ijs principes ad amicitiam tuam si adiunxeris : per  
eos reliquam multitudinem facile tenebis . postea to-  
tam Italiam fac ut in animo , ac memoria tibi distri-  
butam , comprehensamq; habeas : ne quod municipium ,  
coloniam , praefecturam , locum deniq; Italiae ne quem  
esse patiare : in quo non habeas firmamenti , quod  
satis esse possit . perquiras etiam & inuestiges ho-  
mines ex omni regione : eosq; cognoscas : appetas : con-  
firmes : cures ut in suis ciuitatibus tibi aliquos pe-  
tant : & tua causa , quasi candidati sint . uolent te  
amicum , si suam a te amicitiam expeti uidebunt . id  
ut intelligant , oratione , quae ad rationem pertinet ,  
consequere . homines municipales , ac rustici nomi-  
ne tantum noti in amicitia se esse arbitrentur . si  
uero etiam praesidij se aliquid sibi constituere putant :  
non amittunt occasionem promerendi . Hos caeteri , &  
maxime tui competitores , ne norunt quidem : tu &  
nostis : & facile cognoscas : sine quis amicitia esse non  
potest . neq; id tamen satis est , tam & si magnum  
est : sed ut consequatur spes utilitatis , atq; amicitiae :  
ne nomenclator solum , sed amicus etiam bonus esse  
uideare . Ita cum & hos ipsos propter suam ambi-  
tionem , qui apud tribules suos plurimum gratia pos-  
sint , studiosos in centurijs habebis : & caeteros , qui  
apud aliquam partem tribulium propter municipij ,  
aut ciuitatis , aut collegij rationem ualent , cupidos  
tui constitueris : in optima spe esse debebis . Iam equi-  
tum

tum a  
uideri  
adipi  
ad at  
cum e  
huma  
ritate  
ut n  
sed e  
mata  
frag  
mieri  
secti  
quo  
re .  
quan  
tutus  
tatur  
teri  
gay  
pla  
nin  
tur  
ma  
oste  
pla  
ha  
de  
ex  
ne  
ut



tum centuriae multo facilius mihi diligentia posse teneri  
uidentur . primum cognoscendi sunt equites : deinde  
adipiscendi . multo enim facilius illa adolescentulorum  
ad amicitiam aetas adiungitur . deinde habebis te-  
cum ex iuuentute optimum quenq; , & studiosissimum  
humanitatis . tum equester ordo sequetur illius autho-  
ritatem ordinis : si abs te adhibebitur ea diligentia :  
ut non ordinis illius auctoritatem solum uoluntate ,  
sed etiam singulorum amicitijs eas centurias confir-  
matas habeas . iam studia adolescentulorum , in suf-  
fragando , in obeundo , in nunciando , in affectando  
mirifice , & magna & honesta sunt . Et quoniam as-  
fectationis mentio facta est : id quoq; curandum est : ut  
quotidiana cuiusq; generis , & ordinis , & aetatis uti-  
re . nam ex ea ipsa copia , coniectura fieri poterit ,  
quantum sis in ipso campo uirium , ac facultatis habi-  
turus . Huius autem rei tres partes sunt : una salu-  
tatorum cum domum ueniunt : altera deductorum :  
tertia affectatorum . In salutatoribus , qui magis uul-  
gares sunt : & ad hanc consuetudinem , quae nunc est  
plures ueniunt : hoc efficiendum est : ut hoc ipsum mi-  
nimum officium eorum , tibi gratissimum esse uidea-  
tur . Qui domum tuam ueniunt , ijs significato te an-  
maduertere : & eorum amicis , qui illis renunciant ,  
ostendito : saepe ipsis dicito . sic homines saepe , cum obeunt  
plures competitores : & uident unum esse aliquem , qui  
haec officia maximo animaduertat : ei se dedunt :  
deserunt ceteros : minutatim ex communibus proprij ,  
ex fucosis firmi suffragatores euadunt . Iam illud te-  
neto diligenter : si eum , qui tibi promiserit , fucum ,  
ut dicitur , facere uelle senseris : ut te id audisse aut



# DE PETITIONE CONSVLATVS

scire dissimules: si quis tibi se purgare uolet, quod suspe-  
ctū esse arbitretur: affirmes te de illius uoluntate nun-  
quam dubitasse: nec debere dubitare. is enim qui se  
non putat satisfacere, amicus esse nullo modo potest.  
Scire autem oportet quo quisq; animo sit: ut etiam  
quantum cuiq; confidas constituere possis. Iam dedu-  
ctorum officium, quod maius est q̄ saluatorum, hoc  
gratius tibi esse significato, atq; ostendito: Et quoad eius  
fieri poterit, certis temporibus descendito. magnam  
affert opinionem, magnam dignitatem, quotidiana  
in deducendo frequentia. Tertia est ex hoc genere,  
assidua affectatorum copia. in ea quos uoluntarios  
habebis, cura ut intelligant te sibi in perpetuum sum-  
mo beneficio obligari. qui autem tibi debent, ab ijs  
plane hoc munus exige: qui per aetatem, ac negotium  
poterunt, ipsi tecum ut assidui sint. qui si sectari non  
poterunt: necessarios suos in hoc munere constituent.  
valde ego te uolo, Et ad rem pertinere arbitror,  
semper cum multitudine esse. Præterea magnam affert  
laudem, Et summam dignitatem: si iij tecum erunt,  
qui à te defensi, Et qui per te seruati, ac iudicijs li-  
berati sunt. hæc tu plane ab ijs postulato: ut quoniam  
nulla impensa, per te alij rem honestam, alij salu-  
tem, ac fortunas omnes obtinuerunt: nec aliud ul-  
lum tempus futurum sit, ubi tibi referre gratiam pos-  
sint: hoc te officio remunerent. Et quoniam in ami-  
corum studijs, hæc omnis oratio uersatur: qui locus  
in hoc genere cauendus sit prætermittendum non ui-  
detur. fraudis, atq; insidiarum, Et perfidiæ ple-  
na sunt omnia. non est huius temporis perpetua illa  
de hoc genere disputatio: quibus rebus beneuolus, Et  
simulac



simulator dijudicari possit. tantum est huius temporis  
admonere. summa tua uirtus eosdem homines, & si-  
mulare tibi esse amicos, & inuidere coget: quamo-  
brem ἐπιχρῆμαζοι illud teneto: nervos atq; artus esse  
sapientiae, non temere credere. & cum tuorum ami-  
corum studia constitueris: tum etiam obrectatorum,  
atq; aduersariorum rationes, & genera cognoscito.  
haec tria sunt: unum ex ijs, quos laesisti: alterum,  
qui sine causa non amant: tertium, qui competitorum  
ualde amici sunt. Quos laesisti cum contra eos pro ami-  
co diceres, his te purgato plane: necessitudines comme-  
morato: in spem adducito: te in eorum rebus, si se in  
amicitiam conulerint, pari studio, atq; officio futurum  
spondeto. Qui sine causa non amant, eos, aut beneficio,  
aut spe, aut significando tua erga illos studia futura  
delinies, dans operam, ut de illa animi prauitate de-  
ducas. Quorum uoluntas erit abs te, propter compe-  
titorum amicitias alienior: his quoque in serui oratione  
qua superioribus: & si probare poteris, te in eos ipsos  
competitores tuos beneuolo esse animo ostendito. Quo-  
niam de amicitijs constituendis satis dictum est: dicen-  
dum est de illa altera parte petitionis, quae in popu-  
lari ratione uersatur. Ea desiderat nomenclationem,  
blanditiam, assiduitatem, benignitatem, rumorem,  
spem in re publica. Primum id quod facis, ut homines  
noris, significat ut appereat: & auge: ut quotidie me-  
lius fiat. nihil mihi tam popolare, neque tam gratum  
uidetur. Deinde id quod natura non habes, induc in  
animum ita simulandum esse, ut natura facere uideare.  
nam comitas tibi necesse est, ea quae bona ac suauis ho-  
mine digna sit. sed opus est magnopere blanditia: que



## DE PETITIONE CONSULATVS

etiam si uitiosa est, & turpis in cætera uita: tamen in petitione necessaria. Tibi enim cum deteriore ali- quem assentando facit: improba est: cum amicio- rem: non tam uituperanda. petitori uero necessaria est: cuius & frons, & uultus, & sermo, ad eorum, quoscun- que conuenerit, sensum, & uoluntatem commutandus est. Tam assiduitatis nullum est præceptum: uerbumq; ipsum docet, quæ res sit. prodest quidem uehementer nusquam deesse. sed tamen hic fructus est assiduitatis, non solum esse Romæ, atq; in foro: sed assidue pe- tere: sæpe eosdem appellare: non committere, ut quisq; possit re dicere quod eius sit consequi possis: si abs te non sit rogatum: & ualde ac diligenter rogatum. Beni- gnitas autem late patet: & est in re familiari. quæ quanq; ad multitudinem peruenire non potest: tamen ab amicis laudatur: & multitudini grata est. est in conuiuijs: quæ facite abs te, & amicis tuis concelebran- tur: & passim, & tributim: est etiam in opera: quam peruulga, & communica. cura ut aditus ad te diurni atq; nocturni pateant, neq; foribus solum ædium tuarum, sed etiam uultu, & fronte, quæ est animi ianua. quæ si significat uoluntatem abditam esse ac reclusam: parui refert patere hostium. homines enim non modo promitti sibi, præsertim quæ a candidato petant, sed etiam large ac honorifice promitti uolunt. quare hoc quidem facile præceptum est: ut quod ac- turus sis, id significes te studiose, ac libenter esse factu- rum. illud difficilius, & magis ad tempus, q; ad natu- ram accommodatum tuam: quod facere non possis, ut id iucunde neget: quorum alterum est boni uiri: alteru boni petitoris. nam cum id petitur, quod honeste, aut

sine



sine detrimento nostro promittere non possumus: quomodo si quis roget, ut contra amicum aliquam causam recipiamus: belle negandum est: ut ostendas necessitudinem: demonstras quam moleste feras: alijs te id rebus exacturum esse persuadeas. Audiui hoc dicere quendam de quibusdam oratoribus, ad quos causam suam detulisset: gratiorem sibi fuisse orationem eius, qui negasset: quam illius, qui recepisset. sic homines fronte, & oratione magis, q̄ ipso beneficio, rēq; capiuntur. Verum hoc probabile est. illud alterū subdūrum tibi homini plane perito suadere. sed tamen tempori tuo consulam. q̄bus enim te propter aliquod officiū necessitudinis affuturū negaris: tamen ij possunt abs te placati equiq; discedere. q̄bus autē iaculo negaris, qđ te impeditū esse dixeris aut amicorū negocijs, aut grauioribus causis, aut ante susceptis: inimici discedunt: omnesq; hoc animo sunt, ut sibi te mentiri malint, quam negare, C. Cotta in ambitione artifex dicere solebat: se operam suam, quod non contra officium rogaretur, polliceri solere omnibus: impartire ijs, apud quos optima poni arbitraretur. ideoq; se negare nemini: quod saepe accideret causa, cur is, qui pollicitus esset uacius foret plusq; putaret: neq; posse domum eius compleri, qui tantummodo reciperet, quantum uideret se obire posse. casu fieri, ut agantur ea, quae non putaris: illa quae credideris in manibus esse, ut aliqua de causa non agantur. deinde esse extremum, ut irascatur is, cui mendacium dixeris. id si promittas: & incertum est, & in diem, & in paucioribus. sin. autem id neges: statim abalienant se, & inimi. antur. plures enim multo sunt qui rogant, ut uti liceat opera alterius: q̄

D iiii



# DE PETITIONE CONSVLATVS

qui utantur. quare satius est, ex ijs aliquos aliquando  
tibi in foro irasci: quàm omnes continuo domi: prefer=  
tim cum multo magis irascantur ijs, qui negent, quàm  
ijs, quem uideant ea causa impeditum, ut facere quod  
promisit cupiat, si nullo modo possit. Ac ne uidear aber=  
rassè à distributione mea: qui hæc in hac populari  
parte petitionis disputem: hoc sequor: hæc omnia non  
tam ad amicorum studia, q̃ ad popularem famam  
pertinere. Et si inest aliquod dictum ex illo genere  
benigne respondere, studiose inservire negocijs ami=  
corum, ac periculis: tamen hoc loco ea dico: quibus  
multitudinem capere possis: ut de nocte domus com=  
pleatur: ut multi spe tui præsidij teneantur: ut amicio=  
res abs te discedant quàm accesserint: ut quam pluri=  
morum aures optimo sermone compleant. Sequitur  
enim, ut de rumore dicendum sit. cui maxime serui=  
endum est. sed quæ dicta sunt omni superiori oratione:  
eadem ad celebrandum rumorem ualent: dicendi  
laus, studia publicanorum, Et equestri ordinis, ho=  
minum nobilium uoluntas, adolescentulorum frequen=  
tia, eorum qui abs te defensi sunt, assiduitas, ex muni=  
cipijs multitudo eorum, quos tua causa uenisse appareat,  
bene homines nosse, comiter appellare, assidue, ac di=  
ligenter petere, benignum, ac liberalem esse, bene lo=  
qui existimare, domus ut multa nocte compleatur, om=  
nium generum frequentia adsit, satisfiat oratione om=  
nibus, re, operaq; multis proficiat, in id quod fieri  
potest laborare, Et arte, Et diligentia, non ut ad  
populum ab ijs omnibus fama perueniat: sed ut in ijs  
studijs populus ipse uersetur. Iam urbanam illam  
multitudinem, Et eorum studia qui conciones tenent,  
quo



quæ adeptus es in Pompeio ornando, in Manlij causa recipienda, Cornelio defendendo: excitanda nobis sunt: quæ adhuc habuit nemo: quin idem splendorem omnium, uoluntatesq; haberet. Efficiendum etiam illud est, ut sciant omnes, Cn. pompeii summam erga te esse uoluntatem: & uehementer ad illius rationes te id assequi, quod petis pertinere. Postremo tota petitio curæ ut pompæ plena sit, ut illustris, ut splendida, ut popularis: ut habeat summam speciem, ac dignitatē: ut, etiam si quid possit, ne competitoribus tuis existat, aut sceleris, aut libidinis, aut largitionis accommodata, ad eorum mores, infamia. Atq; etiam in hac petitione maxime uidendum est, ut spes reip. bona de te sit, & honesta opinio. Nec tamen in petendo resp. compescenda est, neq; in Senatu, neq; in concione. sed hæc sunt tibi retinenda ut Senatus te existimet ex eo, quod ita uixeris, defensorem authoritatis suæ fore: equites Romanos, & locupletes ex uita acta te studiosum oculi ac rerum tranquillarum: multitudo, ex eo duntaxat quod oratione in concionibus, ac iudicio popularis fuisti, te a suis commodis alienum non futurum. Hæc mihi ueniebant in mentem de duabus illis commotionibus matutinis: quo tibi quotidie ad forum descendenti, meditandum esse dixeramus. nouus sum: Consulatum peto. tertium restat, Roma est: ciuitas ex nationum conuentu constituta: in qua multæ insidiæ, multa fallacia, multa in omni genere uitia uersentur: multorum arrogancia, multorum contumacia, multorum maleuolentia, multorum superbia, multorum odia ac molestia perferenda est. Video esse magni consilij, atq; artis, in tot hominum cuiusq; modi uitjs, tantisq;



# DE PETITIONE CONSVLATVS

uersantem, uitare offensionem: uitare fabulam: uitare  
 insidias: esse unum hominem accomodatum ad tan-  
 tam morum, ac sermonum, ac uoluntatum uarietatem.  
 quare etiam atq; etiā perge tenere istam uiam, quam  
 insutuiſti: excelle dicendo: hoc & tenentur Romæ homi-  
 nes: & alliciuntur: & ab impediendo, ac lædendo  
 repelluntur. & quoniam in hoc uel maximo uitiosa  
 est ciuitas: quod largitione interposita uirtutis, ac di-  
 gnitatis obliuisci solet: in hoc fac ut te bene noris: id est  
 ut intelligas eum esse te: qui iudicij ac periculi metum  
 maximum competitoribus afferre possis. fac itaq;, ut  
 se abs te custodiri, atq; obseruari sciant. cum diligen-  
 tiam tuam, tum auctoritatem uimq; dicendi, tum pro-  
 fecto equestris ordinis erga te studium pertimescant.  
 Atq; hæc ita te uolo illis proponere: ut uideare occasio-  
 nem non meditari: sed ut hoc terrore facilius hoc ip-  
 sum quod agis consequare. Et planè sic contende om-  
 nibus neruis, ac faculatibus: ut adipiscamur quod  
 petimus. video esse nulla comitia tam inquinata lar-  
 gitione: quibus non gratis aliquæ centuriæ renuncient,  
 suos sibi maxime necessarios. Quare si aduigilamus  
 pro rei dignitate: & si nostros ad summum studium  
 beneuolos excitamus: & si hominibus studiosis gratio-  
 sisq; nostri, suum cuiq; munus describimus: & si  
 competitoribus indicia proponimus: si ex equestribus  
 metum innuicimus: diuisores ratione aliqua coherce-  
 mus: perfici potest, ut largitio nulla fiat: aut nihil ua-  
 leat. Hæc sunt quæ putari, non melius scire me q̃ te:  
 sed facilius his tuis occupationibus colligere unum in  
 locum posse: & ad te perscripta mittere. quæ tamen ita  
 scripta sunt: ut non ad omnes, qui honores petant, sed



ad te proprie, & ad hanc tuam petitionem valeant.  
Tamen tu siquid mutandum esse videbitur: aut om-  
nino tollendum: aut siquid erit præteritum: uelim hoc  
mihi dicas. Volo enim hoc commentariolum petiti-  
onis, haberi omni ratione perfectum.

F I N I S .

5818028







VENETIIS IN AEDIBVS  
ALDI ET ANDREAE,  
ASVLANI SOCERI,  
MENSE AVGVSTO  
M. D. XXIII.


*abcdefghijklmnopqrstuvwxyz*  
A B C D.

*Omnes quaterniones.*




VENETIS IN AEDIBUS  
ALDII ET ANDREA  
ASVANI SOCIET  
MINI AVASTO  
M. D. XLII  
ALDII ET ANDREA  
ASVANI SOCIET  
MINI AVASTO









4



